

送陳惟定惟定有伏闕上書之意因以箴之二首
征衫結束賦歸欵出得樊籠氣便舒為福定知因失馬浩
歌元不歎無魚江湖是處堪垂釣虎豹當閑莫上書食肉
宜憂我何預問津恐復過長沮

傾蓋相逢二紀前六回相見兩華顛詩成神鬼皆遭役命
薄文章不直錢此事如斯君可去西齋重到我凄然他年
卜築如相覓更約西山暮雨邊

寄蕭彥毓

蕭郎門巷近何如想見青、長碧梧樓外青山無恙否琴
中流水有知無他年歸橐惟詩卷別後春風負酒爐望斷
碧雲無過鴈夕陽孤鳥沒年平蕪

張漕仲隆快目樓

天上張公百尺樓，眼高四海氣橫秋。
祇愁笑語驚閭闔，不
管欄干犯斗牛。
遠水拍天迷釣艇，
秋風萬里入貂裘。
面前
不著淮山礙，望到中原天盡頭。

寄韓平叔二首

相從車轍半江西，同歷悲歡共險夷。
孺子亭前春繫馬，庾
公樓下夜聞雞。
放懷呼酒長歌日，促膝挑燈細語時。
暗憶
淒涼多少事，此情不語有誰知。

淡煙秋水白漫漫，夜別江亭釵氣寒。
千里思君愁月色，有
時無語倚欄干。
倡酬詩卷應無恙，耐久交情過後看。
他日
歸舟無俗客，撐篷容我話辛酸。

臨川報恩寺與涂子載陳惟定分韻得丹字

杏花枝上雨初乾，梵宇苔深碧瓦寒。
三客燈前共湖海，五

言裏詩定金蘭殘年短髮因愁白多病衰顏借酒丹後夜
相思月千里不堪獨自倚欄干

騮馬行

憶昔初見騮馬歸主人愛馬過愛見丁寧圍人謹相視一
夜十起芻秣之長年煮料雜以豆按時飼馬欲馬肥爬梳
剔扶去疥癢裂鼻灌藥煩獸醫膠成十個料花出如以膏
沐膏其皮青絲絡頭鞍鞵好鍍金作鞞光陸離主人愛馬
馬恋豆牽來願主時騎嘶口才三齒力方壯未老保生常
乘騎淮南忽然有馬至骨駱比此尤雄奇弱黃鐵脊豹其
脚雲鬃霧鬣風披刺頭齒鄰過若電脫兔奔鹿何由追
主人意却在新馬衆口共譽無一違停燈在廐潔水草恰
似騮馬初來時騮馬在傍意恹淡雖未見斥頭已垂嗚呼

駟馬勿用悲自古世事皆如斯幽王昔日娶申后既得褒
如后寵率衰楚王宮中棄前魚紅袖嗚咽流涕漢人心改
變在頃刻嗚呼駟馬勿用悲嗚呼駟馬勿用悲淮南無日
無馬來音

寄朱濟仲

家在三千里人來天盡頭角聲連夜月草色帶邊秋妻子
仍多病音書寄缺郵歸心與寒雁先已過瓜洲

江湖小集卷五十

宋陳起編

黃文雷看雲小集

詩以唐馮為工清麗婉約自有佳處或者乃病格力之浸
卑南塘先生謂宜稍抑所長而兼進其短斯殆名言若僕
者江西人才分既以禍迫生世不諧思致窘苦雖知其然
而未之能變也芸居見索劄篋出之料簡僅止此自昭君
曲而上蓋嘗經先生印正云

讀史感興

人為五行精二氣相循環陽明發天秀隱約起龍蟠如何
椒蘭芳苦厄蕭艾繁良玉必火浴利刃因崖利大鈞雖無
垠嶽降亦甚難

空山有大木琅玕葉敷腴未至更推落豈復潤朽株東西
四百載天明拱黃圖哀、李杜死諸賢亦淪胥庸蜀反初
燃大厦終難扶長懷這爽鳩誰復來此居

典午固薄德南風扇群污痴兒各翻覆血刃起相屠老稚
作人語海上生羊魚山東二百州白日棲群胡更嬾年代
足文皇受乾符秦少否則長豈亦天意歎
斷鰲几何年八極儼不動當是有樞紐鉄網落織空偷見
睨斗柄赤手掣天棟愁殺地上人覆壓萬古痛書生見事
淺十筭九不中豈徒書生罪要與六籍共

子胡訛神仙仙人輕薄俗軒冕既非榮刀鋸况多辱惟能
小萬物是起五欲栖瓊得輕安錢玉記華馥一詠太始音
灵芝悟前夙小謫未可遺裁書繫鶴足

仙栖園多名世但知蓬萊九州復九州廣大莫可該
駟牧鶴童巧笑如嬰孩授我紫玄章歸路玉笛哀蒼寒不可
覓但有清風來偈仄寧久居浮生多塵埃

和陶

志士方進身恨不以羽飛束縛歸山岡竟為人所悲白楊
夜蕭瑟顧此何足依百歲會有盡智愚同所歸奈此後之
人未老形已衰有酒不暇飲而恐心事違

林表有宿靄谷鳥相秋喧聽此心煩勞啓憲西南偏天氣
總未佳白雲生隴山欲訪雲間人雨至或未還撥灰書且
住首肯心中言

黃河一再清似是上古時風雅久已降後來無文辭清風
日淪落世道皆如茲工華不工寔此語我所疑文章有心

印昔人端不欺但恨智者少吾亦少卑之

上有碧松林下有白石道中有學仙人自號古松老蛻身
千歲餘坐息如木槁面目劇嚴冷但道空虛好袖出天甲
書意色輕鴻寶此老誠可人吾欲從師表

牧牛上陽陂角掛上下經吳童歌且謠旨趣皆混成東西
兩山間飽見日月更歸來松陰涼夕陽滿前庭黃葉從風
翻蕭颯草際鳴再拜謝天公賦此小人情

長歌行

君不見遊塵着空生九州人其中間懸而眸楊花化萍無
根蒂風消水長東西流江南下濕人易老過盡歲年還草
草長流留白日照人間榆柳浮生轉枯槁毳紋帶遠千花
黃青娥攢眉、細長莫言一尊千萬壽乃翁身命屬渠手
長安城中鬼笑人水底紙錢能不朽今人不見古人心古

人不見今人事天上若無長生人即是古人都盡死金鳧
銀鴈滿江湖神光夜、開黃壚年經月緯三百卷平生欲
作何人書古人去、留不得我些古人三太息今人莫說
山石牢更後十年人不識

觀化

屋角有蜘蛛結網大如箕有來者蜻蜒飛、墮其圍嗟汝
水之生爬沙自足嬉忽我凌空遊蜂躉避踞馳一朝嬰禍
羅羽翼安所施蜘蛛雖未出狼狽已可期我欲救起汝正
坐手足疲噫吁噫悲弗悲蜘蛛亦有黃雀隨百虫相殘人
不管人兮食人天豈知

歲晚歸自臨川

半世生群盜窟年見亂離出門偏念毋挾策斫干誰雪重

人踪絕山寒火氣低平時來往地滿目盡憂疑

無恙

北去初無恙傳疑路不通
戈鋌亭障密榜牘訓辭工
落日鳥飛急空山花自紅
君為能詛盜桑已斗星中

題醉僧圖

僧之飲酒地獄咫尺此僧飲酒天龍辟易僧之飲酒背面
抵諱此僧飲酒口角齟齬披毛帶角即不理倒堦臥踞而
已矣一生般若几杯湯箇是逃禪真法子不憂兜率不着
渠只憂兜率無酒沽臨行自謗不差耻至今留與人畫圖
得龍眠画形兼画意君看阿堵中如元不死是卧是死
誰得知手中尚記携鷓夷翻河倒海不救渴安得餘瀝流
於斯我觀此僧面孔真滑稽醉中定解草聖并賦詩當其

幕天席地時惜無人以筆墨隨紛：散聖今何為賴有一
醉留其奇君不見夜雨閉門難學柳下惠又不見背水置
陣古來惟有韓將軍

南紀

南紀需王澤涵濡已百年故應逢小劫何得怨蒼天舊觀
寧無日浮生自可憐永懷千古事感慨淚漣漣

南豐道中

此縣間天下披圖且萬家螭頭餘佛屋鹿角臥江沙好與
蘇凋瘵誰令息嘆嗟春風多少意殘竹映松花

此亦勸農者畬田半入雲龍蛇因尔雜玉石故難分天地
其如教江山未返魂茅茨僂行李何自戒重門

此路通南國于今人少行遺民依廟住曠野用鋤耕古木

刀痕熟空山鬼火驚
猶聞宿師處倉猝
招兵
想見承平日茲為富庶
鄉門度存位置
井田隔垣墻草市
宜區種空村又夕陽
誰歎真致此盜賊已天亡
天村三伯輩同此就天誅
銳欲取禾耳那知暴骨乎雲疑
鵝鶴陣風想虎狼都掩路
行春令毋令長媚狐

晚行

一水來不極兩山青
欲連夜雨瀑初漲
曉雲路雜綠此寧
有人跡四顧風竹喧
渡橋復何歸倚崖桃初然

晚立

獨遊得荒蹊晚意與心會
水聲遠纔聞山色靜可對鳥語
林塘邊犬吠籬落外柴門未
酒閑月在東峰背

古石
長沙郡齋

巖巖認前石參差類虎螭秋晴蘚可剝歲晏竹相宜要自
山川出那知陵谷移摩挲群玉瘦風助馬王悲

石頭懷古

長江日浩、跋予望淮南禹畫足廣輪王氣分散函朝市
一以建蟠踞誠匪慚中躔胡塵悲六龍此停驂衣冠幸有
地喙息賴未殲豈惟時賢力要是天險參顏間京洛墟不
救狐兔饑厭道故有通往悔寧非貪前登石頭路得共北
家譚新秋帶歸鴻落日隨征帆弔古意未厭鼓鐘已酣、

金陵卽事

東庵遺像宿塵埃追想雞聲午夢回只與鍾山增九鼎當
時何似早歸來

千年陳迹故難尋向北山根識定林丘壑獨來差可意斷

無人影古松陰

唐晉諸人骨已磨龍蟠虎踞自山河可憐不共羊曇見奈此秦淮落照何

王謝風流自一時長千古巷記烏衣尋常百姓几番換那有當年燕子飛

西域圖

大哉天地間品類不可齊誰為好事人貌此縣度西松花
瑣碎沙草肥是間可牧羊千蹄可憐羣鹿正走險或尔剥
割水其皮啜湏樹樺尚有理穴顛插齒吁何為吾聞中原
全盛時重譯解辦朝京師懷方象胥飭乃事幻人詭伎何
能竒煌煌烈祖鑿古作玉斧画地分華夷羗渾何者宅榮
洛蠕蠕異類方紛披或為盤瓠孫或為天狼妻冠帶之國

畫狐兔玉門万里那得知
還君此画双涕洟願賦周官王
會詩

二橋圖

翔龍下卷江東土孫郎初得橋家女
橋家本自重曹瞞隻鷄斗酒空酸楚
衿情正用留阿瑜尚得人前稱肺腑
百年王氣竟銷沉妙寫丹嬌欲語香
閨榻管寄何書並蒂芙蓉按花譜那
知不是未嫁時本末無從勘彤史詞
人多事管閑愁銅雀紛紛底歌舞儘
強被髮尚黃攄只與東阿傳洛浦

昭君行

自石季倫始賦昭君曲以後作者浸多
不容措手每恨沿襲之悞作漢初和親
意著詠非也又按竟

元寧年呼韓邪既壻漢氏其年五月宮車晏駕矣
因併捨之不惟祛詞人之失亦以解昭君於地下

云

君不見未央前殿羅九賓漢皇南面呼韓臣無人作歌繼
大雅至今遺恨悲昭君丙殿春閑關馮傅掖庭新花隔煙
霧粟姚枉奪燕支山玉顏竟上羶車去人生流落那得知
不應畫史嫌蛾眉癡心只恐琵琶語歸夢空隨鴻雁飛穹
廬隨分薄梳洗世間禍福還相倚上流厭人能几時後來
驚啄皇孫死野狐落中高臺傾宮人斜邊曲時平千秋萬
歲總如此誰似青塚年々青

次黃存之東臯韻

執木東臯下新榮冒水涯錦机分箔鬧青子亞枝斜犢角

初生笋龍鬚正引瓜汲清双玉井留客品嘗茶
抱膝東臯下春風又草廬海仙將可見溪友未宜踈楷著
祈年疏開箋種樹書西山頰煙雨容易長嘉蔬
負耒東臯下溝塍稻秫分汗耶爭一溉量笠事重耘幽雅
春祢壽秦謳歲勞動無功虛作傳農績未如君
扶冊東臯下從人笑未玄傳真秩馬帖參透牧牛篇列岫
窻前月平湖塢外煙似蒙稽古力鍾鼎豈其然

冬郊

冬郊見初晴空林夕陽軟歸牛無人驅欲涉行轉緩新藁
明屋山失喜鵲爭喚絕勝門外人流冗及歲乱楚語歲宴
為亂

送故

履霜著餘悲送故或古風幸會草木長土脉驗隱隆共推
青鳥仙倘亦知吾窮落日起秀色軍峯在雲中

上天池寺

蟠際均衡嶽千峯獨出群鯤鵬從水擊翼軫驗天文曠野
風行雨曾霄日貫雲僧言興廢事因念佛王勳

始從平地望宛在九霄中不意身能到平生心併空江淮
通好雨日月會剛風三伏涼如水蟠拏想白龍今古無窮
今古無窮恨山林只自豪雲行地欲盡風立天相高灵草
如堪餌浮生計可逃人間何擾：萬里一秋毫

往年因讀岳王傳嘗為之賦今過東林睹其遺像感
而申頌之

將軍英爽冠人豪眼底山河累寶刀青女護香天亦悞黑

龍飲涓數何逃當時僧說松楸犯今日人推閔閔高珍重
王孫方鼎貴莫將歌舞替征袍

欲壞長城豈自由江人重唱白符鳩熏天富貴還須盡從
古忠良類若仇獄吏但書牘背相公終歿割鴻溝書生志
念閑無用長想朱雲地不遊

近報

八春風雨惡情懷談柄誰資近報來比歲時間通國信新
年又說建行臺雜言鐵冶飛灰燼易見銅駝出草萊羗莞
夜吹梅落盡倚牆繚亂野花開

青、塞草始知春又見平林寒顛顛地起天津流枉矢烏
飛淮甸覆行塵漆城按堵寧辭蔭石馬窟溝會有神千古
睢陽無處覓不知臧質是何人

玉壺即事

雨過條風着柳芽
淡黃淺綠嫩如花
陂湖漾漾初侵路
蜂燕紛紛各理家
帶郭園林仙苑近
送春船舫繡簾遮
芸窗倦倚何山翠
暖靄輕籠日脚斜

自廣

今古紛紛孰控搏
太平方寸豁憂端
後千年去人何似
外九州來天自寬
風雨南山飛霹靂
江湖北斗掛欄干
安知元命真消息
滄海神龍自屈蟠

次陳劉父見簡韻

我居深山中細哦
求友篇解后潮海
濱得此壁一聯山
立古先民期君能
拍肩茲宇宙心楚
東南賢讀書知姓
名心死非貌教昭
回不在小中天揭
西柄空山

三木榻綠滿風雨徑歲寒毋忘我細意匡山詠
叨：莘野春我友二三子歸山睡初足澗壑秋風起一瓣
無盡香黃雲繞書几別吟極雋永形魂清九耳

挽程孺人


汪起
替內

有煒遵彤管無嫌各紫樞清心能敏悟雅性謝驕舒奉誥
期寫彩傳綬鳩鳳雛妙年仙格迅琬琰不勝書

國家圖書館 NATIONAL CENTRAL LIBRARY, TAIWAN, R.O.C



江湖小集



NATIONAL CENTRAL LIBRARY, TAIWAN, R.O.C.



卷五十一
之六十四

江湖小集卷五十一

姚鏞雪蓬稿

予自壯喜學文而苦於拙澀雖才氣有定稟亦根本薄弱
枝葉踈既謫衡杜門者各之外稍盡力於聖經賢傳若有
所覺取舊藁讀之大有愧焉將昇烈炬有類雞肋者因為
一編以識予愧他日苟能勉進於道斯亦不足觀也已端
平二年歲乙未

春日書懷

柔風散原野百草搖春心叢薄曜陽彩嚶鳴調好音節物
一以變萬感集素襟玄髮不常居華景無停陰胡為苦貧
賤征塵翳瑤簪萱葉覆堂階荆花感晴林明當理星駕歸

息清溪潯

雜詩

北風日以勁，古道無人行。
陽坡樹已黃，陰崖草猶青。
四時相代謝，誰為此枯榮。
攬衣坐幽磴，下有流泉聲。
聽之不成調，挹之有餘清。
悠悠京洛塵，污人頭上纓。

春館

山館四無隣，東風伴幽寂。
瓶花羞晚紅，庭草銜春碧。
猿攀松樹枝，鶴踏蒼苔色。
麾之不肯去，聽讀麻衣易。

見趙章泉

東芳獨向章泉老，四海兒童以字傳。
特詔難更高士服，好詩多入賈人船。
行窩冷落熙寧後，放鶴風流景祐前。
一代典刑能幾見，願從几杖閱耆年。

見袁蒙齋

書說曾傳到剡中，不圖今見古人風。
閒生伊洛二三子，安得龔黃十數公。
仁性未嘗離日用，道心元自與人同。
絮齋衣鉢慈湖學，願發精微一啓蒙。

懷雲泉頤山老

枯吟世慮輕求道，不求名病起春風。
過閑居野草生，游山尋舊履。
煮藥試新鑄，別久空相憶。
踈鍾隔水鳴。

寄徑山敬溪翁

心遠人間世，燈傳國一禪。
靜中無劇暑，詩外總閑年。
掛錫雲生樹，烹茶月落泉。
幾時歸去得，再為約剡溪船。

拜先君墓

次第瞻山看水流，夜臺中閱憶三秋。
新松成行如人長老。

鶴無言似我愁僧奉晨昏惟茗供免悲霜露只蘋羞結廬
終歲閑心事情悵鍾聲出暝樓

送暉冲晦歸天竺

西湖山下多奇石歸去今遊乳竇峰遙想石臺登講罷野
猿歸洞鶴歸松

寓雲川

王戴溪頭小隱仙漁翁引上雲溪船幾回倦釣思歸去又
為蘋花住一年

春夜曲

金魚鏤合蘭釭小酒不支愁尋睡早梨花欲墜風更寒燕
子不歸春自老流蘇護帳香雲結三十六簧清吹咽絃書
欲寄湘水深城烏啼落花西月

夜發漁浦

為親送薄宦不復計脩程
斷浦迎潮別孤帆帶月行
秋來江柳變夜久水煙生
前路猶淹泊淒其賦遠征

桐廬道中

兩岸山如簇中流鑲翠微
風颿逆水上江鶴背人飛
野廟青楓樹人家白板扉
嚴陵臺下過不敢浣塵衣

頭陀庵

衣緇髮可梳雲外卓菴居
佛換新花供幡拈古偈書
刪松容徑竹種茗間園蔬
為應諸方供山房盡日虛

出山

雲陰漠漠雨瀟瀟坐兀歸
與楚興遙石礪水流苔路滑
竹籬秋去菊花焦誰將束蘊
求山火自立寒谿問板橋
官事

奔奔何日了倚松臨水羨漁樵

題畫壁

兩山灌木帶晴鷗浪浪春流漾浦沙隔岸小舟呼不應碧
桃花外是誰家

寄范中洲

高隱就詩名中洲雅趣成几前脩竹淨屋上落泉鳴柘圃
春風織山田野火耕滿山薇蕨老客至足蔬萌

野廟

未知何王廟歲月日已非熏爐松栢煤畫壁苔蘚衣門空
牧豎戲樹老山魃依田家社酒香紙窖生光輝

懷范正夫

愁霖滴禾黍秋暮滯雲莊但慮輸井稅不憂無積倉竹鷄

啼野整飢鼠走山房不飲論文酒思君覺夜長

宿護國寺觀晦翁先生題名

滿樹椶花滿逕松解鞍纔是暝樓鍾上方月白山雲靜看
見東西南一兩峯

看了題名看跋文自憐不及晦翁門野僧惜打殘碑賣時
共山猿洗墨痕

寄冲晦

欲荅前春信西飛鴈不逢應隨丹竈鶴同看白雲松花雨
縑經石山鳴出定鍾何時尋舊住却說武夷峰

訪中洲

踏雨來敲柳下門荷春清透紫綃裙相逢未暇論奇字先
向水邊看白雲

賃宅

及春遊帝里賃宅似吾家
雨雷生新草風牀受落花
病多添老懶慮澹遠紛華
時與幽人過燒香煮茗芽

悼復石壁

一死難如蛻殺身真可愛
哀僧危能伏羲詩好更多
才鶴怨蘭亭月雲消石壁
苔舊時同社友寂寞載書來

送僧

去結茅堂雪水邊
曉行持鉢落花天
得錢未用栽松木
先買溪南舊石田

王別駕訪天竺願暉二師

寶香熏徹碧蓮臺
別駕尋僧日暮回
聽雨齋前驚樹長
谷雲池上看花開
青山久不逢坡老
玄鶴親曾識辨才
二老

風流如昨日百年詩石未蒼苔

廬陵贈異孤峰

幾度雲間望鶴飛相逢猶喜及秋期
明朝採葉青原洞好掬寒泉供祖師

寄劉敏叔

一生貧樂鬢成絲前輩風流及見之
道外無營偏愛盡靜中有趣只吟詩
雲生茅屋湖山近秋滿荒園橘柚垂
見說地幽人罕到自同妻子種江籬

自青原回訪敏叔幾不相遇

曉汲三泉洗硯回要看奇石立蒼苔
騎馱應為尋詩出放鶴還知有客來
一井清寒宜茗飲千林黃落獨梅開
他時老圃如能學只乞山中橘木栽

寄趙東野時以帥檄撫定贛叛

東野山人有晉風歸來三徑自栽松錦囊句好閑中趣
鼎丹成靜處功無事杖藜隨野鶴有時隱几看晴峰
長江近日風波惡莫向深淵下釣筒

清晨閣上鬱孤臺鼓咽誰樓角更哀病葉滿山雞獨掃
狂花一樹為誰開泉枯石井獅空吼雨暗荒池鳳不來
欲向江東問仙老海風吹浪駕舟回

送贛士謁前贛侯楊東山

凝香句滿空同石靜向東山卧白雲夫子自能明易學
衆人誰解識玄文空江短棹浮詩卷別岸飛花撲練帶
到得帶園春已過煮茶應共竹間分

題東山贈何青霞詩後

青霞道士來相見手閱東山詩一卷句裏明知山水心筆
端照見煙霞面昨宵夢上寥陽殿仙官敕作青霞傳傳成
不及卷中詩罰讀靈歌三百遍

午興

心閑日日理黃庭四體和柔勝藥靈獨步小軒無一事老
槐陰裏鶴梳翎

雜著

核齋銘

青原陳羲以核名齋敬菴姚鏞爲銘其義銘曰

是核雖微中有太極散一於萬斂萬於一元亨利貞根條
花實實中有元生生不息及觀我心有如此核廣而充之
碩果不食旦而伐之害仁曰賊敬之敬之以種厥德

存齋箴

人之一心均具此性動而為情因物而應彼枯亡者斧斤之勝而助長者握苗之病必有事焉勿忘勿正敢告心官常持以敬

冰壺說

唐梁國公作冰壺箴以厲當官者舊萬安令李東揭而名縣之西齋鏞朝夕處冰壺之下知識不在目而在心也遂為之說曰

人之一身宰之者心凡身之動皆心之形大哉此心至靈至神至明至清天地自此位日月自此明四時自此運鬼神自此靈萬物自此生一狗乎意則昏昏濁濁不能如鑑之澄天地日月鬼神皆為之不寧四時万物又烏乎有成

無怪此身為物所櫻夫惟克己復禮閑邪存誠不汨乎本
靈本神本明本清而後此身表裏自然如玉壺之冰故曰
嗜欲將至有開必先天降時雨山川出雲

修政和縣西山道院記

縣距四百步有舍人山清溪橫前怪石如龜蛇狀蟠伏湍
流中令袁君采奇之即其麓竅道院中設真武像余始至
眎其屋污敗而弗慢視其垣頽圯而弗全視其途巖險而
弗可扳窳病之他日過之污敗者飭而丹青頽圯者築而
憲楹巖險者甃而階陛異之問所為道士張思立揖于旁
曰是也邑人鄭君洽孫也思立聞長老言昔驛道徑山上
院降一等雲遊之屨滿戶外自路徙院下涉層級而上之
日以凋寂如病之不瘳已二十年邑之人未嘗過而問今

鄭君方妙年能不受其力起精神于暮月間其勇于鄉喜者乎世蓋有席厚質斬然計秋毫雖骨肉若不相識者亦有不寶金玉而寶聲色棄美利田宅如棄敝屣者語及為善望而去之若將浼焉鄭君不猶愈乎余喜道士之言旨也因志于壁善鄭以善勸來者

程太中祠堂記

顛有太中程公祠紹定六年始也寶元康定間公嘗宰屬邑之興國其政事其言行有家傳在不復論著獨取其斯道之脉者表而祠之初公倅南安瀘溪周子為理掾不為守所知公獨知其為有道者俾二子學為明道伊川先生也天之將興斯文也固必有以啟之然其道心之存目力之異加于三遷之教一等矣蓋自孟子歿邪說行志功

利者舜權謀談性命者溺佛老天理民彝晦而不明辟聖
人傳心之統絕而不續周子生于千四百年之後超然神
會而心得之原理與氣以窮造化之精微本誠與幾以明
知行之根抵衆人固不識也微太中周子之蘊孰發之微
周子二程先生之學孰傳之今而晦者明絕者續天下後
世知有堯舜禹湯文武周公孔子孟軻之道不胥而夷者
推本而論太中公有功于斯道不其盛歟學者既知敬事
周程三先生則思所以敬事太中公者宜若宗之有祖矣
贛實公舊游地而崇祀無所非所以昭有功開來學也間
嘗語之教授畢先升與邦之人士咸謂闕典乃即學宮士
先生祠崇像設位與瀘溪並俾邦之人士游于學拜于祠
趯然有動于中為人父者知所以陰師而慕道為人子者

知所以親師而學道詳味乎周程之書邈而求諸語孟六
經之教沉潛涵泳如參點之在孔門此則立祠之本意也
此又贛之人父師責也雖然豈特有望于贛之人是年
小至日郡守姚鏞

繼周廣記

繼周子庶子也紹定元年冬予官廬陵明年春予婦周氏
卒冬繼周生故名曰繼周秀穎而健踰月能笑立予膝從
予閱書人異之曰傳一經必此子是年寇起江相州縣騷
動弟鑛携繼周歸葬周氏于剡又明年予蒙恩為令迎安
輿就養繼周偕為至偕杭得驚疾死于玉山道中嗟乎吾
見汝之歸而不見汝之來也壽夭天也耶比歲老弱壯穉
死于盜賊者幾千百人世之奔走于名利旋而歿者幾千

萬人繼周生兵間甫一歲非有役于利名也以予故往來
數千里其亦幸而不死于盜賊其亦不幸而歿于旅也天
耶余年將四十而鰥不能靜退保此子以續先人之祀
誰續耶周氏誰繼耶人謂傳經者夢耶鑿丹其骨未萬安
予不忍客之也歸藏於周氏墓下其生己丑十月四日其
卒庚十一月六日其葬辛卯十二月十日予刻溪姚鏞畚
聲也銘曰天生之耶胡不予之壽天死之耶胡為予之秀
嗚呼豈其秀故弗壽

題蔡九峯洪範內篇後

易以象顯範以數推自然之理也河洛呈文至于今幾千
歲易之象雖已著而範之數無傳焉非無傳也不知而作
者晦之也九峯先生獨能闡神禹不傳之秘分一於萬該

萬於一 天地事物之變 古今興亡之幾 性命道德之蘊 皆不逃乎一九八十一之間 龍用一源顯微無間 妙乎其擬諸易也 惜也不壽而數之辭未備 豈天亦靳此書之全耶 後世有子雲必能補之 嘗觀啓蒙極筮三書 實與是篇相表裏 西山真先生表公墓 謂不愧父師之傳 諒哉 晚學小子 輒不自揆 併刊于章貢郡齋 與學者共之

題戴石屏詩卷後

詩盛於唐 極盛於開元 天寶間 昭僖以後 則氣索矣 世變使然 可與識者道也 式之詩天然不費斧鑿 處大似高三十五輩 使生遇少陵 必將有佳句法 如何之問 晚唐諸子當讓一頭

題孔明抱膝長嘯圖

俗工圖孔明抱膝長嘯者類多髯而中九雲殊不知九雲
乃征南變後之中也按孔明事昭烈相後主凡二十六年
而隕星之變乃五十四則抱膝長嘯正年二十四五時少
年英槩如此司馬德操目之伏龍鳳雛諒哉

題畫卷

蘭幽潔而孤芳木輪困而壽考此君子所以不願人知靜
養以樂天之道

上吉守范計院啓

勢難養寇甘罹專殺之辜事有從權迄被至公之貸本非
得已夫復何尤念某漫學字人粗期行志見惡如去草必
使其絕根焉治民猶牧羊豈容有敗群者矧此萬安之邑
控於諸峒之衝厥有渠魁久為巨蠹人不堪命莫保室廬

之安天誘其衷俾離巢穴之險蛇如不斷蔓恐難圖遂行
國人皆曰殺之言不暇士師則可以之問彼何人者欲有
利耶詭捷報於郵筒飛謗書於墻壁大府從而深詰微蹤
因以自明向令天地之可誣寧免春秋之責備茲蓋伏遇
心知任理治豈求名以善變而酌事物之情以能明而寬
吏民之過念某務除民害固難用法如平時知某非貪天
功斷不殲人以無罪誨之山判賜以海涵某敢不恪守官
常益明仁術大事則從其長焉有貳心為下而亂則刑更
當三訊

賀人得郡啓

天好復還帝音渙寵在外十九年矣名亦隨之惟良二千
石乎階而升也已卜中留之近毋嫌外補之迂共惟奎壁

瑞星斗牛英氣胷次有不傳之學世間無未讀之書直同
太史一編相為名世未許晚唐諸子可與言詩得失付之
晏如富貴待其自至雖然野服若無意於人間不道除書
已相尋於門外惟桐川之千里尚瓜戍之二霜上方興久
不見之思公豈待來何暮之詠須知捷徑由此假途人謂
令狐了綸坡之事業世期安石收某暨之勲名某側聽郵
傳不知屐折昔曾對月周歌招隱之詩今慶逢時請上得
賢之頌

謝荐啓

斐章冒進敢覬賞音荐墨遽騰略無難色喜斯文之有脉
信凡骨之能僂伏念某隱吏為貧嗜書成癖黃卷對聖賢
何暇語耶苦吟逢公卿皆不覺也一編持以印可八字慨

然品題學有源流漢唐人所罕到文稱雅健籍湜輩恐未
能譽其過情榮不蓋媿若蓋伏取人于言辭之末如見肺
肝遂令狂簡之徒獲與吹揚之數某敢不若金斯礪期玉
于成道之將行今幸逢于先達學而時習尚期到于古人

江湖小集卷五十二

宋 陳起 編

遇踐履至熟權衡不欺察吏於澄按之間不動聲色取人

於云云

輕輕煙霞失

蘇卷林下遊

不辨賦興漁浦問訪問

花幾許泛溪來

過湖

舟移別岸水紋開日暖風香正落梅山色濛濛橫畫軸白
鷗飛處帶詩來

和葉廣文韻

入得春來物物饒翻思湖上短長橋去年寒食閑遊處曾
把扁舟繫柳條

江湖小集卷五十二

宋 陳起 編

俞桂漁溪詩稿

雨吟

輕輕煙霧失樓臺
雨暗吳山鎖不開
試與漁翁閑訪問
落花幾許泛溪來

過湖

舟移別岸水紋開
日暖風香正落梅
山色濛濛橫畫軸
白鷗飛處帶詩來

和葉廣文韻

入得春來物物饒
翻思湖上短長橋
去年寒食閑遊處
曾把扁舟繫柳條

書齋

野草沿庭砌清閑日掩扉晚涼疎雨過落葉覺蟬稀天籟自鳴竹砧聲誰持衣僧寮不過此何必扣玄機

閱名勝詩集

買得山房數冊詩倚蓬細讀已移時只貪眼底看冰玉月上荷花更不知

書懷

僻性止耽書村中謾寓居心惟求事者省身合與名疎木葉秋風起蛩吟夜雨初吾生今晚笑不必問何如

閨怨

鳳幃曉起鬢鬆鬆枕肉初生酒暈紅一把柳絲擲在手沉吟無語對春風

沈吟一作尋思

誰憐人去鎖朱樓終日憑欄只帶愁燕子也知人薄倖飛
來略不傍簾鉤

溪流

雲腳纔行又復開一聲隱隱只空雷家僮忽報溪流漲知
是前村落雨來

初秋

火老金柔暑告殘乘涼正好望西山秋聲來處無尋覓只
在窻前竹葉間

雜興

漫山花發草萋萋楊柳飛綿水拍堤況是客懷禁不得那
堪杜宇耳邊啼

偶吟

降伏吾心法無如去外魔苦吟詩愈拙着意字猶訛荏苒
青衫舊消磨白髮多不才為世棄徒自詠卷阿

雨中遣愁

花已開時人正愁花簪頭上使人羞一春可厭無晴日下
却珠簾懶凭樓

清明

朝來閣雨喜新晴枝上鶯蠻調好聲佳節莫將虛過了人
生贏得幾清明

即事

陰雷釀雨勒花遲梅已飄殘到杏枝好是池塘清夢處勾
吟春草入新詩

松江

荷葉翻風暑氣微
看山露冷濕征衣
垂虹夜靜三高月
只照漁溪一舸歸

惜春

春事三分過二分
桃花水上覓紅雲
遊人浪說春歸去
柳外黃鸝尚自吟

次吳秋潭韻

相逢款話傍簷西
坎止流行事不齊
君到白蘋秋正好
飽吟風月棹前溪

東山

東山隨分作生涯
即是清高隱者家
粗有小園供日陟
不愁無地種梅花

夏中即事

卷五十二
重梅過了，猶慳雨。幸有南薰在，翠槐燕子，亦於貧者薄。今年全不見飛來。

延祥觀

御園猶自有，逋梅約束，遊人莫肯聞。聽得老兵談舊事，幾年不見翠華來。

虎丘

西寺今為一，因秦虎占丘。雀飛王劍化，鳥宿古墳愁。石與泉流接，池通海水浮。十奇多勝槩，不及盡追遊。

家園

眺望西山在目中，更須寬展竹籬通。殘梅尚守清廉節，不嫁東風昨夜風。

首夏

槐幄陰陰蔽綠扉池抽荷葉落薔薇梁間紫燕新雛弱來
傍簷前旋學飛

偶成

短髮蕭蕭滿鏡秋家居但覺歲時流兩年不見西湖面笑
我寒盟是白鷗

月夜

江南又見鴈初飛楓葉蕭疎旋覺稀邊塞戍夫天氣冷誰
家月夜搗征衣

裴墳

買船寄僻徑墳古最幽深山近風常冷松蟠畫亦陰來時
無速騎歸路有鳴禽寄語城居者何人肯訪尋

山中

剖竹相通澗下泉更邀山色在樽前一鈎明月軒牕上款
枕藤牀獨自眠

惠山

徑入松關古秋雲帶樹煙只疑山有雨恰是澗流泉騷客
詩留壁遊人岸繫船憑誰招陸羽瀹茗古欄邊

秋懷

喚醒歸舟是早秋水光雲影兩悠悠西風不管梧桐怨一
葉吹來一葉愁

農事

東作農家處處忙金珠非是療飢方京華只識笙歌樂豈
識男耕與女桑

甘露寺

占斷淮南勢西風入鬢毛一江流不盡多景最為高斜日
迷煙樹孤帆送客舫興懷人物少今古等秋毫

夏晨偶作

蚕事行將了農家刈麥初雨慳林少笋水溢港無魚曰病
嘗慙酒偷閒懶答書今年身愈老事事覺全疎

贈雲間陸琴士

地僻居閒絕可人殷勤過我抱桐君聲中知有遼天鶴彈
散華亭一片雲

煙霞石壁

山深入翠微寺僻掩幽扉景別金仙地人忘塵世機石滋
崖雨滴龍出洞雲飛結屋同僧處何須賦式微

久雨

踰月留京國春光揔不知可傷連夜雨好似暮秋時有客
來無酒逢人只說詩官中聞閉糴應是細民饑

次坦菴兄韻

便中蒙賜墨得句勝如書暫爾兩年別俄然春暮餘夢馳
情不閒心邇迹何疎自省吾今老湖山縛屋居

豫章滕閣

滕閣昔曾遊今無檻外樓遠山連樹合盡日對江流古石
空存記騷人易感愁夜深歌酒處燈火燦漁舟

寄書

歲月逡巡笑故吾人生南北隔江湖樓頭約取衡陽鴈寄
得一行書信無

江湖小集卷五十三

宋 陳起 編

俞桂漁溪詩稿

冷泉亭

步入侵雲嶺亭高路恰平池邊幽樹古水底細沙明無友
詩難詠逢僧話轉清此中真勝地林寂鳥無聲

夏晝

輕搖羽扇着輕紗閣汲清泉自煮茶綠是夏來無甚雨小
池猶未有荷花

楓橋寺

湖水相連月照天鴈聲嘹唳攪人眠昔年曾到楓橋宿石
岸傍邊繫小船

鞦韆

吾今兩鬢已成絲，每每逢春獨自悲。
最恨鞦韆無力上，風流不比少年時。

早春

客裏匆匆二月春，梅花開後柳爭新。
西湖不待清明到，早有尋芳拾翠人。

寄懷

一番舊事總成空，莫使相思夢裏逢。
惆悵陽臺雲共雨，陽臺今隔幾千重。

夏中即事

青青梅子已添肥，犢角新抽晚筍遲。
茶罷日長消睡處，案頭一卷樂天詩。

看先叔祖青松居士倉使詩

儒冠每笑拙身謀
春日因何桂玉留
高浦未思芳草恨
西湖正為落梅愁
四靈去矣今如在
諸老蕭然事已休
衣鉢青松誰繼續
家鷄還復可搜求

軍中請衣

諸營今日請春衣
積沓如山斃捧歸
曾念雪中兵墮指
戍邊鐵甲正防圍

海棠

海棠嫋嫋弄臙脂
兩入枝頭睡正宜
最是高人有遺恨
杜陵因甚却無詩

居官

幸喜居官事不多
庭空吏散雀堪羅
近來轉覺詩朋少
誰

肯高軒為我過

心事

落落功名鬢早斑
蹉跎心事十年間
看來只合歸湖上
漁釣叢中盡日閒

垂虹

松江一景是虹橋
欲約騷人釣巨鰲
吳越封疆知幾夢
古今人物壯三高
雪天斫鱸莎煙冷
秋月漁歌劍氣豪
收拾琉璃千萬頃
盡為醞醖汲波濤

鵬八前四日

天氣晴和又作陰
老來未畏冷自難
禁餘霎待伴留痕
在殊動騷人訪戴心

湖上閒步

一番雨過一番春
芒竹閒行踏軟塵
城裏不知春色早
湖邊楊柳已撩人

新竹

傍牆穿過鄰家竹
愛護新篁數十竿
剪伐莫令僮僕輩
老夫日日要來看

松江

香飄菡萏短篷中
水色山光一樣同
行止又非人所料
今年兩度上垂虹

虎丘

突兀浮圖挿翠微
吳王事跡總成非
寺僧未晚山門閉
不放閒雲一片飛

秋詠

嗙軸捲還開行歌興盡回買花澆換葉開徑掃蒼苔中學
涼紗樣衣從薄苧裁潘郎羞鬢白多是為秋來

秋夜

秋夜多愁思虛堂風露涼觀書燈可近欲睡漏初長蛩響
頻催織螢飛爍有光雨捎牕外過散入稻花香

寄陳芸居

生長京華地衣冠東晉人書中塵不到筆下句通神江海
知名日池塘幾夢春精神長似舊芸藻愈清新

冷泉亭

欲訪飛來景湖頭賃小船白雲侵嶺下翠樹傍泉邊入寺
人須到深林影自圓山居相去近夜坐學叅禪

春晚湖上

花事已成休，都人懶出遊。
水添煙浪闊，山帶夕陽愁。
柳樹鳴黃鳥，沙堤卧白鷗。
不辭歸路遠，何必買扁舟。

春詠

盡日看詩只掩扉，出門細雨怕霑衣。
杏花已露胭脂色，燕子如何却未歸。

苔錢

庭砌方圓出化均，何須祇死論錢神。
貧家阿堵新添富，買斷西湖風月春。

買魚

蘆花荷葉晚秋天，鴈影橫斜遠水連。
頻喚買魚人不應，偷忙撐入怕官船。

即事

東君無處不繁華一雨終晴意便佳
客舍山梅開遍了從今懶買擔頭花

送春

作惡情懷是別離老夫懶作送春詩
東君歸去無蹤跡試問垂楊便可知

春歸

青青結子在梅梢方見春來夏已交
認得主人雙燕子香泥銜去理新巢

晴天氣淑濃如酒引得狂蜂路亦迷
獨立欄干凝望處賣花人在畫橋西

閨中

花飛春減燕雛飛葉葉成陰障翠圍
囊裏酒錢消鏤盡滿

船贏得載詩歸

江頭

漁浦山邊白鷺飛
西興渡口夕陽微
等閒更上層樓望
貪看江潮不肯歸

口占

園林綠暗又紅稀
蜀鳥啼山笋蕨肥
春夏一番交篆早
綿衣脫了着單衣

吟詩

漁溪僻好只吟詩
此意還須識者知
自古島郊貧徹骨
詩逢窮處始為奇

社日

今朝社日寒猶力
燕子還尋五柳家
宰肉不沾吾分薄
強

斟聲酒度年華

喜兩上別大參

爰立為霖仰望深
今朝一雨慰蒼生
經綸久在東君心
在變理還同天道亨
愛國慮勤寬玉帶
籌邊謀遠捍金城
我公勲業難摸寫
但見皇家慶太平

寓京二首

一官濩落笑如初
只合穿山去讀書
不稼不漁無活計
謾將名士玷公車

車馬滔滔厭軟紅
湖邊秋意屬西風
木犀初放荷花老
買箇船兒學釣翁

春日即事

春入侯家春事深
日長庭院又沉沉
客中不耐如絲雨
攪

起思家寸寸心

春光滿目是吳頭水碧琉璃拍岸流憶着去年桃葉渡相思無恨使人愁

丙午七夕後一日晚抵松江塔下

到得垂虹迫暮煙前村雨暗莫行船幸然得與僧人熟借得終宵客位眠

客中情況少人知正值鐘聲約束時清坐更無人共話挑燈來看菊潭詩

國家圖書館 NATIONAL CENTRAL LIBRARY, TAIWAN, R.O.C.

江湖小集卷五十四

宋 陳起 編

俞桂漁溪乙稿

江上

江頭雲閣雨柳色與春深
船發春風阻誰知客子心

居閑

富貴人所願貧賤不堪憂
自有蘭蕙清非比蕭艾羞
功名如露草飄瓦若虛舟
千載儻相遇臯夔及伊周
苟使窮未達一壑營一坵
出處謹吾節斯心已細籌

古意

無言情脉脉美人久相隔
道阻脩且長春草幾番碧
鳳釵冷鬢雲鸞鏡輕雲暮
昔為比翼鳥今作孤飛翮
愁絕寄郎

衣腰瘦裁宜窄

春日即事

羲馭舒徐日正遲
園林已覺杏花稀
半晴半雨春無準
燕怯輕寒不耐飛

即事

薄薄輕輕寒露雨
微微颯颯早秋風
小舟辦了松江去
占取三高作釣翁

賞月

天淨無一雲地淨無一塵
十六月圓滿皎皎白玉輪
古今同此月照破世間人
夜久方浴出露坐風滿襟
清影入牕戶聊足慰我心
所欠一樽酒所乏一張琴
如此好月色惜乎在海濱
癡兒官事了空自疲精神
不得賞新月酬酢相

與頻今宵詩興動狂吟漁溪民獨對猶復爾况逢親共賓
採蓮曲

畫艇將歸笑語頻鴛鴦對對起還沉妾心先自懷郎苦怕
嚼蓮心苦轉深

靈隱

回首得兩年曾入靈隱去一路看不足衣露松上露白雲
來相迎澗泉飛瀑素此景天下無遠勝廬山路

種竹

門前槐已長庭內草自生所欠園中竹多種渠幾莖此君
真可愛非獨玉猷情有時吟詠暇入園得閑行所幸荀萌
出次第陰可成成使神宇爽漸覺眼界清最是秋雨夜風
來曼玉聲

春暮寄友人

日煖梨花雪風吹楊柳綿
春踰三月半夢憶十年前
詩借鶯聲和書無鴈子
傳東君還似舊吾鬢嘆皓然

即事

吹落楊花春事了小池新綠
雨添痕育蚕時節寒猶在村
落人家半掩門

初夏

薔薇花已謝芍藥擬下坡
午陰有嘉樹景序猶清和
日得詩篇詠門無俗客過
笋胎今歲少荷葉小池多
春去餘旬日夏雲已蹇
我吾年嗟老矣身事笑蹉
跎但欲卧白石幽巖捫
青蘿已與心料理不必問
如何

次下竺僧韻

朝市軟紅塵山林氣味深
放懷隨野鶴過耳任春禽
石澗鳴泉玉松釵墜日陰
隱居無箇事存養讀書心

江上

小雨終收日漸斜
酒旗揸處兩三家
江頭粧點秋來景
半是蘆花半蓼花

秋日

芙蓉未折桂香浮
落日西風鴈過樓
一雨空階深夜滴
十分秋是十分愁

偶成

吹來一葉報秋知
玉露金風正及時
戴了涼巾披野服
桂花香裏看唐詩

秋行吟

西風緊兮葉脫枝寒露凜兮菊逸籬蘆花白兮蓼滿湄鴈
聲急兮蛩轉悲樂吾制兮殊興思况東淮兮落遠陸朝氣
肅兮夜漏遲暮雲黯兮山色衰紛紛眯目黃埃吹艱關千
里徒驅馳窮猿投林任所之膏梁諸公那得知從今休被
微官縛未若琴歌詩酒樂豈無手足懷我情當念行人多
寂寞

習氣

習氣於詩却未除儘教人笑治生踈功夫若到窮吟地雖
是居貧富不如

即事

暑赫練襟汗欲流倩誰喚得一天秋無人共訂吟邊句獨
有蟬聲叫樹頭

平湖

平湖一景堪圖畫
舟子煙波去復歸
舊日元真無覓處
西山長見鷺鷥飛

半塘

因訪雲巖過半塘
清明時候野花香
小舟趁雨衝風去
不及尋僧到上方

送人至松江

西風蕭瑟入船牕
送客離愁酒滿缸
要記此時分袂處
暮煙細雨過松江

雨後

雨後新晴日轉西
桑間猶有杜鵑啼
十分愁意無人管
紅蓼黃蘆水滿溪

紀愁

可笑無詩紀四愁強將歡伯解吾憂夜長明月紗牕冷分
得寒蛩一半秋

和樂天初夏韻

兩脚來山岫溪痕漲岸沙插旗多酒戶掛網盡漁家地出
綳兒笋園收菜子花春歸鸚鵡轉嬾風急燕飛斜盃瀉青荷
葉甌煎白玉茶孤村流水晚數點有歸鴉

述已

落落功名鬢久班重遊京國又何顏早知寸祿榮家晚悔
不當初便入山

釣臺

不愛三公漢祿榮一絲風月許多清只將節義高千古豈

釣人間利共名

七夕有懷

擘釵情緒思悠悠月
下穿針嬾傍樓非獨
雙星惜別離人
間天上一船愁

秋夜

月華如水淨無塵
千里相思總一心
絡緯籬邊嗟不徹
做成秋意十分深

廣宋雪巖韻

詩與梅花一樣清
江湖久矣熟知名
未容便理趨朝計
行見相留入幙榮
照座精神澄玉宇
當官才及壓金城
星郎況是曾知己
刮目英游藻鑑明

南谿吟上人之平江

青浦相逢恰二年，今宵再會亦前緣。
詩囊和月橫挑去，穩泛楓橋夜半船。

夏日遣懷

老大今無用，吟詩了白頭。
百年如電影，萬事付沙鷗。
性淡偏宜靜，居貧動是愁。
人情難似舊，門外水長流。

寓歸

水激長江浪，風傳遠寺鐘。
宦情秋意薄，歸興客愁濃。
捲箔迎新鴈，喧籬壓舊蛩。
何時旋故里，載酒挿芙蓉。

性拙

性拙難為巧，年來險屢經。
身閑詩謾賦，心靜夢能靈。
富貴如朝露，英雄幾曉星。
尋思世間事，日影過中庭。


秋日即事

宿有騷人興休教世俗知郊墟聊晚眺風月入秋宜
惟憑酒囊空却剩詩更長人不睡燈火可親時

論詩

大道本無體何在文字間易從先天畫詩自聖人剛
流風傳益遠後作莫可攀推敲誰氏子一言不可閑

國家圖書館 NATIONAL CENTRAL LIBRARY, TAIWAN, R.O.C.



江湖小集卷五十五

宋 陳起 編

薛嵎雲泉詩

山中吟

踈拙本天性束書歸舊林世人皆失笑泉石自知心
山柿紅猶澁池魚靜亦沉於中觀物意吾道樂彌深

題扶踈亭竹

風晴雨雪天無趣不蕭然影過鄰家月根通石下泉
長因終日看憶得故山眠物性今方會心虛節自堅

歲暮書懷

園林春又近老態更無歡添歲兒童喜照貧燈火寒
直心嗟道喪多事識才難已種梅千樹從今爛熳看

賦中上人禪坐

嗜吟忘夜凍立雪此同機
工苦精靈聚毫端造化歸
石牀
跌半結荒徑葉頻飛
客至應相訝無心聽扣扉

賦陳子在瓢飲

羨爾甘貧居陋巷遙知清德繼前脩
平時所樂從中得外
物雖微不過求自枕曲肱安澹泊
閒挑拄杖亦風流
百千年誰相望寂寞箕山一許由

舟泊曹娥祠下

身沒一朝事孝名垂至今
江空夜濤泣日落霧天陰
社祭陳簫鼓蠻歌進寶琛
予生無愧怍風浪不驚心

旅中秋夜

車馬日西東阮生途自窮
三年辭舊國今日又秋風
邊雁

淒涼過池花寂寞紅邦人慣相識漸覺語音通

送劉荆山

東書入京闕憂國最情深天意有興廢人才無古今布衣
萬言疏孤劍一生心直到道嗟難遇賈生終陸沉

中秋家人玩月

年年照離別今夕喜團圓不是人心異全勝昨夜看八荒
同皎潔列宿讓清寒自有銀河路乘槎到不難

古淡師然公遊方

野僧携錫別何處度殘春天地無窮事江湖自在身真心
齊得物道貌異於人昔日安禪地深山虎亦馴

天育道中

除將吟卷外琴與鶴相隨問寺路猶遠入山僧未知鳥靈

巢佛塔猿飲掛藤枝陵谷幾遷變道傍橫**古碑**

山中古松

曾經雷谷劈上有鷓巢腥過客誰探紙山精此托靈虬龍
雲際頂龜鳥土中苓月夜境荒寂秋聲不可聽

育王寺

寺在衆山裏白雲深更深不知行樂意何似坐禪心護塔
龍常在僧松僧獨吟渡江前賜字珍重到于今

太白山觀雪

二十里松聲千山雪未晴人當絕頂見吟到此時清大地
球琳滿空林鳥雀驚老僧觀物化無滅亦無生

天童寺

佛界似仙居樓臺出翠微浙中山水最海內衲僧歸草樹

有真意禽魚盡息機禪房無別事惟見白雲飛

送潘進士

春渚微茫碧草連千花飛盡柳飛綿孤雲野鶴生遙思明
月清風共一船破褐還尋樓隱地空囊惟乞送行篇先生
自有修真訣不倚丹砂駐少年

過村翁家

白髮茅茨下耨鉏力未衰兒孫收滯穗雞犬入寒籬俗樸
人家善山深井稅遲能言耆舊事相問坐移時

薛野鶴

瘦形如鶴頭如雪流浪江湖歲月深但是胃中有坵壑何
分城市與山林

漁父

一笠一蓑衣空江雨霏霏得魚雖假餌於世本無機晚唱
教免和閑身盡醉歸滄浪猶未足長羨白鷗飛

開爐節賦

閑身何所似丈室老維摩茅屋地爐小荒園樹葉多移牕
就梅影晒草補漁蓑似此寧辭苦邊寒尚枕戈

除夜苦雨

華髮負滄洲星霜又一周未憑終夜雨能洗隔年愁池草
起吟思樹禽栖屋頭空餘壯心在燈下看吳鉤

呈楮溪主人

一水傍通四五池竹亭茅榭亦相宜中間更着高人住不
到溪山無好詩

寄公衮舍弟

每恨世交薄相期情最深秋風一迴首明月兩關心鶴病
難為藥砂頑不化金余生百計拙耐可事清吟

己亥大旱官催秋苗甚急

立秋終一日會期到林泉已悟征苗意曾吟喜雨篇饑鋤
山草盡渴汲井泥堅聞道鄰州牧憂民夜不眠

新築湖外草閣

揮手紅塵吾老矣斷堤流水草堂新幾年荆棘無行路一
日雲山有主人未許瓦甓知姓字先從漁父問仁鄰謝他
鷗鷺煙光裏飛去飛來伴隱淪

山居簡飲水友清溪槐逕二弟

別後全無夢寄書安得頻誰憐獨往意天棄苦吟人債長
新年息負欺漸老身入林知未密猶與俗相親

送友人之括倉

石門當半道想見泊舟時
伴鶴立終日就岩題幾詩
近山秋易老問隱地偏宜
我亦江湖去心期爾得知

為張上翁賦松交

之人梅竹操抱此歲寒心
古道久不作高風獨在吟
無言欣意會肥遯愛山深
我亦蕭間者從君澗壑吟

友人入京

猿鶴亦悲鳴家山莫浪輕
千峯帶秋色一路獨吟情
野水衝潮白孤雲趁月行
遙憐歸夢斷七十二灘聲

秋試下有感

焦桐何處是知音猶向殘編惜寸陰
此日便為終隱計青山已負十年心
梅花獨對寒流潔野鳥高飛古木深
萬古

紅塵徒擾擾幾人頭上有朝簪

哭薛元善兄弟

寂寞一牕燈隨風滅又明空堂連夜雨白髮哭兒聲樹色
悲搖落交情隔死生惟應骨肉愛為鬼亦同行

送武風松僧淵中二公遊方

無累雲相似悠悠天地間新秋生遠思此去未應還撼錫
驚棲鶴聽松思故山吟詩與說法同是一機關

湖外別業四詠

歸潔庵

行藏自有意非命亦非時洗耳笑心褊折腰慚悟遲榮若
花上見寒暑鬢邊知獨立衡門下悠悠千古思

漁村晚照

舊遊憶得瀟湘路
今喜煙波似舊時
澤畔怕逢漁父問
桃源已被世人知
數家草市添新戶
一樹寒鴉傍古祠
蘭杜香深洲渚潤
小牕長日賦騷辭

苜蓿軒

取唐補闕苜蓿長闌干句

好是春風長育天
闌干低護晚牕前
園丁未必知吾事
補闕清聲四百年

蓑衣步

水浸石根冷風吹藤葉飛
菰蒲秋影裏長趨釣船歸

寄宋希仁兄弟

咫尺不相見
閉門惟苦吟
聽殘寒夜雨
灰盡壯年心
身外一負在
燈前百慮深
所欣交友義
白首亦如今

送僧自然過許峰

知心逢豈易語別喜從容因得靜中趣又尋雲外峯吟篇
題在竹拄杖曲如松後會期難定來書勿厭重

題中川張氏所居

鷗鳥往來處此翁甘隱淪地因人物著名入郡圖新夜月
情懷淡茅茨意態真高風無識拔老却採薇身

松風閣

地形連斗閣連雲松籟曾經佛祖聞永夜月明人到少海
光山色自平分

題仙巖玉桂花

生在龍居最上層重重碎玉簇孤藤靈根舊說宜丹汞仙
種元無到馬塋風過乍疑吹珮響日籠還見點酥凝三年
刻楮成何事除却天工人不能

和鴈來紅

若將羣卉分高下此種無因到畫欄
寒蝶不知紅是葉飛來猶作野花看

劉荆山漁屋

客星沈沒釣臺空千載風流獨此翁
萬頃波心歌杜若九霄雲外見冥鴻
已將名字編漁戶只有琴書在室中
楊柳煙深杖藜出滿頭衰白任春風

歸雲壁上人遊方歸

亦是無心出不如歸意閑一身隨鐵錫
十載住金山定石沾花雨清齋帶病顏
常云迷覺路只在片言間

友人以修鍊遊方或傳其以此死者為賦是詩

鶴骨難污世上塵西風惆悵瘞湖雲
莫悲生死今朝隔須

信仙凡此路分丹灶空遺鷄犬恨青山誰吊鹿麋羣蓬萊
今古知何在秋草惟添處處坟

李氏愛山樓

境自吾心會於焉識所存鳥聲喧後寂樹色郭中村靜壽
備仁理乾坤悟易門白雲同此意相對亦無言

黃蜀葵

嬌黃無力趁芳菲待得秋風落葉飛空有丹心能就日年
年憔悴對斜暉

贈漁者

幾度看山愧白鷗身名心事兩悠悠何如醉醒寒江上風
捲蘆花雪滿頭

真隱寺呈延上人

塔光圓照室香炷讀經晨林下有清福塵中無悟人岩陰
常候兩松色不知春青草何年墓標題界碣新

茅屋

茅舍竹椽短不勞朱堊施高無神鬼瞰貧與子孫宜近古
意全樸當風勢亦危梅花有幽致一樹隔疎籬

胡賢良進史

白首哀遺傳難甘悶一坵表成趨闕拜路左別家愁文字
歸中秘科名異雜流當年韓吏部何自抱深憂

秋夜宋希仁同吟松風閣有感

相逢長日坐如癡瘦得吟肩聳過顛天意復生郊島在人
心自逐古今移高秋月色行松頂半夜山中讀楚辭此道
若無千載後塵昏何處照妍媸

寄羅浮楊天經居士

羅浮峯對海壇峯只隔長江半里風君向西方了生死我
於易象悟窮通數聲清梵空林下一幅漁罾落照中各各
閉門無俯仰不相同處偶相同

冬日雜言五首

茅簷日出勝重裘飽飯看山倦即休識得个中真氣味自
然無夢到封侯

古藤荒草亂成堆自課園丁日日來只有梅花耐清苦霜
風枝上犯寒開

竹爐槁葉坐燒殘冷屋荒村夜更寒凍得形模龜樣縮誰
知方寸似天寬

鶴淚柴門月過墻梅花如雪滿林香風光直許閒人占不

耐閒人夜亦忙

布被烘來煖似湯
蒙頭高卧未昏黃
道人不是貪鼾睡
省事門中第一方

鴈山紀遊七首

壽昌寺

野服掛僧單
禪扉月未闌
柱香清近佛
秋色老依山
目盡遙峯出
步回流水間
相傳登蕩路
數處可躋攀

能仁寺

過盡盤山險
登臨意忽平
殿燈搖佛影
瀑布雜鐘聲
湫闊龍居頂
路迴峯換名
曉行林日薄
海氣接雲生

大龍湫

深冬雷未蟄
雨雹半空飛
久立怪生眼
迴看日變暉
萬松

聲不出尺蠶鬣猶威僧說分流闊長年無旱饑

靈岩寺

千岩峻骨露隨怪各生形目力到天盡心旌倚佛寧夜鐘
傳谷香石氣逼燈青崖腹獼猴住多年性亦靈

淨明寺

入寺嫌僧俗獨行松逕幽夜扉崖室寂齋磬鐵盃秋谷棧
雲迷級石溪雙霜迸流維摩不語坐何日病能瘳

靈峯寺

神功開地秘怪石盡為峯佛界虛空造龍居十二重睛瞳
隨境役蟾兔及秋逢却憶謝靈運嶺頭迷去蹤

寶冠靈雲二寺

夜鐘寥閱遠相聞古佛青山自結鄰片石挂空平可渡兩

峯侵漢立如人雲歸蕩頂無多路僧住岩根老此身為憶
龍湫重迴首來看瀑布獨逡巡

劉荆山謁賈秋壑

鬢絲千縷去衝寒酒放詩豪強自寬天下英雄從古少人
生遇今至今難婚姻債裏拋吟屋雨雪聲中起客單造物
與君強健在歸囊知有暮年歡

素上人圓鑑

何須百鍊取晶瑩大化非由巧力成所性本來無闕蝕認
形却恐未分明寒泉深夜轆轤靜素魄中天世界清到此
萬緣皆了了笑他拂拭墮纏縈

新春感懷五首

新春風物舊山川老大情懷一惘然桃樹不知秦世換落

花流水自年年

兒女添年暗自欣
不知婚嫁逼儂身
羹藜衣褐由天分
莫負當初種德人

自悔中年廢讀書
餘生祇可業樵漁
青山白屋笑歸去
徒我高眠百事疎

新種黃精助晚糧
生涯小小拙何妨
春風吹鬢不重綠
白日笑人長自忙

多置田園占好官
妻兒奴婢盡生歡
貧家有子總堪教
身後窮愁且放寬

送廉村宗人薛庭芝薛如晦還里

老我儒冠誤憐君
亦固窮山川居壤異
友愛所天同江渡
乘潮闊霜林逐曉空
永懷楸壠敬淹泊
志難通

郭外隱居

自是山林士非因失志餘
兒童知稼穡猿鶴近詩書
曙色浮滄海春風滿太虛
固窮須學力不敢廢經鋤

趙東閣倅越

百指忍貧須遠次壯心銷
盡鬢絲知身如韋素居常
泰官被聲名折得遲東檐
喜聞千里戍出山惟有十
年詩蘭亭風月應須記人
物依稀似晉時

秋日書懷

萬事榮枯一聚塵塵中誰
是獨醒人壯無學力吟將
退老入賢閔路轉貧昨夜
立秋涼到晚空齋對月靜
如賓首陽千載巖薇綠惟
有夷齊紀逸民

為歸雲師賦野航

遇坎與乘流誰能拾迹求即空皆是境大渡本無舟風浪
隨機息乾坤任泡浮可憐迷岸者漂蕩幾時休

夜坐課子姪

微風弄孤燭蒼響泣將晨欲辨男兒事當為志氣人
簞瓢非外樂常布只身貧慎勿忘科第務求榮爾親

賦王九山滄浪閣

千年孺子吟誰會此時心方寸有涇渭煙波無古今水禽
知雨候山氣愛秋深不盡凭欄意棹歌歸故林

省試舟中

闕下春光近囊金又一空霜風欺敗絮星斗隔踈篷世道
誰能挽妻孥見未同青燈對黃冊銷盡幾英雄

旅店早起

半醒夢猶在擁衾無限情
曉牕燈影淡山路雪吟清
歲暮羨歸客囊空兼去程
故書多廢理驚愧動心旌

鮑靖之左藏

一門期負荷太息此生終
世道不如古君心誰與同
官清餘索在虞返故堂空
作善寧須報悠悠付彼穹

下第

寸尋場中較尺尋榮親無路
淚盈襟一負誰過簞瓢巷
百口難寬兒女心昨夢重圓
知誤喜平生失計為工吟
近來文體尤趨薄古道何由
可語今

為槐暹弟賦亦愛

無私天地情物我豈殊形
此事閱方寸何人立戶庭
一琴調舜曲半壁寫西銘
萬慮境常適誰能羨獨醒

初夏過湖外別業

郊原新綠喜初晴一曲湖光潏灑明
幾處樓臺空鎖鑰百年人物盡丘塋
好花自分隨春去惡木寧思擇地生
獨念索居聞識寡夜牕長對讀書檠

趙東閣奏院去國

帆遠浙江風萼鱸趣一同無人持國是
舉世咎詩窮身退山林重心怡
學問充冥鴻離罾繳瞬九霄空

為迪上人賦寒倚

山僧愛脩竹種此出囂塵
霜雪不知苦歲時長自春
定回閑坐石風過動吟身
倘欲求歸止清虛即道真

劉荆山過維揚再謁賈秋壑

扉屨踐淮雪故人師帥歡燈前話
疇昔時事又艱難陪宴

平山曉尋梅古署寒却歸訪泉石珍重慰團圓

山居述懷

山瓢動瀑水一枕曲肱清未遇勤求日非沽隱逸名梅邊
月在水寒夜酒如兵悟得乘除數貧中心自平

本無師住旬陽山庵

萬松圍坐石大海浴金輪不識入城路惟修成佛身出生
來虎子持呪拱山神何必工吟苦機鋒自絕塵

冬蘭

出林詎為晚知我歲寒心不入離騷怨來親冰雪吟衆芳
歸槁壤獨幹長窮陰為有幽人致相看情倍深

閑居雜興十首

亦有入城路門前秋草長荷鋤書在手負鍾醉為鄉雲渡

溪流澁厨煙樹葉香為負從儉約猶欠半年糧
昔日黃金屋十年荆棘林浮生真亦假世事古猶今電隙
無留景雲泉屬自心紛紛蝸角裏朝暮幾升沉
鐵硯幾磨研依然螢雪邊薄才遺聖世無祿盡親年多病
惟諳藥當寒不識綿素心期淡泊水蘗誓能堅

秋虫隨響滅振羽不知疲譬彼附炎士寧思失勢時垂竿
動天象定策如商芝投分諒非淺翻然弗可追

閉戶謝流俗青山獨自看淡交從古少冷面對人難農圃
元非學神仙不在丹孤懷無別想回向此心觀
四時俱索籥一氣自廻旋誰謂春風力能專萬物權榮枯
忘晦朔霜雪抱真堅賦分有深淺殊非天道偏

已是中年後何當絕悔尤漁樵非始志燈火企前修葉落

秋容見巢傾鶴貌愁詩窮安敢避天為拙人謀
土木非吾事支東復拄西雨盈溝壑葉簷側礎沉沉護壁
時編葦登樓恐折梯若無憂挽至終歲亦安棲
近覺吟無趣杖將俗累刪鶯花老眼倦風雨半春閑野服
便粗褐柴扉掩暮山片雲尋處泊飛度竹簷間
白髮天應棄春風吹不青神仙歸恍惚書傳出靈英周粟
豈醫餓湘流難活醒迄今名字在百世仰芳馨

潘懷古參學

同吟四十過三四常恨詩銜欠一官人事中年多感慨仕
途今日更艱難爐亭圍坐推前輩夜店單牀定薄寒最喜
親庭佳闕近盡携兒女入長安

廉村族人命賦唐補闕薛公墓

一自東官吟首宿吁嗟直道竟難容精忠夙行危邦慮明
哲寧高避世蹤疎傳有心辭漢陛甘盤無夢佐商宗寥寥
千載聞風者引領猶能式墓松
何處青山無白骨先生高節死猶存古今人物一環土閩
浙詩書百世孫鄉邑有祠尊往哲樵芻知禁避荒垣斷碑
殘碣堪摩拭慙愧年年宿草著

潘南夫察院出臺鄉人榮其歸拉余迎訪因賦七言
囊封朝上暮身擠諶口何如萬目齊昔謂椒蘭試擇地今
知蕭艾適同畦波濤不動中流砥風雨難瘖晦且鷄自著
漁蓑厭趨謁晨鐘欣出郭門西

早起即事

隔水鐘聲枕上聞城中人事已紛紛開門放鶴溪邊去衝

破閣塔一片雲

電眸相士索詩

築室漁村五六年湖光山色在吟邊
道人不作閑人看浪說前程博酒錢

林景雲叅字

一門四世同堂樂門外傳呼釋褐歸
自此高車訪遊舊屏將呵從叩漁扉
三冬晴暖春寒在千里詩書野意遠
又說携琴搜逸譜休嫌古調按今徽

王九山提刑於子城西舊宅累石作小阜見示五言
因次韻奉呈

幽懷隨所寓數石幾牕前荆棘倘迷道
山林空浩然雲生寧擇地龍處即為淵
誰謂達觀士終當違市廛

郭氏抗雲樓

宴坐羣峯表太空無一塵青山獨任意白首自由身放鶴
重霄闊凭闌萬木春紛紛荆棘裏跬步亦逡巡

郭氏遺經堂

校讎存手澤肯構烟前光際此聖明代應無屋壁藏半牕
分雪影群蠹避芸香靜想超庭意居然師友傍

徐太古主清江簿

四靈詩体變江西玉筍峯青首入題舊隱乍違鷗鷺去新
篇高興簿書齊身閑自喜瓜期遠体簿還因楮價低操別
正逢寒食日洞庭春深草淒淒

漁村會諸友戲呈

磯頭濯足動滄浪獨醒何曾與世妨畫馬駸經粘屋壁未

逢漁父似瀟湘
遠山不離煙雲色
流水時聞蘭杜香
製得荷衣恐驚俗
對人稱是楚賢裝

再別徐太古主簿

粉社過從久
新知盡不如
素心非必仕
此別遂成踈
清苦辭藜藿
寒暄慎起居
川途修復阻
相憶眇愁予

悼張寺丞

五馬歸來絕送迎
全將漚泡視浮榮
宅依林麓樓臺小
門有詩書氣味清
身後只如僧
冷淡墓頭曾是手
經營夫人扶疾秋
牕下深夜看經帶
哭聲

瓢飲陳子在病後見寄次韻奉荅

聞君卧病長於悒
文會過從迹頓踈
空對秋風驚節物
無因杯酒具園蔬
柴荆晝掩聽殘雨
燈火涼生
理故書一啓

來緘拜佳什清冷如奉笑談餘

棲福絕句

不學踰垣與閉門
誅茅先卜遠人村
釣魚磯在平如席
坐對青山無一言

重遊燕鴈山分得六題

蕩頂

高平餘十里湖澗落中間
此地可耕鑿長年迷草營
一蒼猶有路四望忽無山
道者了經課慰余登陟艱

龍鼻水

怪極生真想飢凶禱請勤
半身鱗甲具一勺渺瀾分
應谷聲如鬼飛空石碍雲
精誠隨寓在亦以感通聞

天聰洞

天聽本非耳形容獨費吟豈伊穿鑿力能香探冥心混沌
開中竅空虛納衆音下臨千仞險當暑骨毛森

水簾谷

石壁斧修痕風泉斷續聞琉璃光閃日空洞濕飛雲妙出
神功造源從湫底分誰能為鉤起深處謁龍君

照胆潭

彼我俱澄澈中涵理趣深游鯨具龍体幽洞通潭心影動
猿搖樹沙明日耀金片雲若經霹靂痕鑿到于今

五老峯

岩前看不足化此石為身憶昔白頭者於中第幾人相逢
應失笑久立豈迷津勿厭薜蘿容瘖容免俗嗔

哭瓢飲陳子在

案頭螢火散惆悵夜吟魂路暗重泉迥堂空半影存命無
慕藿富書獨鬼神尊猿鶴聲聲怨愁人不可言
蟬蛻塵埃外閑身樂未涯山林天豈靳脩短數難移吟硯
誰濡墨空瓢想挂枝深衣古賢貌猶覩夢未時
每恨去城遠番番語別難論交置疏教盡醉就團圞事往
遽成感松彫不待寒尚餘親翰墨收淚再三看
寢食難忘置心懷故友情花枝對蠟寄詩遞出門迎忍聽
偏親哭相期嗣子成乘除理終定人事未容輕

月海遠上人遊方過靈隱

一點靈光在月生滄海深此中難著語何處可相尋野寺
齋無定窮冬日易陰聽松行九里却坐冷泉吟

漁村雜句十首

莫論塵土與煙霞收拾襟懷即我家絮帽蒙頭霜月下
水村深夜看梅花

非智非愚浪着鞭前程劍指事茫然臨流一洗巢由獨
立斜陽認釣舡

盡醉茅柴得自由蘆花飛雪滿人頭蓑衣碎葉重重補
聽雨吟風卒未休

青山如主復如賓相對無言意自真富貴不應忘此味
從來世上少閑人

月下門開不用敲渡頭長繫木蘭橈盤飧市遠從真率
會宿何妨屢卜宵

澤畔行行歌楚騷一襟忠憤付湘濤難教舉世無醒者
莫羨漁翁活計高

三五人家住一灣，近城無路去來難。
溪邊自結同吟友，松柏青青到歲寒。

野水微茫路欲迷，重重沙渚自高低。
鷺鷥飛過無心泊，直入殘陽樹杪棲。

猿鶴何曾肯受羈，偶來亭畔立多時。
物情未到忘機地，步步行行只自疑。

白雲相顧尚依依，十載江湖負宿知。
時事未容輕所學，山中依舊只吟詩。

普覺院登上人房老梅擅名滋，
久昔四靈與其先師道公方公遊賦詠盈紙。
距今三世矣，余每至其所輒徘徊不忍去。
登亦對坐不倦，有前輩之風。槐迺弟拉同遊者賦詩因用其韻，俾登藏之，庶不愧昔日爾。

年年心與雪霜期一點寒生古樹枝昨夜故人相問訊隔
牕無月坐移時

四靈歿後誰知己惟有清香滿舊枝頭白山僧猶愛客為
曾親見老師時

感興

箬瓢吾道在此樂語人難遺却形骸累始知天地寬遠山
不辨樹高屋易生寒教夜雪風急編蘆壁未完

新年換桃符

桃符頻換句難新休對春風訴舊貧近日兒童談道學幾
時徵詔及閑人山田收薄官輸在樹雪吹殘曙色真慨昔
巢由老岩穴終身擊壤作堯民

漁村雜詩十首再和前韻

晴空萬里散餘霞一葉漁舟穩似家學道未能全寡欲水
邊隙地亦栽花

蘭菊分畦筍作鞭南山相對意悠然城中有路何曾入只
許蒼頭趁釣船

此身閑却有來由白髮中年已上頭莫道無官無可弃從
今放下一齊休

獨作漁樵最上賓土風淳朴物情真鮑家兄弟皆和樂林

子詩豪胆壓人

林鮑皆漁村鄰舍

巡簷修竹晚風敲古寺僧歸月下梳童子閉門無一事只
須清坐過中宵

微吟朗詠足風騷切莫危言試怒濤雲本無心泉自潔不
因作意立名高

生涯小小落溪灣
妻子知時不說難
畢竟直鈎爲計拙
晚來無酒可銷寒

暝色和烟四望迷
仰眠牛背覺天低
村翁遙指笙歌處
此地魚沉鳥不栖

雉入樊籠馬受羈
低頭猶怕欠趨時
人心到此無真識
未必人疑先自疑

歲寒無物可相依
惟有梅花似故知
名世何曾在科甲
西湖處士只吟詩

春晴泛湖

平湖新漲綠沙蒲
淨涵波芳草思無際
春風情最多移舟
動山影止樂聽漁歌
得意唯鴻鵠高飛避網羅

呈井南劉主簿

處何井南居青山逸屋戶竹生從礎路泉響不驚魚有道
貌亦古談交情似踈慈親更弥壽堂上步徐徐

春半

春半數風雨水村增曉寒不辭蓑笠重自覺起居安隔霧
山疑失占晴礎未乾可憐桃與李無語受摧殘

太古元西堂過萬壽謁住山肇淮海禪師并簡

老子舊知己江湖獨尔思此行逢作者送別若為辭風雨
過春半詩書滯海涯心心倘相印亦足慰衰遲

憶汪氏山亭舊遊并簡

因山為址屋無多中有幽人衣薜蘿自擷溪毛充野腹頻
敲牛角和漁歌舟車相過情難數姓氏長留石可磨遙想
對牀風雨際一燈終夜照吟哦

古淡然老得帖往長蘆不受却歸松風舊寺次社中
韻

拄杖挑雲上半肩尋幽重到舊栖禪浮生多故成南北白
髮相驚問歲年房閉松聲難辨雨山連海脉暗通泉自從
勇却長蘆請猿鶴終宵亦穩眠

佺上人遊方

燕鴻來去盡蕭索此時心杖錫投何寺風霜別故林夜牀
煨葉火朝谷應樵音徃徃長松下看山坐獨吟

送宋飲永過四明郡齋

元戎招士重親臨喜遂書萬里心乍免客愁供帳具暫
停遊事戟門深秋空矯首瞻魁彩夜燭憑花聽鴈音從此
文名滄海闊好風三日到鷄林

憶昔曾登太白巔，閑雲留我石床眠。集詩刪失題猶記人，
事乖違歲屢遷。極羨故交游汗漫，不禁離思對婵娟。山中
乏致，兼金餽形迹相忘二十年。

松風隆首座住雲際禪院

山門開望海，鐘鼓動魚龍。人具慈悲相，秋生寂寞容。隨身
唯一鉢，留偈別雙松。後夜橋西月，支筇失所從。

入京逢故人

長負復羈旅，共稟十年歡。在世誰無累，如君事獨難。蹴居
隣火後，多病卧春殘。縱決歸山計，煙蘿不療寒。

下第歸故園

扁舟搖蕩水心村，幾度煙波入夢魂。後鶴認名聽號令，漁
樵執禮叙寒溫。浮生多事景逾促，自古求人道不尊。莫為

窮途妨曠達定應東帛賁丘園

山中

依然木石居造物任乘除時事今休問山中計不踈泉聲
增雨後禽語變春初吟得詩名世終身甘荷鋤

山居十首

深澗游羣魚高樹鳴幽禽山中白日長同此逍遙心脫羶
香可炊濁酒聊自斟過茲非所求孰為升與沉

陰壑生暮寒白雲如炊煙麋鹿不識人時復近我前青松
三四株石床在其邊意思清且閑可以終餘年

名利能移人智者為之愚歷觀古英雄鮮或全其軀幸逃
世網牽園綺真吾徒勿令千載下嘆惜斯人無

前村雨脚收斜陽掛高樹老翁牽牛歸頗亦有幽趣山風

響茅屋崖月蕙芒屨平生江湖心於此謝馳騫

龍居洞雲深飛泉瀉石壁不聞耳邊喧但覺心境寂富貴
由他人得失俱抱戚孰能全其天山中樗與櫟

午睡不覺長童子入城迴地炉散煙微煨芋已成灰獨酌
無佳賓梅花為吾開湏臾山月高傾影空徘徊

木落山轉空景駛寒亦早百草無愠客低頭就枯橋形生
復形化安用置懷抱千古邱丘分所論非壽夭

古調今誰彈自樂非外假淵明愛無絃此意知者寡放鶴
未歸來時倚長松下旁觀彼何人笑我衣裳野

老妻倦縫紉痴兒厭藜藿一負誰復言多累吾已錯山半
雲可耕山下泉可鑿軒冕亦倘來豈得長如昨

柴門長日閑不碍溪水流桃花樹難尋張望迴輕舟雖無

武陵原事與昔人侔已矣勿復言白首安吾垣

廉村薛庭芝訴貧於余余亦貧不能周之贈以是詩
兩窮相值愁無計同是閒元補闕孫百世清風於此在莫
將貧悴對人言

素上人遊方

山深不可見一錫又雲飛梵譯通方語林霜點衲衣神閑
生境寂思苦入吟微寒月空相照何人夜扣扉

送蓑衣與陳子淵漫成口號

莎草為衣葉葉新已知難上貴官身野人相贈無他意徒
使心親迹更親

自君之出矣三首

自君之出矣淚對花枝洒風牕挑夜燈心在無油瀉

自君之出矣在苒度寒燠譬彼雙鯉魚書辭長在腹
自君之出矣抱此離恨情春蚕不作絲纏綿過一生

越僧一書記索賦二絕

松風閣

何處笙簫起半空滿山斜日動蛟龍老僧無語凭欄久過
盡白雲千萬重

月泉

月色泉聲境自真有身終不惹埃塵山中受用祇如此佳
者知為澹泊人

為鄭菊山賦斗室

居然真樂地跬步亦倘佯大器何曾局修程未易量中天
應躔象吾道即宮墻萬斛泉源在非徒志祗糠

松阜弟於寶成寺祖墓之側營別業為賦得閑亭
詩取又得浮生半日閑之句

陟嶽心已清復此風雨蔽高人疏鑿餘理道頗超詣卜築
諧素志緇侶欣共濟修竹無恙巢鶴亦數世空山嵐欲滴
近水石可憇春睡朝旭升夜語狐孤燭繼高扁出林麓先
垝記苗裔嚴鐘警晨昏羣岫羅危衛身同野鹿遊跡許巢
父媿蝸角自為雄蟻磨卒斃靡懷半日美詎識終老計吾
庠並漁村興往輟鼓柝野衣栽芟荷敗屋粘薜荔川陸阻
會面歲月迅流逝茲情不可忘淡交慎勿替及時畢婚嫁
即事無芥蒂相從丘壑真永使心迹契泉石聞斯言庶以
當盟誓

項大著稅詩

恥為恩門屈寧辭御史遷力陳歸老疏自盡讀書年祕府
神遊地浮榮夢覺前世聞真不死未必屬蒼天

劉荆山歸自維揚新營漁屋退居

謾道歸來晚閑中日最長漁翁尊齒序客子效戎裝野水
涵秋霽風荷動夕陽十年畢婚嫁亦勝為人忙

定菴遠山主

脩持功行滿不墮劫中塵龍象西天邃杉松邗塔新臘高
同葦盡飲薄小師貧生滅理無二交深獨愴神

哭槐逕弟

孤僻由天性看山獨展眉豈無身後慮猶課病中詩泉石
寧非崇蒼昊不可知平生唯愛菊增我九秋悲

林氏梅岩

古意元從澹泊來，雲根香雪點硯苔。
靜觀造化春長在，不
是冰霜凍得開。半影落池涵潔白，一峰無路接塵埃。
逋仙
家古若端的，只恐清吟未易陪。

王九山挽詩

古史無完傳，清風獨可模。
從誰問出處，舉世在泥塗。
氣直於時忤，身榮與道俱。
士林為重惜，揮淚莫生芻。
修行過袖子，蔬飯幾昏晨。
自草休官疏，猶嫌在世身。
片雲先塚近，寒月萬松鄰。
為鬼還應別，平生有善因。
俗論鄙迂儒，公胡獨受欺。
焦桐方入調，夜鵲忽驚枝。
心事將誰許，身名負已知。
九原如可作，白首誓為期。

逢舊友生

交遊半零落，身在復長貧。
對語寒燈盡，相看白髮新。
兵興

無樂土市近少閑人遙憶桃源路鳥啼自春

和清溪可居壁間韻

松風相對掩重關何止浮生半日閑此是仙家真境界蓬
萊猶在有無間

日日虛廊步百迴吟邊時有可人來西湖處士詩名世老
向孤山亦為梅

林景雲令祖夫妻隨其子各居同日葬

真誥岩前舊築居夫妻變化是仙期至今耕隴桑麻地全
是似桃源晉宋時寔空同晨符吉卜親朋分夜別靈帷詩
書孫子名方盛錦誥重恩日未遲

康氏端齋

於焉能取友人已而無偏立行有如此前修宜比肩吟情

近風雅習次着林泉愧我全迂僻交遊又十年

陳子淵台州漆倅

高志愛官閑未從玉筍班離家買湖石開印對中山風月
添新句朋遊記舊顏桃花元有約猥賤未能扳

潘氏梅所

種梅營數椽四壁但蕭然清帶山林氣香來筆硯邊雲深
天向晚人立鶴趨前余亦歲寒者相從恰暮年

近買山范滂自營藏地與亡弟草塘君及外家墓堂
悉可歧望感事述情繼有是作

因緣還是范滂邊乾巽峯高四應全千古青山逢具眼數
莖秋鬢近衰年倒騎黃犢循來路貪看行罷下遠田慙愧
鄰翁為指說傳聞此地產英賢

外家後事淒涼甚老婦思親哭最哀今日青山留我在他
年寒食望甥來極知造物成吾志可但精靈慰夜臺惆悵
昔時原上路獨餘宿草見春回

草塘相望隔重雲愧我為兄蚤哭君少日對吟聽夜雨老
來無計撫孤墳泉臺冥漠惟增感人事安排已十分莫待
他年推吉應如今友愛最先聞

敢慕昔賢居曠達分甘吟骨寄山阿劉伶常備隨身鍾陶
令曾為自挽歌未必浮生於此悟算未忙處為人多北邙
原上堪回首莫枉心情用太過

十萬買山渾可事放教身死骨猶香不知筋力何年盡看
到杉松幾尺長管郭豈能謀富貴詩書元自著興亡采薇
歌在無人識千載清風獨首陽

分明來日已無幾還似叅禪未透時吟骨縱清難免死黃
精多啖亦充飢題詩遣得山精去近俗偏將古墓夷合眼
便為泉下鬼此身康濟莫宜遲

大有公卿弗似吾一枝藤上掛胡芦旋莖苔石通崖油自
祝山神係鶴鷄休羨銘旌題極品試將槐樹植三株依然
此事憑陰德從古幽明理不殊

贏得青山終老看閑身受用不須多風霜落木時將暮功
業無心鏡懶磨道士共聯石鼎句村童能和草庵歌蓋棺
一事安排了肯信光陰去似梭

山中百事且休聞也莫叅禪莫鍊神纏樹古藤無了日隨
風亂葉豈由身閑來景物吟方到靜處工夫識始真想得
大槐宮裏夢日高猶有未醒人

依然且作住菴看，茆屋三間辦不難。
戶外莫容千駟馬，客來唯置兩蒲團。
深林藏虎風長怒，短木支^門睡自安。
西北干戈猶未已，偶逢樂土度衰殘。

高新甫雲崖

步步危机死不知，白雲深處最平夷。
猿啼鶴唳非無意，終近高人便入詩。

悼薛君載

衣被唯綵褐，長閑未覺貧。
將何折君壽，不盡百年身。
竹樹多於屋，禽魚近得^人生。
無世情戀，寧復怨蒼旻。

石廳逋上人南遊并謁劉後村

所師郊與島，知己又應難。
羽檄邊烽急，風霜歲事殘。
出家忘路遠，渡海識天寬。
文暢浮屠者，當時亦慕韓。

君成弟清溪

孺子歌猶在滄浪可濯纓
流來如玉潔止處似心平
魚遊飛鳧影荷添落雨聲
詩書源更遠千古媿交情

哭中師雪崖

衆裏知心少唯師是故人
臨終書未答昨夜夢全真
鶴唳渾如哭花開不似春
近逢同住者得問病元因

霽雪亭

千樹玉成林遠香清可尋
幾疑安道在直得老逋吟
迥與春風異唯宜畫日陰
塵中無此景羨爾弃華簪

方氏墓廡扁曰白雲飛處

諸峯互隱蔽一望一增悲
觸目易成感思親無盡時
松扉陰似兩翁仲立如癡
出岫亦何意悠然自不知

漁村偶題

莫道柴門窄，斷無車馬聲。苦吟成集少，久病見人生。花落寒猶在，春陰雨未成。漁村名自我，鷗鷺勿相輕。

唐補闕清風亭

去國遺忠蓋，朝盤托諷深。因知潔已意，亦是愛君心。魄像意全古，子孫貧至今。清風如可繼，塊土已埋沉。

寄珂雪屋

積雪覆茅屋，僧居清更清。浮生千劫盡，長日一燈明。野鳥呼能下山靈，避不行。舊時江月住，時聽誦經聲。

賦山雲姪偶糶

杖犁人所賤，何苦事耕耘。生意未終息，雨聲曾厭聞。詩書長在手，畚鍤豈勞君。祇恐青雲上，能將此志分。

還甘泉沈氏詩卷

之人吾畏友相望水東西
筆下山林趣詩中五十題
讀書長閉戶自奉只羹藜
名字他年出雙松應共齊

萬象亭

年年此地駐吟鞍
十萬人家指掌寬
天上星辰依舊遠
山中松桂不知寒
月生滄海一輪靜
雲泊闌干片影殘
見說亭基從古在
擬將圖志試尋看

朱氏雲壑

舒卷悠悠付太空
居然丘壑共胸中
人生知己終難必
世上無心自不同
片石若浮龍在水
遠峯欲露樹吟風
羨君隱處有如此
想見詩成字字工

本無師與槐逕弟交遊二十年
笑古人謂百篇詩盡

和一盞酒須分余於二公亦云槐逕既歿本無編其
往來之詩號曰雲林酬唱僭述鄙句奉呈

中年為此別悲動故交情案上雲林卷山中風木聲夢回
驚復喜詩在死如生幾番西郊路逢師獨自行

宣氏梅邊

自入孤山詠梅花最識詩喜逢冷苦友共此歲寒期曙色
雪初霽暗香春未知前村風景別祇是愛茅茨

畊樂

躬畊樂道真吾事三聘看來未是榮時尚可為君更悟何
妨藜藿度殘生

王民山惠詩

民山名字出朋輩獨推先不奉寒暄問于今四十年傳來

詩似錦條去步如仙自古山林士無林貌亦賢

漁村即事

維舟古渡頭四望是汀洲水闊唯宜夏荷枯不礙秋因歸
牛背穩晚汲井雲浮獨坐愁無侶多番為月留

潘氏可軒

可人居此地稱此可軒名力學倘無倦終身集大成言辭
寓深淺權度要分明体認工夫到何妨緩作程

青藜閣為林景雲賦

九斗峯前太乙臨星辰亦鑒此時心棲高不礙光芒入坐
久忽驚風露深千古聖賢書裡見吾身學問性中尋夜牕
勤苦追先哲名字何分昔與今

追惜永嘉前政知縣趙大猷時景定改元

興言民父恩猶在何故年來盡不如清節苦於為士日歸
裝輕似到官初月明往事尋思遍燈下懷人音問踈矯首
天朝除日到放教田里得安居

高氏石雲

閩仙曾得句月下自推敲以此幽閑趣長為淡泊交水寒
梅照影霜滑鳥蹄巢余亦同懷者從君結把茅

清醒

獨懷忠憤赴湘中舉國昏昏志不同漁父笑君君亦笑煙
波相望各西東

囊螢

山中不羨青藜貴清夢何曾到石渠裁得練囊連夜喜兒
童也學褰衣裾

殘星數點照科斗
此事分明屬後生
記得年時頭未雪
夜聽不覺又三更

謝松岡姪惠詩

常布名猶盛
詩書不負人
每過臨水宅
長想釣魚身
思苦詩難和
歲寒交始真
迺翁憐病久
余病復兼貧

邵氏悅心堂

擾擾利名役
鬢鬢霜雪侵
要知克此性
即是悅吾心
有道境常裕
無營味最深
紛華安肯羨
出見更酣沈

別鶴

見說瀛洲萬里程
相思猶說下青冥
已歸天上神仙籍
不就人間飲啄腥
昨夜月明如失友
故園籠在且休扁
鄰家亦有鷄堪待
丹頂微微振薄翎

冬日野步

樹上有禽啼似春聲高聲下亦何心幽人拄杖移時立句
句詩中是苦吟

山中梅花

詩人魂在梅花上不比垂楊管別離野鶴聲聲漸遠定
應飛報月明知
已有梅花未有詩青山相對動愁眉山翁只在山中住花
落花開總不知

山中

長日山中坐白雲應笑人浮生塵未脫至老趣難真身在
影猶贅年豐家自負莫將吟事廢柳色已知春

漁父詞七首

蘭芷流來水亦香
滿汀鷗鷺動斜陽
聲欵乃間鳴棹
儂家只住岸西旁

翁媪齊眉婦亦賢
小姑^顏貌正笄年
頭髮亂髻髮偏愛把
花枝立抱前

湘妃淚染竹痕斑
風雨連朝下釣難
春浪急石碣寒
買得茅柴味亦酸

滿湖飛雪攬長空
急起呼兒上短篷
蓑笠具畫圖同鐵笛
聲長曲未終

離騷讀罷怨聲聲
曾向江邊問屈平
醒還醉醉還醒
笑指滄浪可濯纓

白髮擊鬆不記年
扁舟泊在荻花邊
天上月水中天
夜夜煙波得意眠

只有青山可卜鄰
妻兒語笑意全真
休識字莫嫌貧
方是安閑第一人

漁村遠望因思槐逕弟同遊之樂

滿山殘雪滿溪雲
唯有沙鷗獨見親
往事不堪頻入夢
吟篇無數更愁人
扁舟欲渡同誰載
破衲蒙頭近六旬
尚擬來生因可結
淒涼何處問蒼旻

閑居言懷

老子從來不為名
放教心地到和平
庭前草色知春近
牕外梅花終夜明
紙帳夢回移月影
石溪流斷失灘聲
吟邊莫問紅塵事
只住茅茨亦自清

柴門

春風隨處好吟事
又相催觸石雲飛去
呼童鶴誤來杖藜

無疾步花地有香埃不許車塵入柴門只半開

獨宿山中

澗水松風聲不斷白雲飛上屋頭栖山中昨夜孤吟客只把無眠便作題

誅茅無地結庵遲借得人家近翠微何事樹禽驚不起也應知我久忘机

漁家

生涯漁業在屋漏旋增茅莫道直鉤拙翻同稚子敲夜燈切竹火竈坐具山肴中有白頭者離騷手自抄

題山中井泉

井口依山缺更無沙礫渾相傳海眼出久視石碑存案定星辰位不多穿鑿痕羣年人盡汲汲盡復源源

鄭氏時齋

力學競分陰，俄驚歲月深。豈為科舉地，自遂讀書心。名教有餘樂，塵埃不可尋。肯同碌碌者，白首尚籛金。

松岡過許峯送葬

此行吟更苦，哭舅萬山深。處士花猶昔，何人詩在今。奉親無旅况，對佛動慈心。霜夜增寒思，半牀安紙衾。

挽陳運管安人孫氏

舅家如母在，慟哭淚沾襟。平日經聲斷，茲晨佛力深。墓庠猶手構，相則是夫箴。山上半慈竹，從知契夙心。

君譽病愈相訪

有誰憐我老，賢弟獨知心。月夜空相憶，梅花都未吟。愁因失鶴致，負為買山深。連日勤過訪，新筇得共斟。

還寓樂姪詩卷

吾詩吟未了今尔亦工吟
筆下心思苦書中理趣深
青燈宜遠到白日易西沈
多謝憐衰疾連朝獨見臨

園中

莫道趨時拙書中樂未涯
荷鋤依樹歇聯句笑人遲
仙去井猶在年荒草不衰
近來筋力減累失看花期

賈鹿岩

不是長江派因何亦好吟
從知世味淡自覺野情深
科舉無名字案頭唯古今
新銘為讀盡可惜老山林

山中遇雨

荒草泥磴滑老病厭扶持
雨逐雲先後路隨山險夷
天寒禽自浴屋漏榻頻移
吟事愁無緒梅花意亦悲

山居有感

無枝復無求山林終自由
雪飛猶欠積雲住欲相留
朋友疏因教功名喜亦憂
休休亭記在此是死前休

湖外泛雪

兩雪連朝意未休支筇難步最高樓
梅花不識東風面野水相平古渡頭
船上看山無屋礙塵中閱世似漚浮
一生窮苦緣詩僻莫把詩窮認作愁

病中感興

風霜歲又除藜杖步徐徐
兒輩憂無藥牀頭喜有書
背因曝日暖交為訴貧疎
天定由人事不如深閉序

憶嵇師與觀梅并貴行弟歿後之思

不到嵇師今幾歲
淒涼疋馬去無因
同遊人葬梅花下應

笑花開不見人

守歲五首

見輩呼盧不計錢
地爐圍坐笑聲喧
老夫自算吟邊事
裁竹移花近百篇

明日焚香九閔六旬修
未到清閑莫憐身在塵中老
雪後騎馱亦看山

鶴鷄添歲項微紅
想見瀛洲路亦通
昨夜柴門長半掩
三更敲盡叫歸籠

新歲終餘七日糧
燈前猶自笑人忙
茅簷霜下寒衣薄
燕盡蒹葭夜更長

平日過從乏貴遊
更來湖上棹扁舟
除將兒女年年拜
鄰舍相逢坐即休

山雲惠二物

梅花

贈我江南一朵春，獨清滋味自相親。
只愁月下推敲拙，難與梅花作主人。

書竹

跬步園林種亦難，渭川還有幾千竿。
山雲遺我冰綃軸，得與梅花相對看。

漁村有感


小牕長日苦吟聲，獨倚闌干看晚晴。
居士莫疑貧可弃，春風不為病相輕。
梅邊紙帳重重影，壁上離騷字字清。
鷗鷺往來情更熟，只消此地度殘生。

近世論詩有選體，有唐體。唐之晚為崑體，本朝有江西

體江西起於變崑崑不足道也而江西以力勝少涵泳之旨獨選體近古然無律詩故唐詩最著世之病唐詩者謂其短近不過景物無一言及理此大不然詩未有不托物而理未有出於物之外古人句在此而意在彼今觀三百篇大抵鳥獸草木之間不可以是譬也而人之於詩其心術之邪正志趣之高下氣習之厚薄隨其所作無不呈露如少陵之詩其得其為忠太白之詩而得為豪郊島之詩寒苦而其器必隘常白之詩蘊藉而其情必遠自然而然初非因想而生見者昔坡公謂論六家書謂小人書字雖工而其神情終有盱眙側媚之態非獨作字為然雖文皆然也故作詩貴識體尤在養性不養性則無本不識則無法永嘉自四靈為唐詩一

時水心首見賞異四人之体略同而道暉紫芝其山林
閨閣之氣各不能揜雲泉薛君仲止以詩名於時本用
唐體而物與理稱更成一家其人蕭散之際自有繩尺
始而色其貌若生久而旨其味益洽恬靖不求本於天
性未易以矯揉學者雖其詩未足以盡其人然必有是
人而後有是詩讀者當自得於言語之外云淳祐己酉
五月日東閣趙汝回序

國立中央圖書館藏



江湖小集卷五十六

宋 陳起 編

姜夔白石道人詩集

以長歌意無極好為老夫聽為韻奉別沔鄂親友

滔滔沔鄂留有覲三宿桑持鉢了白日事賤^光蝓蠅念當
去石友烟席凌江湘為君試歌商歌短意則長

佳人魯山下謂揚大日弄清漢波促絃調寶瑟哀思感人

多咬哇秦缶擊冷落郢客歌知音良不易如此粲者何

英英白龍孫鄭仁舉眉目古人氣拮据營數椽下簾草生

砌文章作逕庭功用見造次無庸垂磬嗟遺安鹿門意

詩人辛國士辛泌句法似阿駟別墅浪滄曲綠陰禽鳥呼

頗參金粟眼漸造文字無見革例學語屋壁祝蒲盧

山陰千載人揮灑照八極只今定武刻猶帶龍虎筆單侯

出機杼

單焯炳文

豈是劍舞得餘波入竹石絕歎吐吐逼

異時之罟君在涅守蒼顛黃鐘欠牛鐸淋漓弔遺稿有子

殊可人

蔡迨員吾子武

特未見此老客來請論文但道曲肱

好

中郎逝千霜曲高復誰為龐翁趣無綜鄭伯功斲鼻春風

桃花溪寒涑統蒼翠何當從兩君放浪討幽事

宦達羞故妻貧賤厭^上嫁^下雨雲迴還舍荀蕨老江臯鉏

帶經決計恨不早士無五羖皮沒世抱枯槁

伐木響虛牝我願友褐夫九閔呀虎豹何時內高祛黃鵠

眇雲樹鸚鵡澹烟蕪倚杖得清賞洗心觀本初

孤鴻度閩山風霜催翅翎影低白雲暮哀噉那忍聽士生

有如此儲粟不滿瓶著書窮愁瀕可續離騷經

過湘陰寄千巖

眇眇臨風思美人
荻花楓葉帶離聲
夜深吹笛後船去
三十六灣秋月明

鴈圖

萬里晴沙夕照西
此心唯有斷雲知
年年數盡秋風字
想見江南搖落時

赤松圖

山東隆準公未語
心已解按劍堂下
人成事汝應退非
無帶礪約政爾有
恩害平生三寸舌
松間漱寒瀨

送朝天續集歸誠齋時在金陵

翰墨場中老斲輪
真能一筆掃千軍
年年花月無閒日
處

處山川怕見君箭在的中非爾力風行水上自成文先生
只可三千首回施江東日暮雲

送王孟玉歸山陰

淮南雪落雲繞戍王郎鳴鞭獵狐兔問君本是山陰人何
不扁舟剡溪去人生樂事將無同知君此心如太空只令
去踏龍尾道也似寒江蓑笠翁鑑湖一曲荷花浦君不歸
來花有語舊宅應添竹幾竿到家不覺秋如許十年雪裏
看淮南聚米能作淮南山籌邊妙處湏急吐政自不容脩
竹間人道長江無六月日先正射青蘆葉何以君濯炎熱
雪即是詩詩是雪

除夕自石湖歸苕溪

此詩錄寄誠齋得報云所寄十
詩有裁雲縫霧之妙思
蘇金夏

細草穿沙雪半銷
吳宮烟冷水迢迢
梅花竹裏無人見
一夜吹香過石橋

美人臺上昔歡娛
今日空臺望五湖
殘雪未融青草死
苦無麋鹿過姑蘇

黃帽傳呼睡不成
投篙細細激流水
分明舊泊江南岸
舟尾春風颭客燈

千門列炬散林鴉
兒女相思未到家
應是不眠非守歲小
牕春意入燈花

三生定是陸天隨
只向吳松作客歸
已拚新年舟上過
倩人和雪洗征衣

沙尾風回一棹寒
椒花今夕不登盤
百年草草都如此
自琢春詞剪燭看

笠澤茫茫雁影微
玉峯重疊護雲衣
長橋寂
春寒夜只
有詩人一舸歸

桑間篝火却疑蠶
風土相傳我未諳
但得明年少行役
只裁白紵作春衫

少小知名翰墨場
十年心事只淒涼
舊時曾作梅花賦
研墨於今亦有香

環玦隨波冷未銷
古苔留雪卧牆腰
誰家玉笛吹春怨
看見鵝黃上柳條

悼石湖三首

身退詩仍健
官高病已侵
江山平日眼
暮鳥暮年心
九轉終無助
三高竟欲尋
尚留巾墊角
胡虜有知音

未作龍蛇夢
驚聞露電身
百年無此老
千首屬何人
安得

公長健那知事轉新酸風憂國淚高塚卧麒麟

未定情鍾痛何堪更悼亡遺書知伏枕未弔只空堂雪裏
評詩句梅邊按樂章沈思酒杯落天闊意茫茫

臨安旅邸答蘇虞叟

垂楊風雨小樓寒宋玉~~秋~~詞不忍看萬里青山無處隱可
憐投老客長安

張平甫哀挽

將軍家世出臞儒合上青雲作計疎吳下宅成花未種湖
邊地吉草新鋤空嗟過隙催人世賴有提孩讀父書他日
石羊芳草路弟兄來此一沾裾

題華亭錢參園池

花裏藏仙宅簾邊駐客舟浦涵滄海潤雲接洞庭秋草木

山山秀闌干處處幽
機雲韜世業暇日此夷猶

寄上張參政

姑蘇臺下梅花樹應為調羹故
早開燕寢休誇香霧重鴛
行却望袞衣來前時甲第仍垂柳
今度沙隄已種槐應念
無枝夜飛鵲月寒風勁羽毛摧

雪中訪石湖

雪斫如玉城偏師敢輕犯
黃蘆陣野鷺我自將十萬三戰
渠未降北面石湖范先生
霸越手定目一笑粲

京口留別張思順

伯勞飛燕若為忙
還憶東齋夜共牀
別後無書非棄我
春前會面却他鄉
連宵為說經憂患
異日各老蒼
更欲少留
天不許曉風吹艇入垂楊

虞美人草

夜闌浩歌起玉帳生悲風江東可千里棄妾蓬蒿中化石
那解語作草猶可舞陌上望驢來翻愁不相顧

姑蘇懷古

夜暗歸雲繞柁牙江涵星影鷺眠沙行人悵望蘇臺柳曾
與吳王掃落花

次韻德久

籬落青青花倒垂避人黃鳥雨中飛西郊寂寞無車馬時
有溪童賣菜歸

花藏寺雲海亭望具區

寺為張循王功德院

茫茫復茫茫中有山蒼蒼大哉夫差國坐斷天一方夫差
醉蓮宮大浪搖不醒越師何從來奪我玉萬頃年年亭上

秋一笛千古愁誰能知許事飛下隻白鷗

次朴翁遊蘭亭韻

亞字橋亭面面風六人同坐樹陰中松交歸路如留客石
礎流杯故惱公山色最憐秦望綠野花只作晉時紅夕陽
啼鳥人將散俛仰興懷自昔同

右軍祠堂有杜鵑
花兩株花極點灼

同朴翁登卧龍山

龍尾回平野簷牙出翠微望山憐綠遠坐樹覺春歸草合
平吳路鷗忘霸越機午涼松影亂白羽對禪衣

次韻胡仲方因楊伯子見寄

此去廬陵定幾程向來叩杖未經行懸知征棹雲邊集大
有吟情雪裏生楚渡食萍應甚美舜祠吹玉直能清二君

即日青冥上惟我春山帶雨耕

仲方得萍鄉宰
伯子得營道倅

次石湖書扇韻

橋西一水曲通村岸閣浮萍綠有痕家住石湖人不到藕
花多處別開門

夏日寄朴翁朴時在靈隱

風吹松樹枝懷我松間友雲從北山來令我屢回首山雲
夜夜起山雨侵人衣遙知竹窓裏自吟新雨詩

竹友為徐南卿作

髮已星星帶已寬徐郎猶是客長安家山竹好無由看謾
種庭前一兩竿

世路蒼黃總是愁暮年須得小優遊如今漸覺知心少賸
種青青伴白頭

賀張肖翁參政

太乙圖書客屢談已知上相出淮南銀臺日月非虛過金
鼎功名得細參從此與人為雨露應憐有客卧雲嵐明朝
起為蒼生賀旋著藤冠紫竹簪

同潘德久作明妃詩

明妃未嫁時滿宮妬娥眉一朝辭玉陛人人淚隻垂
年年心隨鴈日日穹廬中遙見沙上月忽憶建章宮
身同漢使來不同漢使歸雖為胡中婦只著漢家衣

烏夜啼

老鳥棲棲飛且號晨來枝上啄楮桃楮桃已空楮葉死猶
啄枯枝覓蟲蟻老鳥賦分何其貧未啼已被隣公嗔吁嗟
老鳥不自省牆頭屋上紛成群吳中貴遊重鸚鵡千金遠
致能言語花底紅條鄭袖擎盤中碧果秦宮取天生靈物

得人憐過者須來鸚鵡邊
老烏事事無足錄
人間猶傳夜啼曲

壽朴翁

與師同月不同年
歸墨歸儒各自緣
想得山中無壽酒
但携茶到菊花前

湖上寓居雜詠

荷葉披披一浦涼
青蘆奕奕夜吟商
平生最識江湖味
聽得秋聲憶故鄉

湖上風恬月澹時
卧看雲影入玻璃
輕舟忽向牕前過
搖動青蘆一兩枝

秋雲低結亂山愁
千頃銀波凝不流
隄畔畫船隄上馬
綠楊風裏兩悠悠

處處堂虛望眼寬
荷花荷葉過闌干
遊人去後無歌鼓
白水青山生晚寒

輦路垂楊兩行栽
苑門秋水欲平階
朝朝南望宮雲起
白鳥一雙山下來

微波衝得綠萍開
數點青青黏石階
綠葑自來還自去
來時須載白鷗來

布衣何用揖王公
歸向蘆根濯軟紅
自覺此心無一事
小魚跳出綠萍中

囊封萬字總空言
露滴桐枝欲斷絃
時事悠悠吾亦懶
卧看秋水浸山烟

苑牆曲曲柳冥冥
人靜山空見一燈
荷葉似雲香不斷
小船搖曳入西陵

處士風流不並時移家相近若依依夜涼一舸孤山下林
黑草深螢火飛

卧榻看山綠漲天角門長泊釣魚船而今漸欲拋塵事未
了菟裘一悵然

釣窻不忍見南山下有三雖骨未寒惆悵古今同此味二
陵風雨晉師還

柳下軒窻枕水開畫船忽載故人來與君同過西城路却
指烟波獨自回

指點移舟著柳隄美人相顧復相携上橋更覺秋香重花
在西陵小苑西

坐上和約齋

句入冰輪冷愁因玉字開可無如此客猶恨不能杯好句

長城立寒鴉結陣來
筇篲莫停手拚却斷腸回

出北閔

吳兒臨水宅四面見行舟
蒲葉侵鶯項楊枝蘸馬頭
年年人去國夜夜月窺樓
傳語城中客功名半是愁

平甫見招不欲往

老去無心聽管絃
病來杯酒不相便
人生難得秋前雨
乞我虛堂自在眠

樓閣萬重秋雨裏
峰巒四合暮潮邊
鳳城今夕涼如水
多少人家試管絃

三高祠

越國霸來頭已白
洛京歸後夢猶驚
沈思只羨天隨子
蓑笠寒江過一生

過桐廬

橫看山色仰看雲十幅風帆不藉人
記取合江江畔樹他年此處好垂綸

登烏石寺觀張魏公劉安成岳武穆留題
劉云侍兒意真奉命題記

諸老凋零極可哀尚留名字壓崔嵬
劉郎可是疎文墨幾點胭脂汙綠苔

過垂虹

自作新詞韻最嬌小紅低唱我吹簫
曲終過盡松陵路回首烟波十四橋

訪山人

稻叢茁茁欲齊肩楊柳傲傲不蔽蟬
或憶石頭城下路槿

花斜壓釣魚船

牛渚

牛渚磯邊渺渺秋聲笛吹月下中流西風不識張京兆畫
得蛾眉如許愁

武康丞宅同朴翁詠牽牛

青花綠葉上踈籬別有長條竹尾垂老覺淚妝差有味滿
身秋露立多時

朴公悼牽牛甚奇余亦作

不見青青繞竹生西風籬落抱枯藤道人一任空花過愁
殺山陰覓句僧

春日書懷四首

九真何蒼蒼乃在清漢尾衡茆依草木念遠獨伯妙春來

象芳滋春去象芳委兄弟各天涯啼鴉見料理漢江出巨
魚風雷入鷗使安得扶我輶西征二千里

春雲驛路暗遊子眇歸程永懷故山下風雨悲柏庭翁仲
不解語幽鳥時時鳴人家插垂柳客裏又清明

垂楊大別寺春草郎官湖卷有石友合并不待呼瘦藤倚

花樹花片藉玉壺老鄭談絕妙辛楊句敷腴平生子姚子

貌古心甚儒時邀野僧語間與琴工俱酒闌興未了左轉

城南隅大江園楚碧烟水入玄虛留落不自恨惟嗟故人

疎一月三見夢夢中相與娛日日潮風起悵望武昌魚

武昌十萬家落日紫烟低亭亭頭陀塔高處白鳥棲白鳥

忽飛去春山空四圍南樓有佳人再召且再辭閉門課文

事櫻物深天機斯人不可致白鳥會來歸

過德清

木末誰家縹緲亭
畫堂臨水更虛明
經過此處無相識
塔下秋雲為我生

溪上佳人看客舟
舟中行客思悠悠
烟波漸遠橋東去
猶見闌干一點愁

予居茗溪上與石洞天為隣
潘德久字予曰白石道人
且以詩見畀其詞曰
人間官爵似檇蒲
采到枯松亦大夫
白石道人新拜號
斷無繅駁任稱呼
予以長句報贖

南山仙人何所食
夜夜山中煮白石
世人喚作白石仙
一生費齒不費錢
仙人食罷腹便便
七十二峯生肺肝
真祖只在南山南
我欲從之不憚遠
無方煮石何由軟
佳名錫

我何敢辭但愁自此長苦飢囊中只有轉菴詩便當掬水

三巖之

轉菴德久
自號云

筮篔引

筮篔且勿彈老夫不可聽河邊風浪起亦作筮篔聲古人
抱恨死令人抱恨生南隣賣妻者秋夜難為情長安買歌
舞半是良家婦主人雖愛憐賤妾那久住緣負未賣身不
緣觸夫怒日日登高楼悵望宮南樹

陳君玉以小集見歸用余還誠齋朝天續集韵作七
字夔報貺

筆陣無功汗左輪而今老去不能軍水邊白鳥閒於我
外梅花疑是君欲向江湖行此話可無朋友託斯文新篇
大是相料理因憶西山楊子雲

丁巳七月望湖上書事

白天碎碎如析綿黑天昧昧如陳玄白黑破處青天出海
月飛來光尚濕是夜太史奏月蝕三家各自矜算述或云
七分或食既或云食晝不在夕上令御史登吳山下視海
門監月出年來厯失無人修三家之說誰為優乍如破鏡
老炯炯漸若小兒初食餅時方下令嚴禁銅破鏡何為來
海東天邊有餅不可食聞說飢民滿淮北是鏡是餅且勿
論須臾還我黃金盆金盆當空四山靜平波倒浸雲天影
下連八表共此光上接銀河通一冷御史歸來太史眠人
間不聞鐘鼓傳白石道人呼釣船一瓢欲酌湖中天荷葉
攏頭君睡去西風急送敲窓句

項里項王之里也在山陰西南二十餘里地多楊梅

苔梅皆妙天下王性之賦項里楊梅云只今橫頭萬
顆紅猶似咸陽三月火予近得苔梅一枝古怪特甚
為作七言

舊國婆婆幾樹梅將軍逐鹿未歸來江東父老空相憶枝
上年年長綠苔

寄田郎

楚楚田郎一大奇少年風味我曾知春城寒食誰相伴夜
月梨花有所思剪燭屢呼金鑿落倚牕閒品玉參差含情
不擬逢人說鸚鵡能歌自作詞

待千巖

寒裳望洞庭眼過天一角初別未甚愁別久今始覺作箋
非無筆寒鴈不肯落蘆花待擘音怪底北風惡

若人金石心試命洞庭浪傳聞下巴陵
漉酒喜無恙我行丹楓林屢騁白蘋望
烏鵲不可嗔論功當坐上

古樂府

裁衣贈所歡曲領再三安歡出無人試
閨中自著看甚欲逐郎行畏人笑無媒
日日東風起西家桃李開令我歌一曲
曲終郎見留萬一不當意翻作平生羞

賦千巖曲水

紅雨灑溪流小瀨仍小駐魚隊獵殘香
故故作吞吐老子把一盃微風忽吹去

李陵臺

李陵歸不得高築望鄉臺長安一萬里
鴻雁隔年回望望雖不見時時一上來

送王德和提舉淮東

京塵吹帽汗淋衣相見頻年只道歸省裏移文那得了家
邊持節未為非煮乾碧海知誰用割盡黃雲尚告饑可得
不為根本計秋風還見雁南飛

寄時父

遲君日日數歸程到得君歸我已行一路好山思共看半
年有酒不同傾吾儕政坐清平累各自而今白髮生人物
眇然須強飯天工應不負才名

雪中六解

塞草汀雲護玉鞍連天花落路漫漫如今却憶當年健下
馬題詩不道寒

黃鶴磯邊晚渡時柳花風急片帆飛一聲長笛魚龍舞白

浪如山不肯歸

萬馬行空轉屋檐
高寒屢索酒盃添
故人家住吳山上
借得西湖自卷簾

曾泛扁舟詣石湖
恍然坐我范寬圖
天寒遠挂一行雁
三十六峯生玉壺

萬壑千巖一樣寒
城中別有玉龍蟠
舊人乘興扁舟處
今日詩仙戴笠看

沈香^花裏笙簫合
煖玉鞍邊雉兔空
辨得煎茶有驕色
先生只合作詩窮

送李萬頃

猛相思裏得君來
政喜歡時却便回
別路苦無青柳折
到家應有小桃開
起居五馬兼堂上
問訊千巖及阿灰

張祥
姪張

阿曙小字兒女癡頑夫婦健漂零何日共尊壘

送陳敬甫

十年所聞溢吾耳去年誦君書一紙古人三語得奇士况此磊落數百字相逢千巖萬壑裏有客如君請兄事才高自古人所忌論高不售反驚世好詩取客如券契我無三者猶至是如君之貧不可避如君之貧不可避呼舟徑渡寒潮外

越中士女春遊

秦山越樹兩依依閒倚闌干看落暉楊柳梢頭春又暗玉簫聲裏夜遊歸

送彭仲訥往合淝三首

壯志只便鞍馬上客夢長到江淮間誰能辛苦運河裏夜

與商人爭住還

我家曾住赤欄橋
隣里相過不寂寥
君若到時秋已半
西風門巷柳蕭蕭

小簾燈火屢題詩
回首青山失後期
未到劉郎定重到
煩君說與故人知

下孤城

人家多住竹籬中
楊柳疎尚帶風
記得下孤城下路
白雲依舊兩三峯

平甫放三十二鷗
拈吳松余不及與盟

橋下松陵綠浪橫
來遲不與白鷗盟
知君久對青山立
飛盡梨花好句成

蕭山

歸心已逐晚雲輕，又見越中長短亭。
十里水邊山下路，桃花無數麥青青。

生雲軒

在山長與雲同齋，出山憶雲雲不來。
千金買得太湖石，數峯相對寒崔嵬。
朝來忽覺青苔濕，黶黶如炊石間出。
白雲何處不相逢，却怪年年枉相憶。
王郎胸中橫一丘，在山出山雲與遊。
更呼白石老居士，來倚雲根吟七字。

戊午春帖子

晴窓日日擬雕蟲，惆悵明時不易逢。
二十五絃人不識，淡黃楊柳舞春風。

送項平甫倅池陽

項侯聲名天宇窄，與君俱是荆湖客。
相來相聞不相值，長

安城中乃相識要文要得文中天邯鄲相步終不然如君
筆墨與性合妙處突過蘇李前我如切切秋虫語自詭平
生用心苦神凝或與元氣接屢舉似君君亦許西湖一曲
古墻陰清坐論詩夜向深見謂人間有公等不知來者不
如今乾坤雖大知者少君不見古人拙處今人巧我但山
林口挂壁如君合救狂瀾倒石渠春水綠泱泱閣下無人
白日長萬里江湖入歸夢子雲不願校書郎九華山色梅
根渡半日風帆即秋浦六條察吏安用許幸有千巖作詩
侶

偶題

阿八宮中酒未醒天風吹髮夜泠泠歸時只怕扶桑暖赤
脚橫騎太一鯨

陳日華侍兒讀書

繹句尋章久未休
花房日晏不梳頭
誰教郎主能多事
乞與冥冥千古愁

女郎山

漢陽縣西
二十里

不見郢中能賦客
可憐負此女郎山
水魂寂寞無歸處
獨宿鴛鴦沙水寒

金神夜獵圖二首

詩

夜半金神羽獵奔
走山川百靈雲氣
於旗來下颯然已
入青冥

後宮嬋娟玉女自
輕八尺飛龍兩兩
鳴鞭爭導綠雲斜
墜春風

書乞米帖後

銀鈎鐵畫太師字從人乞米亦可憐
五倉空虛胃神哭竟日悄悄無炊烟
仙人留書說服氣道士辟穀期引年
人生不食浪自苦獨不見子桑鼓琴十日雨

次韵鴛鴦梅六言

言六

晴日小溪沙暖春夢憐渠頸交只怕笛聲驚散費人月咏風潮

漠漠江南烟雨于飛似報初春折過女郎山下料應愁殺佳人

呈徐通仲
復簡仲錫通仲與誠齋為鄉人近來赴調而誠齋去國又通仲久與千巖有茗雲之約而未至
余挽通仲欲與同歸千巖故末章及之

斯文準乾坤作者難屈指我從李郭遊知有徐孺子春風

鷹

橘州前白月太湖尾懷哉來無期王唾烟在紙去年識仲
氏何啻空谷喜合并忽白天傾倒見底裏維君天下士竹
箭東南美胡不在石渠諸公當料理千巖合林宗泉石助
風軌示病疾不下堂有句高八米此老筆硯交誠齋古元
禮毫端灑秋露去國辭愈偉屬聞都門別回首即桑梓獨
苔溪上垂榻俟行李烟波肯尋盟歸權為君艤

答沈器之二首

江漢乘流客乾坤不繫舟玉琴虛素月金劍落清秋野鹿
知隨草飢鷹故上鞬風流大隄曲一唱使人愁
涉遠身良苦登高望欲迷試吟青玉案不似白銅鞮露下
秋虫怨風高北馬嘶槎頭有新味人在太湖西

釣雪亭

闌干風冷雪漫漫惆悵無人把釣竿時有官船橋畔過白
鷗飛去落前灘

馬上值牧兒

馬背何如牛背短衣落日空山只麼身歸盤谷未須名滿
人間

契丹歌

都下聞蕭管自
說共風土如此

契丹家住雲沙中
考車如水馬若龍
春來草色一萬里芍
藥牡丹相間紅
大胡牽車小胡舞
彈胡琵琶調胡女
一春浪宕不歸家
自有穹廬障風雨
平沙軟草天鷲肥
胡兒千騎曉打圍
皂旗低昂圍漸急
驚作羊角凌空飛
海東健鶻健如許
韞上風生看一舉
萬里追奔未可知
劃規紛紛落毛羽
平章後味天下無
年年海上鷗羣胡
一鷺先得金百

兩天使走送賢王廬天鷲之飛鐵為翼射小生兒空看得
腹中驚怪有新薑元是江南經宿食

綠萼梅

黃雲承韞知何處招得冰魂付北枝金谷樓高愁欲墜斷
腸誰把玉龍吹

次韵千巖雜語

平生中散七不堪鳳塵時時伴燕談道士有神傳火枣故
人無字入雲藍雨涼竹葉宜三酌日落荷花倚半酣極欲
扁舟南蕩去冷鷗輕燕畧相諳

寄上鄭郎中

梅根東望九華雲中有風流衣綉人名下一生勞夢想尊
前數語倍情親節旄在道催歸漢花鳥留君且作春見說

祥花挾時雨故園松菊亦精神

送左真州還長沙

吳兒牽挽醉尊鱸今日西歸略自如別路冷雲隨驛馬望
鄉喬木記吾廬湘中花月偏憐酒准左兒童待擁車凡我
舊遊君更歷橘洲相見訝無書

禽言如曰哥哥

君不見苕溪西南石鼓山鳥如鸚鵡啼其間土人相傳是
阿弟千呼萬喚去復還身為獨雁失倚侶所愧鸚鵡圖急
難繞林哀哀訴明月夜闌月落聲漸咽天地闊遠兄不聞
蒼厓下淚山竹裂豈無鴉舅與鶉姑人各有心無友于陟
岡四顧空欷歔君不見江南望夫誰家女登山化石不得
語

次韵誠齋送僕往見石湖長句

客來讀賦作雌蜺平生未聞衡說詩省中詩人官事了狎
鷗入夢心無機韵高落落懸清月鏗鏘妙語春冰裂一自
長安識子雲三歎郢中無白雪范公蕭爽思出塵有客如
此渠不負堂堂五字作城守平章勁敵君在口二公句法
妙萬夫西來橐中藏魯璆只今擊節烏棲曲不愧當年賀
鑑湖

與和甫時甫分題畫卷獲得剡溪圖

枯槎啁乾鵲交臂失夫君奈此一尊酒憑高空水雲

東堂聯句

金風涼夜深吹我蕭蕭髮

趙雍和仲起

折丹桂枝驚落花上月

石白

次韵武伯

楊柳風微約暮寒野禽容與只波間道心性如天馬可愛
青絲十二閑

觀燈口號

世間形象盡成燈烘火旋沙巧思生列肆又多看不遍遊
人一一把燈行

市樓歌鼓太喧譁燈若連珠照萬家太守令嚴君莫舞遊
人空戴玉梅花

遊人總戴孟家蟬爭說星毬萬眼圓闌裏傳呼大官過後
車多少盡蟬娟

花帽籠頭幾歲兒女兒學著內人衣燈前月下無歸路不
到天明亦不歸

好燈須買不論錢別有琉璃價百千都下貴人多預賞買
時長在一陽前

珠絡琉璃到地垂鳳頭銜帶玉交枝君王不賞無人進天
竺堂深夜雨時

紛紛鐵馬小回旋幻出曹公大戰年若使英雄知此事不
教兒女戲燈前

貴客鈎簾看御街市中珍品一時來簾前花架無行路不
得金錢不肯回

修內司人偏戲舞鼓鞞官營裡獨燒燈春風到處皆君賜
金柳絲絲滿鳳城

正好嬉遊天作魔翠帚無奈雨沾何御街暗裡無燈火處
處但聞樓上歌

和轉菴丹桂韻

野人復何如知自謂山澤好來禪奉常議笳鼓識羽葆誰憐
老垂垂却入闌浩浩營巢猶是寓學圃何不早准桂手所
植漢甕躬自抱花開不忍出花落不忍掃佳客夜深來清
尊月中倒一禪兩居士更約殘幽討

陪張平甫遊禹廟

鏡裏山林綠到天春風只在禹祠前一聲何處提壺鳥猛
省紅塵二十年

乍寄朴翁

前日松間步屨歸更將荷葉障秋暉如今城裏拋團扇應
是山中試袂衣水有秋容蓮漸少樹含涼氣鳥慵飛炎天
既懶趨城市從此尤須戀翠微

寄俞子

此郎都無子弟氣夜對黃燭籠青燈只今落腳墜鳶外欲
往從之歎未能郎罷才名今白髮佐州亦復坐窮邊甚欲
出手相料理東南風高難寄牋

昔遊詩

夔早歲孤負奔走川陸數年以來始獲寧處秋日
無謂追述舊遊可喜可愕者吟為五字古句時欲
展閱自省生平不足以為詩也

洞庭八百里玉盤盛水銀長虹忽照影大哉五色輪我舟
渡其中是是驚我神朝發黃陵祠莫至赤沙曲借問此何
處滄灣三十六青蘆望不盡明月狀如燭灣灣無人家只
就蘆邊宿

放舟龍陽縣洞庭包五河

澧沅瀘湘大江

洶洶不得道茫茫將奈

何篙師請小泊石矸沉沉沙是中太無岸強指葦與莎滯
留三四晨大浪山嵯峨同舟總下淚自謂餽龜鼈白水日
以長僅存青草茅轉盼又已沒但見千頃波此時羨白鳥
飛入青山阿

九山如馬首一一奔洞庭小舟過其下幸哉波浪平大風
忽怒起我舟如葉輕或升千丈坡或落千丈坑回望九馬
山政與大浪爭如飛鷲車礮亂打睢陽城又如白獅子山
下跳鬚鬚湏臾入別浦萬死得一生始知茵席濕盡覆杯
中羨蕭蕭湘陰縣寂寂黃陵祠喬木蔭樓殿畫壁半傾敔
蘆洲雨中淡漁網烟外歸重華不可見但見江鷗飛假令
無恨事過此依依

我乘五板船將入沌河口大江風浪起夜黑不見手同行
子周子渠膽大如斗長竿揸蘆席船作野馬走不知何所
詣生死付之偶忽聞入草聲燈火亦稍有杙船遂登岸急
買野家酒

天寒白馬渡

漢縣

界落日山陽村是時無霜雪萬里風奔奔

外旃吹已透內纊水不溫吹馬馬欲倒吹笠任飛翻不見
行路人但見草木蕃忽看野燒起大燄燒乾坤聲如震雷
震勢若江湖吞虎豹走散亂糜鹿不足言夜投野店宿無
壁亦無門此行值三厄幸得軀命存明發見老妪斗酒為
招魂

楊舸下大江日日風雨雪留滯鼃背洲十日不得發岸水
一尺厚刀劍觸舟楫岸雪一文深屹如玉城堞全舟二三

士頗壯不恐懾蒙羶閉蓬卧波裏任傾擲晨興視甑上積
雪何皎潔欲上不得梯欲留岸頻裂板援始得上幸有人
見接荒村三兩家寒苦衣食缺買豬祭波神入市路已絕
如今得安坐閒對妻兒說

青草長沙境洞庭渺相連洞庭西_北角雲夢更無邊復有白
湖沌渺漭里數千豈惟大盜窟神龍所盤旋白湖辛巳歲
忽墜死蜿蜒一鱗大如箕一髯大如椽白身青著鬣兩角
上梢天半體卧沙上半體猶沈淵里正聞之官官使吏致
虔作齋為禳禱觀者足聞闐飲席覆其體數里聞腥羶一
夕雨雷過此物忽已遷遺跡陷成川中可行大船是年虜
亮至送死江之孺或云祖龍讖詭異非偶然近日山陽人
采菱不知還望見三龍浮目若電火燃見龍多見尾少見

四體全一龍已為異三者亦罕傳又因漁湖側水中忽生
烟烟中一驢出絞身編躑俄隨霹靂去欲語無由緣我聞
語此事乘舟往焉徑往枯葭浦白鷺爭相先湖有劉備廟
寔司浩渺權徘徊無所見歸權月明前

昔遊桃源山先次白馬渡

桃源縣界

渡頭何情深鴻鵠在高樹

白馬亦洞天昔人有奇遇洞門不可見但聞水聲怒瞻彼

羽人宅乃乘方船渡修廊夾五殿重閣映千樹規模象魏

壯回合綠陰護山椒望五溪壺頭入指顧故宮在其北屋

瓦帶松霧古杉晉時物中空野人住外圍四十尺內可十

客聚我遊瞿仙館壇上表遺步却下八疊坡一亭象妙具

兩山抱澄潭老木枝幹互瞻前秀而迴坐久凜難駐桃源

獨不見僻在宮南路山行轉深邃狙猿紛上下石竇出微

涓令我意猶豫昔聞漁舟子水際見洞戶今看去溪遠定
自後人誤惆悵却歸來此遊不得屢於今二十年歷歷經
行處

昔遊衡山下看水入朱陵半空掃積雪萬萬玉花凝或如
生綃挂或作薄霧橫紛紛虎豹吼往往蛟龍驚人語不相
聞濺電漂我纓有魚緣峭壁上上終不停此中有神物雷
雨周八絃

昔遊衡山上未曉入幽谷欲識所坐輿橫板挂兩竹狀如
秋年垂高下不傾覆登山九千丈中道多佛屋一峯高一
峯峯峯秀林木仰看同來客木末見冠服高臺石橋路尋
常雲所宿下方雷雨時此上自晴旭紫蓋何突兀萬里在
一目餘峯六七十僅如翠浪矗北有嬾瓚巖大石庇樵牧

下窺半厓花杯宇琢紅玉飛雲身畔過攬之不盈掬祝融
最高絕紫蓋不足錄俯視同仰觀蒼蒼萬形伏惟餘吟嘯
峯南睇半空綠髻鬚認瀟湘向岳流屈曲高處驚我魂翻
思宅平陸其東有雷穴靈異謹勿觸雲來綿世界雲去一
峯獨僧窓或留罇雲入不可逐絕頂橫石渠仙人有遺躅
山多金光草夜半如列燭靈藥不可尋吁嗟歸太速

濠梁四無山坡陁亘長野吾披紫茸氈縱飲面微赭自矜
意氣毫敢騎雪中馬行行逆風去初亦峇霑洒疾風吹大
片忽若亂飄瓦側身當其衝絲鞞袖中把重圍萬箭急馳
突更叱咤酒力不支吾數里進一竿燎茅烘濕衣客有見
留者徘徊望神州沈歎英雄寡

既離湖口縣未至落星灣舟中三兩程程程見廬山廬山

逸半天五老雲為冠朝看金疊疊暮看紫巉巉瀑布在山
半髻歸認一班廬山忽不見雲雨滿人間

雪霽下揚子間望江上山山如白玉日照金屑顏是時
江水淨影落清鏡寒潮催庾信老雲送佛經還萬古感心
事惆悵垂楊灣

衡山為真宮道士飲我酒共坐有何人山中白衣叟問叟
家何在近住山洞口殷勤起見邀徐步入林藪雲深險徑
黑石亂湍水吼尋源行漸遠茅屋剪如帚老烹茶味苦野
琢琴形醜叟云司馬遷學道此居久屋東大盤石碁畫今
尚有古木在覆之清泉石根走因悲百年內汲汲成白首
仙人固難值隱者亦可偶追惟恍如夢欲畫無好手

江湖小集卷五十七

宋 陳起 編

周文璞方泉詩集

鍾山賦

陟古阜兮逶遲望故鄉兮徘徊日日忽兮欲下捺予心兮
訴哀昔王氣之初發有神人之稱孤速溫雅之弗競亦中
興都乃因融結以作此鎮倚崔嵬而在東指牛首以立闕
皆龍螭而作宮後李嗣興規模屹隆張皇帝圖咨謀國工
陰陽既調清寧亦同司馬茂業而引前太極穹窿而當中
華林挂鼓璇空歌鍾龜丹楹兮暨暨森翠氣兮融融殿簿
苑記密如魚鱗中納元氣仰規大辰將欲賓義棗於九夷
負黼衣於萬春攝提紀歷卷舒效珍回皇風於太初散靈

中興于都句原本疑有
版字

兩於無垠及乎分代易姓滅沒變遷厚禍隱毒實生其間
紫髯鼎來黃鬚載奔索窅口苦辭鳩涕潛近奮身而倒戈
亦反袂而張券則見天畫章衣意貌孔武大白連蠶出渡
江渚麗色登梯明雲鏡空煇舊艷新遙歸闕宮列事著幘
誇戰負劔閣像未塵街首將變飲血擊賊舉燧燭夷戎鼓
惜惜惜車繫、受詔下令曉香諷詩妖祥昏淫廢典乖離
傳之到今文字峻峭音節悽悲雖在席之上岩石之下可
聽可詠而不可思矣有如斯山則偃蹇干霄隱天蔽日雖
涉世毋害害蓋興時而出入哀園楸兮江楓旋灰飛兮兩
泣殺殺纏郭晨闇夜明處子傷內老夫填阮匹鳥羣死注
羊衡行豈曰作鎮而能忘情允今齊民肯復記憶但能聯
絡相命趣具酒食上蕭齋而膜拜撫漫碑而口噴告祝於

蔣侯之廟遐眺於周顛之宅野芳敷漪山嘯啁喚渺歸興
兮亡盡樂興哀於戲劇嗟夫系緒悠遠條流煩貿若錫蝦
於泚水兮亦嘗併力以扶拯彼大勲之未集兮自賢庸之
弗窺緣義類以激詞兮庶茲山之可弔

方泉賦

惟山居之嵌吟兮有泉出而方窪彌年歲而沃深兮雖苦
寒而萌芽蓋隨區以賦形兮非浚工之所加吾初以道為
澤兮以溥溥而為家既自挹於潔清又收散乎英華贊商
易而非僭兮仰坤輿而非今摩天蛤非神奇兮出矩玉非
矜夸雖使女盜冠而窺兮僕夫汲而盈車故豈嗽以為貪
兮亦豈蹈而邪將竹引種樹兮放為池而漚麻順脉絡而
襲水土兮則又豈退虎豹而進龍蛇噫吾命濡滯於此丘

兮又何敢怨懟而舛差

燃犀賦

智者鑑物貴於察物後來不察其智幾希智以神為用神以智為友豈無其無而有其有庖犧女媧登龜斷蛇風氣既開源流亡涯故巢居窟於仲舒表柱燼于張華若太真之事吾嘗以告諸徒矣博物者曰怪怪好奇者曰輕輕盡性者曰渾渾窮理者曰冥冥如此則溫子將不得為哲人子持賦於牛渚兩山之間老松古木倚而和之則庶幾敬聽

臯橋

伯鸞出京師慷慨詞五憶豈無濟時心升降與我違有來適吳中春梁棟飢寒吳人臯伯通舍之慰窮棲方志雖或

除此橋猶可稽伯鸞号逸民佳傳照綠綈伯通賴有此庶
幾與之齊至今閭門外兩塚陪要離纍纍各高大冥冥春
草萋古考賢哲人不計鳳興鷄焜燿亦偶爾埋沒何凄兮
出語賀兩公亦以昌吾詩

姜克章金塗佛塔歌

白石招我入書齋使我速禮金塗塔我疑此塔非世有白
石云是錢王禁中物上作如來捨身相飢餓虎紛相向
拈起靈山受記時龍天帝釋應惆悵形模遠自流沙至鑄
出今回更精緻錢王納土歸京師流落多在西湖寺錢
王本是英雄人白蓮花現國主身蛇鄉虎落狗脚朕何如
紅袍玉帶稱功臣天封拆開即退聽兩浙不聞笳鼓競歸
來佛子作護持太師尚父尚書令一枚傳到石白生生今

但有能詩聲同袍秦外銛師兄哦師禮塔作佛事同喫地
爐山芋羹何曾薰陸綺床供但見相輪銅綠明哦詩禮塔
猶未畢蘆葉低飛山雨濕

初至長干寺

雲杪熒熒一塔燈覺皇舍利寶烟凝山門推上三更月似
照前朝禮拜僧

回次秣陵

我行古井邑北風吹倒人旗店語簇簇石路聲鱗鱗下車
得少憇亭午聽司晨豈但田抗香更覺村膠醇懷哉厭王
氣契閻母重陳舊為秣陵尉今為鍾山神

哦松夏夜

雅頌聲流到楚詞更無人見獨看時池頭五粒初搖動却

替幽人說舊時

鷓鴣

夜聞春雨來濃綠淨於洗有禽有南翥自呼不能已豈非
湘川下或自江左起黃陵見哀妃白下感遊子仍多憂其
兄宛然深樹裏汝兄今何在荆棘日靡靡豈非因空山或
已投逝水年深桎梏化波冷皮肉死鷓鴣謹勿庸此係造
物理吾若破折言汝恨入骨髓風吹慈竹林苔暈上深紫
吾亦念故鄉日夜夢鄰里不如各歸依闕月照西鄙

懷何月湖

星星鬢髮卧林丘詔使東川作郡侯髯叟望公來海嶠瘦
兵迎守去夔州珍圖想掛茅齋壁巧石應隨竹釘舟教得
巴童歌舞好侍郎千萬却歸休

瀨上懷古

古寺闕岑鬱空梁懸齋魚神坐既歆仄德容亦飢虛先生
負有命山僧樂無餘長安滿市花疋馬吟九衢寥寥北印
山而誰噫荒墟豈有先生者亦如山僧歟盲風振茗華重
露落芙蓉何當醉尉歸方坐釣水隅

瀨上貞女祠

佑客征夫上野橋錦襦玉璫亦蕭條人間多少乘除事到
了英雄恨不消

銅雀研

君王有遺令婢子守空臺遙望西陵下漆燈照鳩括玉顏
闕釵澤松栢生悲哀佞吟短歌行想像姦雄才清泉沈金
彩古煙凝紫灰零落故瓦在雕鐫若陶坯為人作書研詞

章出詠詩上下千載間流轉何悠哉那知墟中人天命不
復來齊昏亦披倡增三策崔嵬年年渾河頭野棠如雪開

丘慶餘畫鬼

家住棲賢雲泉石恣幽討寫出明視孫眉目增媚好卯日
行跋跋衣褐坐芳草脫身文字禍見幾恨不早仰候月盈
縮脩眉幾回掃迷離望靈藥青松為三倒山人書姓名欲
使好事攷

夜坐讀書

此生無耽嗜獨具愛書癖旁搜固未暇乍見亦略識塵土
苦見汙更苦官事逼紙燈自既剪竹牖仍僕織山邑少文
獻有亦何自自覓隨行五升瓶一歲無滴漉向來長安市閱
之常竟夕悵然夢裏去莽莽雲雨側哦此謂寒蠶夜滿三

十刻

春雪

崇禧仙館似官居二月寒宮風峭有餘傲吏吟哦峭空下
野童放散夜堂初熒熒宿火煨村酒煜煜殘燈鏡道書忽
聽打窓聲更急快移銀磔上枯株

鶴廟

櫻桃花覆地古廟自青春帳裡還丹使山中采藥人風林
聳黑虎雲路列班麟欲見神君面連朝禮北神

玉晨口占

風鳴長史昇天栢草護仙翁瘞劒瑩瑞像殿前亡馬跡養
龍池上有鼉鳴

華道士白胭脂

蕭史水銀粉
番女紅藍花
狂奴愛風調
脂澤逐成家
鏡開青峽月
衣近赤城霞
欲下人世間
榭林栖晚鷗

杜鵑花

雲樹重重和淚吟
故宮遺廟有知音
秦吳萬里皆芳草
染到山花恨最深

新柳

長條導幽情
淨色穿戶牖
酸風釀如醋
少待濃似酒
颭々金絲垂
滿眼遮老醜

王道士庵

出家纔二十
小築契初心
水浸籬根冷
苔封井白深
猿啼天慘慘
犬吠月陰陰
又踞藜牀座
焚香鼓內琴

南華陽洞

稽首遊名山，駕言入華陽。南洞極秘怪，松草泉水香。曲几
妙隸畫殘碣，刊靈章。佻首試一闕，冷風襲綃裳。守菴敬愛
客，暖我紫木陽。遺我鵝眼錢，云是洞所藏。往有尋幽徒，入
見黃金牆。侈心或已起，幾受竒鬼戕。身儻獲會遇，敢恨飛
蓬霜。更丐一片玉，小築安閑房。朝披神芝圖，暮試飢飯方。

金牛洞

凌兢下危梯，俯偃入深穴。回身避雲霧，偃面眎日月。葯苗
護谿訝竹節，截薜摩安知幽蹊。下有此大竒絕，金牛鏃光
景仙牒。尚可閱崗頭，春已半枸杞。如點血，便恐巔風與橫
吹石崖裂。

山行行歌十首

受錄壇前雲更長，春風漠漠杏花香。峰回路轉無人處，恰

見天書字數行

竦竦雕珉萬萬層雲頭晃晃現觚稜野人自愛幽深景只是尋常不見僧

道院中間沐髮容施來元自贊皇公君能百拜香煙下不怕舟瓊路不通

蟲蛀黃連徹在焚秦誑楚誦少人聞遊前欲問新宮信鶴帶靈芝入暮雲

帶淺人家隱樹深嫩晴天色弄雲陰好風嫋嫋穿林去吹散松黃似鬱金

遨遊自是不思歸花氣蒸衣氣力微拋弁文書亡俗累嶺猿吟後閉山扉

天風穩送步虛聲雜和漫山檜栢鳴遠望山腰多白石細

看知是野人行

中奉道士葉珠丹曾與神仙玉煉顏見說醉來燒隱訣藥
爐蕭瑟卧雲山

紫陽道院古丹青恨染猶畫化胡經晚香滅没人歸後自
有天風撼玉鈴

砌穴蕭森隔土橋項梁城頌最蕭條羽衣歌此招魂魄直
送褚旗上九霄

壬戌春日

自從憂患長精神兀坐齋房過了春鑿落蓋乾官燭暗檮
蒲齒~~齒~~旅囊貧皇天老眼非塵世白日閑愁自替身一段
風光好如畫未須全與路行人

王荆公墓

齡
疑誤

一丈荒墳上悠悠落日斜子孫來祭後守墓掃杏花
野花從余話文公在半山蹇驢追不及落日寺深閑
年少坐談玄鍾山直北邊春風吹夢過泪灑舊貂蟬
守法曾丞相能文陸左丞風流如未泯應作寺中僧

出白下

南朝禁籞久陽明猶與遊人作隊行煙滿天淵池上路菜
花黃盡綠陰成

遊西霞四首

破曉逗苦霧客鼻何酸辛山中氣候異初日如燭銀田間
石獸多知是肉角麟古苔半皴腹化作蒼龜鱗兩柱既岌
業衆碑亦嶙峋幽涂得竒觀未敢辭埃塵連年抱離憂百
嗟亡一呻花委鬢毛晚草奪袍色春愁中書櫝失焚裡歌

鍾隄窮愁著文字屢被同行嗔同行不相知而况悠悠人

道中石麟
碑柱甚夥

吾興空門友相扶歷芳甸天機久深妙梵本亦貫穿徐馳
得幽欣濟勝愜孤願宿茅發輕苞寒卉抱短艷鹿走風生
林僧歸雲入殿寺從齊梁來諸彥題品遍安知千歲後未
欲陵谷變

優尼製銅覺欲住女主齡主稱金輪王錄在華嚴經而捨
覺富貴愛慕塗椒馨月黯回心院妖魂啼窈冥僧人弗知
此獨愛一峯青分減儻及我終歲棲林垆

府帖作夕下許奉半月急遂作茲山遊恂悅憂思失古跡
隨榛莽久久失脩葺南唐石塔好巍然對人立高碣纏蛟
龍竒畫耐風日明旦丹陽路萬感當畢集說似石婆翁皆

須為余泣

再如金陵

再踏江東路詞窮不復論
江泥沾苦淚津鼓聚歸魂
庾信因愁老陶潛為酒存
孤踪雖落魄不敢望明恩

道中望茅山有感

危亭對名岳畢景扶鈎欄
白鷺伺察過低昂若分灣
去歲負笈遊最佳元符間
標林帶修竹清派流珊珊
離留叶畫靜洞天生春寒偉哉老宗師
作屋雲雨端竟為殺虫蟻不活
叔龍鳶遺骸但解蛻故宮亦燒殘
今瓶已半舊萬柱扶立壇遂以兩不借一節履噴坑入宅問玉斧採芝投金環
墨沼篆結字丹臺氣成盤將謂便隱遁
爾罹閔閔夷甫塵尾墮荀令香爐閑
再拜望奇秀恍然神觀還如見大仙

伯被髮綠映山兩君控鵠從俱著漢小冠俗累當復馳煮
藥鼎欲翻

病起寫懷

夕陽蔽天涯望望不見家牛斗象緯微吐吐空咨嗟此時
將細碎說與枝上花

送友人入浙

行至王墓上

小縣登樓上依稀是去年更聞吹短笛飲散覓歸鷄丹葉
標寒渡黃花冪野田重來吊古地為拊石羊肩

輓轆體

野人無事時常誦極玄詩寫遍千山寺吟行九曲溪為誰
補天手同是決雲兔欲去無人問今宵醉似泥

金陵懷古六首

孫伯陵頭水最悲蔣侯廟下月來遲夜深行客心驚恐猿
掛晉朝楓樹枝

馬司家兒持酒括天星亦下沈崔嵬當時若便效牛馬定
有孟津師旅來

愁看幕府夕陽邊那更雞籠在目前跋扈飛揚只如此登
臨那得不酸然

杳杳舊蹤尋不得茫茫遺恨有誰窮長安敗績誰憐汝霸
上收聲未到公

琵琶未盡使人嗟淚洒華林御苑花今日聞韶無處所鴈
煙蛩兩屬他家

江水無情碧草春北朝留住老詞臣子規啼向青楓樹為
爾離鄉去國人

江南曲四首

露下五願秋雨打三楊愁齊梁才子多埋在青山頭
郎與新歡濃儂與舊歡熟懊惱對行人當為歌艷曲
孤館聞啼鶯日暮脂粉薄芳醪似泥賤那得不行樂
兩認巫山氣江通滢預情相逢未多時秋花開古城

吳中秋日

郊原落葉已離離尚有孤花闌短籬小醉不成憐病後苦
吟未了說愁時鬪雞走狗爰絲喜臨水登山宋玉悲豆角
已收無別事待同野老赴襟期

野薔薇

娟娟籬頭花白白間綠葉明光裁販袴不掩遊子屨餘春
背人去乞與弄芳蝶感我萬古心離離不相接我行田野

間落何所挾猶能自撐柱使氣學漢俠悠然芳草畔見此
放逐妾羅帷未生菱粉面反成怯幽香薰倒人山麝火初
燭長亭或相思如見玉躡躑

狼山

吾母禱於山生我偃蹇身州人始入寺訖天俱不畏歸人
復何復所願清戰塵勿復論啣鉤去作瑞世珍

烏夜啼

何人彈阮咸故故輕手摘彈作烏夜啼此意我所惻南朝
有帝子作牧號侯伯著身疑嬖間生意日偏仄愛妾聞啼
聲改鎮鎖竹冊或云長安吏性命在頃刻小婦聞啼聲故
令敷大澤身雖不肖甚幼小著蒼幘再轉作縣佐欲塞祖
父責濡墨決疑訟行朱慰冤鬼群凶見之怒極意便劓磔

首沮隸陽橋公議亦已格痛掠及庫胥指作盜錢賊胥既
僮椎鑿手隨面愈黑書款自証伏身竟遭刻畫酷毒一如
斯誰謂彼無策謗書入外臺遂坐使者刻牽連入治城五
載窮慘礫礫詞叫穹旻夜慟人叵惻若無磊落者誰肯為
昭白翻思受禍時何但鍛羽翻愁冤傳里巷泣涕到臧獲
發母偕妻孥惘惘望秋色豈料今日下置酒設豚拍聽此
哀絲鳴但呼說不得月明客已去庭宇鳴啞啞世人見慈
烏唾笑滿阡陌誰知事乘除禍去反為福蒼蒼上林枝當
去作謝客

贈趙子野歌

與君雖為外兄弟語話尋常見肝肺自從不見半年餘每
望吳雲輒流涕蘋溪松江同一波半年不見當奈何長安

市上相就處弟能起舞兄能歌兄今賜弟南薰殿滿載宮
花上林宴弟歸便著隨遊冠他時山中儻相見吳王臺畔
楊柳黃吳姬對坐調絲簧阿兄自對吳雲坐呼弟不來應
斷腸書來不應寄他物只要秋林一雙笛當使蠻奴月下
吹此時此夜須相憶

古琴歌

山人袖携古琴來形模拙醜腹破穿上兩金字亦殘漫自
云得自十年前十年前宿野店問野店岑寂無炊煙只將
百錢乞翁媪回買濕薪煨澗泉老翁持此一木段刀痕鑿
痕谷痕滿秀才望見三嘆羨學琴以後何曾見是成都雷
氏為揩摩雷字分明現持歸修治調曲成曲成他人不肯
問初彈美里可釋憾再鼓廣陵如雪寃將歸古操次第傳

龍入我舟何可憐

憶昔

憶昔在童初身輕俗累無雲遺明道服日月綴仙都肩玉
三危露泥金一丈符遨遊即閭闔佩帶或昆吾學語闕真
誥談玄校易圖竹間時搏拊松下亦檇蒲謫墮歸嵩壑庸
凡近僕奴極知方匿景何敢遽搏扶請命書盈紙祈真淚
迸珠但能覘帝座不恨守天厨譴臣知難違心安敢自誣
相隨有芒屨還欲化雙鳧

吊克章

相逢蕭寺已纍然自詠離騷講太元極目舊遊猶白石傷
心孤塚只蒼煙兒從外舍收殘藁客向空山泣斷絃帝所
修文與張樂鬼兮應是到鈞天

遣興

望見山櫻媚短岑翻然便悔出家林
壞車殺馬空嗟晚裂
芟焚荷直到今
筍蕨久為歸去計
雲煙無復往來心
平生最愛花濃淡
看了斜陽看暝陰

夜歸

還山迫暮夜枕石唵下眠
夢作童子日采花
弄寒泉回身在人世
欲去塵網纏永謝
歡樂情把袂入紫烟

送道友歸

浮雲起足下是子欲歸家
巖室收雲蠹丹房掃箭砂
時聞搗藥鳥啼向款冬
花莫使山童去驚飛
遂亂鷄

黃洞龍

一從負圖典負舟天公閱之居
靈湫重瞳胼手久不作蒼

苔古木兩漠漠朝來石磴鱗鱗濕如覺蜿蜒為人出甘霖
甦焦尚未多相候吳雲莫相失

歸憩仁王寺

重到招提未覺遲鉢單初副袷衣時僧房齋院門門閉梅
子枇杷樹樹垂蟻蔭經幡求託化龍纏佛座學慈悲長年
無事閑來此坐對空山諷小詩

下竺

靜看唐人刻相連坐石陰鳥啼留客意果熟住山心野水
流詩葉天香襲道林雲根有桂子應待月中尋

七言

雲竺前頭即御園小風斜雨入梅天放歌偃蹇如圓澤古
貌昂藏若雅川尋得數行天寶字破他一夜草堂眠此生

更要窮經論惆悵高人舊石筵

過葛天民新居

為憶空山雨因嗟短鬢霜幅中終日仄侍女古時妝烏白
殘林外丹砂舊井旁不留禪月盡只踞淨名床湖鏡秋容
淡雲莊曉露香汲泉湏透脉種果便成行使鶴過村店携
擎上野航極知秦外叟全似賀知章對佛稱居士翻經悟
法王自將詩檢校猶與竹商量嗟我渾無賴非公不作狂
莫移松下石老子要乘涼

十月過鳳山舟回入項王祠用前韻

墜葉濃如染孤花靜似霜溪山如有待朱粉炫施妝勝景
如天上雄鳴自帝旁工陳白玉瑄人坐紫金床古咒稱春
酒靈虬換文香風箏猶有韻星弁忽分行念此鋤榛壑頻

來渡葦航欲揮終極淚只苦廢吟章慨慷辭歡伯英雄憶
憤王逝騅嗟弗及撞斗恨難量起舞何勞短行歌未要狂
斷雲將落日千古助哀涼

送蜀送

都市今重到文園更倦遊依依返窮峽得得上歸舟往事
深能憶沈痾久合瘳行經古祠廟應酌舊山丘梁甫遺馨
在降牋殺氣浮白衣猶肯出黃裏不包羞一聽巴人曲多
貽漢蠱憂花蒙塵漠漠苑抱水悠悠蠡爾狂童輩俱為滅
族囚坤維元自正棧閣未應修管樂誰能並御雲亦可倚
時者著檣杙聊以畔牢愁碑碣重開險銷沉萬壘秋堂留
石室畫歌尚竹枝謳寒螿催連客啼鵲識故侯屈沱嘗角
黍岷嶺看牽牛從此多談讌逢誰共勸酬近前持硯削成

列抱筮篔近歲安樞相宣威在益州君歸如訪謁朝論必
咨諏列聖方垂統羣公亦好修焚燒已郿塢誅殛到謹兜
虎豹參差束魑魅次第投衣冠通海嶠干羽格蠻貊江寇
何勞服淮田亦粗收旌旃仍使傳炮烙任兇黎玄象摧天
狗昌陵控玉虬嗟嗟凡上肉斷斷幄中籌貢錦容蒲蒲緘
辨告帝謀聲名與勲列應作漢江流

戊辰感事二首

久要和平福湏寬次第刑諸公善調畫熙祚必清寧夾道
焚香拜今知病酒醒謾勞雙鬢白何止故山青妖緯朝沉
彩非煙夜透局願同滅蕞列齊壽八千齡幕府才方盛軍
師意最高何年燕巢木幾處馬騰槽馳騁心方壯指麾身
更勞周詩歌勞徠費誓說逋逃行闕占風角穹廬拜羽旄

飛騰真有種淡泊正相遭

山居書事

茶蘼架倒無人架全似老夫狂醉時昨夜一場溪雨橫又
漂苔蘚到花枝

江湖小集卷五十八

宋 陳起 編

周文璞方泉詩集

投金瀨賦

就哀就字 疑誤

世之所謂英雄豪傑之倫常多罹於困厄方伍胥之遭憂
兮寄微命於一食就婢媵以就哀兮乃鞠躬而進咎何衆
人之未然兮遽見奇於女子女既餉胥又自咎兮沉厥軀
而弗顧胥東行而入吳兮承君命而伐楚考鐘鼓以假道
兮復過厯乎故處不見禱結正襟擊絮兮莎葦披靡乎極
浦山空水溟無他人兮老姬嗥呼乎壑諮諸人既弗又兮
質諸鬼兮無所捐美鑑於瀨中兮固取信於來者凜魂氣
其安之兮為慈母而下取庶幾用此以全其老兮又足慰

乎地下惟戰國之既衰兮士方賤乎犬彘弄人命以為寵
榮兮雖妻子猶弗忌悵聖賢之不逢兮流遺恨於後世偉
淑靈之好脩兮視死生於一試故皇極之未建兮曰蹈道
而則未閤閤筭珥而至此兮誠賢者之所謂吳既霸而胥
稱忠兮伊若人之所遺後千載之悠悠兮有遺廟於故壘
井邑改經畫兮桑柘鬱其蕤蕤屏蘭蒨其弗歆兮埒昏淫
於諛祭欽高風而可企而將墜兮又秉節而不翻重曰投
金於淵明胥志兮女曰未然儻鑒此兮

石麟賦

吁嗟麟兮尔所守者陳帝之墓風泚泚兮鳴松草霏霏兮
泣露在昔見鐘振金龍輻載素域戶肇開靈旂徑御侍女
薦玉而長號侍臣抱弓而回顧淒聲竟天怨毒凝霧旦而

視之惟尔麟兮高而不屈曲而弗踞哀而不傷怨而不怒
叶象製於圖錄謹工程於尺度千歲而往若朝與暮陵栢
禿而翁仲逃野棠發而狐兔度俾趾角之巋然獨巍巍其
如故惟紫微之舒光絕巨筆於尼父父為尔而洞泣盖自
悼其弗遇予有感於斯文乃斐然而稱賦亂曰憶人之生
具五常其聰明者居而王頃刻之隔或聖狂干戈耀電劍
含霜天張義旗自晉陽縈緇冠帶我衣裳昭哉上帝聞此
祥千秋萬歲立道旁吁嗟麟兮庸何傷

黃蓮香賦

余披五嶽之圖禮三茅之神蒞服笋冠步行澗濱有老人
者手持竒薰颺於崑谷乃賦以文句曲之天華陽之山黑
武蒼蟻各持籬藩爰有藥樹流膏滿身味苦氣厚獻于丘

園有道所享不肖所僂世上齊民業流灣深罔知紀極孰
能遮欄尔惟昧昏能反其元當焚當燔上閻九閻尔惟飛
翔尔兔狙猿速往逐臭毋啟我垣網緼輪囷化為明煙素
皇泰尊寶鑒我言欲盡其微祇以贅煩余方肅而聽俛而
拾仰而不見已入石壁

遊洞霄

天柱青峩峩石筍危不墮晃晃銀雲收誰子開玉鑠崩騰
放開水煜燭入洞火神境借靈休乃欲搜碎鎖媿被朽濁
顏一得在無我致彼老鑄凝披褐迎路左願留護銀鑄被
葉盤礴羸王笈付九虎遊宴升業碓為言子速去勤苦悔
坎軻反樸招太和當免運劫禍慟哭出青松殘齡其或可
題喻玉泉家亦可樂亭

先生亭非伯夷築亭柱亦用秋山竹但令家有滿架書何
慮妻兒少饘粥朝來相對亭上賓沫泗尺度羲皇人先生
已死名不泯常與此亭作標準後來鄰觸閻伯怒僕夫預
起池魚慮拆亭拆亭先拆柱有孫抱柱出煙去三十年餘
復改觀有孫如此不待贊似魯靈光偶不全令人見此空
三嘆

病後

風燈露水兩茫然莫為歡華少壯年無病更須求藥物爰
閑猶要覓緡錢此身世柳榆裏末路光陰泣涕前快出囊
中養玉法白雲深處日高眠

上冢

蒸魚燔肉當好羞北面百拜如有求願身長健兒孫好歲

歲此日燒松楸紙錢灰盡淚不盡孤也雖在猶抱幽法法
金盞山下水相送直過梳灣頭

送人歸苕溪

憤王祠廟桃花下愁若看春又隔年今夜白蘋風更惡去
時須傍采菱船

歐陽琴歌

嗚呼箇是文忠琴嗚呼此琴今尚在堂中圖書散失盡留
得七絃傳子孫六言自書書在腹古錦梅花畱不得嗣孫
賢者能忍貧不向豪家博玉珠初鼓如撼昭陵松翠原流
水青溶溶三宗龍袞在常在左曾把鈞天賜與公再鼓似
播清穎水只將漱流肯洗耳曾蘇兩生招不來自寫新聲
付兒子克因山舜放野自茲以下不平苦與君所得歸女

謗此日一清洗萬古小孺昔誦五季傳頗訝春秋體微變
今來再聽七絃琴南薰遺製喜復見浮雲流盡白日逝何
用廣陵與離騷譜成只度歐家曲秋聲賦共廬山高琴有公題
感今吟不盡一雙清淚落醕樽

晨起

閉門不與俗人交
玄晏春秋日日抄
清曉偶然隨鶴去
出野風吹折櫻桃

礪上小飲

方坐愛蠲潔俯窺為
回縈汲汲雨露澤
悠悠江海情引之

灌蔬圃亦足發光晶陶然未頃去於焉潛我名

送道人歸華陽

山中無酒禁戶戶有松醪旋汲泉炊飯多挑筍助庖天燈
將出現野月未能高憶我初遊日先將石洞敲

寄茅山道友三絕

伏事茅山過一生癡心不望羽車迎舊時手種黃龍子今
解升雲入太清

九錫碑亭日欲曛有人跌坐對爐薰憑誰傳語桓司馬句
曲山中只白雲

藥珠宮女傍瑤屏自把韋編問姓名回到人間無一事紫
陽花下白雞鳴

秋日孤山道院

孤山有何好脩竹有樓居人在秋雲杪香凝午醮餘芳林
多落果靈沼驚魚歸棹聞歌詠猶如學步虛

寄韓礪泉

窮冬孤陋只書癡肯為凶荒強忍飢師友淵源似公者與
臺貧賤亦安之人來山縣猶須債雨映茅簷但要詩欲詣
樓居無逸步要從老手化神奇

訪梅二首

起看重霧白漫漫畧見春風在樹間傍水出籬猶未快淡
煙微雨又青山

幽花隨在石根傍幾欲移將近草堂草草一尊聊尔尔跨
驢歸去月荒涼

呈葦舂翁

豐

家本汶陽縣累世事耕蠶室廬既焚蕩飄零住江潭幼及
識故老頗聞鄉里談最盛陽和時梨杏春酣酣岱宗富枯
栢孔林存換檀鄉閭鼎其中寶號玉檐檐去年拜睡翁知
是山堂孫淵流京洛舊尺度歐梅間昨夢返故里有翁作
司南俚句馳寄之何以鏤冥頑

石林

蒼蒼一林石零散少存者分携多子孫不勝落田野虛堂
有天就乃在絕壁下存者寧非真散者亦已假相君久藏
山遠客初繫馬幽玩理莓苔孤嶠坐梧楨方咏茲游清未
敢泥風雅

絕句四首

中車初扣槿花籬物物來前認要詩一句坐來摸寫了兩

鳩飛下老梅枝

紗籠解散坐門畿生怕逢人索接羅朝雨洒來山更淨春
鋤恰好到方池

解呼威羽歸丹穴可縛單于獻漢宮四面八方籠不住許
來分坐此山中

隔林八十龐眉叟理竹疏泉過一生見說石林身健日把
書只在石中行

客中

客中時序又恁恁孤坐初春小雨中弄水攀松去年事
令人憶殺洞霄宮

山樂官

山樂官尔誰魂逝河入海俱奔奔伶倫梨園何可論山樂

官予欲尔兮無言如有言為余歌雲門

鳥媒

一自弋者篡冥飛亦云多厄犧網未收同類如予何已噤
伐斧篇去去依女蘿

和澗泉賦山楹

共惟古至人用意事物表一丘謾摧殘八極自圍繞不勞
日月運坐見歲時了魯夢久不作楚賦邽遽曉既煩匠氏
來誰謂此山小雲衣方紛敷雪幹復夭矯沐浴挹歸藏樂
甚憂悄悄

重經洞霄

曩既負幽詩今敢萌遐心扶桑下陽馭磬磬浮空林瓊臺
渺詖蕩藥珮棲高深屢見仙驥舞遙聆元女吟如逐覩開

闕邨復憂崎嶇抱閔職貴重啟閉非所任靈威掣虬戶同
此琅琅音願併翠綃水寫之朱絲琴

大滌洞

嵌空絕入泉滴滴隔凡倒懸若錐立道士云是閻丘公入
向華陽使門出

岸幘

岸幘坐亭臯休嗟命不遭通幽文似呪招隱句如騷日下
桃花熟風低鶴背高真遊窮不盡只是酌芳醪

翠蛟亭

禹驅龍蛇不驅蛟依然踰此山之坳有時淵亭忽奔放如
負山走如玉跑昔時莘渭正如此浴尔來者無空朝

寄題館娃宮即靈嵩寺

突兀僧藍是館娃，殿廊猶自隱晴霞。清明但長離宮草，精
鬼應棲野寺花。白苧黃蕉迷鶴市，紫蘭綠葦屬漁家。思量
種蠶或何事空使君王式，怒蛙。

小寒食

從來寒食多風雨，不料窮鄉亦管絃。壯歲心情悲昨夢，異
鄉時序感流年。偶隨遊子來溪上，因與棠梨立路邊。從此
堪悲轉憔悴，隨羣同上釣魚船。

五月五日至京口

回回望秦淮，出語重煩咩。凱風初酸辛，靈雨更淒切。疇昔
之所經，望見心已折。粵從世態換，轉見凡此別。緡錢換仍
艱，旅飯雜砂屑。坊市半頽毀，物貨僅羅列。鳴鳳斯不聞，遺
沴猶慘烈。凌晨轉時序，涂路已入浙。京清雖快人，認作昌

歌節身本無瑕疵反被謔口謀低翔就師友庶幾免磨滅
清曠雖未能元暢差可悅如其守微言予將俟來哲

贈蘇召叟

句容縣古寺壁有道元筆晃晃纓絡軀渺渺煙霧質一堵
最光怪朱泥久埋齶泥去墨亦盡慘淡意都失恨不還其
人加中急鞭扶毀棄加帛敬請論如漢律羅漢院塔影顛
倒難致詰稗書誌海翻此理味未必今君所歸路正向此
中出况有弟古才仰天痛呼屈勿稱荒唐言析理資按述
其餘傳播詠淋漓滿滿箱帙棲霞者悲壯茅洞者清逸珍題
倘相命當帝為甲乙

半山寺

野芳汀萼芷豆幽妍相國風流亦未傳袞冕塵埃半山寺

自相撐住過年年

跋鍾山賦二首

丁年寫了鍾山賦舉向禪宮入定僧僧却為余言未好扶
行同謁晉諸陵

往在秦朝問六朝江樓祇有女吹簫昭陽太極無行路又
見鵝黃上柳條

過鳳山有感二首

當年準擬作家林溪墅棲居意已深隱者自應尋別業鳳
兮何肯負初心參差一段囊中玉激烈三更月下吟若不
速來相就飲定應從此失知音

秋蕪闕是草堂基惟有南鄰盡得知辛苦置家將守冢告
求廣地要穿池淨蓮已付鄉僧掘慈竹從教墓客移雖向

龍灣作者舊此生寧沒暫來時

絕句二首

臯伯通家鎖夕暉八年寒食數歸期
江鄉槁柚花如雪不許離人戴一枝

入春便與僧為友紫萼黃英見坐禪
昨日鄰翁催入社謝他只是說無錢

辛未九月晦日

遺體即母身哀哀勿重陳一貽泉壤憂兩見
霜露晨繁霜與重露塗抹隨荆榛身即未殞減
強與松柏春遂於搖落中見此天地仁元鳥已
辭社葍收方降辛拭淚聲秋旻何由酬艱辛

閑居日有幽事賦作

竹暗僧窺戶，莎寒鶴上廳。壁懸陳處士，屏照少微星。纍甕
為蔬圃，埋盆學蓼汀。自知癡得計，常用醉為醒。野客兼稱
僕，幽禽代作伶。浴鳧翻落洞，闕雀墮空庭。算數推三甲，防
身召一丁。素頭松葉響，墻角袖花馨。梵度堆書笈，醪罌隱
粟瓚。茅茨隱煙雨，雞犬也忘形。

苦錐歌寄澗泉

我園秋果枝纍纍，縹青紺黃使相持。後夫牧人記註之所
佳，尚惟苦錐。苦錐雨淋結，家密追惟。丈人語天出，遂欲供
之所。籩實他往返，舍百無一。乃被猿狙打，都畢摧藏。睢盱
以自佚，季冬初旬日。協吉寒風急，散俱列粟。自慙曩者信
已失，初歌馬效詠謫。

臘月八夜雨

愁雲欲雪未成雪，忽聞寒雨夜淋浪。但知歲月隨寂寞，不
悟乾坤發艷陽。天黑鬼車聲更大，夜闌客枕夢初長。明朝
起視籬砌下，草芽浥浥又回黃。

送礪泉

一自接道誼，形容生光輝。束情謝流宕，捧詠增慚惶。矯足
時切窺雲海，何顏唐長安。賣藥市董董，十載強復綴。守藏
吏得近中書堂，心計常有珍熟云。失其長稽首，謝象去酌
酒相扶，將融風促絲蔭代對。日夜忙石澗，流自湧玉山。未
欲長安得便禽，飛相從決高翔。

送薛子書

龍泉餞語餘，便使借舟居。津吏方抽木，官人但載書。朝通
白砥石，身近碧京魚。一卷就文就，臯禽亦自如。

晚菊

亭亭砌下黃金花，霜後顏色如矜誇。
雄元英摧挫百卉盡，獨自耀熙山人家。
湘纍晨餐不論數，千歲高丘恐無女。
君不見天寶杜陵翁，晚節嘗為少年侮。

誦哀江南賦

高橋沙水涸，臺城蔓草纏。
下有煩冤人，誦此危苦篇。
我生楚臣後，身在江楓前。
但見去菟遠，不見歸兔還。
惟昔愛好詞，細碎窮註箋。
中間多佚事，他書亦可傳。
極欲補闕漏，今方長弃捐。
重効嘈噴聲，庶幾與周旋。

簡正字仲南

白髮梁鴻隨暮猿，不辭引領望兄門。
久無清夢相追逐，今遺喜經為討論。
數葉赤楓鳴客路，一畦黃薤憶家園。
著書

不就身何用每見飛塵恨滿軒

重遊栖霞

林鹿已盡虎不見邇來流民所蹂踐殘僧自言昔遭變藏
埋經像猶可唁流泉鳴悲雨摧殿滿宮慈相沙汰難白盛
綴粘或壞面慧命弗絕如斷綫况我憂患經歷遍見此悲
酸尚兢戰千聲萬聲走出門門外秋花泣餘泣

出溪

二月天景佳波清見佳蝦望中何所好溪女摘蘋花淺淺
猶可涉素手花似雪隔巷聞謳聲風來正相接

過舊居遇鄰家子述懷

憶昔王雲時最感鄰媪嫂剪羅作髮鬢添璣綴紋襟今
回遇孫枝面墨體枯槁念彼舊宅凶災釁失依保此生未

還役况復念家道冷節返鄉閭江路見芳草奪時催荒饑
連歲愁浩浩流離在山縣只有泉水好野櫻聚紫玫銜弄
晴日呆半為烏雀盜半被奴婢討乞丐必盡護盤飣如拱
寶坐薦一瓊春便足舒遠抱

正字南仲祭詩

昭陽作噩冬愁雲凝上蒼我隨谿谷底鹵莽聞公喪哲人
困中壽頌謂告者狂維執郵吏符躑躅抽肝腸又聞欽魂
魄玉色貌愈強環泣甚危苦精神都不揚一朝委塋地千
歲還天常我冠謝成均射策何巍昂連踐中秘書檢校四
庫藏象緯識校尉篇編嘉議郎麟遊夜閣黑鳳去旻霄黃
惟初典郡學吐血謗可傷積疊高柱山黨讞空銷止故老
解噓枯新人工絕吮灼灼藻火衣可使縱作裳竟罷奉面

對射策裨君王愧負臨軒恩
穹林摧棟梁往者流傳誣聖
賢失隄防頽裂在眼前
悽愴遙望相二紀獲敬事實亞
矜珮行嘗竊季弟稱朽穢
敢自將束教濡雨露采擷參
差香雖罹顛沛憂夢寐敢自
忘翻思說待對按述何微
茫嗟此盛壯時傾耳殊恣
忙但覺異清濁安知為死
生髮櫛逮細碎羅列置篋
箱前年日重九西歸舊臺
城蒙索新句詠孳縮紙半
張卷頭七字吟持以獻我
兄稱許極銖兩逢人便增
評出示羣雄跋文字逾西
京鼎器寫饕餮肉翅兩目
長楚曲彌日留振刷家苑
翔池水正清潔碩果亂縱
橫斯時惜晚暮元袂歌秋
陽徐步引升榭如訢後別
殃命之返里廬憑籍蜚晚
英讀書與折理旦旦拘限
程尔披蒿礪微乙亥事頗
詳謹勿攀卷記眎此小傳
成亦勿痛揀擇因筆為

文章倚權望江浦披榛穿翳荒梧擊祛鬼野卿志始竄更
警策入心腹陡為千細輕誰子料承應纔問一籥羸初具
厨節饌縣拌糕菊芳終庸友飛動漏下樓鼓鏗劃見睽孤
占覲覲拖晶瑩姬孔情可惻一身行自當日斜亡集舍蠹
跪亡妖祥國典書左丘地下收回商師門錫休誅慟哭發
幽榮滕抱條昭悵薛譔方施行茂洪既暮綴彷彿日月光
門戶變化久咫尺未可量負疾裹祭緩偶然值清明雨寒
送魂來素筵見親情熟食侑介推覆梧嗥石土皇諒此心
靡他庶幾下歆響

弔友人朱子大

為勢居越上其屋

與君昔並丹陽船形容惆悵俱可憐自說宅園及百年藏
三小山出雲烟土伯小廟自題扁持照清池分配妍吁嗟

先君方下世姪子賣半相炒煎出尋方伯待救護與我密
者纔萬錢是身灾疾恐凋謝語未脫口吁皇天那知君今
亦逝川洪崖白石夢杳然竟從他姓改受屢嗚呼未君無
歸歸來但見空屋椽入抱山骨於黃泉

挽正字南仲四首

千古應無恨諸君竟不能要令參溟滓端合罷飛騰百草
觴麟野蒼山下馬陵有鬼持手澤淚落照書燈

卷舌空沉彩芸香亦盡賢幾時噫鳳沼一旦感龍泉遠猶
雕題外高垂若木邊煎膠嗟不及遺碣暝臺懸

珠璧方輝耀菁華未寂寥極知身作崇何用食為妖犧象
收儒廟簫笳咽市橋傷心紗帽冷三徑雨蕭蕭

一自初聞報哀號向草堂相隨只兒子遠和有山獐土沃

幽宮掩灰甃奠酒香孤身揮淚盡松栢便姜黃

行歌四首

雪壓門外土骨堆一番兩番春始回歸來但見鄰舍換老
樹紅花如死灰商量千古有何事經營八紘非汝才乘除
幻變既如此何不快乎鸚鵡栢

天譔天譔光照戶反舌轉枝啼更怒九霄詖蕩帝座高老
我此身無告訴舍傍種園翁作鄰一方泉兮在中庭齊民
書在泉有銘誓將團結為林垆

春霏霏兮秋靡靡嘆息賞音人已死堪嗟玉雪綴空條可
奈芳蕤逐流水融怡艷冶恨欲銷世間風雨何寂寞寥有
誰肯為吹竽簫徃和蟋蟀諧鴟鴞

先秦古書世已稀國風雅頌聲又微彼美人兮在天路馬

塔局兮將安歸古人所懷已泊泊今人所懷又勿勿我亦
東西南北人相逢且盡杯中物

遣興

山中雨更愁不是奔吾州懷母未能去誰鄰誰肯畱茶人
窮似虱葉戶狹如舟一壺多深碧朝吟尚自由

孤山桃花二首

天上仙人休擲火塵中道士莫燒香可憐絳雪渾無賴一
簇千枝對草堂

莫向蓬蒿恨不遭夢魂曾釣海山鼇當時不合輕仙事惆
悵靈風滿碧桃

送人之武夷二首

精舍人歸入內臺遺基處處有芳埃小儒更合修壺史刊

落乾魚入水苔

終向名山度此生
此生吟骨要猿攀
洞宮終與人間別
六峯高削紫瓊

秋晦有懷正字南仲

懷日幾忘日
況復值秋陰
天亦容清調
人難識素心
他人誰饋肉
永夜只聽琴
高詠龍泉碣
相從發至音

贈孤山道士二首

九霄象簡手中擎
豈是閑人愛列卿
洞裏石田春漠漠
有田多與種黃精

清秋古洞無猿嘯
自覺尋行幽意微
處士橋邊增悵望
幾回沽酒對斜暉

送人之桐栢

半溪松黃堆碧波狂夫如此欲如何洞天春晚歸不得司
馬悔橋芳草多

送髯高謁方巖

客舍窘積雨出門今始晴藥苗隨野飯燕子看山行大道
白日晚閑汀綠芷生方巖相見了為草謝堂兄

江湖小集卷五十九

周文璞方泉詩集

瞿塘神君歌

黃衫紗帽佳少年
炯然餓虎窮山淵
不居秦鹿祖龍畔
却走碧鷄金馬邊
左手斜執巨靈鑿
右手敬抱禹貢篇
離堆順流已受命
一下不打天吳鞭
有時挾彈暮雲表
有時蹴鞠春風前
有時却自著絳帕
走入藥市尋神仙
為人走似李太白
學道定似葛稚川
孫翁走避乖崖叟
遣僕送畫不取錢
神君廟食與畫像
千古萬古當流傳
我昔夢上神君殿
偶值蓬萊衆真冥
洛陽開畫姚黃花
銅駝陌上難相見

清明日書事

蒼弁一如楚執珪思想越吟身自抵澗水又如古智士縱
橫流轉又滑稽雜花半開已倏落如怨曠女離深閨幽禽
自呼復相命如譴逐魄傷窮棲而我自是不羈者行行蹈
破青萋萋今回蕩漿苔雲溪與舒老輩相扶携園池亭墅
游歷遍自對蜀錦傾偏捉興闌徑走歸第舍同沃浮蟻烹
村鷄百五之後最寥閱獨過趙灣西更西野夫不知時節
換但要熟醉與春泥

雲根

雲從會稽生旦旦見伯禹聽讀山海經成龍不成虎禹命
雲歸歟可命戴山去昂昂王內史眉宇照今古常在此盤
旋深藏無所處王孫江海人雲根自栖翥招邀玉葉來以
石為伴侶既從衣上浮只就茶裏煮不入晉家池肯作秦

望雨兩儒一友郎不學世間語吳儂哦五字坎壈酸澁苦
併送山中人約束雲下去

聽琴

向人猶抱舜文絃不照書生不值錢彈去履霜空作惡一
林風雨已鳴蟬

寄友人

流落他鄉鐵羽翰半年寧復寄悲歡夜轉接鼓思成角朝
見江船念客鞍不恨形體老閭里遂令唇舌滿長安寄聲
好在文章友目送春雲自倚欄

雨

雨意遽如許雲容亦可憐聲聲總斷續滴滴更勻圓道院
燒香地山房焙畫天故園無恙否潤色到瓜田

陰山

陰山祠下月如霜不為吟猿斷殺腸折得橙花無處賞帶
枝分與棹船郎

新亭

諸君收淚已無言煙外中原草色昏老子歸來坐廊廟短
轅車上欲消魂

法寶寺

細竹千竿殿影斜龍顏曾此著袈裟寺樓杳杳鐘聲度疑
有宮娥出晚花

戒壇

相君孫女小乘僧身入祇園佛律行三級戒壇秋色冷箇
中蝼蟻亦長生

桓野王像

胡來三弄清溪笛嘆息歛歛極太箏怡悵斯人風味減江
花江草不勝情

玉晨觀二首

野水衝泉出山花避石開余方有公事不為等閑來
羽扇臨元寺霓衣上醮壇九松枝葉冷千葉杏花殘

寒食有感三首

生平參道術歸事大茅翁持鑰開金匱焚香立玉童黃麟
來地上朱鯉出江中今在柘陽畔依依睡晚風

清明好時節傲吏小詩家失意因流水傷心為落花人歸
知事盡日落見山斜明月三义路春醪亦自佳

亭午步江皋誰云命不遭愛風吹
缺缺怕兩爛櫻桃鑽火

烹新乳榼門覓小槽今年奇事少塵滿舊征袍

桂

偶向花邊立懸知病已瘳小山今夜月圍樹滿庭秋清露
霑叢底斜河在上頭須臾香更好還與碧雲浮

自笑

自笑蕭條甚微吟坐到昏江風來掃地山鳥見開門茶面
龍頭縮花梢犢鼻溫一從杯酒少不復過深村

鵝李道中二首

吹徹鵝笙醉碧桃古城斜日泛輕船此行憶著經行處綠
樹黃葉一樣高

卧龍山下聽吟松細雨清明似夢中柳蔭朱欄三百尺渴
鳥猶自泣江風

梅梁歌

文命殿角東北左上有梅梁鉄交鑠傳聞舊時枝葉生水
質鱗身無不可有時足練離朱拱歸帶濕萍先欲動低頭
下及菲領泉奮鬣直入陽明洞旁觀但怪香火濃頃刻即
令風雨送爾不見飢鳥啄鼓耒饋食走入嵩高化為石襪
祥禍福倘或是陰陽幻變誰能測玉筍觀白玉掛梁含元
追下流血柱異事苟逢博物問後來那得詳其故卷丹雲
凝素霧玉簫九成莫離俎登歌升降只仰俯嗚呼梅梁勿
飛去

題胡女騎

燕山雪花一尺飛胡人胡女夜打圍海東青過流沙西黃
頭郎主獨自生創殘狐兔懸甌車疲憊鷹犬聞笳悲君不

見自從石晉納書款白溝河潛作邊面

東陽道中

野店稍頭起灶烟江雲弄色半晴天
暗泉遠砌喧人語遠燒侵林照客鞞
晚日未收雞上樹春風欲度鳥耘田
布帆無恙歸心穩終到山家又迫年

鳳門泉

石根兩眼北風吹乳竇潛通御井邊
飄出宮花人不識又泐衰草下山前

寒食曲

今年寒食好天色遊人踏青行不極
尋山不憚千里遠往往啼號濕松柏
一杯終酌坟上土祇就坟前便歌舞
故鄉自有惱懊聲揸腰羊皮小番鼓
吁嗟悲歡一餉間但愁死

人不能語君不見北客紛紛俱落南先冢盡被胡塵漫影
堂逢節具飲食魂魄夜行溪谷山

賞春二首

滿酌黃市封都市酒斜簪縹蒂御園花半酣更乞跳珠水
獨對風爐自煮茶

賞春社裏鼓逢逢尚恨聲同調不同我亦明朝苦無事更
來吹笛亂山中

春懷

棠梨未落柳絲長料望幽人作斷腸已自不堪田父飲更
能重入少年場山連莽莽荒陂白門掩蕭蕭野日黃想得
故園踈雨外樽前推拍杜連娘

暮雨

暮雨瀟灑，即不歸尊前誰憶舊歌詞。望夫烏白濃於染黃
葉驚秋恨欲飛

即事二首

樂使金花鼓，蠻衣紫錦鞍。蕃官船過界，駟吏報平安。
龍護朝元閣，鶴棲封禪臺。中原垂白叟，只望兩書來。

題文章新成山堂

早將心事付漁樵，若被幽人苦見招。多種竹將挑笋喫我
栽松待斫柴燒壁間古畫身都碎，架上枯琴尾半焦。猶有
住山窮活計，仙經盈卷一村瓢。

題盧申之羸網圖

昔日三郎騎，爾祖廟食太山。可辛苦後來崎嶇蜀棧間，奔
置龍媒復親汝。深山古木雪漫漫，險途十步九步難艱網。

頭呪囑勿損折要尔助軍身補官

贈相士丁日宣

張公謂余可神仙薛顛謂余可英傑丁生謂二皆無成世
間安有此竒絕麒麟閣上冠貂蟬龍虎鼎內治大丹興來
一笑掃燕石回首已自升雲端何如只向松江渡楊柳影
邊茅屋住卧看蒼虬挾白雲卷取秋濤過江去

弔黥京

吾作窮竒白下因汝披短褐從吾遊蔣侯廟畔沽春酒周
處臺邊送客舟械欲破時應日慘命將絕處亦天愁江陵
柳大如如此對着官軍輒淚流

楊孟博挽詞

向來洛下老書生今見諸孫更老成不復秀才趨試院已

題文學上銘旌泛觀今古人
亾恨只有英雄命莫爭
來弔乍聞妻子哭依然
認作讀書聲

贈隱者

袁三柳大劉廿八長到仙
先生卜肆邊便拜逸妻為嫂氏
更沽春酒作家筵山公馬在何
須尔林屋丹成亦偶然獨
此老身無藉賴為他人擲卦爻錢

劍客行

燕雲逆胡著柘黃仁人烈士集
太行已聞泣涕拜明詔共
挾金輿歸大梁安得山人一
隻劍走入雲中看不見人間
夜半風雨時逆胡首奏延和殿
我生四十無所成荆淮好
漢為知音丈夫志在仁義耳
麟閣貂冠非本心功成劍化
兩龍去我亦變名入烟霧
此時再成康山人九霄客星在

何處

書事

說戰猶能聽聞屍不忍過後夫愁似鬼病馬瘦於駝甚欲
參經緯其誰出揣摩中古有遺老亡奈檄書何

見泗州降者

終自降胡便守邊大家齊數中興年姑蘇寺裏相逢處為
尔呻吟一悵然

感興七言三首

寥々古意少人傳莫為董琴只五弦夫子縱心方學易我
曹何意便談元神馳沫泗身將老望斷沅湘眼欲穿月白
風清如此夜阿郎不肯上鈞天

在家莫羨出家僧擾々營々竟未曾相國舟中龍奪劍山

人吟呷鬼吹燈從來不肯尋真訣更自無心學大乘漢室
諸公鳴玉佩也須還我一枝藤

夜々推敲學苦吟一無鍛鍊備黃金石間真隱何時出地
下狂朋無處尋獨鶴向知長袖舞猿空作斷腸音故墟
杞菊今何似桂落小山春水深

題天童全老

天童寶樓閣銅釘敲朱扉一老燒香後諸禪乞食歸天聽
塗毒鼓神捧必蕩衣說了村夫偈依然入紫微

送人之金陵

江山不作逐寒朝晚陵墓猶含古木春君入臺城須訪問
箇中定有六朝人

送逆人歸茅洞

三君乘白鵠各在一山椒子去穿茅洞人方采葉苗花連
雲氣迎松轉水程遙想得尋幽侶空歌散午朝

中秋日遊能仁北寺兩刹

輕雲漠漠烟漫漫杖藜扶行不作難無量壽佛像最古未
曾有經碑亦殘秋花滋露顏色好客子著雨衣裳單題詩
寫寄莓苔壁勿使俗人相對看

贈虎邱僧道輝遊天台二首

世讚碑人換穹龜上綠苔琵琶不可聽樓閣更堪哀竹動
禪僧入梅香凍雀回開幽緒內典日晚未歸來
少小即精勤叅禪復著文香薰滷瀆像茶酌武邱墳人定
山猿見吟詩海鶴聞幽情正迢遞又拜石橋雲

西湖即事

閑看浮鷗棲曲渚倦隨奔鹿上荒陵松門雨過長廊靜一
架藤花供病僧

宮人斜

兔兔淒涼掩暮塵野花山葉自精神年年中使頭邊過暗
裏相看似路人

上強寺

方池流水碧溶溶怡悵靈蛇不易逢門外行人常立看一
株唐末半枯松

太湖

太湖我汚池茂苑我林莽橋袖我堆盤鱸魚登俎區區為
蘋花移去溪上住終當賦歸歟來此卧烟雨

寫懷二首

吾聞唐諸僧往往多人傑有携至嵩廊可並夔稷契偉哉
寒山子拾菜衣百結其文似離騷但自寫木葉
往時陸荆門自是天下雄徒隸解散盡何處尋樊翁遂令
一世士默默逃虛空至今大堤上葉葉昏春風

九溪十八澗

九溪十八澗冷見帝青臺洗足僧書石臨流客放杯按頭
似葉響身畔野花開百六辭歌吹清遊始一回

弔辨才二首

讀了碑文讀祭詩冷看遺像立多時即當嶺上生雲處山
鳥心花憶老師

坡使參寥滴奠茶定將老淚濕烟霞誰知走入靈山隊又
對閑人說法華

西湖小隱

先帝何曾寵倖臣
家園籍沒幾經春
一邱賜與嬋娟教
主西湖似洛神

麴坊

麴坊總盡上湖舡
笑問雲山欠酒錢
兩行柳絲黃不斷
知身在御園邊

壽星老問子規二首

子規欲歸歸未得
啼向錢王壽星石
月明思盡疲不知
只怪晚山深似碧

莫向空山憶病僧
莫雲臺殿夜鄉人
多時不識巴江路
守著濃花過春

分夢泉

偷得兩泓清同他猿鳥喫上下泉邊身上下床上客相對
各相忘山中小花白

隱者居

密竹緣坡便當籬野泉入戶白花池床頭一卷麻衣易更
有寒山拾得詩

逸士墳

兔兔歸散兩逍遙小小邱亭慰寂寥守墓未須耘宿草白
蟾方護紫芝苗

夏日偶題

溪友相呼上釣舟藕花菱葉思悠悠好詩已在前山處寫
菰參寥石井頭

謝願田見過

雲卷道老方晝睡有僧奚為入
杳杳惠然相過窮壑底共
談僂流佛宗旨二家之風亦
頽靡吹而颺之誰為起寒灰
煨芋香透紙呼童就鄰一賒
米作糜煮菜相料理吾窮于
世無比擬殷勤相覓有吾子
謾書七字聊送似徃供天嬪
泣山鬼

望茅山六言三首

羽衣藥叟歡迎手執蘭花共
行從此十年不調可能久視
長生

昔年唱采芝歌已老頤願奈
何不見颯輪碾變白雲出沒
常多

蔣兄家弟清古著書互相推
宗搏土劃沙戲劇穿崗度嶺
從容

寄山中道友三首

玉函捧上五雲堆著意通幽此一回三十年來增悵望更
無人上望僊臺

恣恣山信寄來時中有黃庭七字詩已死華顛無覓處幾
回吹斷欲參差

憶得尋山復出山綠楊時候莫春間至今只有游仙夢長
與松風自住還

初營鳳山

香草參差種幽花逐旋移既添醒酒石須著放生池春在
年年好山來處處奇吹簫吾不解長嘯却相宜

梅谷

香爇雲頭玉雪身緩行微詠岸鳥中始從谷裡看脩竹却

向水濱逢麗人客子去時方得月
嶺猿啼後便無春鳳凰
欲下簫聲緊狼藉羸州萬斛塵

法華小隱

偃蓋著地卧清瑤傍渠走散入流觴
壺轉若珠曲九淙
不知休還石鯨口灣濼合巨澗橫
橋傍蒲柳來看莫春餘
象緣濃似酒摩挲蘇陳刻愈覺歲月久
寺僧愛月焰捧送
貴侯有至今星散居各自開戶牖自棄
睡雲身誰縛釣月
手夕陽令我歸為爾重搔首

既離洞霄遇雨却寄道友

凡骨何堪得再行渴心猶要謁通明
驚聞竹樹連山雨疑
有風雷掣地聲鹿啖黃精知歲久
人逢青箬便神清重來
只要齋盃飯副以常堂枸杞羹

題曹武帝削瓜圖

阿瞞瓜分姿見之垂髻中此心既弗乂此道安可洪漢祚
既墜地餘子方困窮仁義儻自唱歷數豈不同挾及宮闈
殺士延奴童至今弔古徒哀痛殊未終實以已偏仄遂令
彼長雄畫圖出後世界見經營工想其鼎峙勢亦天誇誘
其衷此章弔徒歌聊以禪禪國風

題蔡武伯所藏荆公硯

獸面鼎足奔回元中有潤澤比雨露當年曾出富國疏老
子平生用心處帝謨商頌周六典刻畫聲形勞解詰至今
文字與風騷一一相輝炫細素如聞四海失枝梧可憾諸
公欠調護誰令天乎遽如許可是石也能無預陳元同歸
蔣山路亦使高人野僧觀若為持入定林中應有明雲入

天柱吾鄉風流蔡夫子匣而藏之美無度君不見公卿後
進陸象山作祠堂記餘千言直欲百世俟聖賢惜哉不得
銘此硯使我失意心惘然

歸別墅

幽棲久不到猿鶴擅藤蘿叢篠生將遍流泉咽更多鄰翁
新釀熟野寺暮鐘和亦有經行者來觀倚杖歌

早起

佛香終了換儒巾身是人間自在身一路野花清養目半
溝流水靜怡神

雨宿山中

留連如有情蕙帳極空明晚粥知泉味昏鐘度雨聲稍容
林叟睡莫放曉猿驚剩欲刻苔蘚應當寫姓名

再遊九溪

昔年九溪十八澗今度見之逾清真
靜依落落石路晚閑繞寂寂山家春
可憐潺湲似留客更覺曲折能隨人
杖藜來盡日野棠山杏亦精神

偶題

海氣江聲相與浮今時帝里舊杭州
西湖寺裏多金碧白厭穠華不肯遊

送人之官嚴陵

如君風貌又精神自合拖紳近紫宸
神平地有心開洞穴十年無俸著閑身
已看青舫垂垂去須憶緋桃灑灑春
若向元英臺下過為言亦是學詩人

興弁山道士飲

采茗歸來日未斜更攜苦菜入仙家後園同坐枯桐樹仰
看紅桃落澗花

不欺齋

四首皆為陳將軍孫作

陳兄榜下不欺齋不欺本自誠中來晚周洙泗漢伊雒中
間此道寒如灰不欺齋中一尊酒兄乎此意差耐久真情
往往到僮僕何況親知與朋友君不見湯脫胡桃一語失
此是迂翁年少日陳吾再拜吾事畢

望雲亭

淑氣槃槃接九原湏臾鱗合更瀟灑自從萬里無顏色來
到鍾山有淚痕往者英雄俱兩絕後來哀痛欲河翻夜深
月照長松下誰見孤飛出墓門

敬思堂四言

有亭央央高邱之傍父兮母兮豎深埋藏厦屋淒涼宰木
成行春秋蒸嘗酒漿牛羊身體俯偃雖勞弗彰心志替亂
雖煩弗揚欲求幽陰茫茫洋洋西問四方實繫我腸何以
照之明神后皇凡今之人誰同慨傷

陳將軍表哀詞

扞環城兮保赤子歸王所兮執兮天雖有妻子兮不如兄
弟嗟全家兮南向而死護行殿兮卧旗鼓統伍符莫余侮
故宮蕪兮胡作哀將軍兮鬢垂素氣力絕兮委塵土後來
孤童兮不勝測楚天陰陰兮春寂寂兮曰余兄兮有廟食
借友于兮往作配駕鐵駟兮載雲旆山中人兮望余歸江
鵬翔兮花亂飛

吊清溪姑詞

青溪之濱有小廟焉相傳以為清溪神蔣子文之妹也旁
二偶人陳叔寶宮人也癸酉歲或言有妖据之郡太守毀
三像于溪中而犁其廟彼亡國妃嬪可棄也姑不可棄善
惡無別而廢者古今不可勝數也何獨此哉因感之為吊

詞曰

投余兮綠波彼土偶兮奈何余魂兮無依依余兄兮山阿
兄姿兮甚雄青骨兮朱弓稱天兮訢余寃令謬夫兮不終

水仙廟鼓吹曲四首

水瀟淪兮不揚山嶽岑兮多巨石神來下獨春仰昂神遠
適王孫的咳神無亟兮

倚碧檻歎銅鋪德星在南鳥尾逋兩峯隱天花深草蒨錢
唐十餘萬戶皆看史君歡娛雖涉流沙歷炎都入醫無閭


不知東吳

龍飛天門鷄鳴日歡湖州有鶴知夜半端冕結纓鋒車施
憶曉彼孤山男呼女怨欲裂冕毀車春榮秋枯無翁愁予
雲冥冥雷闐闐橫玉轉流珠乾靈龜入我夢謂君當旋旣
窮海壖之炎天當飲山中之流泉

招鬼

天孫招鬼鬼伯雅促千歲之淵不為谷嵬崑既刊松栢桓
桓曰惟君之鬼于茲考槃其永安君寔初成余以歸藏筮
之其兆盖如此也嗚呼休哉

國家圖書館 NATIONAL CENTRAL LIBRARY, TAIWAN, R.O.C.



江湖小集卷六十

宋 陳起 編

危稹巽齋小集

借詩話於應祥弟有不許點抹之約作詩戲之

我有讀書癖每喜以筆界抹黃飾句眼施朱表事派此手
定權衡衆理析畎澮厯厯燦可觀開卷如畫繪知君篤友
于因從借詩話過手有約言不許一筆壞是語落我耳便
覺意生械明朝試靜觀議論頗澎湃讀到會意處時欲
犯戒將舉手復止火側禁搔疥技癢無所施悶懷時一噫
只可捲還君如此讀不快千駟容可輕君抱亦少隘昨問
雞林人尚有此編賣典衣須一收吾炙當痛嘖

上隆興趙帥

買宅須買千萬鄰李雅喜得王僧珍買山百萬復誰與襄
陽節度真主人我生兀兀鎖蠹簡不肯低頭殖資產綴名
虎榜二十年依舊酸寒廣文飯綠髮半作星星華豈堪風
雨猶無家大鵬小鷄各自適只有鴻鴈長汀沙弟昆團樂
雖足樂老屋蕭條不堪著玉堂便是無骨相也合專儂一
邱壑近來卜築窮冥搜十里而近依松楸驪龍塘上鄧家
邱半山老人所釣遊半山天下文章伯鄧家聲名亦輝赫
斷碑猶在古牆陰好句曾經寫山色買鄰得此天所予獨
欠山資無覓處平生罵錢作阿堵倉卒呼渠寧肯顧君侯
地位高入雲筆所到處皆成春萬間廣廈瓦許遠豈無一
室棲貧身王鄧故處為鄰曲更得趙侯錢買屋便哦詩句
謝山神飲水也勝樽酒綠

鶴

楚楚雪衣明煙霞徑裏行不官陶令舒有節伯夷清一見
消塵慮相親長道情秋風着梧葉時作九臯聲

王架閣夙有基癖嘗於和篇中譏其不工架閣頗諱
惡其說復次韻戲之

劉伶耽於酒淵明玩於菊君乃癖於文愛基尤更篤文高
新掌故棋只前秘讀我昨却萊兵書法謹夾谷不知君諱

之護名如護玉恥鼓趙王瑟欲舉漸離筑明發疾呼予開
枰數反覆盛氣欲吞敵厲響亦驚俗失利頰湊頰得雋喜

填腹勢固健於常年終弱於僕君名高天下此特一不足
小負毋重事旁觀有靜矚大明昧於小月固不勝燭切勿

罪劉五此筆就所錄時涂任伯亦頗短架閣之棋而和篇
言不工者寔予也架閣乃歸罪于任

伯

題楊妃牙痛圖

痛入香齟楚不禁三郎心痛亦何深當時更有唇亡處自
是君王不動心

挽同年胡司門

期集盟惟舊交承契更深雨聲春共酌燈影夜同吟接武
方堯殿招魂遽楚音尤憐哭君日來納昔時金

藕花中未開之荷穿葉而出

風清宴瑤池正擁萬姬醉忽有青衫人穿仗獻封事

春日有感三首

封彌院
中作

春入長安百萬家湖邊有日不香車一株柳色吾無分看
殺庭前薺菜花

看書教葉眼花前推過熏爐去打眠五十壓頭衰白盡書
無靈聖事茫然

情知老却流鶯了爭奈狂如蛺蝶何尚有紫微紅藥在佳
人休唱怨春歌

上雷漕

破裘芒履晚山前手抱烏桐白玉絃問道知音在高處一
聲彈入紫微天

經從豐城謁于房州令侍姬歌舞進酒二首

蛾眉對歌舞涼伊舞身還逐歌聲齊捲花萬段忽進酒闌
高蝴蝶飛來低

更有佳人在空谷能唱春風天上曲何時得上金玉堂一
聲飛度龍吟竹

送劉帥歸蜀

後溪先生也

萬水朝東弱水西先生歸去老峨眉
人間那得樓千尺望得峨眉山見時

贈書肆陳解元

奚齋幸自少人知飯飽官齋睡轉宜
剛被旁人去饒舌刺桐花下客求詩
兀坐書林自切磋閱人應似閱書多
未知買得君書去不負君書人幾何

題吳淑妃真子

海靜江澄玉雪腮何年和月下瑤臺
卷中不敢端祥詳看曾得君王一笑來

春日即事

麥風翻隴潑濃綠
花露滴枝粘老紅
小立樓頭檢春事
一絲暖日墜青蟲

聞鶯

天上金衣侶
還能貺草萊
風流晉王謝
言語漢鄒枚
公等久安在
今從何處來
山禽正嘈雜
慰我日裴徊

送孫行之出守衡陽

日日江頭送客行
况聞君去作專城
心存臣子無中外
士繫朝廷有重輕
諫疏滿懷推上道
中原萬事想閑情
戎葵到底還傾日
側耳衡陽來雁聲

挽月湖三首

天湖奪我老先生
軒冕叢中玉雪清
英石數拳歸艇重
月湖千頃世緣輕
雲中買得無餘俸
句法流將不盡名
頭白

賈生非不過所言向已畧施行

詔書屢趣入承明黃閣前頭不肯登苦欲歸休同野老本
未清淨是禪僧苔生文塔今成古影挂山房喚不應猶想
經行泉石處倚嵒憔悴一枯藤

送晁告院得南康

我是康廬舊冷官寢寃今尚憶雲端山將草色到天碧泉
帶松聲出谷寒仙觀幾年留鶴隱古潭有日起龍蟠使君
肯著詩料理乞我蠻牋半幅看

上趙總領

趙猶記向來
未改之名

一見煩公道眼明懸知徹底五湖清豈期天上張公子猶
記當年劉更生幾度夜深流水操無人心認斷腸聲平生
不面却相識黃鶴樓前今一鳴

補遺

牽牛花

青青柔蔓逸脩篁
刷翠成花著處芳
應是折從河鼓手
天孫斜挿鬢雲香

接客篇

接客接客高亦接
低亦接大兒穩善會傳茶
小兒鄉鄰能作揖
家人不用翦鬢雲
我典唐書充饌設唐書典了猶可
贖賓客不來門戶俗

后村詩話

郭公篇

郭公郭公聞爾失國
春秋時何事到此猶悲啼
郭公前言亡國故當時
祇緣臣子誤百年社稷
不得歸而今家住柘
崗西滿日春風都是恨
聲聲說與齊侯知
郭亡矣君勉之

詩后
謝村

婦歎

記得蕭郎登第時，謂言即日鳳凰池。而今老等閒官職，日

欠人錢夜欠詩。詩后謝

送柴中出行守章貢

力為君王乞得州，補天未了石還收。人才自係國輕重，吾

道亦闕公去留。殿角終辭槐影日，船頭便轉荻花秋。競誇

祖帳東門外，誰識攢眉杜甫愁。豫章詩話。宋史嘉定中柴中行去國，積作詩送之。

進
知潮
州
相
出

江湖小集卷六十一

羅興之雪坡小稿

宋 陳起 編

短歌行

金谷桃李叢，畚鍤費培植。寒水猶未泮，花葉已萋萋。貞松生南山，石老厥土瘠。春回氣尚淺，生意幾欲息。東皇本無私，託根異形色。曾謂天地功，不及糞壤力。

寄衣曲

憶郎赴邊城，幾教秋砧月。若無鴻雁飛，生離即死別。愁腸結欲斷，邈衣猶未成。寒窓剪刀落，疑是劍環聲。此身倘長在，敢恨歸無日。但願郎防邊，似妾縫衣密。

舟次赤壁

吳王觀畔泛川流，赤壁磯頭半日遊。
勝地空餘豪傑迹，扁舟不載古今愁。
極知風景終無異，莫念天時逝不留。
傷事傷懷長太息，靜看江雨沒浮漚。

東擔

東擔出荆扉，征塵滿敝衣。
人憐髮鬢改，我悟半生非。
抱璞今誰訴，知音古亦稀。
尋思無一可，吾道欲安歸。

旅思

荏苒秋光老，空濛曉色奇。
霜嚴雀語澀，風定雁飛遲。
旅思荒烟底，鄉心野水涯。
夢歸未得，愁極祇顰眉。

送春

政是風光欲別時，可堪烟外雨絲絲。
怕看太白餘春賦，嫌誦淵明止酒詩。
畫短擬教持蠟炬，愁深悔不下書帷。
自知

無計能遮道任作園林隔歲期

黃鶴樓

翬飛棟宇據城端車馬塵中得異觀
復眼莫供淮地濶一江不盡蜀波寒
老仙橫笛月亭午騷客懷鄉日欲殘
獨撫遺蹤增慨慕徘徊不忍下層欄

玉梁道中雜詠

一別三會峯轉巖閱半紀山根石上苔已沒
舊屐齒摩挲青青松彼樹猶如此
睠言枕清流為洗翳塵耳

清商從西來刺刺滿林塢草木儵變衰
柯葉不相顧昔時翳空雲今作連山雨
菊花猶強項籬邊爭媚嫵

片石能邀人想此雨足趼忽逢黃冠師
對語白雲岷眼中景物饒恨我蓬華遠
躊躇不忍去泉石尚可剪

峭壁圍蒼蒼荒溪人削迹
時聞蘆葦叢野鳥話岑寂
浮生雖有涯幽討當無極
御風獨長嘯此心謝鞿馵
晚霜媒薄寒岩壑失故綠
輕飈振槁葉習徹陽關曲
秋光何足憐嗟此歲事促
愁吟思無聊日沒西山麓
泠泠澗底泉破碎山翠被
似欲留佳客曲折二十四
我行無定止蠟屐信所詣
偶來僦舍去乘興聊復爾
支枕郁木山月色瑩如洗
林幽枕席清景勝蔓蔓偉
丁當鳥忽嗥令我驚欲起
金丹事可期永願供薪水

乾坤掃陰霾晴色敞幽谷
山川薦秋雲容可秀若可
匱千岩寄一筇萬里付復
目行行翠烟中日與清景
逐

濛鴻玉梁境縹渺雲霞仙
月壇白雲洞遺址空依然
千年唯辭石躡蹠秋山烟
徘徊莫可覓酌盡丹井泉

塵空不可奈飄然入林垆稍覺道心勝漸至詩脾清靜極
生孤愁耿耿難為情喧寂兩莫愜吾意何由平

春殘

林端啼鳩損年芳洞口空憐野水香人與落英兼寂寞蝶
隨飛絮兩彷徨不因花事榮枯易未覺春工代謝忙却愛
曉來風日暝綠陰千丈漾橫塘

絕知

羈旅日騷々人間事若毛絕知操筆誤深羨把犁高百歲
總能幾終朝強作勞虛名竟何益肯把換蒲萄

登玉笥山投龍洞

捫蘿入幽谷眼累益崢嶸石壁斷人跡泉流間鳥鳴日高
雲未散秋晚草猶榮坐久無歸意悠然世念輕

間立

晚來間立小谿邊
看徹遙峯入紫烟
四壁儘堪供我隱
一寒未至乞人憐
功名不與尊前事
時序寧知局上遷
可笑區區當世士
滿懷冰炭苦相煎

下第西歸

拋却銀袍製芟荷
春風一曲紫芝歌
古來至寶多橫道
何事荆山泣卞和

才難濟世甘避世
心不愁天惟樂天
林下山間深密處
曲肱飲水興悠然

江行阻風小市

弭棹黃蘆外
江雲逸拖牙
深身軫粟風
急浪生花
日暮人收市
年窮客念家
倚蓬無可奈
忍見後歸鴉

遊春

春濃無處不相宜
草暖雲昏二月時
蝶舞花梢風細細
鶯啼柳底日遲遲
摸將景物歸詩卷
判得光陰付酒卮
箇裏各隨人有得
五陵豪俠豈能私

始見

雪後寒猶勁
書窓怯暫開
因沾江畔酒
始見竹間梅
歲底凜凜去
衰頽次第來
誰能憂許事
杖履且徘徊

山行

狂飈卷雨辨朝曦
似與新詩有會期
秋水秋山秋草木
渾將乞與數篇詩

烟草淒迷露未晞
一筇伴我立晴暉
丹楓雖老猶多態
散作漫山野蝶飛

旆旆黃茆潑眼明
荒郊盡日絕人行
誰知氣象蕭條處
賸有山川可鼎烹

槁葉忘身絕澗流
蘆花搗手欲風休
羨渠山鳥渾無事
相對飛鳴草樹秋

片雲輕度半岩陰
屢屐驚翠靄深淵
底寒泉知害懶石
根漚々自長吟

烏藤落手野烟開
水秀山明入望來
舊日經行曾著語
試看石壁已莓苔

盡日留連興未闌
寒鴉背負夕陽還
遙知今夜空牕夢
只在江南水石間

客裏

客裏愁濃處
秋宵月欲斜
雁聲頻到枕
蝶夢未還家
世有

多岐若人因一念差遙思林下去蓑笠釣烟沙

寄玉筍蕭高士

滴露騰真誥蕭然莫與羣新詩高似月世念薄于雲俗走
堪憐我間眠極羨君唯餘綠綺韻惆悵未曾聞

尋芳

尋芳自勒青絲鞵日暖烟濃春意重晚來被酒卧花陰流
鶯喚醒東風夢

桂花爛熳一久敗于風雨呼僮掃落英以供香事戲
作古句

山小涼風高秋氣遠庭砌山南山水秀鍾此數叢桂亭亭
蒼虬蟠磊磊粟玉綴薰染風露香擺脫脂粉媚芙蓉已無
秋籬菊極羞媿芳幽蕙百畝香味亦所瑣細孰知標格奇

自取造物忌狂風，挾怪雨，族滅無噍類。總憐金作屋，俄驚粟布地。姿容就槁，氣骨尚奇異。如彼死諸葛，凜之有生。意試炷博山，火來參烟一燧。

喚我

晴空喚我出柴扉，山色留人倚落暉。春意已隨流水去，晚風忽挾亂花飛。尋思樂事惟心在，惆悵良辰與願違。尚有扁舟奇絕處，江南水煖鱖魚肥。

客行

客行困泥淹，山堠不勝長。就使雨點暴，更令風力狂。時危嫌店遠，日暮覺程忙。身世推顛甚，艱難已備嘗。

山居閑思

雲散山月吐，星稀山月高。相羊風露底，望月誦離騷。

菡萏兒女態春鋤金石交曉來微雨過涼思滿蒲梢
雨作糟床注秋生鱸膾思卷簾了清景流水裊烟絲

夢迴

酒薄難成醉輕寒襲破衾夢回孤客枕聽徹草蟲吟寂寞
三秋夜淒涼一片心山林與朝市底處諮愁襟

夏雨

飄忽回風起差池高鳥翔雲穰千嶺碧雨猷一天涼飽意
歸田畝歡悅入醉鄉忽思素秋氣蕭瑟滿空堂

展轉

郵亭徹夜聽秋聲展轉蓆床直到明月白霜輕寒剪
成萬里客愁城

寄企梅兄

未墨叢中不憚勞
驕然聊試發
劖刀得時行道官
無小與物為春政
有高閑對崆峒
餐秀色醉濡章
貢助吟豪自憐
無計相從去
十八灘頭泛一舸

中秋步月

林間一葉秋
屏去三伏暑
淒然風露繁
締絡莫能禦
炎涼相推移
胡為遽如許
孰知秋已半
今夕四十五
幽人披襟來
步此一庭月
如渡滹沱水
似泛山陰雪
誰將羌管急
問彼隣杆切
再三秋思生
令人欲愁絕
空山本無塵
况復值良夜
風清月色佳
圭璧不當價
徐行苔徑間
小立林影下
飄三意欲仙
舉手人世謝
光陰若劈箭
行樂常恐遲
人生百歲客
擾三竟何為
四美古難并
千年調亦痴
麴生不我棄
邀月聊自怡

景物與意會，慙聲悲鳴一語得。總持萬狀，就使令以我詩思苦賞他。秋月明今夜，月明裏幾人同此情。

姑蘇道中

滿眼菰蒲翠撲衣，雙沙鳥漾斜暉。閒愁一段如冰釋，揚柳叢中亂酒旗。

信步

信步獨幽尋，春山野霧深。鳥啼如喚僕，泉響似鳴琴。日暖草爭秀，風狂花不禁。却嫌荒僻地，無酒與春斟。

泛舟秋懷

白露消磨暑，丹楓點畫秋。閑吟小山賦，歸思大江流。世盡營三窟，人誰樂一邱。篷窓有佳致，月郎正風休。

木犀花

金粟如來澗壑姿不隨桃李赴春期江南花品秋居最何
况秋花中絕奇

湯沐晴空顯露繁清香十里壓榭檀紗窓夢覺秋風度疑
是秋家住廣寒

秋景連蜷隱士攀渾無蜂蝶浣林間何人說與陶元亮未
必東籬勝小山

山行愁思

日落烟欲橫山寒翠將滴荒村渺愁人跬步觸四塞路遙
兩髀酸頗恨身不翼舍策還悵然倦倚松下石

明月印野水暮色進旅愁僕痛主亦疲心口相怨尤茅舍
劣容膝膝弛擔聊小休會當理歸策甘彼窮山囚

夜宿郁木福地倘徉明月間遐想仙風得五十六字

騎氣乘雲事已灰。娟野月照蒼苔。自憐不及壇前石。曾遇
仙翁躡屐來。

淒涼風露濕人衣。猶自踟躇未忍歸。樹影忽來山月轉。誤
驚鶴翅似輪飛。

閒居遺懷

日暮掩松閣。悠然謝往還。停盃因待月。徙倚為看山。負悟
道中樂。醉偷忙裏閒。耳根偏可意。風澗響潺湲。

寂聊

睡起和春倚小廊。寂聊情緒滿斜陽。園林已是花飛急。簾
幕爭禁燕語忙。

國立中央圖書館藏 NATIONAL CENTRAL LIBRARY, TAIWAN, R.O.C.

江湖小集卷六十二

宋 陳起 編

羅興之雪坡小稿

書感

設險重門未足憑民心應是有長城朝廷休戚視田野宗
社存亡非甲兵氣寔精神寧敵竭本枯枝葉可敷榮古人
經理先觀勢兩臂于韓孰重輕

蛾眉亭

悠悠飛露滿汀洲絕目蛾眉最上頭對此江山還有月知
他世界盡無秋情懷杜老鄜州夜景物坡仙赤壁遊長歎
劃然空谷應風生浪湧不容留

動後

莫作楊朱泣路岐此心自被利名移車奔寧是駕尼父舟
覆應非載伯夷出說難悔吝從來生後日嘯歌元祇在閑時
可憐秦晉功成者欲避危機已太遲

文到

簡編香外兩狐翻翰墨場中春日暄文到工時疑有助道
逢極處本無言當年誰可筆任昉後世人方怪屈原勿謂
詞章真小技精粗微妙豈殊根

臨流

習習涼颺起素波臨流解帶小婆婆秋光已共蘆花老夜
雨那勝落葉多不覺儒酸同糾纏極知妄想盡銷磨笈中
班史猶堪質肯作商聲審戚歌

鳳凰臺間眺臺前瞰軍壘有感而賦

秋風携野客杖履鳳凰臺忍見纔緜戍更聞鴻鴈來時方
憂大厦世豈乏良材何日覽輝至龍文載九垓

為言

日薄寒濃春意微花鬢柳眼尚依稀為言羯鼓休頻打催
得先開即早飛

秋林

秋宴玄雲替積陰平蕪氣象極蕭森細看搖落風霜意已
見發生天地心畢竟栽傾非外致豈伊培覆自相尋若教
宋玉曾聞道九辨悲思未遽深

卧疴

六塵緣影正堪嗟二豎乘虛勢益加憶昔鼻頭能出火即
今眼底已生花婦言伐性多因酒醫戒傷生少試茶悟罷

本未安得病角弓誰使認為譁

題采石李太白祠

仙翁謫墜岷山下逸氣如虹耿林罅萬言倚馬不作難坐
令神鬼皆驚嚇翅之車乘懸弓旌疇咨時政肝膽明和番
書草金盞殿清平詞度沉香亭聲華視漢魏黃綺寶床賜
食龍顏喜掉頭歎作燕晉遊却笑卿相紆朱紫開元盈成
亦已極屏間山水代無逸未必脫靴恨爾深自是見幾不
終日錦袍錯落浮扁舟呼兒買酒盟江鷗天公似悔夜郎
禍明月已起烟波愁采石青石三尺墓至今祠祭勤呵護
長至書意

萬草千花若死灰陽和一氣已潛回莫言舉世無先覺幾
處寒梢放野梅

通過三首

東風滿天地貧家獨無春
負薪花下過燕語似譏人
白屋釜生魚青樓行細贈
靜思天地間寧有私覆載
門前桑柘枝中有千錦機
遊人不迴頷桃李獨成蹊

却羨

貴客寧知拂徽琴
郢人漫倚引商音
那堪歲月化雙鬢
空有悲歡寄寸心
囊底有方養白玉
床頭無術致黃金
抗塵走俗曾何補
却羨鷓鴣托一林

三高亭

灼灼曾暉漸欲西
長橋弭棹倚欄時
湖光渺漭浮寒鑑
山色依稀抹黛眉
一舸功成非本志
三秋歸思亦何遲
始終惟有天隨子
笑却旌招理釣絲

花下嘆

生何處較窮通天意原難測始終花落花開翻覆手君看
同此一春風

林深

林深氣雜不相聞衆建芳馨兩廡間月榭琴彈新製曲晚
曉窓畫展舊遊山淒涼風滿竹千箇的錄春歸梅一斑可
笑野人無繫累機心猶在釣魚灣

總是

忍看繁紅委路塵空餘野草綠無垠人生憂樂何終極總
是迎春又送春

一夜

潦水野水靜雲陣布重陰一夜西風急千山落葉深身猶

衣暑服耳已厭寒砧對此無心者還應雪滿簷

寄遠詞

寒梢蕭索風振林蟪蛄切切語欲噤終宵展轉不能寐遙
憶良人戰場裏陽關一別歸無期翠烟幾度秋螢飛當時
手種合歡樹今已蒼蒼雲雨垂蜀錦裁書憑鴈寄那能道
人意中事深秋倘得未移軍猶見幽閨教痕淚居延城外
刁斗聲無定河邊霜月明妾身雖老幸未死何日中原賀
太平

被酒

人間笑口信難開十事嘗嗟九不諧忙裏始知閒氣味老
來方見少情懷清商慄慄歲無幾玄髮蕭疎生有涯誰謂
伯倫聞見減却甘麴蘖自沉埋

衛生

屏去雜壘與承零試聽我誦衛生經
兩忘寵辱心源靜一掃榮枯眼界明
醜毒不令生厚味姦邪寧使出繁聲
冥鈞深養靈根固四體調和血氣平

瀟湘道中

客行適瀟湘淒其歲行宴枯梢風騷勞荒郊雲漉漫撼撼
雨聲急皚皚雪花燦抽紫泥途深渺默山墩遠日暮欲稅
駕天末扣孤館米盡甑生塵薪濕火不煖此意對三閭似
結兩重索人生如空華百歲等抹電那忍聽客塵日夜苦
相煎懷安名所敗飽食親孰顯恭承古昔訓險阻庸敢憚
信知有此身乃是一大患愁深不能寐歌長未及亂門前
車鐸鳴輪音復號旦

看葉

紅紫飄零草不芳
始宜撰杖向池塘
看花應不如看葉
綠影扶疎意味長

談道

休將視聽探希微
衆妙何嘗間險夷
舍一而求非恍惚
自三以窺豈支離
試看瓦礫道寧隱
若外奉釜蹄思益竒
熟即取涼寒向火是
中消息幾人知

己亥中秋

此行不負中秋夜
采石江頭醉及晨
獨御涼風尋古迹
驚看明月照今人
詩騷寂寞雖云久
光景推移豈解陳
却恠悲鳴管度處
筆端何事竟無神

虎溪

衝歔吹客襟飄拂虎溪渡遠想三咲時此意固有寓孰知
秘密藏奚聞笑默語緘之徹上下綿之貫今古東林鐘聲
幽康廬山色嫋是皆善知識長時相警悞世人自合塵兩
耳聾莫覩百千微妙意墮在一毫許我行發深省如重睡
忽寤向人欲舉似有舌不能吐

默坐

厭調鞍馬佩金壺默坐空窓氣晏娛已覺胸襟止得喪那
知花草就榮枯絃何庸絕琴寧有聲未曾銷塵本無此語
倘教遊子聽料應笑我一何愚

倦倚

蟬聲燕語細相和池面綠浮點荷倦倚闌干消永日葡
萄陰薄柳風多

此悟

遑々偶々亦堪悲樂死克生畢竟齊空羨駝峯烹翠釜漫
思鱸膾拌金釐榮華代謝看荆棘今古推遷澗溪物化
密移於此悟長歌拾穗任天倪

國家圖書館 NATIONAL CENTRAL LIBRARY, TAIWAN, R.O.C.

江湖小集卷六十三

宋 陳起 編

趙希栻抱拙小稿

天屋歌為盧洪賦

霞扃雲牖高隆穹八荒四野垂簾櫳羲璘勃行西東茫
茫塵世如飛蓬玉川公子乘清風飄然據作吟詩宮穿心
出脅千萬語叫開閭闔驚蒼龍銀河瀉入北斗柄醉來擲
下琉璃鍾僊人王喬作隣伍馮軒共笑噓長虹旌陽拔宅
想亦在千年萬歲都洪濛君不見阿房結綺今何許劫灰
一丈漫秋雨

次韻李荏田德真寄遠

長安日下浮雲生故人久作西南行漚邊兩載音訊絕鬢

絲應與秋風爭蒼苔冉冉荒茅屋愁來忍把離騷讀驚鴻
剛自墮邊聲碧嶂那堪遮遠目青雲高處期翱翔去入歲
月今堂之吳鉤拂拭霜雪冷龍光飛躍秋天長思君一夜
離心折東樓又送無情月

道民金氏居

碧港雖通邑紅塵不到門桑麻唐杜曲雞犬晉桃源山遠
雲千點天寬月一軒居人非隱者吾欲東園

竹閣

古寺因人重清風尚可尋斜陽明晚閣老竹暗秋林兜率
西歸久香山北望深登臨成感慨煙月獨知心

游臨平乾洞水洞

兩洞深如許神龍此莫居山空僊去久路峻客來踈風雨

千崖暗雲煙四壁虛白搭巖石薜閑把姓名書

雪

不是春風柳因何絮客衫一雲同萬里半夜失千巖征馬
寒蹤印飢鴟凍吻緘江心一片白知有莫歸艚

送詩僧隆瘦岩

五載京華客山中坐得牢禪心天竺石吟思浙江濤入派
名隨重游方步轉高秋風飛錫遠相憶讀離騷

送自牧黃監鎮之官四安

桃花春浪急催上雪溪船海湖稱佳士功名負壯年政平
民易感詩好客爭傳別後如餐飯因風寄一箋

秋夕

霄虛白露溥木葉下危闌月澹鍾聲曉燈青劔影寒人心

山莽之世事海漫之何日平幽薊西風望眼寬

中秋

白露浦空萬葉飛生香渾在桂花枝一千里月正圓夜九
十日秋總半時溷浦風流元亮興鄜州牢落少陵詩不妨
吟盡蟾蜍影此別分明隔歲期

送李鶴田東游後還鄉

劍倚梅花鶴夢醒東游吟骨帶秋霜清台山路杳神仙跡
楚國來母子情半榻烟霞應有約一筇風雪且兼程丁寧
及早催行李莫待西湖草色平

江湖偉觀

茆屋巋然占上方一尊同此寄相羊江潮翻海莫天闊湖
水拍隄春草長蒼之越山凝紫翠搖之蘇柳間青黃歸鴻

影裏闌干晚回首中州入渺茫

送譙岩趙日休歸蜀

煙塵渺、暗魚鳧有客翻然赴上都乞得玉宸新翰墨要
還琳宇舊規模十年蠲賦綸恩重萬里歸程劍影孤他日
青城公案了紫雲深處勸陰符

春雪

飛下瑤天整復斜一番餘凍損芳華荒三月曉三千界漠
漠煙寒十萬家柳外直疑先着絮梅邊渾似後開花東風
吹作巴江水浩蕩龍濤赴海涯

秋懷次韻

雨歇空階淨綠苔西風涼氣滿樓臺鴻飛遠渚知初返燕
別明年約早來秋色祇今同世態時文何意悞人才停雲

影裏頻搔首，閑把新吟取。次裁

春莫

薄：寒侵酒面，和可憐。春事委流波，兩隄楊柳。東風老，一曲池塘，夜雨多。花落鶯聲還在否。桑空蠶事，又如何。壯心不逐流年去，倚劍青天發浩歌。

寄黃溪雲

十年成遠別，幾度上高樓。風遞江南信，雲消渭北愁。春心驚海燕，曉夢入溪鷗。何日西窗燭，相看說舊游。

九日懷友

江蟹初肥，天欲霜。莫雲紅樹寫秋光。西風攜手登臨地，今日黃花兩處香。

釣者

河豚荻笋春風老鱸膾蓴絲秋水寒多少侯門天樣闊
弄來何似釣船寬

過臨平

市井蕭條景物非居人猶號永和隄春山十里斜樹陽
漠漢殘紅杜宇啼

吳道士釣雲

淡溪、上一竿絲牽動閑雲片、飛折盡柳條穿不得荷
衣裘向碧山歸

次雪林李聾茗溪寄來之韻

雲散烟收渺、秋蛩聲四壁起新愁西風萬里乾坤眼不
到斜陽十二樓

風梧聲裏萬家秋一片吟心不着愁夜半酒醒銀燭冷月

移涼夢過西樓

賦墨鴈圖分得宿鴈

漠漠秋汀起晚烟半歌寒影立風前月明應有蘆花夢飛
遍江湖萬里天

次蕭水崖梅花韻

水姿瓊骨淨無瑕竹外溪邊處士家若使牡丹開得早有
誰風雪看梅花

湧月僧樓

百尺闌干古檣林亂山如浪翠痕深水輪飛上先猶濕照
破西來一片心

秋夕

西風梳髮冷颼颼半醉微吟獨倚樓一片舊時南浦月清

光猶印別離愁

半枕小窓幽夢蝶
數聲何處寄書鴻
關山千里人歸晚
腸斷烟林一笛風

春游

夢冷繁華金國谷
園春深葵麥暗朱門
東風日日吹花急
紅雨蒼苔泪幾痕
蝶懶鶯暗欲莫春
更兼風雨別愁新
天涯草色深如此
憶得淮南有故人

湖中曲

長眉柳葉交青條
玉花嬌面垂雲髻
湖波藍色春寥々
大隄新曲干銀霄
翠絲絡馬金裏駿
香風隨步烟飛飄
芳亭深香傳金貂
一笑嫣然輕百綃
驩娛未了日暮短
城鼓叩

啣續復銜鳴鞭夜月入鷄關碧山皎皎水潺潺

春陰曲

東風吹寒雲九有凍龍迷海亂飛走兩脚斜拖入遙阜碧
草浮烟滿隄口春皇妙運造化手解使江山失妍醜冷色
禁持萬花柳紅紫未張春國壽愁春織心心恻恻為花許
冤天聽石晴曦赫々重陰剖夢裏桃源拚載酒

江湖小集卷六十四

宋 陳起 編

黃大受露香摘稿

夏侯湛周詩成觀者歎曰此非徒溫雅乃別見孝悌之性
淵明高卧北窓興寄篇什平生本朝心之死靡變古之君
子其於天命民彝三綱五常大倫大法之所在講切惟明
踐行惟謹志之所至詩亦至焉是豈指擢雕鏤作春庚秋
蟀之聲者所可及及露香居士黃公以詩雄江西辭章甚
從令免載伯厚得端誦卷許清麗瓌特自成一家而辭所
甚敬者憂時愛世奉親誨子忠孝慈仁之意備見乎辭而
長江圖一咏居然有萬里之勢其志念深遠矣沉鬱下位
百弗一寃抑命也夫盱閩地相犬牙師友淵源可溯可挹

居士飽參有得造詣不凡非固以是資為詩也伯厚奉命
從李烏洲學朱子之學克廣先志以光昭于今聞其在此
乎淳祐改元夏五翁洲應徵序

春日田家三首

凜寒陵其熙春誰為禦其侮酸風吹積雪濃雲洒飛雨農
夫荷耒耜俶載耕斥鹵為其有身累寧免自辛苦妻兒送
中飯凍凌強欲吐晚歸極困倦倒睡帶泥土朝來天光開
紅紫新媚嫵南園踏青人日暮猶歌舞

二月祭社時相呼過前林磨刀向猪羊穴地安釜鬻老幼
相後先再拜整衣襟醜酒卜筮珥庶知神靈歆得吉共稱
好足慰今年心祭餘就廣坐不問富與貧所會雖里閭亦
有連親姻持斝相遺獻聊以通慇懃共說天氣佳晴暖宜

蠶春且願雨水勻秋熟還相親酒酣歸路暄桑柘影在身
傾歌半人扶大笑亦大嗔勿謂濁世中而無義皇民
清明百草春家上邱墓南隣去年冬禍痛及翁姬酒散
羅新阡蹙額見追慕細時細君墳望見淚已注紙錢風飄
飄世用此文具其間無紙者已無子孫故有紙與無紙百
步五十步

偶成

高唐作夢時宋玉乃得見那知賦說夢外雲兩怨此賦
苟不作應無列女傳
歲後生山巔長不踰蓬蒿松栢生澗底歲久還干霄稟質
自不同托身奚必高

綠草何自來蔓延滿中庭前朝方芟夷茲視忽已盈竹間

幽蘭花數四移乃成

讀四皓傳

白雲茫茫歌紫芝人間無路瞻危眉太子介使招忽往高
祖問省心先知翁身商山名八極此時不出漢事危敢惜
復足惜漢鼎非私劉氏私黔黎欠呵千年橋中碁華陰墮
驢者為誰

老寒行

逆賊以蜀叛安侯以客平之賜賴其家聲所傳保蜀之功莫贖也

朔風狂驚岷峨沉帝勅雲端藩四州領珠千載化老寒一
變為回鑄川鍵蠶叢簌弄幾為翻欲捲全蜀淪腥膻瞿塘
下連滄海脉愁積溟漲牽鰲極臣冰呼天天不聞快斥金
翅清江氛連環不解萬古鐵陽侯依舊千江月紫庭登奏
尤其元西州之功不補愆清源血食天地久其冰兮亦何

有出勤清源君或殺君曰非我意

昭潭寄內人

不接安書動隔年二千里外極懸懸
老親強健知勤饌諸子疲頑恐費鞭
幸有田園堪卒歲使知詩禮可無錢
客中亦有風流罪長伴梅花對月眠

由洞庭入五田

一汀紅糝蓼花天滴露清寒曉露圓
回首洞庭山半點傷心桂嶺路三千
詩魂夜寄青林月漁唱聲回綠樹烟
却笑陶朱不如我無西子與同船

油口夜飲醉卧一室及覺三鼓矣
秋夜新冷雨濕蟲鳴展轉不能成寐
於是浩然有歸志

一榻脩然着醉儂
沉清夜天槐宮夢回作惡酒氣重枕

上不眠歸興濃
點滴落堦添悶
雨清哀逸壁
訴寒蟲計行
良未成端緒
何處高樓撞
曉鍾

沙頭秋晚

霜風吹凍玉池冰
留滯周南尚未行
病久故園千里夢
夜寒孤舍一枝燈
愁緣南賈歸周影
心斷黃蘆落鴈聲
老劍已閑頭已白
祇堪吟詠課歸程

竹

虛心懷月明
勁節挺玉立
豈是外春風
春風無處入

宿岳陽張漕書堂

雲低風轉冷
黯黯起秋陰
薄暮細雨過
小窓寒氣侵
閨山千里夢
骨肉十年心病
意兼歸意攢
眉寫萬金

廉泉

一泓落古寺三赤方池懷山決瀆後燥石流金時君看此
廉泉不增亦不虧炯々玉色透燥々金沙禪榻來臨古亭
石鉞行相隨呼童試春芽活水烹新奇一啜利喉吻再啜
心神怡冷然清氣來玉液通華池憶我心地初與水同一
幾心泉本無事何必希夷齊曰泉已強名况復有是非一
笑付自然貪廉吾不知

寧化白水磔甲子春

雪瀑從天下餘流亦建瓴
浚崖秋氣逼九地殷雷聲
虎穴山川險蛟涎草木腥
負離由此徑異日不堪行

晚步

扇小葛衣輕風清草露平
水聲逢石怒煙素近山明
喚犢牛回顧驚人犬倒行
耨夫方到屋月已屋頭生

荆州人種秋擊在于田間以樂農者嗚呼其猶有先
王之世之遺意歟

鼓聲響答在聲喧歌笑聲多日易昏尚有樂農遺意在要
知此地近中原

呈魯齋提刑伯

散盡黃金與客休田園不為子孫謀白頭更自嫌多累尚
有瀟湘萬卷樓

江行萬里圖

雪山西來接海白天之所以限南北誰人甯裏着輿圖揮
斥荆吳入綃墨濃、淡、兩岸山烟波瀰茫江面寬水空
漠、鳥飛絕漸看漸遠天漫、客舟泝流先後去風帆飽
腹如飛舞有時小艇絕波來不知何處橫江渡鍾山隱隱

開金陵雨花臺前留王京汀洲劣處小孤出垂楊綠引潯
陽城新黃紫翠照卷雪武昌樓臺半明滅周郎赤壁香難
憑洞庭寒烟濛孤月西江耿耿沙稻清三十六灣斜照明
黃陵廟深楚山闊九疑成削黏天青我來展軸驚快覩恍
然對面水仙府片時行盡江南天吊古何勞出門去南巡
真人忘却歸軒轅龍去眇難追咸池曲絕誰奏樂風雨啼
真火竹枝六朝虎土工設險蹴踏滄波當揮劍血流不惜
惜江流肯放飛埃過天塹濫觴曾聞蕩雍邱楫聲若為空
悠悠江聲至今恨不盡枉白萬古英雄頭兩階干羽亭波
后八公草木今健否長安正在碧雲邊斜日西風重回首
梅川呈同舟游仲發時中流失舟故云

投晚鍾公渡放船急流送我轉千山羣犀戲浴江含石飢

鴈悲鳴櫓下灘
吟骨欲投魚腹葬
夢魂那許蝶身閑
可憐八尺奇男子
不作當年跛足看

遣載入閩從李守約

考亭高弟說烏洲
小子何妨作遠遊
問學再三勤講貫
立身第一在操脩
機心僅可文章用
邪說毋從釋老求
更做程文須典實
年來華藻近輕浮

即事

路轉歌橋曲陰陰
石磴低紫藤
藟碧樹紅葉
繡清溪草露
明侵徑秋香
暗刺衣前灘
水聲好欲起
釣魚磯

織女虫

灑氣逼星河
佳期匝眼過
草間織急
天上想寒多
燭裏顰
挑錦邊頭
冷枕戈
終宵弄機杼
奈此月明何

早作

星光欲沒曉光連霞暈紅浮一角天
乾盡小園花上露日痕恰已到牕前

歸來

近日多騷客吾衰不可追
松間哦魯頌花下看唐詩
好鳥山深語寒蟬日暮悲
此聲良叶律新句摠堪疑

公安

市人屋井底棟與江堤平
大江壓堤來浩浩勢欲傾
古堤騰長蛇獨與江爭衡
積流增巨漲飄突萬馬驚
油河與之合盤渦沸湘騰
折旋聲洶湧吞汲翻長鯨
傲范隔岸村百尺崩沙潏
中流有行舟來往如飛蠅
巨風推銀山性命鴻毛輕
設險護東南天巧如揭繩
用武莫若荆豪雄所交爭

玄德欲興劉於焉深經營坐據此要湍進退窺敵情時事
一阨塞拂衣開西扃至今聞西偏城治餘邱陵湯之橫乎
前何課百萬兵善衛保其吮坐待其師崩更能用吾長談
笑收其羸何者非神機用之須人英機畧失所用山川無
常形休兵不敢論淒咽含餘情

中秋舟次沙津

去年中秋月照我入桂城今年中秋月送我到江陵桂林
二千八百里城邊買船發春水瀟湘六月寒如水洞庭湖
中秋氣生峽江西來雪波急片帆帶雨煙中濕胡鴈不來
蘆葦秋風林浙漜生人愁反思前年風露好月入金樽醉
將倒如今飄落千萬山煙波瀾漫幾時還露香堂中千百
甕玉瓶取醉風吹夢今宵弦管鬧繁華燈火沙頭一萬家

爭似詩翁弄江月微吟還自汲江花

鬱孤

臺高日欲暝晚眺眼增明疊嶂羅雲樹復流挹粉城低浮
煙萬棟清送月三更尚約秋吟夜江聲帶雨聽

病起

煮藥爐邊過一春瘦骸唯與病相親雨多藥裹易生暈潤
透中紗懶拂塵枕上最宜思過肯靜中倒得養精神不辭
小現維摩詰只恐今無問病人

枝江九日簡周宰

日車不照出郊車門外天陰雲尚麓青州未有居士供白
衣知是誰家奴江山有恨橫飢眼茱菊無情對卧壺贏得
閑閑吟苦句定無人敢喚催租

公安寓館夜立觀前用載韻

脩之一古觀我到夜何其仙磬吟風殿幽人汲露池星沉
螢聚月倒兔懸籬四起鍾聲亂凌風欲化肌

秋夜讀書

青燈敞虛堂微風動衣襟兀坐耽塵編起觀星河沉古人
豈可見所希見其心終然發永歎不寐鳴床琴

梅

自見梅開後相看暫離只因愁落去不忍看繁時佳實
羹堪味遺音角可期牡丹專富貴春盡却空枝

杜審言黃亞夫之詩皆因其後顯文章有源委哉南豐
黃君伯厚仕于鄧以詩鳴搜冥抉微時茁新意不肯為
籬下語暇日出一編詩讀之如行澗谷秋空月晚松竹


策：有聲余固異之已乃知其先君子之作源委深長
矣而再世屈於右階會有知王適者其勿督過一丁字
淳祐改元夏五吉日洞霄散吏鄭清之書

NATIONAL CENTRAL LIBRARY, TAIWAN, R.O.C.



集

NATIONAL CENTRAL LIBRARY, TAIWAN, R.O.C



卷六十五
之八十

江湖小集卷六十五

吳汝一雲卧詩集

遣興

弱齡性淡泊鄭圃吾其師及茲拙生事窮窘常經時無方
可紆急何以宣中懷柴門蔽殘席咏書倦徘徊呼兒促觴
至日翫天雲飛山鳥送新響日逢花露滋頽然醉欄下不
省何如時雖非富貴樂富貴乃所乖疎松碎明月密竹篩
清風親交昔與別若謂行相從延企邀不及音容隨想生
諒彼亦耿耿飛爽留空形援琴不能寐意乃多於聲晤言
豈無偶眷、詎可忘編蓬詣風心尊古豈文叢所得靡有
言應酬聊爾耳室中無菜婦童弱偶成四圍樂寧無思達



此天亦晚客來問長鬚新醅可蕩未行之陟高岡一顧俯
煙水客去不肯留吾歸且休矣

歲終呈一齋

磊砢千丈松清陰蔭林邱豈無棟梁用匠伯不見收匠伯
恐未良棟梁終有求天風叶偃蓋五雲常為浮學道非學
世韜精養中和紆朱谷自貴誰肯聆商歌曠大聖心昭
然空自多著書後子雲千載應不磨

酬玉汝

磔擻畢春風長羸換新綠爽風吹涼光
綉餌釣山淥儵魚
噴水香菰蒲削藍玉老景結清和心花委淥溟日暮雲倒
飛苦雨濕茅屋奇哉五碎金青草眠黃犢天行貴葆真心
骨迥兀然一尺黃菊花秋風播芳馥

遊石仙分韻得觀字

閑攏兩袖秋步入冲寂觀古樹老雲中仙居毀巖半是時
零雨高葉脫淒風亂恠禽走何忙澁水流不漫那知張郎
仙譎幻敢懸斷雷書貯紅崖愚下浪傳贊符碑儻長靈鬼
物豈歌喚尚云劔埋山安得急推斷冷翁亦張徒精氣不
知散死坐豫樟空鑿竅競窺看何不葬山原不然棄江浙
烏鳶與蝼蟻豈食吾一貫獨流天地間萬古亘光燦神仙
固渺茫此事良可惋恣我偷兒狂更擣泥腹爛我來擬少
休亭壓不敢玩黃冠四三人拙野只欲竄延坐無好言令
我任涼館飯餘且縱觀逸興薄霄漢琴鳴着高彈奕勝出
竒算歎咏壺隱樓撫事發長嘆大書同人名聊欲記遊翫
陰霾澁輕寒日色倏昏晏倩人買春醪煮芋疊着按清坐

二更深一睡各臯軒曉來登巖頭棘路解羈絆劃開天蓋
寬遠景過飛翰幽巖摘新查窺險身發汗居然東歸裝重
下西巖畔我思古之人豈只局窮閉觀海登泰山深高世
間冠斯巖雖荒榛樂事實昭煥人心本然同今古未客判
終當駕雲風高蹈無畔岸作詩示兒童茲遊吾豈但

竭來

領上竭來觀白雲翔鳶奮鶴浮天英斜開錦繡春樹滿浴
浴半露遙山青忽然變現成蒼狗萬里長風霍無有海龍
塞土氣不敢吹日照虛空無老時

領上竭來弄明月千里銀光寒不缺蝦蟇魍魎走死盡直
教秋毫上金闕心如日月月如心嗒然猶據無弦琴騰々
轉空白日晝詩帶流星過南斗

江湖小集卷六十六

宋 陳起 編

趙崇鈔鷗渚微吟

調漁者

山明松雪水明沙一曲清溪着釣槎
我已浮湛君漫浪謾煎我水試君茶

頗愛

頗愛樂天齊物我夢隨吟賞洛中橋
桃花細馬載楊柳半面春潮紅未消

食化

海食多說心養食令人魯山中食齋人斷吟
肺腸苦

青陽

青陽滿芳蕤流連度邱園
眇昧不忍折恐傷造物恩

夜坐

自炷芳蕭讀道書玄文豁
洛走龍魚松指露色掛北
斗一夜風前學步虛

尋真夕對

春雲弄月黃金絲春山草
木皆仙姿松根對坐日西
夕群峯當前列青壁鏗々
虛祭舍古音靜聽宛是商
山吟洞石微開月當戶靜
剪水絃心手語

有贈

別意參差透碧欄外頭斜
月逼人寒釣簾恐礙雙棲
鵲乍可桃花隔霧看

簡雲卧

憶君心事如流水
流向江頭作暮潮
想得潮平沙有雪
自鏗鐵版和吹簫

空城雀

空城雀黃口黃啾
空城無人種禾黍
餒啄飛鳴申得汝

山間

山回霧氣濕生意
鞠磳隱石道苔蘚
春松花鬱金粉

東風

東風吹梅梢飄泣梅
香雪下有野草根
斬然競時節

野園

野園對客無杯勺
共坐茅欄理釣車
片月漸低風露冷
隔

簾山鬼嘯梨花

至後

惜之雲氣繞江城至後寒輕詎可憑
兩日南風將雪信牀前蝙蝠夜翻燈

大孤

大孤溶溶映眼青小孤江色春冥冥
隔江淮濡幾千里枯荻蕭摻朔風起
佳人何在遙相望我無羽翼從君翔
為君暗整真珠裳綠蘅翠芷參差香

壯節亭二松

壯節亭前野碧滋髯龍飛去忽經時
祇應黃犢蒼藤路尚有清泉白石知

東風吹桃花

東風吹桃花之先射春林相看各媚
斌艷冶搖人心想蝶下新綠游魚上
清潯百年一湏臾冥觀契飛沉

曉起

雨漂窓紙濕成瑕
風壓甕瓶卧枕沙
曉起無悰錫粥冷
自添新水救梨花

江上

清露初生紅蓼秋
爽風先到木蘭舟
釣絲不捲波痕穩
夢入蘆花數白鷗

仙思

水殿風清急景斜
靈君初下五雲車
碧羅寶篋題字記
是誰人詠落花

麻姑擘麟不肯食
飛猿上餐松實月
冷天堂涵曙光露
色凝煙白如蜜

東溪夜泊

雪滿汀州風滿林
霽光空澈夜深心
推篷却受梅花月
白噴橫簫調楚吟

夔天

康廬戶廳東偏本吳西山遺址

不見甕天人但見石上字
誰能負甕去奪我寥天思
甕破奚有餘甕在奚不足
吟作甕天辭摩抄石苔綠

雜興

潮平煙斂月明高
霽宇涵空見羽毛
我自無能君了了
檣杆獨倚調離騷

日日西風坐石苔
手捫蒼壁倚雲開
却來平地觀空色
不信碧西天際來

都昌書事

世事可無酒春藤
還有花山雲欲到
地街鼓又催衙風
緊

魚休市官貧飯帶沙天機不得問暮色欲漁

了頭巖

煙雨斑斕石蘚春墜雲誰夢寶花翠行人抱
得傾城又誤人

月巖

王丹仙蛻馭飛翰便作琉璃世界看大地山河渾忘却謾
依桂樹舞青鸞

壁間韻

雨又入簾風又斜東風吹客思家
綉紗西去誰家子青
絹圍裙插杏花

山月溪風兩自由紫蘭綠桂等離憂狂歌鬱鬱成何事一
片夕陽蘆荻秋

海棠開盡故清寒
漠漠梨花暮色闌
酒滿綠樽愁滿酒
醉凭枕障認巫山

半鬢嬋娟垂兩鴉
鷺潮微陰寶簪斜
客愁正自遊絲亂
莫戴釵頭百結花

往體

積雪久不解下有希
世珎志士緼袍間
苦心終不伸安得
白日先能照清夜
顰

皓彩青雲端飛光落
溟渤渾河與清沚
同受明月鬼勿以
清濁殊天光本無隔

志士惜流光遊子念
長道流光如奔霆
長路漫浩浩饑人
忽夢飽百憂悉傾
倒真妄安足論
榮名以為寶

松下

松梢涼露警孤鶴潭面北風蟠老蛟
老涎腥波浪惡獨吟碎月看松梢

癸卯除夕客中

膝下傳觴事已非辦香千里隔庭闈
推心遠憶新阡上寂寂低松雪乍晞

數日

數日東風欺病骨侵凌曉色作輕寒
客來坐久無談柄共看遊絲上井欄

梅

新陽斡神軸枯朽皆光榮稜層冰雪中
復見天地精姑射神所為伯夷聖之清
太白抱轆軻靈均擁芳馨是子心鬼
間不受纖芥縈獨立萬化先皎皎非
近名溪流鑑寒柯游

風吹落英山明霧氣濕月落參旗橫群虛妙香發一洗萬
慮輕紛：兒女姿慙愧東風情

狹斜

吳姬凌寒吹玉笛手殫誤作遲：聲却來拋眼調行客中
有二月東風情東風二月楊花滿伯勞朝啼芳思亂狹斜
綉轂易為愁解後相逢莫腸斷

破褐

生松鬱寒灰破褐出殘絮童兒不耐煩微吟起身去

湖中

汀蒲獵獵起涼颺碧藕香中獨立時機事兩忘吾喪我扁
舟吟過水仙祠

新隄

淡煙衰草兩絲絲，小醉微吟倒接羅。吟到水西雲影北，莞
然一笑已無詩。

書事

東隣老翁寒不寐，百結懸鶉收悲涕。自云子孫學灌田，不
識江湖與風水。大兒里胥縛送州，小兒逃遁卒未休。老夫
忍飢持未死，犁耙典盡春無牛。身為王民合徭役，運米操
舟操不得。江湖風水未足愁，檣喪檣傾誤人國。

答碧山

欲種梅花無古根，手移蘭茁上瓦盆。却憂逼仄傷蘭性，自
下清招為返魂。

答維溪

維溪挿架三千軸，葦簾^葦紉蘭得自娛。會須握手論活法，靜

看碧水生玄珠

學詩

神仙不可學，願學長不死。
學詩如學仙，吞霞潔塵滓。
渚花流水香，煙霏暮山紫。
涼颼入修竹，一笑鳴綠綺。

雀

短翅編爛貝，花紫逐食飛。
行曉霜裏，祇知菡瓜永自肥。
甘累人心弗知，天寒日暮向何處。
前路多山，慎勿去吳兒。
織網連素空，一落牢籠腥血紅。

南內

已剪諾郎百慮輕，驕兒長大又生惺。
祇愁南內無歸日，南內歸來萬古情。

江湖小集卷六十七

宋 陳起 編

葛天民無懷小集

春懷

向晚一鳩鳴道人春睡足無處寫幽懷
巡簷數修竹

絕句

夜雨漲波高二尺
失却搗衣平正石
天明水落石依然
老夫一夜空相憶

看山

我本田夫作比丘也知騎馬勝騎牛
如今馬上看山色不似騎牛得自由

寄楊誠齋

參禪學詩無兩法死辯解弄活鱗鱗氣正心空眼自高吹
毛不動全生殺生機熟語却不排近代獨有楊誠齋才名
萬古付公論風月四時輸好懷知公別具頂門竅參得徹
今吟得到趙州禪在口皮邊淵明詩馮魯中妙用則致君
堯舜前舍時便灌廬陵困六十四卦只兩畫三百五篇惟
一言我與誠齋略相識亦不知他好官職但知拚得忍饑
七十年眷梁如鐵心如石不曾屈膝不皺眉不把文章做
出詩玉川後身却不恠樂天再世尤能竒隔千里今何似
寒灰相對撥公亦何須要我知我只欠公頭上髮

醉書酒肆

碧牀酒盞香拍浮吳姬粉醉不識愁黃金手揮博歌頭夜
夜春歸楊柳樓

竺圃梅

龍脊橋邊鶴膝幽一枝斜亞水橫流自從識破胡笳曲吹
微黃昏不解愁

謝文思徐敬伯見訪

半山徐敬伯薄宦在中都柳舍偷閑到村醪就近酤易添
詩債負難得醉工夫却羨漁樵叟雖貧一事無

即事

春漲侵高岸春雲裏亂山倒遷楊柳活斜倚桔槔閑世味
老方淡花時晴最怪東風嗔嬾動故故撼柴關

重訪白石

長安惟白石與我最相關每到難逢面翻思懶下山欲歸
愁路遠小住待君還晝日看幽桂無人似我閑

達磨渡蘆像

一言已出駟難追
賴得君王放過伊
楊子江心杭折葦浪
頭何似闕頭危

收白匾豆因得二首

齒髮中年態丘園
素隱心因栽白匾
豆欲當紫圍參筐
筍收繁英牕扉失
茂林蕭蕭簷外竹
抱蔓替予吟

古香無伴侶一榻
共雲分硯水塘頭
過樵上枕上聞余
生聊自適此意論
誰論落葉如相委
時敲月下門

仲春初二絕

落梅如雪雨如麻
最怕春寒是杏花
病後不能涓滴飲
可憐芳信到貧家

初交二月草蒙茸
隣里紛紛去折蓬
柳下閉門非嬾出
苦

無筋力趁兒童

湖上春歸

陌上紅塵歇湖中翠靄生定鍾山寺迥新月夜船清蛙亂
鳴方急鷓鴣閑睡不驚兒曹知我到認得打門聲

聞鳩

蟄動猶寒在鳩鳴恰睡餘素傳鷹羽化多占鵲巢居報我
晴何用憐渠拙自如年年偏感物風急杏花初

迎鷺

咫尺春三月尋常百姓家為迎新鷺入不下舊簾遮翅濕
沾微風雨泥香帶落花巢成雛長大相伴過年華

玩蝶

粉翅來何許春風卒未休裊芳皆舊識微雨是新愁聞舞

園牆角貪香綴藥頭與花俱不語相可自風沉

聞杜鵑

望帝知何苦催歸不自禁竄身依樹密啼血染花深細雨
離人淚遊絲蕩子心青山明月夜老耳最知音

湖上觀柳偶記龍泉先生句春柳一絲之句感而有

述

斷槎無業又無枝得似勾春柳一絲不是畫船棲泊處白
鷗飛下立多時

嘗青梅

疎影橫斜處忽忽入夏看綠陰遮得暗青子結來酸因病
全疎酒如癡猶凭欄干梅花無藉在風急正漫漫

開井

小圃新穿土中藏一丈空山腰泉脉透井口樹陰蒙澆藥
先資用煎茶已見功甘涼羞自薦汲許四隣同

龍井

龍護深潭草木昏斷碑元祐典刑存蜀仙已去吳僧少嶺
上松篁亦斷魂

江山

連天芳草雨漫漫羸得鷗邊野水寬花欲盡時風撲起柳
綿無力護春寒

望越懷親

高帝陵邊我故廬白雲慘淡帶蒼梧歸心政與江流動更
著青山隔岸呼

寄輔漢卿

憶殺平生輔漢卿
武夷山裏話寒更
不知新歲還家未
白髮衝冠有幾莖

訪端叔提幹

月趁潮頭上山隨
拖尾行大江
夜滿雙櫓半空鳴
雁冷來無幾
鷗清鶴不成
平生師友地
此夕最關情

山中題古墓

冢荒無樹亦碑土
面碑痕似灼
龜壞道存翁
仲守傳家知是子
孫誰文成東海終
雖料欲銅南山最
可悲要寄此情
浮世去臨流說與
落花知

題謝耕道一犁春雨圖

耿耿思田舍
攸攸倚釣竿
一犁歌短闕
十口飯長安
老覺驅馳倦
生知稼穡難
畫圖詩卷在
留與後人看

即事

暮年居柳下終日閉柴門壁為題詩暗池因洗硯閑知
真富貴醉到古乾坤回首長安長道無言只斷魂

偶成

始參龍象種終現馬牛身再整銜冠髻難忘漉酒中散花
天上女撥草道中人寄語林靖翁和不卜鄰

竹

此君別後稍添丁留得清風鎮戶庭老鬢不禁霜點綴舊
鄰多似樹凋零一竿帶雪寒重釣數畝連苔晝掩扃此話
有誰堪委似幾回無語向青天清

蓬居詠枇杷

早誦相如賦知渠舊姓蘆花香冰裏見風味藥中瀕細雨

同梅熟清声混樂呼山禽喚老子拍竹護金珠

元夕

天街夜鼓徹雲霄一望星河影動搖佳節無如元夕盛老
懷不似少年豪紅塵巷陌青絲鞵明月樓臺紫玉簫誰料
南坡招野叟詩肩相對兩峯高

簡道安

相將除夜南風起鴈已声声向北飛驟暖定知為雪骨瘦
年終不似冬肥日來病可方開酒節下春回稍減衣正好
伴公湖上去孤山觀裏看梅歸

澗泉招隱次日乃生朝

平生南澗古遺民初度招呼我輩人每聽罷談酒絕倒極
知老氣政輪囷盃盤滿坐添燈火兒女成行勸主賓但願

吾儕似梅柳年年相見一回新

平居遣興

隔離人語自喧嘲
緊閉苔扉不許敲
談麈帶塵懸屋角
牽牛承露上林梢
投閑得計心常足
擬古成編看自抄
風雨欲來偏感處
蟻先移穴鵲移巢

桃花

洞裏桃花自古初
人間塵事幾東流
重來漁父難相覓
前度劉郎未忍踈
畫幟迎春女
渡采符供奉歲朝書
嫣然似共幽篁語
占盡風光柰得渠

偶題

綠樹何稠疊
清風稍羨餘
枕縈雲片片
簾透雨踈踈
修篁通泉壑
殘碑出野鉏
丘陵知幾變
耕稼雜陶漁

西湖泛舟入靈隱山

晴嵐漠漠水溶溶
落葉遮船翠蓋重
秋色盡為漁者占
山光多向道人濃
雪連合抱前村樹
礪繞飛來小朵峰
送罷夕陽迎素月
樓臺高下自鳴鐘

梅花

寄遠含芳別隴頭
胡沙漠漠去無休
誰招青塚千年魄
散作黃昏萬斛愁
畫角霜清腸屢斷
花光墨淡影空留
年年最憶前村夜
一段孤明雪亦羞

幽居

遠懷日與靜相宜
山色窺簾澗撼扉
野草自花聊獻笑
重雲不雨謾垂衣
人間事業難爭長
睡裏工夫獨造微
却恠蒙莊猶寐語
夢為胡蝶未忘機

秋日湖西閑泛

雨洗千峰曉波涵萬頃秋
芰花開古鏡蓮葉度輕舟
思遠人誰識身閑世不收
望中時得句倚櫂雜吳謳

郊園避暑

有暑猶當避無憂可得忘
竹疎身共瘦湖近意先涼
靜勝寧須奕幽酣不待觴
還同殘夢樂笑背朝陽

小峰行樂却望北山

霜高羣木落湖上數峰秋
野笛歸牛徑烟蓑宿鷺洲
望中多隱約佳處小遲留
百歲無虛日能堪幾度遊

蝶

黛拂雙眉粉襯毫翅烘晴日
伴相遭戲勾穉子從花遠恐
惹遊絲莫開高柳柳條來仍
易散深深交舞為誰勞吳王

花草滕王筆千載風流敵楚騷

杏花

陌上春泥苦未乾
絳唇漸吐不禁寒
海棠尚晚教誰伴
山帽衝風每自看
聲好最憐清曉賣
味甘長記綠陰圓
年年過雨胭脂落
時序關心有幾般
林間

林間石

摩挲只作釣磯看
相伴秦翁且住山
霜洗舊稜人共瘦
蘚侵孤韻歌同闌
因思樵牧分爭處
已過唐虞揖遜間
風月滿林時憇寂
三生幽事夢中還

小隱自題

水拍荒籬外山橫
落照邊鴉鴉乘犢去
鴨鴨伴鷗眠思淡
秋雲薄情高隴月
圓武陵知避世初
不為求仙

夏日池上

微波漾漾雨濛濛
岸脚烟莎間水藻
照影已無雙鬢綠
開心猶有一絲風
鶯鶯浴紅衣撲齒
齒相親翠蓋籠醉
舞夢吟皆勝處箇
中非異亦非同

孤山後馬望

凭高每嘆古人非
空有羣峰礙落暉
大雅風流誰舉似
長安秋草又衰微
寒花負約開猶嫵
幽鳥忘機趁不飛
來往半生堪記處
西村燈火夜船歸

小舟

萬頃波中獨釣身
短倉低屋舊絲綸
自憐清夜歌明月
誰共滄洲采白蘋

梅花

桃李宸竦合負^別新歲寒標格^詩誰并花中有道須稱最天下
無香可闢清倚竹向人如少訴臨流窺影更多情何當喚
取湘纍起伴我空山茹落英

孤山後舟中寫望

水接遙空分外寬孤山月出靜中看疑從弱水移圓嶠似
共姮娥住廣寒秋雨秋風初過後荷水荷葉半凋殘西村
數點歸鴉濕老子新題墨未乾

訓書上人石湖春望

蕩蕩春風草木香茫茫澤國水雲長鶯來占柳為歌院蝶
去尋花作醉鄉閑與物情聊品帶老於文字嫻巡行望中
別有關情處幾度朝陽又夕陽

湖村晚興

殘霞伴孤鷺，遠晚維斜暉。秋向詩中出，人從畫裏歸。柳塘
雙漿急，菊舍一燈微。小舸穿籬入，蒲蓬正擁扉。

雪後

雪中多日靜湖上，少人遊。光樹花為樹，斷槎鷗當舟。一杯
殘臘酒，萬古夕陽愁。富貴非吾願，葛天雲正浮。冷蘂通幽
信，孤山欠幾遭。盃因寒更滿，句到淡方高。雪滴晴簷雨，松
潮夜壑濤。布衾雖似錢，猶念早趨朝。

臘雪

片片嘉平瑞，無聲有耿光。來雖成頃刻，釀亦費商量。天潤
花無懶，風休絮不狂。孤山林處士，魂在隴香。

和子舒冷泉夜坐

亭空山盡入，人靜夜初分。喬木陰遮月，清泉影浸雲。不題

波上葉只採礪中芹澗水令人憶何當入郡聞

宿裴巷

一徑松杉迥成陰見日稀山晴僧盡出風暖燕交飛結子
花拋樹欄人犬護扉閑看山月上清坐更添衣

答趙紫芝

九月離東嘉長安了歲華未登揚子渡先訪葛翁家天作
今朝雪燈開昨夜花一杯能強飲不必問丹砂

簡趙紫芝

紫芝雖漫仕五字已專城清坐有仙骨苦吟無宦情囊因
詩句重分與酒盃輕所好煎茶外燒香過一生

清明前四日泛湖

繞岸堆青嶂游滿船滿綠波樓臺臨水近楊柳占春多老

老去調誰同調尊前且放歌韶華能幾日隨棹已新荷

送薛子舒船官

憶君江上去船重載書多學乃從吾好閑應喜客過薰風
新綠樹明月舊滄波自古關情處相思入詠歌

訪紫芝回與子舒集

君參唐句法親得浪仙衣薄宦因吟苦高風與世違春寒
留夜飲月黑借燈歸共隱知何日空山老蕨薇

即事用天竺韻

寒食少逢天氣佳十朝九日雨如麻新巢唯有燕生子小
巷已無人賣花

夏日

曉荷承蔭露晚岫障斜陽樹上地常蔭水最風最涼蟬移

驚鵲近鷺起得魚忙獨坐觀羣動閑消夏日長

雜詩

下竺山前打一遭丁寧門子看溪橋恐鷺繞
磻梅花落莫遣行人笑語高

雨中

梅雨朝仍暮蓮塘夏似秋水高侵樹脚屋漏滴人頭歇
畫厨烟出占晴礎汗收群山思會面扶病一登樓

元夕

元宵有月便無愁已是親年第一籌說與素娥從此去只
須依樣做中秋

送薛子舒

南渡今何似中流欲濟船雖憑人擊楫要若水行川竹木

如山積桑田與海連吳宮猶可問白鳥暮推烟
海邑青龍鎮船官野鶴身誰知貴公子却是苦吟人二陸
多遺迹三高屬近隣新篇因弔古時寄葛天民

次紫芝韻

欽羨私居好樓深夏必涼小窻通遠岫古木蔽斜陽露檻
安花斛塵編滿竹床如君清到骨只合靜焚香

小亭

小亭終日對幽叢兀坐無言似定中蒼蘚靜連湘竹紫綠
陰深映蜀葵紅猫來戲促穿花蝶雀下偷銜卷葉虫斜照
尚多高柳少明年更欲種梧桐

上巳呈巖叟

時俗常談已斷霜雨寒翻著絮衣裳花枝照眼堂堂去若

梳開心故故香楊柳稍傳鶯割據
菖茨敢望燕商量舊遊
莫誦蘭亭語自覺中年易感傷

荷葉浦中

急雨捎荷分外奇珠璣狼籍錦紛披
下塘六月關心處西
塞扁舟入手時却傍青蘆深處宿
還思白石去年詩平生
浩蕩煙波趣月淡風微只有知

贈眇目道人說相

道人只具一隻眼覲面全提格外機
塵裏神仙誰做得歸
來試舉問麻衣

戊辰夏五過抱朴岩

北窓隱隱透南薰老子全身是此君
冷入魚腮池面雨靜
連禽語樹頭雲苔因覓句行來破石為觀空
坐得溫時事

自多無耳聽長安雖近不曾聞

元夕西陵橋觀月

年頭半月雪漫漫養就姮娥玉一團
老小今宵竒絕處西陵橋上獨凭欄

雨中郊外

暖氣先回宿草根青青行可藉芳尊
未湏著意催花柳且為乾坤補說痕

正月二日

小巷春陰獨掩扉峭寒著盡過花衣
老來情緒無多子禁得梅花似雪飛

正月二十七雨中過蘇堤

一堤楊柳占春風柳外群山細雨中
人苦未晴渾不到只

且老眼看空濛

清明日訪白石不值

花蔞懸燈柳插簷老懷那得似
錫甜畫船已載先生去燕
子無人自入簾

送劉僧善行

西望群山碧入吳故一笠片雲俱
東風不斷村村柳展盡
陽關送客圖

湖堤晚步

照影憐寒水關情奈夕陽
雲慳天欠冷年近日添長好句
誰相寄浮生各自忙有身聊頓放
亡事可思量

懷天竺礪梅

根在巖邊結枝從水際橫
此花殊近道凡木欠修行
密雪

籠幽片踈篁倚瘦莖那時香不淺憶我話無生

柳下即事

老柳中間野岸濱水清常照樹邊身白鷗黃鳥相忘久來
往如今不避人

睡少

睡少秋難曉吟多食愈貧南柯無近闕差盡夢中人

湖上新秋

十里荷風蓋盡傾城中憶殺水邊清催詩未用西湖雨且
送新涼入帝城

六月一日同姜白石泛湖

六月西湖帶雨山小舟終日傍鷗閑風煙如許關情甚
賓主相推下語難幾點送君歸大雅一涼今夜滿長安江湖

遠思知多少歸去風前各倚欄

正月十二日夜姚江

斷岸春風峭江空夜雨清蕭疎蓬上點彷彿葉間颼今古
雙眸冷乾坤一棹輕鬢從湖海白誰識謝郎情


雨中獨酌

平生寡合雖竭斗幾曾自飲一杯酒不因風月與湖山更
為松篁與花柳今夕何夕風雨來知儂渴肺生秋埃麴生
三臈忽自薦請為風雨聊一開老夫呼前呼未了死生脫
帽傾懷抱風雨橫斜入坐中賓主淋漓俱醉倒須臾風止
雨亦休主人送客凝雙眸舊天無懷不可狀但覺兩耳風
颼颼匆匆便是中秋節更與麴生潛地說此夜寧容着雜
賓一尊只辨澆明月

水仙

玉潤金寒窈窕身翩翩翠袖挽青春水晶宮裏成仙女香
醉山中得道人朔雪幾回埋不死南洲一出淨無塵朴翁
老矣誰同調相對無言意轉親

國家圖書館 NATIONAL CENTRAL LIBRARY, TAIWAN, R.O.C.



江湖小集卷六十八

宋 陳起 編

張弋秋江煙草

張君彥發湖海豪士不喜為舉子學專意于詩每以賈島姚合為法所著僅成帙清深閑雅宛有唐人風致至其得意警絕之句雜之西人集內殆未易辨彥發思甚苦未嘗苟下一字每有所作必鎔鍊數日乃定揆其用力蓋倍於江西之學人必從事於此而後知其難且工彥發舊名奕字韓伯世為孟之河陽人嘉定戊寅仲冬八日古晉丁煇晦夫書

寄趙紫芝

獨遊非一事書札故應遲江上逢春日湖邊憶醉時有雲

為我伴終日誦君詩百鳥鳴花樹聲聲在遠思

得山中友人書

近得山中信山中頗寂寥酒方收秫釀薪旋割茅燒破屋
秋多雨平湖岸有潮不曾逢客至默坐過清宵

春晚

萬事吾今飛絮輕此身如燕又巢成暗思庾信家邊竹綠
籜新添有幾莖

夏日從陳宗之借書偶成

自從春去後少省出柴扉樹暗鴉巢隱簷空燕迹稀憶山
憐有夢當暑詠無衣案上書堆滿多應借得歸

楚州

落帆停鼓鶴湖頭兩渡因循過楚州柳下人家嘗識面咲

求新句駕粒樓

江樓飲客

鄰家買酒尊斟酌共王孫
老菜羹遲熟凍油燈屢昏
夜寒人罷市坐久僕敲門
隔岸歌明月月明江水渾

游蔣山

練布方袍因閑偶出遊
秋風城郭淨寒色樹林高
鹿守禪閑老僧修佛殿
勞再來思久住人世事如毛

送蔡監丞赴高郵

城古似盤盂榮分刺史符
夏新看藕葉夜久見蠅珠
吏過朱方接山從邵伯無
文游遺跡在民俗易相孚

送杜晦之兄弟歸闕

秋來猶苦熱歸去莫貪成
官駕新銜位詩傳舊姓名
幾家

村酒賤一路澗泉清想到鄉間日爭看兩弟兄

簡周宗聖

曠野有芳芷近江無早鶯春詩定多少旬日又清明樹暗
憐楊柳花開認橘橙相尋每乖阻夢裏亦愁生

莫春

日日雨霏霏開門無所知漫尋花發處已過絮飛時替紙
蠶生遍修巢燕立危但催人老去羞作送春詩

游長干留寄聰公

僧去尋芳草客來看落花就齋槃乞米借水鼎煎茶日炙
春無色風吹天有沙欲回成再住此意問林鴉

舟次湖口追憶任明府

重來又十年山水故悽然獨鴈仍為侶雙鳧已作仙濁流

分蜀派青色聚淮煙石上曾魚者猶言縣令賢

慈母磯

莫嫌舟送子細得看山衆草名難識孤花影自閑
避人鷹翅響經雨石文斑夜久江風冷神仙定往還

寄別顏伯奇

情深袂怕分豈不欲辭君轉柁方乘曉思山已隔雲
菊當前路見鴈在半江聞把盞秋纔好遙憐白鷺羣

送宋謙父之清江因簡希亮

吟詩夕陽裏相送上瀟灘前路逢梅處同誰倚棹看歲窮
風力緊江濶雁聲寒持此呈蘓李人生識面難

高郵送紫芝

重逢又重別把盞更悽然明日帆開岸平湖水接天
好詩

應自作狂夢與誰圖我欲來相趨揚州且住船

逢王元任

寂廩淮南道憑君獨記余始知元住此久悔不通書暮岳
留同眺寒房與借居共懷京邑燕已是二年餘

李景文移居

能詩留幕府借宅近南湖吏去少公事客來多釣徒雲為
今夜雪梅發去年株我爾同州住相過路不迂

元日

曆以寅為正風從艮位來桃符當壁寫竹戶趁鐘開宿雨
滋初茁長年老不材滿庭青栢葉惆悵獨持杯

送胡道士歸康廬

避世懷孤往為庵近五岳出無人作伴歸有鶴相看老石

苔衣淨深山瀑布寒自言猶養母應未得燒丹

豫章別紫芝

吟苦事俱廢拙深貧未除年來如旅燕秋至即移居古道
行黃葉空囊貯素書一生江海恨惟子最知余

子山寺

迢遞前朝寺經過遂一遊白雲鴉樹曉黃葉鳳臺秋僧舉
開山^詩諸人消在世愁殿廊經劫火已費十年修

送郭道士之江州

盡看山南景忽思山北遊
屐過雲亦動琴罷月空留
世上無非熱林間一似秋
雖然乍相識別去也能愁

彭蠡阻風寄城中故人

欲行行未得累日滯孤舟
月照山皆近風吹水自流
地名

人不識秋景客相愁憶尔惟成夢遙知獨倚樓

留滯

蕭條十日餘留滯別人名借吏抄陳作黏碑學艸書烟清
數村曉月落一潭虛吾自疑秋色那看樹木疎

送翁十赴舉

今年科詔下頗亦動山情丹竈留雲守書裝冒熱行卜知
三命勝業騰一經明倘赴瓊林宴能詩舊有聲

再送盛君之昇州

君與余皆懶余如君更貧今年再同夏兩鬢獨非春去棹
孤山浪征衫西府塵似聞仍用武為集立功人

再送丕父

弟行兄出送有約共凭闌草木雨初過江湖路難同懷年

各長重別酒無歡明日隻鐘下蒼岷應獨

移菊

秋風籬落遠晨起自移栽稍覺微根損
人愛重乍見蝶疑猜昔有陶元亮因茲歸去少

贈沈莊可

卷上芳名舊所知見君還恨識君遲
葉扁舟觸浪危問遍菊名因作譜畫將蘭本本要求詩向南
郡邑多經過楚士能狂更有誰

寄蘇希亮

因何也識聞名字遂托文游索近詩想像獨吟應更苦分
明此意似相知空林日短歸鴉早遠水寒多雁到遲安得
尔來同度日傳聞畫筆最清奇

送徐和卿之上饒

江樹雜丹青江寒少得晴亦知君去路多是水為程銜位
猶書岳游從半作卿如逢三泉子因說野人名

章泉潤泉皆居信

山行

偶作山行只杖藜歸逢寒日下山時與僧並立看經樹忽
有鶴來栖樹枝

送人歸南康

我來方與廬山別爾去廬山是故鄉前日住山渾不覺如
今山遠却思量

舒州歲暮

窮冬日日愛天晴古寺門開絕送迎野鶴忽來橋上立山
僧獨立水邊行過寒梅樹白全少入臘草芽青漸生又是

NATIONAL CENTRAL LIBRARY, TAIWAN R.O.C

舒州一年了怕看新曆動鄉情

廣教寺

即二橋故宅

英雄居處終奇處幾度欲來今始能騎省文高存古篆橋
公樹朽長寒藤清流併遠三分礪翠竹相依住數僧沙鳥
詎知千載恨日斜飛下立漁罾

游禪林寺

寺置蕭梁曾識少今朝薜磴始經過天低落日江湖遠烟
冷風清竹樹多蟲引翠禽行壞屋馬驚白犬吠懸蘿一僧
九十形容古岩下逢余忽浩歌

漢東郡齋夕坐

廬山解夏洪山去自到山邊葉已飄鴻雁影多憐塞近交
朋書少覺身遥屢遊騎慣將軍馬不飲還封道士瓢心憶

清吟更岑寂
王京誰與話寒宵

游智門寺

一間瓦屋荒山裏
山路縈迴夕陽照
明祇有比丘頭雪白
放牧經卷入相迎

傳聞此地有龍飛
佛殿殘碑刻鳳螭
事去千年無問處
寂寥衰艸卧苔碑

畫坐

出門無所往
獨自坐胡床
雨濯殘梅盡
風吹百艸長
近邊人喜戰
偶病客傳方
不奈春愁密
思君對酒觴

江湖小集卷六十九

卻登龍梅屋吟

宋 陳起 編

關山月

行人十年歸不得夜上戍樓看明月樓中星斗連太白樓
外關山鴈飛絕鴈飛絕歸不得鏡裏青蛾怨離別前年出
幽燕明月何團圓去年上祈連明月復嬋娟月明照我長
枕戈胡兒未滅將奈何憑誰寄書問帝城征袖不來霜霰
多

從軍行

年少良家子挺身事西北金鳴關馬嘶蕭蕭短兵發夜戰
祈連山斷甲濺腥血番部帶箭降番酋連陣沒勒功紀燕

然椎鼓歸漢關

結客少年場

并兒任氣俠年少肝膽雄
錦膺金彈丸銀鞍玉花驄
腰插三尺劍手開二石弓
輕生重大義一戰朔庭空
斬取戎王頭捷奏甘泉宮

愁夜長曲

碧簾掛雨秋容老寂寞
江城暝煙艸流蘓帳冷屏山低
寒炬香銷睡常早夢驚離緒
牽愁入翠被寒侵淚花濕
思美人今天一方烏啼月落西風急

青樓曲

青樓女兒十五六翠掠雲鬟
妙裝束千金學舞拜部頭
新來教得涼州曲錦鸞少年
被花惱醉把金釵換香草西風

樓前秋鴈飛舞衣狼籍花顛倒

採蓮曲

平湖森森蓮風清花開映日紅
妝明一雙鸕鷀忽飛去為
驚花底蘭橈鳴蘭橈蕩漾誰家女
雲髻髮黛眉嫵采采荷
花滿袖香花深忘却來時路

江南春

玲瓏樓閣江城晚楊柳絲絲凝碧烟
飛燕不歸春滿地百
花香裏聽啼鴉

長門怨

怨殺宮門不忍開無情孤月暗蒼苔
而今痛惜珊瑚枕曾
是君王賜御來

巫山高

巫山巖峽巫峽曲一十二峯淺凝綠老猿化石懸顛崖
陵雲掃壇竹九靈少女列仙從佩玉鳴鑿乘綵鳳飛魂走
魄歸瑤宮紫簫吹斷荆王夢

雪霽梅月曲

羗玄圃兮玉英寒冰輪兮太清倚縞袂兮誰子粲一笑兮
傾城倚橫吹兮寄哀思擊幽香兮補騷情

遊仙

人命如朝露壽非金石堅安得傳六翮飄飄凌紫煙夕夢
一道士羽衣何翩躚邀我與之去同上扶桑巔道遇青童
君授以東華篇讀之三百遍忽若骨已仙道士復謂我玄
訣未可傳賜我以瓊漿飲之享遐年明發寂無覩孤鶴翔
九天

詠懷

洪河相綿纏嘉宅良可卜蒼松蔭長蹊叢梅馥曲屋過亭
白水飛流鳴激寒玉遊目俯靈景抱杖委繁俗長吟暢幽
懷展清曲豈不企凌厲而乃傷局促吉士抗遐蹤幽幽聚
靈族

步出城東門

步出城東門與子各執手遙望冢壘壘悲風發隴首長松
自青青枯根帶骨朽人生如朝露嘉命那可久世無王子
喬何訣以固壽感慨徒悲傷歡言且飲酒

山上有白雲

山上有白雲浮陰翳陽光亭亭颯繽紛出岫高飛翔飛翔
長在望遠匪千里隔莫以秋風來吹散無蹤跡

秋夜懷菊山沈莊可

涼風動金旻，奄忽寒節至。百卉俱萎垂，梧桐亦飄墜。明月入我牖，展轉不能寐。顧影重傷心，思君長下淚。

歲晚懷愚齋趙叔愚壺山宋謙父

忽忽歲將暮，烈烈北風涼。霏霏雨雪皎，皎皎南枝芳。慄慄念良友，恍恍在他鄉。盈盈一水隔，迢迢道路長。悠悠無信音，戚戚重感傷。翩翩化雙鶴，去去與同翔。

月洲李賈友山捧檄來滄訪我梅下示教禁體物與詠梅佳句今歲梅開月洲仙去追和元韻感此良友

庭前有奇樹，幽艷發寒柯。寂寂衆芳歇，綿綿生意多。孤根依嶺表，高節委巖阿。清友今何在，悠悠空撻波。

和竹里蕙材叔見梅懷友韻

徘徊江_江湖側何以慰相思陽彩未寒樹貞姿倚暮籬飄零
懷遠道遼索負芳時佇立幽吟苦餘懷將訴誰

西郊梅開懷吟軒周獻父

仲冬寒氣盛玄雲停故陰嘉樹厲清節孤芳潔素心幽幽
榮歲落皎皎隔塵侵折寄無來使山川迫且深

滕閣懷古

凭高獨展眺風葉亂鳴秋鑿舞自空閣渙歌尚晚舟卷簾
山歷歷倚欄水恣恣月出江城暮淒涼萬古愁

寄雲林楊少雲自衡之桂

問訊楊夫子經年客異鄉南浮湘水遠西望楚天長五嶺
梅花發孤城草色荒白雲遙滿目曷久在炎方

寄呈後村劉編修

衆作紛紛等噪蟬先生中律更鉤玄如開元可二三子自
晚唐來數百年人競寶戴南嶽藁商留金易後村編儻令
舐鼎隨鷄犬儿骨從今或可仙

戴式之來訪惠石屏小集

詩翁香價滿江湖肯訪隱者居瘦似杜陵常戴笠狂如賈
島少騎驢但存一路征行藁安用諸公介紹書篇易百金
寧不售全編遺我定交初

江居

獨作幽居計江邊屋數間水流天自在心遠地寬閑鉏月
栽梅樹移雲疊石山白鷗盟欲結倚杖看潺湲

溪村

兀兀小橋西人家住繞溪雲山當戶入竹樹出簷奔風急
花初盡春深鶯亂啼稻畦新雨足穉子亦鉏犁

題杜少陵草堂圖

背郭好林塘誅茅作草堂因吟白鴉谷為卜碧鷄坊籠竹
和煙淨江梅帶雪香四松經喪亂閱世幾風霜

游玉笥山

玉笥凌空後玄都詔吏仙荒壇深覆艸峭壁響流泉石洞
隨龍蟄金丹許鶴傳夜深搗藥鳥啼破翠微煙

入投龍洞

行入投龍洞青青見竹竿暮雲生道樹夜月滿仙壇枯蘚
沿崖石長松繞澗寒三生清淨福獨此愧黃冠

上慧力寺

今代空王宅前朝處士家牛車為象藏鹿苑發龍華松密
風生樹江空月在沙閣黎飯鐘後邀我試君茶

寄蒼山曾子實

東湖從此別嘉會邈無期望遠音書阻思君歲月馳春雲
山隔斷秋雨鴈歸遲欲見崆峒使梅花寄一枝

幽事

閑携小斧刪梅樹自縛枯藤補菊籬燒柏子香讀調周易滴
荷花露馬唐詩

遊仰山寺

施地開金刹神因結佛緣恠松盤願徑古木護龍淵雲裏
春山亂禽啼夜月圓路遙歸不得好借上方眠

宮詞

內人倚遍玉樓東
曉色開雲臘雪融
羯鼓一聲花盡折
三
郎自喚作天公

梅花

約臂金寒拓綺疏
松頭玉重壓香酥
含章簷下新妝試
啟
菱花得似無

送表兄趙^基院赴南外知宗

御屏往往題名字
朝路彬彬藹薦書
天許留中監印奏
日
求補外得堂除
暫煩龍種司
瑤籍行立駕
班侍玉輿兩枕
或思前夜席
庠郵寧肯後
鋒車

王氏山居

聞道山居好
林深遠俗情
茶煙薰壁暗
蘿月射窓明
學稼
修禾譜
栽花識藥名
無人覺幽隱
為有讀書聲

送雲巢曾校勘赴召

高卧雲巢久雲生處士衣忽聞頒詔札催入侍經緯朝野
名雖盛山林志莫違好歸清澗隱富貴有危機

水亭

闌檻玲瓏直又橫半臨池水着新亭擬招鷺宿栽添葦怕
礙魚行掠去萍五月藕花千樣錦四時山色一般青有閑
未此尋幽賞莫看人間淡墨屏

趙承遠雲扃

開道幽居好樓雲結數椽庭深閑竹雨衣潤染茶烟嵐氣
生朝壁湍聲入夜絃半生飛動意未得痼林泉

江湖小集卷七十

吳淵退菴遺集

宋 陳起 編

賦

江東道院賦

在太平府推官宅西北
抵子城公重修作賦

大江以南壤曰當塗嘗訂定謀聿求如初或曰楚雄繹之
故封尚存築壘或曰晉塗山之舊民來茲奠居以言其形
勢則襟江帶湖牛渚天門近對歷陽裕溪柵江遠通濡湏
凡自昔之英雄豪傑多由此而戰爭馳驅上岸擊賊洗足
登櫓殄此曹魏壯哉孫吳既克克復照水而見赤幘欲窺
逆王夢日而來黃鬚英氣凜然如生遠歆慰其可書乃若
景物則圖展畫舒長江天塹濤瀾涵湧青山白苧蒼翠索

紆高人達士之所栖隱而遁藏墨客騷人之所吟詠而罵
摹元暉卜宅弘景結廬袁臨汝長嘯聲響於鸞鳳李謫仙
既醉手弄乎蟾蜍清風高出乎千古逸氣超軼乎萬夫至
于乃疆乃理可舟可車西接巴蜀東走勾吳北超中原南
入番禺莫不由我之徑出我之衝其非僻陋之邦寂寞之
墟矣然而事因時改地因代殊其在分裂之朝往往重如
馮扶至如混一之世每每視同管窺迨至本朝始為輿區
爰自藝祖鏹平煜離初以卵壘入于版圖至于太宗混一
偏隅西戎臣伏北狄遠通典隆典章際清朝之多暇會同
文軌慶薄海之無虞乃更太平興國之號多治定功成之
模乃睠吾邦本遠帝京何驟遇于明時得躡陞為州城又
即年紀肇錫嘉名雨露之恩若偏于濡潤日月之光獨私

于照臨山川草木增其燦爛旌幢旗幟倍以精明 聖主
既紆于皇卷高穹亦為之世情乃施天造乃飭地靈乃胎
胎而醞釀乃培養而發生乃滋礮瘠或為膏沃之壤乃化
刀劍亦為淳厚之民觀其棊布田疇支分岸塍平行夷曠
曲直縱橫柔麻被野薏麥連雲時雨少愆有江潮以資其
灌溉澇水或降有湖泊以泄其涌盈是以時少旱澇歲多
豐登竒秧綠水喜霑足于夏種黃雞白酒爭慶賀于秋成
乃若其民混然大朴惟土物是愛故能臧厥心惟本業是
崇是以無末作盡力畝畝收功錢鏹難貧以其勤苦易足
以其儉約故有婦女平生未識于綺羅亦有及老終身不
入于城郭衣食足故多知廉恥習俗厚故罕事鬪角蓋醇
皞乎有羲皇太古之風熙熙然有唐虞擊壤之樂于是有

厭承明之入直乞銅虎以典州凡中朝之人事多出守而
來侯皆得以逃其瘼曠而遂其優將文如伯玉可扞六經
閱之思詩如魯直堪成一窩柳之謳尔而夜已既而更殺
將脯而鼓擷雖而衙其不廢縱數刻而已休蓋賦稅輸官
而絡繹靡煩程督許訟造庭而希簡無可應酬故治事之
時每短而退食之暇常道雖謂之邦伯邦群守實偶乎黃冠
羽流當其堦庭如水因園鞠草燕寢沈沈鈴閣杳杳雞鳴
寂畫鵲声鬧曉何以異于道流之清淨而一塵之不到也
避堂舍蓋隱几對老收視歛聽回光反照虛室生白內境
火爍何以異于道流之鍊養而臻其玄妙也華陽可巾清
香可燒離騷可讀周易可校南南薰京生北牕夢覺何以異
于道流之蕭散而寄其高傲也著靈運履携山翁醞臨流

賦詩登高舒嘯礮落茶聲泉響琴調何以異于道流之放
曠而縱其吟眺也夫吾儒與道流和正不對官府與生民
休戚相関必也道吾之道而不道彼之道樂民之樂而後
樂已之樂使是却徒有太平之名而乃有太平之實則
是院不徒揭名道之扁而有體道之誠不然則月三夜而
早告雷一聲而水浸稽事靡秋菜色實繁人紀弗植天常
既殘又不然則簿書如海文牒如山習方成於珥筆訟咸
甘于禡擊當是時也其容心逸而身閑乎故孟子曰文王
樂以天下正范文公曰君子後天下而樂則以身為樂者其
樂也鄙以民為樂者其樂也有限與民同樂者其樂也無
忤所以貴乎道院者非樂慕道流為高致謂重夫清淨而
吾以民為樂也雖然千里之內

奚容無所興除一

命以上志於物則必有所惠濟夫苟貪無事之名至于不
事其事吾恐情或壅于閭閻姦必成於胥吏氣血滯則病
疾生謳吟息則愁歎起是為乖繆必傷乎和粹放縱難免
于天殃矣惟當以清淨為本以煩擾為忌政教因乎民本
非容心號令從乎俗未嘗作意則有無為之為不治之治
吾惟謹修于庭戶之間而彼將自得于湖山之外此則老
守之所當勲而益可以廣院之義也

詩

早朝步葛元詰韻

萬井蒼涼欲曙天
禁鐘聲斷佩聲聯
雲浮玉輦霞裾降
風動金蓮寶炬然
四國龍飛清穆世
羣工虎拜太平年
吾王不憊宵衣念
國祚遙知永永傳

九日

百年王事謾勞形容裏逢世跡類萍無酒可添元亮興任
人浪笑既宣醒荆湘城壁連鉦鼓河朔黎元陷虜庭久擁
旌旄愧無補敢將衰朽歎飄零

登南城

江城一眺思悠悠平楚蒼然野水流衰草寒烟梅老墓敗
垣斜日謝公樓江山有恨英雄老天地無私草木秋萬古
興亡俱是夢丈夫何者為身謀

遊青山

謝眺宅
在焉

碧嶂千層鎮一州十年前計作斯遊因看紅杏行停轡為
濯清泉坐解裘怪石巉巖蹲虎豹老松偃蹇卧龍虬轉高
轉有無窮景杖履何妨絕頂頭

又

風流千載憶玄暉此日登臨不覺疲看取眼前都是句如
何身後不流詩湏知小隱猶徭日正是高唵寥次時可惜
出山終不免空留翠岫與清漪

橫碧堂

十一年如一次仲今朝又得快登臨半城楊柳春風滿四
野桑麻雨露深檻外翠峰重入眼樽前白髮遂驚心感今
懷昔憑闌處不覺崦嵫日已沈

用前韻

每來登眺便眉伸高處蒼穹儼若臨投老光陰隨日晚思
歸情緒與秋深鷺飛沙際明人目鴈滿江頭動客心北望
淮淝何處是晚來烟霧正沈沈

官梅亭

疇昔花前屢舉觴重來鬢髮已蒼蒼未容籬菊成歸隱且
向官梅作醉鄉每約松篁堅歲晚肯隨桃李競春芳東風
二月無人惜片片霏霏雪自香

霜蕤亭

正到春歸惱客腸荼蘼架上發孤芳劉伶嗜酒名為酒薛
女餐香肌亦香人已今朝衰鬢髮花猶昔日淡梳粧十年
陳迹渾如夢徒闌干到夕陽

二

東皇為代是南薰醞釀成花迥出塵盡洗嬌紅春態度獨
呈雅素雪精神牽衣弱蔓如留客入枕清香更愜人月下
星前會醉挿青容頰暑到冠巾

三

丁園編竹亦勤哉老蔓纖條費剪裁
杳杳翠雲深作洞霏霏香雪簇成堆
玉虬飛下盤千尺金爵携將飲百杯
說與此花狼籍後園林杖履亦稀來

揮麈堂

老守重來何所為築成臺榭鑿成池
綠深夜雨龜魚遠紅壓春風鶯燕遲
民樂軒墀偏少訟官閒園圃自多詩
鳳凰啜罷投衾枕夢覺花間日影移

又

戀宿懷安物我齊况兼雨世四持麾
可憐園內樂成日却被官丘捉去時
李郭詩篇懷舊跡歐梅歌舞悵新知
多應日後清宵夢頻到姑溪溪水寒

送杜尚書赴行在

龍德剛中道學優路中夫子爾同流暫辭天府安邊關又
屬軺車返帝州萬里長城唐李勣百年勲業漢留侯明朝
回首秋江上泰華巖巖天際頭

冬雨

坐來襟袂灑濃隆冬痛飲那禁感發風却憶西樞承旨日
冒寒猶立大明宮

高氏小景

地白天寒凍烈表何人乘艇下中流被圍孟浪不相識疑
是當年王子猷

蛾眉山

在采石見
寰宇志

一帶天分南北限兩眉烟鎖古今愁

闕

詩餘

念奴嬌

牛渚

我來牛渚聊登眺客裏襟懷如豁誰著危亭當此處占斷
古今愁絕江勢鯨奔山形虎踞天險非人設向來舛艦曾
掃百萬胡羯追念照水燃犀男兒當似此英雄豪傑歲
月匆匆留不住鬢已星星堪鑷雲黯江天煙昏淮地正是
斷魂時節欄干^外榭^外酒狂忠憤俱發

水韻歌頭

杏

太白已仙去詩骨此山藏胸中錦綉如屋都乞與東皇碎
剪杏花千樹濃抹胭脂萬點妖豔斷人腸曉露沐春色晴

日漲風光。孤村路逢。休暇共徜徉。酒旗斜處。一簇幾紅粧。
暫息江頭烽火。無奈鬢邊雪霜。聊復放疎狂。倚俟玉壺渴。
未肯寶鞭揚。

沁園春

壽弟相國

喜我新歸。逢戎初度。閑情更深。正晝掩柴扉。尋隱遯。舒槐
府。戎正經綸。白石清泉。紫樞黃閣。弟為宰相。兄作閒人。
南國借我登臨。都不怕。近前丞相。喚但曳履扶筇。堪憐獨
步。携壺載酒。每歎孤斟。七袞開顏。六旬屈指。風雨對牀。頻
上心慙。懃祝道我何時。回首及早抽身。

此辭前段
句脫字誤

國家圖書館 NATIONAL CENTRAL LIBRARY, TAIWAN, R.O.C

江湖小集卷七十一

宋 陳起 編

吳淵退菴遺集

鶴山文集序

藝祖救百王之弊以道理最大一語開國以用讀書人一念厚蒼生文治彬郁垂之百年海內興起未艾也而文章亦無慮三變始也厭五季之姜藹而崑體出漸歸雅馴猶事織組則楊晏為之倡已而回瀾障川斲雕反樸崇議論厲風節要以闕世教達國體為急則歐蘇擅其宗已而瀛溪周子出焉其言具道德衆務而惟文之能藝焉耳于是作通書著太極圖大本立矣餘有所及雖不多見味其言藹如也由是先哲輩出易傳探天根西銘見仁體通鑑精

纂述擊壤豪詩歌論奏王朱而講說呂范可謂和順積中
英華發外矣後生接響謂性外無餘學其弊至於志道忘
藝知有語錄而無古今始欲由精達粗終焉本末俱舛然
則言之無文行之不遠亦豈周子之所尚哉此予於鶴山
魏公之文而重有感也南渡後惟朱文公學貫理融訓經
之外文膏史馥駭情雅思體法畢備又未幾而公與西山
真公出焉予生晚不及見考亭之典型猶幸接一二公之
緒論歲在丙申魏公假督鉞道出吳門予辱公所首知以
故讀公之詩文為尤熟公夢背十二年而二子曰近思克
愚萃遺稿刻梓焉屬予序之竊惟公天分穎拔蚤從諸老
遊書無不讀而見道卓守道約故作為文章深行闕暢微
一物不推二氣五行之所以運微一事不述三綱九法之

所以尊言已必致知力行言人必均氣同體神怪必不語
老佛必斥攘以致一紀述一詠歌必勸少諷多必情發理
止千態萬變卒歸於正及究其所以作則皆尚體要而循
法度浩乎如雲浮空而莫可狀凜乎如星寒芒而莫可干
蔚乎如風穀波而皆自然其理到之言顯其有德之言與
張程之問學而發以歐蘇之體法與公文視西山理致同
醇麗有體而豪膽雅健則其所自得故近世言文者曰真
魏要皆見道君子與公雅早掇峻第晚踐政途然身未嘗
安於朝廷之上使得行其言以措諸事如藝祖之訓而用
之詎止如今所觀存者而天不假以年故所可見者文而
已惜哉淳祐己酉夏宛陵吳淵序

橫碧堂記

此邦形勢水西南而山東北郡治居卑下處三湖固不可望而見所謂長江亦必憑高而眺于微茫杳靄中始得其彷彿然非天日大朗烟塵盡收則雖豁眸極目無所覩也惟青黃二山白紵橫空諸峯綿亘東北稍可供登覽于城上有碧雲亭創始於大觀間不知命名何義然山在東而亭面西亭之與山若相背然後又有一亭頗與山對纔尋丈許僅可容四五客過此輒不可著足恐妨遊目騁懷予疇昔固已病之而欲改為矣會易地弗果又十年再來則亭已撓破有不容不舍舊而新是圖者乃移其面勢以西為東作堂三楹又前後為軒各三楹環以欄楯翼以窓戶使虛明軒敞四無障蔽頃成觴客于上有笑而言者曰今之山猶昔之山也昔也余來蓋嘗頭頸伸縮欲以見山而

山終偃蹇今也排闥送青八戶獻狀凡四時晴雨之景朝
夕烟雲之態不勞指顧而盡入吾目然則位置之巧者固
如是乎余曰昔山谷罷郡嘗有句贈郭功甫云翰林本是
神仙謫落帽風流傾太白江山依舊隱橫碧昨日主人今
日客誰分賓主強醒醒問取磯頭新婦石請以橫碧易之
可乎且山谷在郡不滿旬日其戀戀於此邦之幽勝猶若
是矧余父子兄弟三十年間相繼來守余又再至則其不
能忘情固宜此堂之所以作也客退予坐而假寐夢與浮
邱先生弘景太白相遇笑談傾譔如舊交蓋若喜余之能
作此堂又能對此山者二公既去劉寄奴桓司馬繼至予
揮之曰予堂不為二子作報而退予亦睡覺云堂之南舊
連清風亭多歷年所圯尤甚亦因餘材新之凡三楹一翼

輪奐相稱故并書

太平郡圃記

姑孰郡圃視他郡為隘自王冠卿紫微以窈深為神祠又自李儔老棘卿以駐春為仗甲庫益隘甚歸然獨存者惟近民堂然剏於淳熙間已百餘年屋老材腐多支以木居者每危壓是俱堂舊對池之陽修可二十丈中有官梅亭跨以橋水面纔七八尺少晴輒涸雖名為池而實溝澮之弗若也乃鑿而廣之灌以江水作堂其上扁曰揮麈即劉丞相畢老詩中語也中為堂五楹前與軒三楹堂後又為重堂五楹扁曰窈深復舊也池上三峯植桃三本李十八本柳二十本既成適當仲春試與客倚欄而觀之清漪綠漣渺如一壑輕波微瀾隨風四起密藻叢生小荷簪抽柳

眼已舒漸露黃金之色梅花雖謝尚飄白玉之香鷗鳧翩
翩而來龜魚洋洋而遊恍然身在江湖之上若夫炎夏納
風高秋賓月冬曦煦背寒雪眩目三時之景又可知予之
不見及而去也堂之東十餘步即前所謂神祠夫神主於
靜貴於肅乃定於宴遊之處賓客騎從之喧填優伶倡幻
之褻狎其為不靜不肅毋乃甚乎於是移於祭庫之側以
其地為亭前種梅三十本後種竹一百箇揭倪正文文昌
所書官梅扁官梅之後有隙地盈丈亦作小亭植紅藥二
壇扁曰駐春池之西亭有午橋莊野處洪公所創洪公文
章妙天下其所為記至今膾炙人口然居實卑陋縱橫纔
尋丈且歲久亦弊又為之創屋十一楹中揭洪公舊扁以
為宿客館賓之所於是太平郡圃雖不敢以為美亦庶幾

可備政暇游憇笑語或曰子自開藩以來減租蠲賦弛征
代輸修黻宮治書院葺浮梁整倉宇居養濟皆當為而為
宜也乃若園池亭榭毋乃不必應是乎余應曰昔者藝祖
皇帝之開國立課考之制凡州縣廨宇之修廢成毀皆書
之以行殿宸賞罰令課歷猶有存者則蒞官臨政之餘退
休之所亦在不廢固聖祖神宗之屬望而金科玉條之所
許也昔柳子厚作零陵縣三亭記以為氣煩則理亂視壅
則志滯故君子必有游息之物高明之具于以滌其煩而
宣其壅宜不可廢于一邑况郡乎此郡圃之所以作也

采石虞忠肅公祠記

阜陵在宥二十有八載循名責實始終惟一蓋嘗與丞相
趙衛公評雍國虞公事業以采石之功為第一詔特贈太

傅嗚呼可謂不沒其實者矣余家有別業在楊林裕溪之間少小暫租往來必艤舟蛾肩下時紹興舊校猶有存者每為予言當李顯忠未至逆亮將渡三軍無主百姓皆荷擔立會虞公適至即立馬指揮部分某軍登某船某船守某隘言未既賊舟已塞中流公以重賞嚴罰督勵將士且躬自鼓之莫不人百其勇盡死鬪又益以火攻之具于是天反風賊舟焚焉逆亮遁焉當是時非公則江南幾殆嗚乎余聞其言著諸心蓋四十年於此矣夫天欲啓一代中興之君必為篤生一代中興之臣周之宣王惟申與甫漢之世祖寇恂鄧禹唐之憲武裴度德裕皆能戡禍亂定變故安黔黎康海宇以光復先古之業此豈偶然而然哉初大觀間有俊明者成都人精于易數嘗詣關上書我汴京

王氣盡乞移洛陽朝廷以妄斥之時雍公猶幼張魏公尚
小官俊明一日謂公之父秦公曰國家之運將在東南南
渡之後大變有二譬如大舟巨艦厄於駭浪驚濤維楫操
柁非命世之才不濟任其事者其張公與郎君子秦公聞
其言當時固未信也嗚乎苗劉之逆宗社幾危逆亮渡江
南垂不保天生二公再造我宋中興之祚千萬載未有艾
此豈偶然哉夫德施於民則祀之以死勤事以勞定國則
祀之能禦大灾能捍大患則祀之公豈非以勞定國者歟
豈非禦大灾捍大患者歟而采石之祠昉於嘉定九年春
予開闢金陵公之曾孫焄以池倅來入幕既至諭予曰焄
自池而昇道經先公祠下地局址隘棟橈樹傾草萊生階
牛羊入室甚非所以安神靈昭勳烈敢請夫見河洛而思

禹功此人心所同然與生俱生不可泯設矧予以守江為
職公以守江策勲因職而懷其勲因勲而懷其人因人而
崇其祀是非予之責與於是捐緡粟治材木委馬步軍副
總管關侯寶董役郡太守章御史琰又相其費自門及廡
及堂莫不鼎新焉凡為屋十有四楹左圖采石御賊之寶
右繪京口防江之規當時將士之用命者亦肖像其後既
落成糅以記請因書顛末授之俾刊於石

濟民藥局記

淵猶及見先生長者談乾淳間事其言曰聖朝體列聖好
生之德每以民念為重一念懇惻無所不用其至乃至濟
藥療病亦加宸慮一日忽遣中使宣索太平局龍虎丹既
進御命捐其價十之九蓋聖意謂親嘗則主者不敢苟直

廉則貧者易以得嗚呼神農氏曰試百藥周官醫師掌醫
之政令自十全以至十失必次第而躬行誅賞實此意也
近世天下郡國臺府開設廣惠局以便民服餌皆所以廣
此意也姑蘇城大人衆余領郡適有春疫亟擇群醫之良
分比閭而治某人某坊某人某里家至戶到悉給以藥宴
而無力者則予錢票疾不可為者復予周身之具繇二月
訖七月其得不夭者一千七百四十九人因念倉卒取藥
於市既非其真非惟不真且弗可以濟乃勦濟民一局為
屋三十有五楹炮澤之所修和之地監臨之司庫廩庖湏
鑪磴鼎白翼然井然固不畢具夫匠木石之費錢以緡計
者七千八百四十五米以石計者三百二十三既落成復
以二萬緡實之為市材費凡川廣水陸之產金石草木之

品無珍不致無遠不取冀有益於人故真其劑弗求贏於
官故輕其直料置豐盈薌味芳烈較市之銜玉賈石者相
去不啻萬萬列肆闐闐過者懽悅他日設遇流行之灾四
時之沴則分醫以療捐藥以濟其為吳門之利益未有已
也恭惟聖天子仁同阜陵視四海之瘁疴如在體淵幸叨
選擇出守是邦未收與芻不敢不勉此局之設蓋亦所以
推廣德意萬分一云紹定四年八月奉議郎直煥章閣知
平江軍府事就除浙西提刑吳淵記

廣惠坊記

淵不肖多聞先君子之訓曰先儒有云志伊尹之所志學
顏子之所學又云一命以上有志于及物于人必有所濟
此吾之所以終身拳拳服膺而弗失者也書曰一夫不獲

時予之幸孟子曰思天下之民有不被堯舜之澤者若已
推而內之溝中此伊尹之所志也小子識之淵入耳注心
三十年于此矣故自領一簿宰一邑以至貳一州佐一臺
未嘗不日思先君子言求所以及物濟斯民者迺庚寅之
冬被命守姑蘇道過吳江橋下淵延見所部吏艤舟焉時
夜雪凝凜霜風凜冽襲裘不知其為溫附火不知其為炎
于是惻然動心進左右而問之曰爾邦城大命夥鰥寡孤
獨癯老廢疾顛連而無告者其多乎曰然郡有廬以聚之
有廩以食之乎曰否淵獨念言窮州陋邑猶有所謂居養
安濟之所吳門甲三輔多名守富課租不應有此缺典既
領印即括夫田之沒入於王官者廢絕于緇黃者未尼則
公以財市民膏腴者寸積尺累厥教既登迺下地鳩材為

屋七十程總土木夫役費錢緡九千六百八十米石三百一十七既成扁曰廣惠坊廳堂眈如廊廡翼如果子婦人各有位置倉廩庖湍井臼床几鼎鬲備具無一乏缺邈然而疾病者又別室以居之大者人日粟一升半月錢三十有三小半之末則三殺其一焉夏則湯沐冬有衾纊病有藥死有椁額以二百人為或亡者得續此其大畧也竊嘗攷祖宗時在京有四福田院外郡有居養安濟院當時奉行惟謹甚者至有設幣帳具酒食其所全活不可勝記深仁厚澤與天同普此國家運祚之所以久長州縣長吏之所當遵守而廣惠坊之所由以作也後之人與我同志尚思先儒之言蓋而侈之是亦上不負天子下不負所學之一端云若夫租入多寡具載茲故不書紹定四年八

月既望奉議郎直煥章閣知平江軍府事新除浙西提刑

吳淵記

江湖小集卷七十二

宋 陳起 編

宋伯仁雪巖吟草西隱集

詩如五味所嗜不同宗江西流派者則難聽四靈之音調
讀日高花影重之句其視青青河畔草即路待苦李心使
然也古人以詩陶寫性情隨其所長而已安能一天下之
心如一人之心吁此詩門之多事也甚至裂眦怒爭必欲
字字朗僊篇篇荀鶴殊未思騷寫文章於世何用伯仁學
詩出於隨口應聲高下精粗狂無節制有如敗草翻風枯
荷開雨低昂疾徐因勢而出雖欲強之而不可稿以隨日
而抄豈望廣傳於世見曹異日知伯仁得詩之頃其一休
一戚可寓若此姑綴再草云

四十生日

役役人間世，齋頭四十年。
讀書雖未已，作事易徒然。
宦業蕉中鹿，生涯葉底蟬。
願逢時務好，一榻醉時眠。

寓目

暖風輕撥綉簾開，放入雙雙紫燕來。
燕子似於人有舊，細銜花片落粧臺。

晝景逢春漸，漸長博山添。
熟半匙香梅花，一片嬌無力。
自趁晴風過粉牆。

久雨

暗數春來雨，曾無兩日晴。
樹連山莫辨，橋與水俱平。
閉戶唯便嬾，逢人且問耕。
海棠花落盡，鷓鴣幾流鶯。

訪高菊磔

可惜吳中不見君
短篷空載一溪雲
知君已到孤山下
日梅花酒半醺

張監稅新居

為愛溪頭只兩家也
未隨分作生涯
依山築屋先栽柳
買地為園旋種花
聊把功名循世態
只憑詩酒度年華
與梅一夜論心事
石鼎茶乾月未斜

尋孫花翁

東風吹雨濕西湖
未許蘇堤酒賸沽
試向花翁問花訊
不知花似去年無

春雪不止

春來雪意愈遲遛
又學飛綿過小樓
暖逐東風雖易化
猛如前月未應休
鶯花消息孤詩課
蠶麥生涯累客愁
莫道

遠人多凍殺王師亦有在邊頭

無事

日日溪頭看好山塵囂無一可相關
梅花未必能如我花謝花開未得閑

訪林可山

可山無日不吟詩我欲論詩未有期
幾度孤山明月下手援梅盞定多時

簡施芸隱

雪後東風作峭寒客懷零亂客眉攢
杭州雖近西湖月寧似湖州把釣竿

丁家村

不滿十來家門閭半以柴日烘蘭撲鼻
風掠草侵鞋土酒

融春興行歌放客懷何須高買屋一一近天街

再會夏石芝

自與君相別駸駸已數年一緘書不寄千里夢徒然兩店
花新長風櫺月幾圓嶺梅無恙否愁滿鬢絲邊

舊同官張法曹

熬波同看楚天秋多少艱難說未休今日共依湖柳住夢
中猶怕踏邊頭

雪後

暖地難為雪春天易得晴落梅故客意啼鳥故人聲愁樂
從他事湖山寄此生願將身與似世潭似柳梢輕

紙鷁

弄假如真舞碧空吹噓全在一絲風唯慚尺五天將近猶

在兒童掌握中

湖上新晴

湖邊膏雨弄晴時
桃杏紅爭錦一機
楊柳也如新
及第向人爭舞綠羅衣

晚春溪行

文迴

青山數里一溪橫
片片花邊舞燕輕
耕過水田新雨足
晴天晚色柳風清

悶甚

醉靡開已殘
窗戶尚輕寒
往事多成拙
清尊強自寬
對妻憐病久
顧影易心酸
更展淵明集
從頭仔細看

雨中

終日翻盆雨
池亭晚更涼
對琴思古意
釀酒惜韶光
綠漲

便鷗懶殘花笑蝶忙高田皆可插好與報君王

妙智庵

結屋古山顛源流未有年便非真隱者且喜得安然石洞
雲同臥茶鐺看對煎我來聊小憇詩滿夕陽天

嘲不識字

難字逢人問村中一小兒璋麈寧易辨亥豕似堪疑鹵莽

莽字音訟

元非莽

草莽莽字音母董切宿莽莽字音母

耕犁

十二齊犁字耕田器音黎

別有犁

六脂犁字牛駁文良脂切

識丁何足道煮字不充飢

村學究

八九頑童一草廬土朱勤點七言書晚聽學長吹樵笛國

子先生殆不如

讀林可山西湖衣鉢

梅花花月下黃昏獨自行歌掩竹門
只道梅花全屬我不
知和靖有仍孫

寄樓雲臥

雲臥西湖又幾年
吟鞍多在酒壚邊
定知今古皆春夢
不知功名作去宿緣
芳草滿汀山帶雨
黃梅落地水連天
相逢未說江南事
且問何時理釣船

村姑

翠鬟雙妥未梳頭
紵緯車邊坐欲羞
幾度採桑歸較晚
何娘疑看落花愁
底事蹉跎二八年
嫁時裝著未周年
年年織得新絲絹
都被家翁作稅錢

簡吳荆溪

薄宦從來錯寧容着意求自憐千里夢空作去一番愁笑
我人如昨知心兩未休荆溪清徹底願泊釣魚舟

學館閑題

據見定時俱是足苦思量處便成癡請君打退閑煩惱
啜粥烹茶細和詩

答林巡檢惠詩

客久情懷惡逢人懶說詩不堪秋到後將近雁來時
敲枕皆歸夢同心知舊知淵明籬下菊誰伴傲霜枝

秋花

鳳兒花雜雁來紅更有雞冠弄紫艷可笑倚闌人醉後只
將青眼看芙蓉

早秋

文迴

秋天一餉晚風涼
笑語人傳早稻香
樓上醉時簾半卷
愁添客鬢兩蒼蒼

別友人

集唐人句

菊花村晚雁飛天

僧朋來

同住蘭舟未十年

許

今日送君須

盡醉

賈離人獨上洞庭船

李頌

對菊

少有惺惺得到頭
此心何若懶方收
五湖烟雨常如昔
一檢功名事不由
世事莫將真箇看
客程難作舊時遊
人間豈欠淵明見
見着黃花便合羞

累字戲作解愁吟簡舊同寮

愁知不空白頭心事驚秋歸興滿滄洲
貂蟬雖出兜鍪功名有魏黑貂裘
夷齊與盜跖總荒邱無非蘧蘧栩栩夢莊

周空教笑倒江上烟雨汀鷗一琴一劍一童一鶴一茶甌
自不須苦苦高臥元龍百尺樓着眼看翻雲覆雨處豪傑
總成羞牙旗金甲塞驢破帽窮通一任前修五湖千萬頃
明月則儘可掉歌橫釣舟

蘇州有感

秋意滿姑蘇扁舟憶五湖鈴聲邊報急帆影客心孤野港
青如染遙山淡欲無英雄應念我時事滿銀鬚

棋

亂鷗飛鷺勢縱橫對面樸心豈易萌一着錯時都是錯寧
無冷眼看輸贏

水邊聞雁

偶集四
靈句

蘆花新有雁

徐靈禪

四面水連天

徐靈洲

清淨非人世

趙靈

吾

詩詠不全

翁靈舒

卷七十二

嘲醉者

李白日斟三百盞醉時寧記脫朝靴
一千八十萬杯酒百歲消磨手是多

村

又是江南割稻天家家兒女笑相牽
芙蓉占斷清溪水獨許漁人醉蟻船

離維揚

不為鱸魚憶故鄉只緣心事近重陽
鬢絲添得三分白空被黃花笑一場

維揚萬花園

趙制使經理

細柳營基鎖綠苔萬花新種小亭臺
芙蓉喜見江南客故

向西風一夜開

雨中遠望

山匝濃雲水匝天
秋容黯淡荻花邊
瀟湘八景誰收去
留
下波心小釣船

勸僧還鄉

六言

世事無過爾爾禪
心只好休休江上
數峯猶削西風不
礙
歸舟

舟中九日

已得重陽未到家
短篷根底憶黃花
烏紗不與西風舞
空
與同舟說孟嘉

安居

窮通豈在苦勞神
且作安民懶散人
買地種花多種竹
煮

茶邀客也邀隣求名豈識書三上得與無過醉一巡喜得
滿簑收芋栗杜陵應不笑全貧

有感

窻戶清清半掩門小兒揩泪立黃昏幾多心事無人問獨
看梅花月半痕

曉琴

靜夜聽鳴琴秋風動幽谷何為鍾子期千古無人續

楮先生

先生邂逅龍亭日多少雲竹滿世間千古典謨文獨記九
流毫髮事相關代庖阿堵名尤重製甲防邊職未閑只子
道人為鶴帳始能清夢繞湖山

歲旦

熙三年

屋開無賀客早起只如常
桃板隨人換梅花隔歲香
春風回笑語雲氣卜豐穰
柏酒何勞勸心平壽自長

五老

儒將農漁女

壯年期佐莫中興豈謂蟠螭睡不醒
可惜滿床廷對稿白頭翻錄道家經

老儒

髀肉豐腴鬢髮疎將軍健飯待何如
七禽不了中原事羞讀君王問勞書

老將

齒髮俱無背已駝兩耕摩破幾青莎
高皇慶壽推恩詔暗讀全文忘不多

老農

短髮衰髯一棹船白頭波浪幾掀天
兒孫各占蘆花住網得鱸魚卽酒錢

老漁

着破箱中欲嫁衣翠顰何止只憂葵
春來偷摘班班髮泪

濕菱花只自知

老女

遠訪友人不值留集句小絕

寒食花枝插滿頭

范成大

長亭掩首晚悠悠

鄭毅夫

灞陵老子

無人識

王奇

別是天涯一段愁

陸游

寄征夫

待君君未歸寄書書不去寄書書可去有意殊難語深夜
彈琵琶思君在何處知君在何處不禁春事已闌珊東風
吹起楊花絮東風吹落楊花絮

客樓戲集唐人句

門掩楊柳一夜風

杜牧

自憐羈客尚飄蓬

李山甫

不堪吟罷

東回首

僧朋來

烏傍岩花戲晚紅

杜荀鶴

贈僧了性

雖然年紀少，胸次已江湖。月葉連宵看，梅花一樣矐。記詩
談敢許，戒酒空應無。好向蘇堤上，行行掐數珠。

醉中登樓

明主何嘗棄浩然，杯中物且隨緣倚樓。心事誰消遣，一
點飛禽落釣船。

嘲燕

年來乳燕亦堪羞，不學楊花得自由。飛過幾家門戶去，且
須尋見窠高梅樓。

瓶梅

南枝斜插古軍持，瘦影參差落硯池。莫道人家窓戶暖，等
閑忘却隴頭時。

春半

春到已多時遊人替衲衣柳眠鶯喚醒花瘦雨添肥官事
癡能了人情久易非一貧能自守贏得掩柴扉

散愁

首四

着意功名四十年柳花空滿鬢絲邊男兒無補朝廷事有
媿飢餐困即眠

小樓呼酒揖青山翠碧瓏璁一笑間山若有情應問我如
何猶似野人閑

清貧如水儘無妨只願伊周五廟堂扶起太平千載脉且
隨農父樂耕桑

旋買犂鋤學種田一聲長嘯雪溪邊微茫白水山如畫好
箇江南萬里天

午睡

午夢驚回笋簟涼坦夷襟度即瀟湘詩高自與梅花好食
淡方知菜味長事說萬端多畫虎人無一念不亡羊滿頭
飛絮春零亂莫笑狂夫老更狂

酒邊

一醉復一醉陶陶醉未休何傷於日月知我者春秋萬事
難追昔千金不解愁白鷗飛浩蕩此興屬漁舟

小舟晚賞荷花

文曰

天浮月影水浮天路繞山頭樹繞烟船小小行人意遠藕
花新索酒杯傳

清明插柳

清明是處插垂楊院宇深深綠翠藏心地不為塵俗累不
簪楊柳也何妨

晚春

風翫殘花滿地紅
別離樽俎謾匆匆
春光未肯收心去
却在茶蘼細影中

綠陰陰裡惜韶華
自縛筠梢掃落花
可笑遊人心未懶
杜鵑啼處撥琵琶

清和

詩債還無足
家園亦倦看
客遊宜致仕
午睡當之官
舌笑張儀在心
免達磨安清和
天氣好應免夾衣寒

久坐

坐久已忘世
松窓日未斜
營巢鷓鴣躁
樹作去夢蝶眠
花易課推三畫
盤方錄教家瓶
笙聲未絕
更點土山茶

戲作

青梅黃杏兩無多
柳影重重午日過
忽聽隔籬人語笑
採蓮船子上新河

玉泉寺金魚

金鱗韜隱已多時
寺壁重泥又有詩
龍若久懷零雨志
不應蟠屈小方池

僻居

居僻恬無事
開軒挹晚晴
雨沉雲脚重
風約燕身輕
有子爭梨栗
無朋問死生
每憂人載酒
剝啄打門聲

倦吟

競病推敲欲嘔心
何如危坐拆桐陰
新蟬咽咽知人意
學我年來抱膝吟

云云

休將閑耳聽云云只作去深居耳不聞素志肯隨時節改
清貧難許利名分忘情葬屋無非燕著脚春山獨是雲試
問急流誰勇退故園同看木欣欣

愁

愁懷難盡亦難詩惟有流鶯暗得知我亦無言鶯不語柳
邊相看五多時

蓼花

秋到梧桐我未宜蓼花何事已先知朝來數點西風雨喜
見深紅四五枝

嬾

嬾嬾復嬾而今嬾更宜此身聊復爾萬事欲何之尚覺
瓢為贅奚煩鍾自隨客來眠正熟裙幅任題詩

書座右

天地一蘧廬吾身自卷舒
翁能從失馬子亦豈知魚
謹獨
甘居漏安貧且飯蔬
昨非今未是寧不賦歸歟

書座右

蠻觸小功名須教一念輕
受恩知報飯臨事貴懲羹
壽域
惟仁宅心田以道耕
泰然忘物我無使狎鷗驚

涼

不擬西風一頓涼
看看涼近木樨香
人家未得征夫信
早有砧聲怯雁行

荷花詠

綠蓋半篙新雨紅香一點清
風天賦本根如玉瀟溪以道

心同

扇

帥璋今有幾家同名重蒲葵價亦穹髹柄但誇千縷骨不
知曾未掩西風

中秋月

只與閑時月一般寧知今夕窠團栾竹邊借柄還如扇花
下傳杯可當盤野兔易忘終夜夢林烏未許一枝安人生
幾箇中秋節那得都将笑眼看

席上有舉東坡集歸去來字成詩十首醉中戲續一

首

傲世欲何求歸來已倦遊琴詩聊自嘯邛壑復相留問菊
時攜酒乘風或掉舟樂天良有以心事老田疇

漁父吟

小舟如雁許穩穩下波心
簑笠幾風雨江山無古今
清歌鳴短棹紅葉滿疎林
一醉不知世前村月未沉

秋風

秋風卷秋葉秋思滿秋天
骨立山如削聲低雁欲眠
客愁無暇日農事喜豐年
說着鱸蓴事歸心滿釣船

聽雨

凍雨瀟瀟未肯晴
洒窓聲似煮茶聲
山童酷得鄰家酒
炒藥爐頭獨自傾

村田樂

打稻天如二月天
滿村和氣樂豐年
田翁爛醉身如舞
兩箇兒童策上船

問梅

癡風袞袞送寒來竹裡人家總未開惟有老岩心事苦瘦
筇敲雪問梅腮

山下

山下六七里山前八九家家清到骨只賣水仙花

落葉

卷地西風促雨來掃除黃葉滿蒼苔垂楊蚤有青青眼只
有梅花未放開

梅蘭

清標同挿右軍持清似西山凍餒時嚼蕊弄香無說處屈
平和靖已何之

佳人歌

淡勻粉淺畫眉鬢邊休挿桃花枝白面郎君馬如箭回頭

再盼情依依文君未識相如面朱絃聲裡猶相戀風流勝
事千古傳寧如文君當時深深深深處深庭院臨邛亦免王
孫怨佳人佳人休捲簾門外落花春正甜綉聲午困鶯聲
寂博山篆冷香頻添佳人噫佳人吁令人安得人人思秋
胡黃金不認真丈夫

醜女歌

梳風楊柳笑沐雨杏花羞看看三十餘不敢下粧樓待媒
媒不來對娘娘共哭何時王右軍來坦東床腹君不見西
施絕色天下白能使麋鹿走吳宮玉環一笑百媚生能使
漁陽鞞鼓驚元宗無益無益形貌惡當時一段議論千古
生清風美婦未必美所美貌徒美醜婦未必醜所醜行不
醜醜妻惡妾壽乃翁何須能勸羊羔酒

江湖小集卷七十三

宋 陳起 編

薛師古瓜廬詩

晉宋詩稱陶謝唐稱韋杜當其時人人皆工詩詩非不盛也而四人者獨守省稱豈非侯鯖爽口不若不致之羨鄭聲悅耳不若遺音之瑟哉唐風不競汜淞江西以道蝕滅盡矣永嘉徐熙翁卷徐璣趙師秀乃始以開元元和作者自期治擇評鍊字字玉響雜之姚賈中人不能辨也水心先生既嘖嘖歎賞之於是四靈之名天下莫不聞而瓜廬翁薛景石每與聚吟獨主古淡融狹為廣夷鏤為素神悟意到自然清空如秋天迥潔風過而成聲雲出而成文間謂四靈君為姚賈吾於陶謝韋杜何如也夫古詩三百不過

比興然上下數千年間騷人文士望而知其難擬之而弗
似笑四靈陋晚唐不為語不驚人不止而後生常則其步
趨馨效揚揚以晚唐誇人此人所不悟也然則景石脫穎
而出自成一家真知幾之士哉景石名家子多讀書通八
陣八門之變乃心物外至忘形骸築廬會昌湖西灌瓜貼
樹筍醇擊鮮日為文會論切闔析恐不人人陶謝韋杜也
情真氣和庶幾乎有道者而年五十一死矣死後人士無
遠近爭效其詩其子弟手鈔不能給於是相與刻之嗚呼
使景石健至今詩又止是乎嘉熙元年清明日東閣趙汝
回序

瓜廬

近來有新趣買得薛能園踈壤延瓜蔓深鋤去草根花時

長載酒月夜正開門
宸識田家樂辛勤更不言

瓜廬至日即事

西山起還伏
挿入萬丈潭
漁叟操桂棹
樵歌過草庵
年荒酒味薄
天旱井泉甘
不願邱園責
惟將易自參

送趙幾道赴台州錄事

廳前便汲何從來
清流海底通九垓
天河地脉隱旋轉
上中下井躔三台
滿城桃花二仙種
方廣金殿三門開
一時會工幾許人
若匪佛種應仙才
于公後知高其閭
豈識大化非胚胎
今茲送言暫相別
詩規筆誨紛崔嵬
傳說明星定入夢
方朔跡穢空諧詼
不眠不阿予與汝
古交淡淡無嫌猜

寄趙紫芝

別後訪消息傳言一半虛前官已不就所向定何如苦雨
厭羈思春風欺舊廬懷人閉門夕專擬寄來書

會宿趙紫芝宅

郊居無一事喜見友人來促膝坐添火推窗立看梅論詩
漏欲盡煮茗重開此夜思徐照墓松猶未栽

贈達西堂

却罷住山緣歸來又十年自知身是妄常道鉢休傳塔路
修路直紗燈影處圓與吾相對坐語嘿盡通禪

寄蔡任

不見三百日問君消息多身閑詩有味水靜月無波琴裡
懷孤竹書中寄永和遙憐一江隔何計得相過

送趙紫芝入金陵幕

為官亦僦居官况定何如昨夜交游散滿湖秋雨踈此邦
佳麗久舊吏拜參初喜是賢侯幕新年有荐書

讀劉靖君碑

儒生身上世皆成身外浮華亦甚輕種竹滿山門徑小桂
冠當路樹枝橫幾於顏子三生壽分得陶潛一字名何處
時今見前輩只看碑語自心清

漁父詞

十載江湖不上船捲蓬高臥月明天今夜泊杏花村只有
荅箸當酒錢

鄰家船上小姑娘兒相問如何是別離雙墮髻一灣眉愛看
紅鱗比目魚

平明霧靄雨初晴兒子敲針作釣成香餌小罾絲輕釣得

魚兒不識名

繫船蘭江繪長鱸曲袷方袍忽訪吾神甚爽貌全枯莫是
當年楚大夫

春融水暖百花開獨棹扁舟過釣臺鷗與鷺莫相猜不是
逃名不肯來

夜來采石渡頭眠月下相逢李謫仙歌一曲別無言白鶴
飛來雪滿船

莫論輕重釣竿頭伴得船歸即便休酒味薄勝空鷗事事
何須着意求

寄謝黃元信惠茶

建溪金鉞直幾千余性所嗜一已偏尋常草卉不足進龍
團鳳夸如珉堅長鬚健卒前月到手提菜器急取煎妻兒

攢眉笑苦澁為言真味滋天然易牙去已久吾齒若見編
朽腸豈廢食睡省非壯年惜此餘香滯喉頰巡除吟詠聲
譏譏詩成等題建寧郡主茶官史俱時賢合同絨印一時
畢進奉飛馳爭春妍天子不敢嘗薦以寢廟先定自褒嘉
到屬郡趨君密通玉爐烟一以此味沃天下邪魔驅掃無
留連

送子舒弟之官華亭

執手難為別愁看去掉棹孤船官得閑散春晚過皇都書附
海人便花添住屋圖有時吟自穩還憶老兄無

送張直翁之筠陽

時平民事少詩句定能清况作江西放教秋水生山花
香淡泊湘竹恨分明朝士多知爾慈溪舊有聲

送趙端行廷對少寓期待之意

甲科知亦有難得是家傳定入中朝局還交內賜錢服青
初解褐班後忽趨前獨謝歸廊幕詩呈第一篇

贈葛天民

逃禪已得計易姓豈云非自說身如幻常人見亦希亭邊
看荷葉樓上掛蓑衣幾夜蘇堤月隨君瘦影歸

送廬次夔兼柬廬九秘書

蔡邕初入直撰著樂書成所取友若此遙知人至清朝迴
收疏稿夜語雜詩情愧我多年別相煩一寄聲

挽陳叔望

少年曾是魯諸生為立功名別路行嘗提寶刀嚴漢陞再
持符節領江城絕憐詩律雙全在不見林塘五柳成明日

西山歸葬處踏青人散草初平

送葉季重之官吳門

君繼賢人業試官閭闔門但問要離墓莫看貞娘墳虎邱
寺前生野草一花一葉皆麗好用心冷淡不此嗜自有詩
禮長探討給旁餘閑庭廡空小輿應亦上垂虹橋邊風駛
寄書便只寫平安報乃翁我慚空空易踈斥時亦摳衣侍
函席卷膏流得儻寄將待寫續經藏屋壁

寄趙叔魯

相知言莫盡別後意如何命笑春冰薄愁因夜雨多全家
寓京國無地著吟哦會得窮通理從今緝薜蘿

酬劉子至

寄來書一紙別後喜安和想見清高極吟成秋思多山頭

靈運五月下謫仙歌共是江湖客斜陽各曠寰

賦二十八字

水滿溝塍不愁旱急催租稅却憂貧家人苦不憐予拙雪
誇冰衫要及晨

紀夢曲

夜夢佳人姱且長星冠霞披雲衣裳雙眉淺淡畫秋色兩
耳炫耀響珠璫徂步逡巡倏相近世道人心不敢問斂容
正笑發一言不識巫山雲雨恨自從十五學仙經今年二
十身骨清天上有籍昇其名長聲短聲歌紫瓊紫瓊之章
詞宛轉永與人間風調遠餘聲未竟鐘鼓鳴霧散烟收人
不見

水心先生惠願瓜廬

未成三徑已荒蕪
勞動先生枉棹過
數朶葵榴發深愧
一
地鷗鷺避前呵
路通矮屋惟添草
橋壓扁舟半沒河
再見
緇維訪漁父却無
漁父聽清歌

題南塘薛園

門對南塘水亂流
竹根橋板自成洲
中間老子隱名姓
只聽漁歌令白頭

中山

兩峯爭起入雲層
半屬虛空半屬僧
斜日滿山人到少
任蕃去後我來登

送趙端行

紛紛帝族貴
欽茲神秀門
永嘉分吳業
甚盛二枝蕃
吾友
天樂翁實惟游之
孫身雖羈旅盡詩
則騷雅存姪行有
科

第作尉期高騫是日提刑後令問方騰宣大心欲圖南小
技不在言十年相聚首偉論孰敢援交比鮑叔知志許諸
葛論分携乃明發念我守故園君往夫差國不遣吳水渾
陸靜玩蟾彩江清烹鮓豚邑宰話鄉曲官廨如荒村昂藏
信多暇時憶朋友樽窮達委天分守道無競奔會當春風
吹梅實衆花繁

挽徐道暉

昌黎銘寔好朋友更情深身沒復何恨家貧自不禁春山
無死草夏木有清陰為鬼詩還則重來何處尋

漁家

小舟輕似葉曾不畏風濤自說磻溪好翻疑釣瀨高晚來
魚換酒歸去子持篙定是逃名者時聞歌楚騷

梅雨

梅潤雨兼旬，暑月不知夏。溪流三尺強，舟人驚昨夜。余家
有瓜田，蘋藻紛操藉。魚鰕失憑依，躍跳至床下。早濕畏暮
年，扶策升臺榭。難願方丈食，互市物踊價。四鄰各淒涼，惟
有酒可借。五月藉新白，咀嚼勝棗炙。閉門人事絕，向晚烏
巾卸。震雷壓不住，神龍未遑暇。或謂蛟為孽，胡不寧爾舍。
早滂政本農，徧惠及閭架。皇天無所私，未遽損禾稼。一洗
天下清，作我聖人化。

謝陳水雲寄惠瓜盧字

我向村中住，無人知姓名。結廬難得就，種樹幾時成。扁榜
龍蛇動，飛簷燕雀驚。自憐幽僻地，因此亦敷榮。

和梅氏西澗韻

此處宜新月開門必向西近江潮有信初種樹猶低何日
尋梅隱移船繫柳堤詩篇滿窓戶留壁待余題

秋晚寄趙紫芝

數日秋風冷邛園獨自身閒看籬下菊忽憶社中人苦詠
肩常瘦移家債又新極知君淡泊十載得相親

送王成叟先生訪丁子植

老懶無拘檢一年身耐貧還思溫嶺去別我苦吟人柳色
行三日雩風浴暮春舊時同學友迎拜綠袍新

和葛天民

賈島文章懷素書得表讀罷卷還舒西湖柳下為君宅東
海雲邊是我廬千里江山長若此一生心抱欲何如相思
惟有加餐食不暇逢人寄鯉魚

戲贈趙天樂

問隱當時意已深
近來全廢是清吟
一春祇為風雷變
盡日閑觀天地心
聞道丹爐初候火
能教瓦礫化成金
果然成得知何用
不似瓜廬種紫參

孤山

不到西湖今幾時
十年雙鬢欲如絲
難尋和靖題詩處
空見梅花成老枝

望夫石

望夫一望幾千年
蒼蘚何曾翠似鈿
却是春深更風雨
滿身吹淚使人憐

喜翁卷歸

我老寡儔侶年荒
值冬迫膝下有蹄
寒餅內無殊積豈不

展轉思自欠經營策儒冠匪謬誤賦性素褊窄淵明羸夙
世荷鋤心便適嗟予四友朋驚見三化魄一翁尚淒涼六
帙困行役家貧病難愈詩苦髮全白昨來扣我門偶往比
鄰宅聞語亟倒屣已去歎無跡知君懷百憂雖出難久客
從今幸安居況有舊金石清晨過窮廬竟夕話疇昔逝者
已云遠相期守苦瘠

寄題趙十四知縣聽雨堂

誰彈石上琴涓涓流水響主人性情曠靜夜逾幽想何心
指蓬閣取近對秋蕩應有可人來烟蓑曳雙槳

塔山和徐道暉壁間韻

寺在一山頂江分兩岸田憑何發詩興題字古廊邊近地
今埋骨閑人亦助錢昨宵留宿意不忍上歸船

送葉宰赴豐城

君往為官處江西冠已平
獄間空劔氣堂靜響琴聲
有法催常稅無私得衆情
時方急賢路名定達公卿

喜徐璣至

榮滿自南歸曾過秦系廬
無心緣見道會面只如初
詩好多人說官清得存書
柴門勞顧訪未覺四年踈

送蔣肖韓

岳陽有仙跡君去頗相宜
已料官閑日多吟湘水詩
高風琴断裂白月酒連漪
無意求人薦惟應我自知

懷趙紫芝

日沉月上暝烟斜收拾漁竿
恰到家為憶城南清瘦友
寒宵夢裡見梅花

至日遊湖

此心全剝落今日一陽生
自分安生計難逃素隱名貧中
聞道徹閑裡作詩清別有未漁者
笑予憂思盈

自題

半生作計在田廬習懶何曾好讀書
誰却畫作古人樣旁
邊遠是欠犁鋤

送謝強學主建德簿

少年初試吏擢印富春亭水可清人骨
山曾隱客星俸廉
專母養跋簡靜公庭守是賢侯子應看薦墨青

寄題趙紫芝墓

辛未聯詩別九年成恍惚大星墜地旋無光
君身入土名
不沒吳越之水相交流寂寞詩魂何處遊
不聞孤鶴喚人

醒空見梅花似人影無復東岩招謝客應住西湖伴和靖
世上如今一句無一靈獨存勢欲孤我有生芻來未得只
愁宿草易荒蕪

贈爽上人

何人養道得如君房接高樓半接雲山地栽培梅寒蕊瘦瓦
爐留火夜香薰看經尋義心逾靜坐默觀身耳不聞莫道
門前是塵市須知喧寂此中分

哀徐致中

此友如今隔杳冥畫身只見病時形書窻閑久梅添潤花
徑荒來草又青一卷詩編空就緒兩年文會覺凋零幾迴
行過深深巷不忍登堂不柁扃

送薛泳

病裡風光總虛擲
岸花園柳雨中休
無端好客隨春去
送酒吟詩一併愁

楊柳枝

門前楊柳君莫折
長於折處生兩枝
兩枝難作一枝合
一枝分作兩心時

惟有高枝高莫攀
不堪攀處只堪看
怪得樓頭畫眉婦
春朝長自凭欄杆

獨於高處接陽和
占得春風分外多
須信繁華易披折
不如柔弱拂江河

汴水堤邊薪可束
永豐巷口綠成堆
盛衰到底皆凋瘵
何不移根種馬嵬

橫參樓和老杜韻

僻懶便幽處江湖稱隱心地偏欣改觀樓豁喜初臨暖日
低輕帽良用接短襟潮聲全有韻帆影半回陰翠麓添重
色鱸風出淺林嶼頭烟瘴遠沙嘴浪痕深寂靜雲歸壑
珊月近參人家已鼾睡漁父尚謳吟造化由來久周迴忽
見今愛他斜日照顛倒教山沉

湖山

勢利絕交初瞿然臥隱廬無營心淡泊見客禮生跡遊有
漁樵伴看多佛老書春深草易長忘却倩人鉏

宿瞿溪

船泊溪西岸人家見晚春疎星寒有雁村寺夜無鐘竹徑
通新店茅柴煖病容農夫不相識問我欲何從

送從善雲遊

雁蕩天台去，閑尋倚倚藤。路邊應得句，禪坐似無能。頂笠
偏愁雪山猿，不畏僧禡逢。清塞伴休願，入傳燈。

多景樓

跨浙連淮是潤州，好山全對此江樓。少年志氣慚霜鬢，猶
憶曾看打陣舟。

送法照

論着天台教，詩參左緯來。閑行過蓬華，相對坐莓苔。講席
虛前月，重遊約後迴。仍聞藏契帖，應許為吾開。

送子舒弟赴金陵兼柬宋君輔

祿仕何方好，金陵總莫如。廟存元帝像，家有二王書。羽檄
時方急，文才用有餘。功名收拾了，歸食會昌魚。

送夏肯父

霜晴雁蕩白五日計倚程野燒明山店輕輿憇巖平乞銘
廿久客愛母起歸情孝極天為感師文早晚成

挽林敬之

閉門常讀易避世意如何有酒可消悶無塔不種莎閑時
尋舊友月夜步新河我亦逃名者題碑愧爾多

金賢良

虛號賢良豈療飢短衣結袖竟何為空攜痛哭能言策不
遇勤求下詔書老去說詩猶有味寒來索酒莫教遲家貧
身死知無計自有旁人為立碑

學海樓和水心先生韻

江口潮生夜語喧月殘惟有數星存更憑高處觀空濶始
悟乾坤是易門

下仙勝因寺有懷

山中初寄隱野寺一天星路遠有如此客來應未能
寒嫗緯蟬雜夜僧經忽憶忽形友微吟自剔燈

趙成子

早年名字諸公並惟有清聲獨至今辭却雙旌更何事
自扶靈秀欲閑吟病來便作雲歸岫死矣猶如鶴在陰
終始哀榮了無恨只愁塵鎖匣中琴

送文子監草料場

坐局何煩聽曉雞豆萁首著亦詩題好文不愛令人體
色養寧嫌古署低翰苑舊交應願訪相門斯近事招携
歲寒惟有君於我老去過從許杖藜

寄雁蕩詩僧

雁蕩峯前夜雨晴空房不任有蟬聲一身閑後髮難白五
字吟來思極清少見出山多入定還於夏末起秋程何如
更待黃花節願我來遊計已成

李白墓

野人燒殘竹數枝詩魂飄蕩定何之娟娟秋月照采石不
在荒墳在水濱

漁父

二首

偏來浦口芰荷香綠葉叢中睡一場須信至人無妄想不
曾有夢見文王

利薄每言隨分過避名不入愚溪路春深雨足釣絲長夜
來又宿蓑衣步

州醜集上賦牡丹得日字

粉淡與妖紅占盡陽和出春去在商量更費吟人筆此是
洛陽夜尚帶長安日特上使君墀寶瓶分甲乙

寄龍虎山道士孔野雲

上清三十六院閣皆幽清漱齒泉新汲晞髮日始昇自除
燒墨竈晝夕誦黃庭所得異疇昔出山畏逢迎同當知非
年寄詩聊寫情

夜坐陳縕靈見訪

清夜焚香篆閣看郊島詩自憐多冷寞誰足慰哀遲樹雪
明牕紙餅梅落硯池君心亦無事相對坐移時

送翁靈舒閑遊

袖有新詩如美玉知君去意十分濃山行見草認靈藥午
歇就陰依古松兩鬢已添蓬蘂色三年判作飄零蹤寄情

夜絕更愁絕深澗斷猿溪寺鐘

先寄郭子奇

世道祇如此君心我得知先教栽菊在預作去官期夢覺
秋風起行吟夜月遲懷人幾十載欣有扣門詩

喜葉謙夫歸

老思忽蕭爽親朋得意歸菊觴奉親壽柳色上儒衣宅旺
看山勢門清有釣磯我來聊問字淡坐月侵扉

挽潘母

獨玩隔廳月淒涼三十年眇然遺素業翻以母儀傳生計
無中有哀齡病後延誰為市貞石高刻墓之前

送趙主簿

內地無烽火詩人入仕林定將詠物意移作愛民心晤語

初同調分携便不禁
卜鄰曾有約久後得相尋

送陳器之赴紹興初官

郡古湖如鏡照人心
膽清閑曹應事簡
盡日讀書聲
府主
舊知舉同僚
親弟兄
人言遊宦樂
難得比君榮

哭周宗彝

已歎交情看漸少
聞君袒袖重傷神
手栽寒竹惟添笋
堂掩空山不見人
舊說媾婚今且置
新懷情悃向誰陳
獨憐頭白曾參母
清夜悲號血淚頻

送項季約入成都幕

閣書入兵幕
束袖學戎裝
峽峭艤侵月
秋清猿噉霜
迂程看陣磧
到處宿詩堂
若比仲宣樂
輸君髮未蒼

送郭子奇

永嘉官滿後歸處是仙居
柳舞陶潛徑桃迎阮肇車
名高唐寺堦篋滿晉人書
看步青雲上題緘寄隱廬

送趙宅民赴鄞縣

高人為令尹政事豈尋常
炎月不避俗清風心自涼
水流衡岳色酒帶芷蘭香
遠想濯纓暇思予有詠章

大龍湫

昔聞天下山衡嶽稱崇邱
又聞天下水江漢為巨流
古有山海經歷歷叙九州
李唐三百載詩家無一留
及觀鄞道元此地亦不收
不知諾矩那何事能窮搜
我來玄妙境萬丈懸清湫
石壁去無極百里逾道周
雲氣冒群岫龍宮深以幽
輕輿巖壑底竟日涉溪遊
陰晴異瞻遠近難搜
樓飄如飛素練粲若散琳瑯
風一潭雨佛坐四時秋
喧呼

勢益驟涵湧聲彌吼變化有如此溥博誰與儔吾謂神農
力豈翳人鬼謀稽首荷玄遇久坐勞雙眸一盃卻嵐暑旋
步轟雷稠以吾淡世利歛起杞人憂何當騎天狼滿引射
斗牛

斷橋

獨扶瘦杖欲經過為問高僧意若何自倚神通能渡水却
言佛法本無多

寒山寺壞莊產盡為勢家所奪余遊天台甚為普賢
惜之陳陳約甫攝郡號不畏強禦者必能與寒山出
氣

寒山寺廢佛燈寒有客來遊欲住難宿世聞邱今攝郡不
妨饒舌似豐干

哭劉詠道

案上韓文與杜詩小齋閑淡亦相宜人憐貧病憂無計自
說文章樂未涯禮合古初山友爰祔從先世夕郎知生平
直諒嗟何益不是哀辭是誄辭

送張直翁

宰公詩句是騷人言舍况臨湘水濱衡岳望中思策蹇滄
浪清甚欲垂綸長於一院花開後獨訪三閭廟裏頻元亮
何曾藉知己翩然出處自由身

送王倅之興化

梅溪好源委流德至今存獨繼賢人業共推君子孫官清
五字好州小貳車尊所歷七閩郡從茲水不渾

挽趙孺人予中表也

幼心同群戲年加各可之常疑艷花卉終是易離披夫婿
新袍綠兒男半髮垂送歸嵩里道興我渭陽思

趙叔魯端行胡象德携酒見顧

一賢二公子枉駕瓜廬邱烹魚載美酒竟夕為我留評詩
仍和曲舉白不計舊情忘覺歡暢禮厚愧莫愁今朝風雨
橫欲謝出無由

挽徐左思

左史聲名空復存如今往事不堪論惟應指佞當前陞已
判身歸老故園驄馬引喪寒有淚麒麟臥塚寂無言人生
遇合萍相似何處分明怨與思

送鮑份父

地僻官仍小茲行古蹟多矩羅應失策龐緼亦經過官業

知餘事宗風竟若何

滿舍是青莎

挽張彥文提舉

七十童顏在脩然物外幽
徂衣藏蠹篋散服上漁舟
此日移松墓前時為菊留
山連象浦館誰記夢家遊

淨光長老極能詩

近住城中寺陰雲清竹房
雨多香篆久春去藥苗芽
室裡從人問吟邊與世忘
一身全是道頭白有何妨

朱清之

添水日夜白之人信所宜
隱於陶令酒甘謝却詵枝
江渡月偏滿家庭歲有規
不知君沒後誰主菊花期

送蔣肖韓赴弋陽

弋水橋邊接長官
水晶山色讓清寒
共知彫弊今稱劇
自

倚廡勤道不難吏退早衙花谷靜鶴翔秋祀訟庭寬從來
遇事無疑滯應只愛民勞寸丹

送謹師

謹師勞絆脚語別意茫茫入寺春隨杖當禪月滿床多因
新見解拋却舊篇章為我金山去鉗鋌問一場

挽宋耆卿

人如韞玉操如冰拾芥推世豈能案上有琴忘舊響墓
頭無火續寒燈一官祇是幽閒過百行惟須健筆稱此曲
調高知者少朗吟喚得九原鷹

送高郵周主簿兼呈陳居端

遶縣重湖色難同主簿清雖云古郵置不似近邊城月落
淮田潤風晴墮柳輕鄉人在曹職相得為詩情

寄守上人歸閩省親

從小服緇素三衣竟不長
心空無物礙頂重有詩囊
去與雲相似來期春未央
家山指萱草微笑奉高堂

無題

平生愛菊與梅花
菊似淵明梅似逋
誰知此道今寥落
愛菊愛梅人也無

戊子七月十一日

貧因樂首詩閑高一着
棋瓜田常嘿坐不願有人知

附錄

薛景石瓜廬題

徐照

何地有瓜廬
平湖四畝餘
自鉏畦上草
不放手巾書人遠
來求字童閑去釣魚
山民山上住却羨水邊居

趙松秀

不作封侯念悠然遠世紛
惟應種瓜事猶被讀書分野水
多於地春山半是雲吾生嫌已老
學圃未如君

徐璣

近舍新為圃澆鋤及晚涼
因看瓜蔓吐識得道心長
隔沼嘉蔬節侵畦異草香
小舟應買在門外是魚鄉

翁卷

卜得無塵地栽花仍結廬
雖然親隴畝還不離琴書
洲暖烟藏樹波寒月照魚
東陵人已遠新興復何如

薛瓜廬墓誌銘

王倬

永嘉之作唐詩者首四靈
繼靈之後則有劉詠道戴文子
張直翁潘幼明趙幾道劉成道
廬次夔趙叔魯趙端行陳

叔方者作而鼓舞倡率從容指諭則又有瓜盧隱君薛景石者焉諸家嗜吟如癢灸每有文會景石必高下品評之曰某章賢於某若干某句未圓某字未安諸家首肯而意愜退復驚競勸語不到驚人不止然景石不但工於詩而其小楷初授法於單炳文日經月緯已忽超詣識者嘆其得昔人用筆之意蓋詩自建安以來體制屢變至開元元和而後極工書由魏晉而下法度漸失迨歐虞褚薛而迄不可復景石着句必於郊島之間落筆期於鍾王之次詩寢遍唐人而書不止於唐人焉斯亦奇已繼諸家後又有徐太古陳居端胡象德高竹有之倫風流相公用意益篤永嘉視昔之江西幾似矣豈不盛哉然不知者謂此特晚唐之作矣使晚唐若杜荀鶴鄭谷輩置一語於前人集中

雖稍通句律者能辨諸家頌不能而襲其迹乎是又可與
智者道之爾薛氏實廬村唐補闕令之之後傳十有四世
而至曾祖敷文閣待制公弼祖福州教授公叔淵父華州
雲臺觀公浩母宜人王氏周氏景石襟韻疏曠卓犖有大
志視寒生寒士思欲盡取衣食之困於力不給而止然猶
經理整緝隨所有丐與之築室于會昌湖上敲榜擊檝日
與漁翁釣叟相忘於可款之間余舊與讀書於長老山景
石坐滌岩掬流泉抵掌長嘯採茶芽松花以茹之貢若忘
世然者已迺酌古今談世務究奇正相生之變而推考八
陣旁及遁甲縱橫歛散其論高於人數等蓋家學之傳遠
有端緒景石又能錯綜而發揮之嗟來余老矣所持以詔
其後者願一二友在而子舒既亡景石又不少留焉其能

不漸盡也耶景石卒於紹定改元之八月二十三日年五十有一娶木氏尚書禮部公待問女六子長嵩國子監進士次峻國學免舉生次嘒髦彤彤三女長適黃善幼未笄景石不止工小楷籀篆斯隸深造其極四方士友求於門景石不靳惜畀之大者經三數尺許銘祖父有不得景石書為恨諸孤卜明年三月之二十九日葬于永嘉縣吹臺鄉橫嶼之陽屬予銘予固期景石之挽我者而反銘之乎景石諱師石有瓜廬集若干卷銘曰蜂之螫兮蠅營蟻之埳兮蝸阻兵排廣漠兮隘滄溟匪南溟之鯤與東海之若兮誰其與銘

竊嘆古今知名士非文字言語固無以垂後而後之人乃以其人之賢與否而定去取之目則所重者蓋

不特文字言語間也陶靖節之潔操絕俗杜工部之忠恪愛君李太白白樂天皆先頌其人而後及其詩若瓜廬耕釣於會昌湖上隱然古君子融液群書於世味淡無所羨故於詩多肥趣之辭舒性情之正得象外之趣酌繩尺之嚴想其人晉宋人也讀其詩止於唐可乎交道寥落無所統盟拊卷重感嘉熙二年立夏日荆山劉植

余早遊永嘉於瓜廬君投分最密是集所銓次非晤語所及則書題所緘寄也掩卷俯仰遂成千古悲哉然君家愛劉長卿詩余一日偶問姚賈如何則曰其自愛此何論姚賈後十年復過之則手翻口諷一以杜老為師矣且時時為余言師惟恐其不空遠空易

到遠難及余洒然識其所謂今是集所編大約趣極
淡意極玄句法極精妥霜松雪葩雖不以葩卉自命
然虬枝直上勢摩霄漢人不得不仰而視也信矣其
名家哉予遊舊記其遊雁山有半洞容千佛諸峯共一
雲石橋有泉涌龍頰躍山靈鳥不來之句而是編乃
獨逸何邪暇日更當從趙東閣評之東谷王汶

青門隱趣也隱而廬焉趣成矣薛景石悟簡恬於群
動續雅正於千古聲調所寄不假斧鑿世詳其詩如
陶彭澤梅都官盖人品同夷淡同所發者自不能異
也諸見既廣篇帙沆播海內且各以功名文字自見
期昌翁景石詩亡猶生矣世固有琅琅之音送出源
源之脈隨泯者生其猶亡乎此余於瓜廬編加敬西

里趙希迈

予讀四靈詩愛其清而不枯淡而有味及觀瓜廬詩則清而又清淡而益淡始看若易而意味深長自成一家不入四靈隊也蓋四靈詩雖擺脫塵滓然其或仕或客未免與世接猶未絕乎淡也若瓜廬則終身隱約不求人知其所為詩如淳音淡泊自有餘韻其分數又高矣此水心先生之所稱賞而諸靈之所推遜而待以別集也瓜廬沒後其詩始出而求者益衆平生所為詩不多其子峻輩始收拾僅得幾篇旋錄諸板以應好事者之求峻以明經進士為常德郡博士亦喜吟哦工字畫雖有父風而出處異矣淳祐丙午夏五東邠老人曹幽題

瓜廬吾宗人也吾不得而見之矣得見其詩斯可矣
爰太息而題於卷杪用志於式云獨菴薛美

結廬元弗近長安樊却儒冠竟不彈自如從來輕漢名肯
將瓜去博唐官貧多樂事清無靜手寫新詩墨未乾史筆
須評隱君傳姓名寄傲古人看

寄薛景石

虛窓獨颯然獨臥聽殘蟬家務貧多闕詩篇老漸圓清秋
添一月故里別三年宸憶君門首黃花匝滿泉

呈蔣肖韓薛景石

中夜清寒入緼袍一杯山茗當新醪禽翻竹葉霜初下人
立梅花月正高無欲自然心似水有警何止事如毛春來
擬約蕭伴重上天台看海濤

吳中秋懷瓜廬諸友

趙希迈

涼分一半秋，此夜客吳州。
無侶共明月，喚僧同倚樓。
天虛雲氣盡，風靜桂香浮。
遇憶前年醉，狂吟滄海頭。

江湖小集卷七十四

宋 陳起 編

高九萬菊澗小集

春日即事

人閒閒日月春後乍晴陰
半夜雨聲急一谿流水深
鳥啼花自發詩就客能吟
短策西湖路幽芳信意尋

送別

老去情懷怕別離
年來不作送行詩
人前舉似終難信
問著垂楊便可知

春日北山二首

人緣白石泝清谿
手剥蒼苔認舊題
春色滿山歸不去
拆桐花裏畫眉啼

插花吹笛兩山中
桃李尊前日日同
待得馬頭飛絮滿
更來沽酒看殘紅

僧房夜坐

萬枝松裏一篝燈
知是山房第幾層
靜夜數聲清磬響
上方應有誦經僧

訪諸葛鍊師不遇

青銅留著布囊中
去謁人間小卧龍
久欲共君謀一醉
有錢却又不相逢

雜興二首

新分菊本自鉏山
手縛枯藤作矮闌
比似著書空用力
種花猶得一年看

二十年前欲住山
不禁寂寞揜柴關
如今寂寞禁當得
欲

拚柴關又却難

秋日田父辭二首

啄黍黃雞沒骨肥
繞籬綠橘綴枝垂
新釀酒旋栽
衣正是
婚男嫁女時

少婦接藍旋染帚
大兒敲葛自漿巾
新摘摘笑欣欣
相喚
相呼看賽神

孤山雪後

雪後騎驢行步遲
孤山何似灞橋時
近來行輩無和靖
見
說梅花不要詩

天台曹園

蔡嶺桑麻地
曹家桃李莊
谿流春水滑
梅度晚風香
竹屋
解留客
筍與休
做裝
平生看花法
不學蜜蜂忙

西湖春雪

小艇沿湖看雪飛
正當騎馬踏春時
是誰乞與楊花舞
先占東風一月期

閑居雜興三首

開門遣蠻童買花
供銅佛
春風隨花來
為我一披拂
風和花氣清
下簾休放出
回施佛
因果供此老詩骨

點燈酌春酒
袋紙題小詩
讀盡列仙傳
引調學語兒
自飲復自笑
不覺春漏遲
且了今日事
明日還任之

杜鵑休叨叨
布穀休聒聒
無田不須耕
無家自能活
行藏莫非時
造化安可奪
更放心地寬
出門行路闊

春日湖上

乘興行新路
凝情獨老翁
馬蹄春草上人影
夕陽中飛絮

沿湖白殘花染浪紅晚歸雲氣合雙漿破空濛

春懷

江南春盡尚春寒添盡征衣獨掩闕日暮酒醒聞謝豹所
歡多在水雲間

過臨平

征帆一似白鷗輕起揭船篷看晚晴梅子着花霜壓岸自
披風帽過臨平

古廟

古廟依喬木開門對淺沙短籬紅槿樹深徑碧苔花屋破
香煙濕庭空日脚斜山寒無賽鼓鳴噪集神鴉

古寺

山路荒涼出小亭土牆斑駁帶枯藤欹斜古殿三尊佛黯

澹寒篝一點燈
碣石半磨天寶字
禪房空老政和僧
頭陀禮拜迎人說
門外浮屠欠兩層

卜居

結屋離黃道
開門對白沙
一莊千古月
三徑四時花
客至旋沽酒
身閑自煮茶
相聞燕鳥外
不復聽喧譁

秋日三首

旋買扁舟載一翁
片帆吹下夕陽東
西風欲織江頭錦
催染秋林葉葉紅

庭草銜秋自短長
悲蛩傳響答寒螿
豆花似解通隣好
引蔓殷勤遠過牆

獨客飄然物外遊
江南江北總宜秋
芭蕉昨夜綠何事
和雨和風作許愁

松谿廟

廟自何年立門深晝不扃寒藤扶壞壁秋草帶疏櫺谿接
東南碧山分遠近青老巫逢客至謾說有神仙

蓮實

膩玉肌膚碧玉房纍纍波面起紅芳坐忘佛土三生夢未
結人間一夏涼青子綻時仙掌濕綠包分處蜜脾香尊前
笑摘鱗風露猶記西湖古柳傍

無題二首

獨展羅衾無寢成寶熏微轉愁生癡心不願卽思妾只願
卽今厭客情

風竹蕭蕭淡月明孤眠真箇可憐生不知昨夜相思夢去
到伊行是幾更

秋興

數聲新鴈夜初長
曉起開門衣袂涼
籬菊褪黃秋興嬾
瓦溝纔試一痕霜

秋晚即事

江頭風葉舞低回
催得濃雲頃刻開
萬里碧天紅日晚
數聲鴈送寒來

毋自欺齋夜宴

毋自欺齋清更嚴
齋中人物斗之南
七朝宰相得瞻仰
四海詩人交笑談
古調喜琴再弄深
聽杯休惜酒重添
玉堂今夜無宣喚
且與江湖作小參

曉出黃山寺

曉上籃輿出寶坊
野塘山路盡春光
試穿松影登平陸
已

覺鐘聲在上方草色豁流高下碧菜花楊柳淺深黃杖藜
切莫匆匆去有伴行春不要忙

育王寺

曉策烏藤上育王入山隨處得徜徉碑頭龍護先生字塔
下魚懸外國香編謁禪房嘗苦茗閑聽社媪說豪光山深
日短行難盡僧遺頭陀辦客牀

春日湖上

清波門外放船時盡日輕寒戀客衣花下笑聲人共語柳
邊橋影燕初飛曉風不定棠梨瘦夜雨相連薺麥肥最憶
故山春更好夜來先遣夢魂歸

黃居士山房

浮利浮名心已灰三間茅屋白雲堆先生自釀松精酒侍

女能持藤癭杯養鹿曉隨原草去放猿時摘野花來近聞
身口渾無累樹葉黃菁統宅栽

育王寺

精藍遊歷地景物自情親鶴引登山客僧迎禮塔人名花
千佛供喬木萬夫身碑刻東坡作重來為拂塵

送春

韶光催去本無情祇為東君去住輕雖欲遲留芳草夢如
何杜鵑聲桐花快落春風老梅子微酸晚雨晴從此嬉遊
時節少不須日日報詩成

秋山散步

乍晴沙路軟於塵新著芒鞋更可人誰道秋山不宜客桂
花多處勝行春

即事

秋來高處不宜登，開却西樓最上層。
讀罷黃庭牕戶晚，自敲清磬上香燈。

烏鎮普壽寺沈休文故居也

寂寞梁朝寺，深廊十數間。
碑存知殿古，香冷覺僧殘。
斷岸舟橫浦，平波樹補山。
休文知好在，依舊帶圍寬。

渡錢塘

小立晴江上，潮生落照遙。
晚花低映水，春草暗迷烟。
燕子飛官驛，鷗羣引客船。
關情南浦別，相對獨依然。

七夕

一枕新涼供醉眠，覺來風物已淒然。
山雲帶雨重重合，宮樹鳴秋葉葉顛。
滿進一杯醺好節，休看兩鬢換流年。
雙星

回施癡兒等容我長齋綉佛前

荆棘中見梅花

荆棘叢中數點春
春雲熊度月精神
依然竹屋茅欄下
靚女盈盈不嫁人

感春

人事日紛紛不知春已分
問梅成綠葉看杏落紅雲
燕向晴空語蛙從夜靜聞
感時傷老大孤坐對鑪熏

送劉允叔主簿歸山中

浮利浮名輓不來
故山歸去恰春回
馬蘭旋摘和松鬻
枸杞新生傍菊栽
庭樹夜留山鳥宿
洞門早為野雲開
明年我亦天台去
相伴芒鞋蹋古苔

江居曉詠

家住清江江上村江雲山影自平分幾回早起開門看不見青山見白雲

題二小姬扇二首

慶娘顰翠眉春瘦怯羅衣笑問采花蝶如何成對飛
湘湘未識羞獨坐抱瑩篋貪學者婆舞擡身拜部頭

小樓雨中

雲浮江雨暗獨坐苦淹留白髮羞明鏡青山對小樓酒功
書下下心事付悠悠安得并州剪從頭剪斷愁

首夏

漾漾池塘碧染衣陰陰草樹綠成圍江村寂寞春後一點
楊花不見飛

寄方巖

綠髮仙人山澤癯出遊入息幾曾拘種花甚少四時有諫
草不多千古無閱世眼高磨日月好賢名重滿江湖行歲
到得無心處鐘鼎山林豈異塗

自賦

蝸角蠅頭總是虛何須留戀市朝居老於親戚情當密貧
與公卿分合疎小澗草荒元種菊故山塵滿舊抄書幾時
歸去重料理嘯月眠雲得自如

戡山登高

醉眼橫斜看菊枝又成客裡過佳期去年行路猶持酒今
日登高懶賦詩老淚怕從衣裏見閑情但有帽簷知阿孺
故國才歸得歲歲須來舉一卮

戡婦吟二首

將身托戰爭，世事百無情。
相對生離別，渾如落葉輕。
辭家出戍邊，北望隔青烟。
怕做沙場夢，秋宵不敢眠。

重遊無量院

佛屋欹斜老翠微，小軒猶記昔遊時。
江雲帶雨涼生竹，野水迎潮暗入籬。
門外風波僧自識，山中朝暮客曾知。
眼明素壁關情久，十載才能寫此詩。

春霽

積雨纔收雲盡歸，長空一色碧琉璃。
日移簾影臨書案，風颭餅花落硯池。
巢燕學飛猶戀母，籠鷄得食旋呼兒。
眼看景物關情甚，喜為新晴賦此詩。

歲除登岑峯山精舍

蕭寺經行無盡情，倚闌長是眼增明。
谿因宿雨十分急，山

為凝寒一味清竹外飛花隨晚吹樹頭幽鳥試春聲重來
又是明年事臨出門猶款款行

張氏曲江

一曲澄江西派分滿山修竹綠齊雲矮牕風月侵帆腹小
徑烟霞隱屐痕白鷺夜依花影宿清猿時共壑聲聞主人
與客心如水平同倚欄干得細論

登九華樓

高閣臨江可契心興來時得一登臨山雲浦樹重重合野
水汀蒲日日深鴉背夕陽供晚哺蟬迎涼吹試秋吟倚欄
盡見諸峰出如對風流李翰林

趙仲莊都鈴山居

一官難換北山薇結屋栽花度四時果熟不妨禽摘盡酒

香惟恐客來遲
小蘋低唱花間曲
阿廣高吟李下詩
客久
辨心分半隱
尚嫌風骨欠仙姿

船戶

盡將家具載輕舟
來往長江春復秋
三世兒孫居柁尾
四方知識會沙頭
老翁曉起占風信
少婦濃妝照水流
自笑
此生漂泊甚
愛渠生理付浮悠

歸寓舍

門前流水碧粼粼
歲晚歸來亦可人
梅欲開時多是雨
草纔生處便成春
嬌兒對面西癡絕
老子關情一欠伸
快取
竹筍芻濁酒
舉杯先為洗京塵

憶西湖

西湖春二月
結客少年遊
駿馬黃金勒
長身紫綺裘
愛花

論擔買嗜酒滿船浮兩載緣何事台州又越州

小樓雨中

長安市上傲樓居閑裏身心儘自如十日雨聲春對酒一
牕燈影夜觀書茶經未展愁先醒藥錄纔看病已除所欠
短欄晴景好折桐花月共扶疏

喜鄉友來

蕭蕭春夜雨有客渡江來世事攢眉說鄉談信口開晚肴
供茗筍時果薦青梅甚欲澆離恨呼燈撥酒醅

春寒

料峭東風破客衣春寒不比臘前時絕憐牆角櫻桃樹全
似梅花雪後枝

昌國縣普濟寺小亭

鯨海中流地龍峰小洞天亭高先得月樹老久忘年大士
居鄰境隨僧指便船若為風浪息更結補陀緣

春情四首

樓頭上馬若匆匆百計相留無計從正好看花郎却去江
邊春色為誰濃

天涯海角水雲寬人在吳頭楚尾間彈徹瑩篴難寄恨海
棠庭院獨凭欄

深院沉沉照落暉寶香熏徹舊時衣一春行樂誰為伴羞
見花前蛺蝶飛

鬪草春來上玉階香塵微浣合歡鞋全籌_贏得無人賞依
舊春愁自滿懷

晚春即事

輕烟終日鎖樓臺
細雨絲絲半濕苔
杜宇一聲青嶂外
谿流時送落花來

戡山戒珠寺寺王右軍故居也

葉葉東風吹客衣
昌安寺裏晚遊時
欹斜竹屋羲之宅
磨滅經幢率府碑
佛化是誰留寶相
鷲亡猶自見方池
逢僧小作煎茶供
畧問源流笑不知

冬日即事

江上凝冰約水痕
門前殘雪綴溪雲
杖藜獨立梅稍月
成就清寒到十分

訪鉅朴翁不遇二首

亂花飛絮起長簷
來訪西湖竹裏庵
行盡白雲三十里
詩人又在白雲南

乘興尋僧入翠微
山中無限野薔薇
主人不見從誰賞
折得繁枝自插歸

聚景園口號二首

淺碧池塘連路口
淡黃楊柳護欄牙
舊時歲歲春風裏
長見君王出看花

竹影參差臨斷岸
花陰寂歷浸清流
遊人難到欄干角
盡日垂楊蓋御舟

恭跋思陵宸翰拓本卷後

淡黃越紙打殘碑
盡是先皇御賜詩
白髮內人和淚讀
為曾親見寫詩時

山行即事

落盡桐花春已休
過牆新竹籜初抽
山行步步黃泥滑
小

立谿橋聽雨鳩

又

捲地東風晚更狂
櫻桃吹子落泥牆
溪雲自為催詩忙
殺條桑窈窕娘

寄林徵君

老無閑事上雙眉
問著窮通盡不知
西鶴忽飛因客到
一方病得妻醫案
頭幾卷陰功錄
壁上諸家勸世詩
見說今年翁八十
鬢邊纔有數莖絲

曉行

跨馬登長路
聞雞度遠關
水光斜漾月
雲影倒蘊山
人跡霜橋外
禽聲煙樹間
自慚林下客
清夢未曾還

三峯廢寺

荒林依約舊山門，秋草離離故迹存。
雙瀑有聲傳宿雨，一龕無地住閒雲。
蝸沿壞壁丹青古，龜負殘碑字畫昏。
三嘆廢興誰可問，亂鴉鳴噪自成羣。

下塘

日出移船日又斜，蘆根時復見人家。
水鄉占得秋多少，岸岸紅雲是蓼花。

行淮

老翁八十髮如絲，手縛黃蘆作短籬。
勸客莫嗔無凳坐，去年今日是流移。

蘭亭

老來渾不愛春遊，來到蘭亭爛熯秋。
亭下水非當日曲，山前竹似舊時修。
二三客子因懷古，八百餘年續勝流。
試與

山靈論往事不知還肯點頭不

贈丁子植撫幹

幙府歸來赴調時清聲籍籍滿京師真如白壁藏奇石判
得黃金博斷碑借宅先尋籠鶴地買盆權作養魚池客中
高致猶如此明日還山樂可知

天章寺

地勝秋清人欲仙倚欄時節月初圓不知寺在烟霞裏但
覺身臨星斗邊寶墨舊歸天上去高名今向世間傳登臨
莫作匆匆會去後重來又幾年

天衣寺

萬壑千巖非浪聞十峰雙澗不須論袈裟旋化空王服宮
殿曾招帝子魂山向馬頭回禹穴谿分燕尾入雲秋行既

了登臨願草草題詩對綠尊

毅齋鄭祕書道山領客

羣玉堂前春晝陰
主人領客步清深
上方圖畫無真贗
東壁詩書有古今
手轉玉璣看測日
指揮金井試為霖
山翁不作蓬萊夢
但願時來洗此心

元日

長憶兒時二老傍
元正歲歲有風光
攬先禮數修人事
著好衣裳待酒觴
回首不堪追日月
感情空歎換星霜
尚期我老如親老
却看兒童作節忙

重五日懷舊

獨守空庭日欲晡
滿斟濁酒不須沽
白頭兄弟三年別
青眼交遊一字無
醉看葵榴懷舊事
饒思櫻笋夢吾廬
向時

癡絕今愁絕自讀離騷此老夫

贈番陽程克已

見說番陽有老程與人懷抱亦分明
一千里外未識面二十年間長慕名
因聽酒邊談舊事便從客裏定交情
他時我老君猶健海內相逢即弟兄

初聞雷聲

二月寒猶在春雲濕未開灑牕終夜雨
發輒數聲雷薺麥綠生腦棠梨紅折腮
西湖花事動從此日裴回

靈巖寺

天柱峯高逼太清靈巖端足擅高名人
間有石昏奴僕天下無山可弟兄樵徑
雪深多虎跡清溪風暖盡猿聲客身
元是山林種見此如何不動情

秋夜

小屏相對兩眉攢長夜迢迢不肯殘
鼠向鐙前窺坐卧人從夢裏說悲歡
故山無計行秋晚客路從誰守歲寒
留得濁醪相慰藉酒腸猶喜十分寬

寄王仲彛仲彛留三衢久不歸省因以箴之

別君三見鴈南飛夢裏相逢覺又非
書去不知何日到人來先問幾時歸
正堪燈火觀書卷莫遣塵埃染客衣
二老倚門知已久交情於此亦依依

李將

自小在行伍得官因用兵
籌邊頭髮豎入陣骨毛輕
戰馬惜如命寶刀都有名
酒酣常罵座嫌客話昇平

無錫縣春日

吳楚新岐路江湖舊散人
放船來古縣沽酒供閑身
花卸一村雨鳥啼千樹春
野塘風捲地無復見芳塵

常熟縣破山寺

古縣滄浪外精籃縹渺間
木枯曾閱世龍老解分山
鳥道秋迷跡禪房晝掩關
詩成遊子去流水自潺潺

曹娥浦泊舟

夜宿曹娥浦停舟是幾更
聞鐘知寺近聽鶻信潮生
風向沙頭起天從枕尾明
夢回無意緒兩岸杜鵑聲

拜林和靖墓

玉函香骨老雲根占斷孤
山水月村薦菊泉清涵竹影
種梅地冷帶苔痕生前已是全
名節身後從誰問子孫惟是
年年寒食日遊人來與酌清尊

多景樓

一帶青欲盡頭精藍深處著危樓下無餘地容車馬上有
重欄接斗牛鴉落野田長起晚鴈沉沙渚最宜秋江南好
景從此少北望空多故國愁

賞心亭

江亭如倚釣魚磯面面雲欄勢欲飛西望汀洲依白鷺東
連巷陌接烏衣六朝更代人何在千古興亡事總非客子
猶憐風景好倚闌長是欲忘歸

夜過馬當山

獨載詩書起野航自憐漂泊度時光殘年准擬登牛首連
夜匆忙過馬當古廟荒寒江浸影斷崖淒慘石凝霜壯懷
未分甘衰老回首長淮恨更長

國家圖書館 NATIONAL CENTRAL LIBRARY, TAIWAN, R.O.C

江湖小集卷七十五

許棐梅屋詩稿

宋 陳起 編

夜泊長河

黃帽貪程夜泊遲
市樓燈火歇多時
滿懷風月無分却
借漁翁短笛吹

訪潘叔明

一室寬於養鶴籠
荻簾疎透雪花風
恠來几案無寒色
春在題詩卷子中

明妃

漢宮眉斧息邊塵
功壓貔貅百萬人
好把香閨舊脂粉
艷妝顏色上麒麟

醉起

午醉醺醺到日晡起呼茶盃炷熏爐隔窻幾點敲花雨子
細聽時却又無

帕子

萬縷縱橫如妾恨一方輕薄似郎恩多時不繫纖腰舞却
對花前拭淚痕

晚泊臨平

晚卸風帆泊市橋稅亭民屋揔蕭條秦封不到河邊柳送
往迎來枉折腰

元夕後湖上作

自從樓閣罷燒燈未有今朝一夕晴暖拆葑邊冰翼破寒
留山頂雪痕輕嬌驄已印尋芳跡小妓新翻鶯唱聲每箇

旗亭商一醉也應排日到清明

沈子壽郊居

屋外猶餘地百弓
經鋤知費幾年工
栽蔬少似於陵仲
種菊多於靖節翁
偃屈溪山詩卷裏
破除風月酒杯中
近來又喜禪透一
顧叢林萬袖空

贈葉靖逸

借得城居一丈寬
五車書向腹中安
聲華馥似當風桂
氣味清於著露蘭
朝士時將餘俸贈
鋪家傳得近詩刊
回看舊隱西湖上
誰伴沙鷗度歲寒

鄭介道見訪

步頭楊柳種多年
今日方維勝客船
掃石共看山色坐
枕書同聽雨聲眠
溪羹旋煮蕒絲滑
野飯新炊芡玉圓
不管

歸心忙似箭，強留吟過菊花天。

贈龔彥質

慈湖分與半窗燈，照得襟懷徹底明。一作清蒲座夜閑

猶占卧筍與春暖，鶴隨行爐香欲盡，經猶誦，硯墨纔濃，句

已成。歲晚弟兄俱白首，一樓風雨話深更。

題常穆仲蘸碧

舫樣一亭小，依山復靠池。每來分席坐，須憶下湖時。竹弄

當窻影，花添蘸水枝。人間風浪惡，泛宅幾天涯。

趙叔魯

天上除書絡繹飛，謫僊何事得來遲。旅懷寬似居家日，學
力高於未第時。山帶晴霏橫畫軸，水流清響入琴絲。世間
多少王孫貴，無我寒泉一句詩。

秋江漁父

小舟輕似一鷗飛
戀月隨風慣不歸
困卧蘆花深雪裏
夜來添蓋舊蓑衣

山間

起得山間笋蕨春
借厨烹煮自吹薪
倩誰分我杯羹去
寄與終朝食肉人

木山父書院

占得文房一丈強
地幽雖夏亦清涼
瓶花誤倒水侵案
書葉亂掀風滿床
薜長密藤遮半壁
桐分疎影出低墻
客來莫道無祇待
只啜茶甌却味長

蠟梅江梅同瓶

苗裔元從庾嶺分
兩般標致一般春
淡妝西子呈嬌態
黃

面瞿雲現小身不羨腰金橫玉貴來尋嚼蠟飲冰人只愁
花謝香狼籍桃李如何接後塵

贈畫魚沈秀才

寫字搗文不療飢生涯換得頗新奇錦心暗織臨淵網蓬
鬢潛縲釣雨絲落筆易於投餌處得錢多似出罾時漁翁
枉占烟波闊不及君家小硯池

贈北磻

天下名山行脚遍依然形影瘦伶俜支吾寒暑袈裟耐變
眩煙霞筆硯靈對客敬如堂上佛讀書通似藏中經石頭
路滑終難到不是詩禪莫扣扃

雪曉

臘雪連宵接曉飛錦衾公子未曾知起來携杖敲梅樹扶

得輕盈壓損枝

閨怨五首

眉鎖從春不整開懶移心事向妝臺恩情恰似殘花片去
逐東流更不迴

別後相思瘦玉肌不堪重着看花衣恨君得似梁間燕社
日辭家社日歸

月引庭花影上窻悶和簪朶卧空床春寒翠被無人共閑
却熏爐一字香

離愁一點濃如黛強把金篦掃不開新月幾番呈巧樣薄
情夫婿未歸來

小院東風去住中春愁元不隔簾櫳自家顏色凋零盡却
對花枝惜墮紅

枯荷

萬柄綠荷衰颯盡雨中無可蓋
眠鷗當時乍疊青錢滿肯
信池塘有暮秋

庭樹

今年庭樹著花稀因是耽書失事治
何處結巢雙喜鵲却
來刪得幾枯枝

春晚

推得詩編把酒斟挽春佳句讓鶯吟
門前却喜無人掃積
得殘花一寸深

贈臨上人

遶湖山疊翠師住最高層野偈書林葉
茶鐺煮澗水松筠
為道友日月是禪燈儻許分峯隱甘為有髮僧

客路

客路久驅馳秋深兩鬢知
田家投夜宿漁竈寄晨炊
契分燈前影生涯橐裏詩
遙憐故園菊荒草沒霜枝

鍾儁卿見訪

荒圃知非延客地謾分苔石坐
移時杯中淺注三行酒
几上同看數板詩樹未經霜飛
葉早菊因閨月放花遲自無
景物留君住却恨西山日半規

題倦庵

自扁庵為倦斯名恐未然
醉中頻漉破遊屐幾磨穿
新種竹都活舊栽花更妍
門前春水漲催發孝廉船

贈元耘軒

白髮蕭蕭客帝都故園閑却種瓜
鉏平時不信為儒誤今

日方知涉世疎烟浦未尋歸去艇雪窻猶讀借來書詩名
壓盡江湖客要在唐人向上居

題吳叔清郊居

哦松未了賦歸歟旋買田園結草廬數畝竹陰惟欠鶴半
池山影不妨魚舉柁多是沽來酒挿架無非讀過書我已
倦為都下客願君分與把茅居

書郭子度壁

禁苑精廬是切隣衣巾雖舊不沾塵鐘魚聲裏吟連曉花
柳香中醉過春和土重泥燒藥竈買絲新接釣魚綸遶湖
十萬人家住如此清閑有幾人

鴈字

點畫分明印碧空迴鸞返鵲勢差同月邊映得銀鈎體雪

裏摹成玉箸工斷續似經秦火後悲涼如在楚詞中愁人
筆硯俱荒廢倩寫相思寄便風

宮詞二首

卧聽羊車輓夜雷知從誰處燕酣回蟾光也解君王意隔
箇簾櫳不入來

同入宮來幾許人因何遣妾護長門雲鬟半脫香腮瘦却
愛菱花鏡子昏

古墓

石人猶自立蓬萊拂讀殘碑字字哀隣冢已澆寒食酒野
風分送紙錢來

憶鄭元甫

別後黃花兩度殘天涯彼此寄書難幾行鴈字斜陽裏聊

當平安一紙看

贈芸窻

能書能畫又能詩除却芸窻別數誰只是霜毫冰蠶紙才
經拈起便新寄

戍婦詞一首

半落釭花午夜閑戍衣裁就寄君難鴈來不帶平安字却
帶邊風入帳寒

贈陳宗之

六月長安熱似焚鄜中清趣摠輸君買書人散桐陰晚卧
看風行水上文

傷春曲

日日望郎郎未歸玉肌寬盡縷金衣春心撩亂強拘束碎

剪紅綃補舊枝紅綃纔向枝頭住殘花又逐東風去願花
飛入笑筵中莫入愁人斷腸處愁人見花人自羞花見愁
人花也愁花飛有盡愁無盡柳外一聲黃栗留

四時宮詞各一首

因見落花心覺悟薄羅襟上淚痕乾容顏縱似花枝好能
得君王幾日看

碧玉涼梳落枕邊懶梳雙鬢學新蟬恩情不及班姬扇縱
是炎天亦棄捐

涼夜誰同玉簟眠湘波冷浸一枝蓮君王不學中秋月處
處分身處處圓

雪壓殘門消未盡夜衾堆盡舊宮羅鴛鴦瓦下垂冰筋未
抵思君王筋多

郭評事

廷評滿腹貯陽春筆下從來活幾人
廳小似分幽寺住俸輕如在舊山貧
堆書教子猶疑少倒屣迎賓不厭頻
欲效林宗巾角墊自嫌雙鬢有紅塵

挽吳春伯

入門諸子哭褰衣痛說嚴君屬纊時
病重刀圭難作效家貧衾含不如儀
從春屢有登臨約近日方無唱和詩
執紼南屏山下路悲風吹亂綠楊絲

挽郭子度

連年染患貌槌黃盧扁猶無起死方
穉女自敲尸畔磬隣僧來炷佛前香
生涯謾有書千卷受用惟存奠一觴
聽說茶毗心更苦拭乾清淚又成行

寄吳宜之

文公徒弟無多在學術應如壽數高好句先教諸子和塾
巾翻被俗人嘲湖邊茶店誰同坐井畔柴扉欠我敲昨夜
相思眠不穩月眉斜印落花梢

璞上人

十二三時便出家何曾頃刻離煙霞晨持數卷日方上夜
梵千聲月未斜洗鉢不經鷗浴水插瓶嫌採蝶殘花儒冠
誤我駸駸老何日蒲團共結跏

木芙蓉

芙蓉豔金谷秋色錦機中霜樹不知醜葉與花爭紅

東歸道中

芙蓉波面出罾魚廉似城中買擔蔬欲試膾刀還不忍恐

傷千里寄人書

籠禽怨

千金新購入雕籠恨在嬌聲斷續中昨夜羈雌何處宿落花殘月故巢空

破鏡詞

寶鏡一從分破後不堪磨拭照妝鈿倩誰携上青雲去補得今宵缺月圓

龔彥質恕可二丈

西龔當暑客秦溪旋買黃絲替熟衣相見西湖風月裏藕花凝望載詩歸

張聲父

城中破屋妻兒住自向招提借小房壁上碑文皆古篆案

頭書冊半仙方月嫌碎竹遮窻暗風欵飛花入座香檢點
未如僧相處只多髭鬚幾莖霜

秋齋即事

桂香吹過中秋了菊傍重陽未肯開幾日銅瓶無可浸賺
佗飢蝶入窻來

泛剡

水閣無風似有風蘆花搖櫓聲中鷗無一點驚猜意認作
當時載雪翁

醉歸

半醉歸來卧不成月華散彩爛中庭茶鐺凍結香匣冷只
把梅花嗅得醒

湖上曲

新晴旋蠟遊春屐半濕香泥恰好行琢得小詞腔未穩往
來花下怯歌鶯

趙野雲

載雨駕雷翻覆頃漏星藏月卷舒間若將雲與詩人比正
愁雲無日日閒

古硯送趙明府

一片端州古硯輒翁孫相授當良田寒梅磧下和冰洗秋
桂窻前滴露研學字不工空費紙吟詩雖苦未成編贈君
携去薇花畔草詔閑時枕匣眠

戲題花片

一片落花題一字湊成一首怨春詩縱橫貼在窻紗上巧
似迴文織錦時

寄衣曲

蘆花風緊鴈飛飛，便寄邊衣也是遲。
妾把剪刀猶覺冷，况君披甲枕戈時。
願君百戰圖勲業，馘項殲羸頻獻捷。
博取貂蟬金印歸，無負君王無負妾。

畫眉曲

日印花枝欲滿窻，旋磨鸞鏡試新妝。
恩情只似春宵短，看黛空如柳葉長。

宿閑林步

山禽棲定澗蛙鳴，時復鷓鴣臬雜數聲。
昨夜酒添春睡重，幸無憎愛到天明。

宮女詞

妍醜三千衆，恩情一例輕。
妾身雖寂寞，天下却昇平。

真珠園

芭蕉葉上題詩字
雨後來看半不全
餘濕未勝濃墨補
且携卮酒到花前

湖邊

湖邊開到木芙蓉
攘盡荷花十里紅
紅蓼莫慙顏色淺
榮枯同是一秋風

讀南嶽新稿

春來遊未遍湖山
已是風光一半殘
細把劉郎詩讀後
鶯花雖好不須看

花

墻頭新露一枝紅
壓盡隋人萬綵工
香豔便棲雲鬢老
也勝飄泊晚西風

別友

分付離觴莫滿斟
酒深還與恨同深
自憐不及春江燕
一路相隨伴好吟

不語僧

默坐蒲龕若塑成
客來惟聽小鐘鳴
却嫌庭樹無禪力
時有風枝雨葉聲

孔海翁

鑑湖湖上寄閑身
好景應同賀監分
梅下有船供載雪
荷邊無地可鉏雲
吟人多倩刪詩稿
名士爭求作序文
畫卷書編藏滿屋
其他生計盡輸君

題縣樓呈邱竹坡

令君聊試棟梁材
結就樵樓亦壯哉
疑是海宮新湧出
不

然仙府乍移來無人敢帶私心入萬戶皆知正道開細數
代瓜能幾日曉籌昏鼓莫相催

寄題竹坡

郭外移來費俸金幾擡舉玉成林更無餘地栽閑樹儘有
高枝著卧禽寒影似傳東野貌清聲如馮伯夷心呼童少
殺青瑤簡染月濡雲寄我吟

數椽

數椽茅屋傍林塘幽似山僧獨住房夜靜只憑猿守宅晝
閑時有鶴升堂旋收落葉供茶爨細搗枯花作印香書冊
滿床詩滿橐別無生計亦何妨

送友人為僧

知心朋友雲霄裏三尺官綾取不難禪衲乍披身愈瘦儒

冠新脫頂微寒數編詩稿聊收起一藏經文旋取看惟我
塵緣推不去蕭蕭華髮倦漁竿

地爐

穴地為爐了一寒肉屏氈帳任無緣晨燒樹下沾霜葉夜
煮山頭瀉月泉已借陽和歸故絮更分光談到殘編百年
貧富灰埃盡荒冢纍纍野燒邊

春雪

東風吹雨作花飛寒勒芳程幾日遲惟有庭前老梅樹謝
渠添補落殘枝

挽沈晏如

不信詩人一例窮如公半世又成空湖邊便欠尋梅友籬
下應無采菊翁雪片堆平閑藥竈雨聲敲碎舊漁篷墓銘

吟稿免封寄血淚斑斑浣紙紅

贈相士

湘水溪水似鏡清自看寒貌已分明
煩君別相江湖友未
歲誰魁淡墨名

陳裕齋墨戲

臨帖抄書外尤深破墨工萬峯千嶂趣
片紙尺綃中雲暗
孤村月潮生滿樹風自嫌吾已老
摩硯一無功

題吳秋潭隱居圖

到處有茅堪蓋屋誰家遷榿不成籬
秋潭何事經營晚應
是無人會買詩

題摩雲悟師

老松陰下訪摩雲仰望青雲隔幾塵
不是倚空梯百尺只

緣中有道高人

田間

田間久不到草木半蕭疎
鷗占沉舟浴蛭分破壁
居僕溫携到酒隣送賣殘蔬
未說催租事黏窻且讀書

題塾處

數畝家園枕碧波樹桑踈處補花窠
簷低不礙儒冠入橋矮才通釣艇過
雲笛旋裁門外竹雨衣新織檻前莎
有時牛背看書罷一曲春風窸戚歌

孫祺卿新居

幾年銖累束修錢纔向湖邊置一廛
種竹庭深難得月養魚池小易為泉
山呈好畫當書案柳撒輕絲罩釣船
酒力半酣詩思倦矮床相對白鷗眠

招高菊澗時在縣齋

歸買秦溪屋一間才如都下傲樓寬
門前養草如花賞壁上黏碑當畫看
自改舊詩多未穩獨斟新酒不成懽
髯仙只在淵明宅泥濘相邀寸步難

李明府雪中小閱

令君蒙雪教千兵一點妖氛不敢生
和氣旋回弓力軟寒光微映劔花明
民居似倚銀城壯海道如鋪玉簞平
入蔡歸來方夜半畫堂歌管未收聲

西真圖

翠水池邊宴早秋雲謠聲裏月西流
醉歸不信乘鸞穩却擘蓮花作采舟

書北庵門

十度來敲九不磨
隔籬空見竹青青
不知池裏黃金鯽
聽講楞伽幾卷經

贈術士張癡

伶俐不如癡
從來我亦知
才吟詩好日
便是命窮時
鼠笑囊無粟
蝸嫌壁有碑
五行修德否
髭鬚已絲絲

謝毓齋李尚書惠詩序

綠野堂邊種藥成
已斑髭鬚復青青
謝庭子弟皆英物
漢殿公卿半學生
爭捧溪藤求妙畫
競磨崖石乞新銘
如何海角孤吟者
文集中間也掛名

葉克齋

歛浦租船只載詩
一廉如此似君稀
雙親猶道行裝重
多帶羅紋一硯歸

題趙子固春山上寺圖

望得招提見程猶半日
間馬嘶曾到處僕指未行
山風遞松聲遠雲連草色
閑何如添箇我生石聽潺湲

湯婆子

一冬專寵道人房
不藉華清賜浴湯
皤腹却無璋瓦分
矮身難稱綺羅妝
春生蝴蝶半床夢
暖迥梅花一帳香
醉倚肉屏君莫羨
北邙多少黑頭郎

送寫神李肖巖入道

一掣塵緣去學仙
鶴程風露漸高寒
白玉樓中逢鼻祖
爲傳吟貌寄予看

寄趙倉

麾節交迎出帝城
滿朝皆羨板輿榮
一州甃輟春風暖
八

郡同瞻霽月明吳苑鶯花新管領秦溪桃李舊生成應憐
倦卧寒窻者煮藥爐邊聽雪聲

送趙子梁

梅福舟行速離觴不暇斟雖然交日淺頗覺別情深宿處
鴈相伴到時鶯對吟冰心新家下替我一沾襟

得閑亭

柳風雖小絲絲裊花雨無多點點香惟有吟毫閑未得染
紅濡綠一春忙

題錢慶豐醒庵

不向杯中物吟邊僅有君自無沉醉分非效獨醒人捲箔
進明月開門放宿雲揀茶敲未遍又摘露芽春

挽周倅

真是分風月歸來無俸錢人皆嗤拙宦天又嗇長年舊宅
寒潮外新塋古樹邊一詩哀不盡簷雨對潸然

上趙蘭坡

身迫雲霄自不知只如師友講論時驅龍駕鳳陽冰字剪
月裁霞太白詩雨院炷香熏畫卷晴窻添水浸花枝十年
漫走江湖上咫尺蘭坡却到遲

上嘉禾趙守

邦君一念只寬民真箇龔黃現後身和氣蒸為千未雨暖
雲裁作萬襦春座中長有清吟客庭下渾無健訟人諸郡
盡能依此樣世間那有一家貧

劔言

朝潤郵支膏暮澤樓蘭血何如沉土中蝕為無用錢

題常宣仲草堂

隔市能幾步幽趣踰山林鑿池小如斗水淺魚自深簷任
樹枝礙堦從草色侵不肯一鋤斫恐傷春風心朝出貨仁
義暮歸炊古今客來無可款石鑪添水沉

題張俞仲竹屋

削成千竈簡此屋是餘材長有清風至渾無俗客來猿當
吟案立鶴起釣船迴添足歲寒計栽松復種梅

李方庵款梅

梅花惆悵三年別香鎖空庭幾風月今年花發主人歸依
舊主人貧徹骨小枝分立硯屏邊無酒酬春燭燭寒數頁
殘書緒未了喚起山童敲鳳團

國家圖書館 NATIONAL CENTRAL LIBRARY, TAIWAN, R.O.C.

江湖小集卷七十六

許棐融春小編

宋 陳起 編

開爐十日併當融春小室為六箴計亂書中得舊稿數紙
稿自甲午至己亥詩不滿三十更散失不得傳則與日月
俱棄矣併綴數文為融春小編非千金樊帚乃尺璧餘陰
也梅屋許棐題

樂府

妾心如鏡面一規秋水清
郎心如鏡背磨殺不分明
小窻寒燭夜結紐綴郎襟
不結尋常紐結郎長遠心
郎身如紙鴛斷線隨風去
願得上林枝為妾縈留住

題舒王遊半山圖

驅載新詩僕抱書松聲禽語當傳呼不知邂逅耕田者問
著青苗免役無

題錢叔恭立齋銘後蔣鼎作銘

柱義撐仁難著脚十人著脚九斜欹此銘不特為君助今
古儒家砥柱碑

舊漁竿

掣斷江湖幾線風蓑衣閑掛餌瓢空何因獻入君王手持
向磻溪釣太公

草履

江湖蓑笠舊交情石滑泥深步轉輕恰是草屨蹤跡峻官
程高處越難行

贈劉相士

滿鏡秋霜鬢影寒
此生堪笑復堪憐
煩君只相看書眼
更對青燈得幾年

宗之惠梅窠水玉牋

百福吳冰千葉雪
對吟終日不成詩
憶君同在孤山下
商略春風弄筆時

月澗惠硯滴梅腦

手不題詩已半年
硯磚相伴學枯禪
為君蘸濕元暉筆
寫出江山雪後天

踏雪尋梅興未償
衣襟賴有隔年香
銅匱更炷冰花腦
不到孤山也不妨

春思

嫁得蕭郎不戀家
幾年流落在天涯
滿懷多少傷春事
嫌

殺門前叫賣花

送趙丞汝諤

竹梢風露松梢月未抵吟筵氣味清
笑問兩年何所得錦囊詩重俸囊輕

贈墨僧

老硯磨穿事不成萬書堆裏鬢星星
願隨君去柯山下收拾殘煙寫佛經

重陽乏酒

黃花冷笑竹籬邊笑我頭頭乏酒錢
帶雨折來無用處碎按金屑和茶煎

燭

長身夜占銀臺立焰焰光搖頂上珠
貪向華堂照歌舞不

知灰得寸心無

代術者言

不聞沸鼎烹夷叔那有雲臺畫四凶
自與君心消息了却將甲乙問窮通

贈錢相士

我貌君容一種寒鷺漂鷗泊念來年我詩吟就無人買君相公卿煞得錢

觀松巖畫卷

老屐相隨四十年慣看蒼翠聽潺湲
今朝細玩松巖畫猶有吟行未到山

吳江道中

一別吳松二十秋敗荷粘柳摠新愁
白頭交友凋零盡賴

有寒江幾箇鷗

題陸宣公堂

一編奏議從頭讀，句句冰聯玉綴成。
不是德宗嫌坦直，自緣唐室未昇平。
諫盡逐殘星滅，養義魄長隨霽月明。
我亦愛君憂國者，歲時未一拜先生。

送趙蘭坡

弟判嘉興萬政聲，蘭坡兄又出專城。
如將天上一蟾影，分作人間兩郡明。
江冷雪隨帆幅去，路晴梅夾轎窻行。
開藩便拜歸班詔，也與玉山添重名。

題趙恕可山臺

繞宅無非卷畫山，吟臺更對好峰巒。
錦囊低掛花梢上，玉子輕敲竹廡間。
小硯買來猿解捧，異書編就鶴同看。
主人

出赴功名會澗水自清雲自閑

小篆道人

滿面瘡痍瘕胷中一泓雪醒吟鶴背風醉卧鷗邊月不賣
嚇鬼符不試燒金訣笑問舊蓑衣秋來添幾結

題邱竹坡新第

長安富貴海十客九倦還君去不著意君歸無愧顏舊圃
一二畝新居十數間花尋直樹種竹揀斜枝刪詩句滿壁
寫書編到處安冬簷日春暖夏戶風晝寒不是時令舛自
緣心地寬天下多政事未須牢閉關

題雪林畫卷

亂灑春霏著紙寒玉成天地片時聞有人語盡江湖冷却

愛尋^帝卷畫山

梅屋雜著

卷七十六

送旦上人序

詩曰琴瑟友之東萊謂無時而不在例若朋友焉故曰友
今士自時文之外無學不仇何止牙夔庭戶草深三尺哉
山僧野道間或習琴亦未能以友友也旦上人禪外一琴
朝携莫歛調合而氣同予謂若師者始可與言琴之友矣
師曰言友琴者惑也言不友琴者亦惑也言友琴不友琴
皆惑者尤惑也海上有子春先生吾為子徃而問之遂抱
琴而去

巫說

小人倚巫為命一人疾闔衆走巫以巫之在不在候吉凶
以神之降不降驗生死巫在衆喜神降衆益喜降曰某有

某罪某崇崇之祀可贖也衆諾雷應惟恐齋酸不嘆其饗疾瘳重謝巫不瘳不巫責也梅屋居士曰我命在我不在天而在神乎不在神而在巫乎蓋其中心有愧愧則疑疑則亂亂則邪入矣邪則病病則懼懼則妖興矣邪入妖興而命在我乎命不在我禱猶詛也生猶死也巫小人之尤也不可倚也作巫說

跋四靈詩選

藍田種種玉蒼林片片香然玉不擇則不純香不簡則不妙水心所以選四靈詩也選泮不多文伯猶以為略復有加焉嗚呼斯五百篇出自天成歸於神識多而不濫玉之純香之妙者歟芸居不私寶刊遺天下後世學者愛之重之

跋臨上人所藏東坡像

平生所見坡像此筆最凡宛然閭里一翁耳那稱如許文章學問然文章學問東坡一生流離萬狀安得如閭里翁優游終老不識半點榮辱邪

跋劉季必畫冊

讀東坡石氏畫苑記每恨不見畫此劉氏畫苑惜東坡不見及之

題松巖所惠雪屏

一玉千山化工之無盡春也為山寫神筆端之無盡意也揭之梅屋徃來者之無盡觀也

寫真自贊

人道女不似我我道別無人似女似我非森森千丈之精

神不似我也非濯濯春月柳之標度似不似皆人憎然亦
有一些好處好處是今人衣冠苞著箇古人腸肚

跋竹軒乞藥帖

茹不上貴人盤飴賴有山僧野道閑肚皮安著不感德而
反以為崇誠蔬中之小人也

書先祖監丞手澤後

翁年踰從心猶鑽燈下細字諸父懼非老人所宜又不敢
明諫一夕令棐粟翁寒漏下幾刻矣請歸寢翁解意曰吾
不愈於埋沒富貴達旦歌舞遺鳩兒孫者耶垂誨四十年
洋洋如昨日語真吾家之韶音也

硯志

此硯雖未佳而愛踰金玉者以先君舊物也先君游宦章

貢人硯俱亡後三十年硯歸于棊惟夜臺茫茫人無歸日
哀哉痛哉然能朝夕摩滌寫先君骨中未吐之書人硯俱
不亡矣

NATIONAL CENTRAL LIBRARY, TAIWAN, R.O.C.

江湖小集卷七十七

宋 陳起 編

許棐梅屋稿

己亥至癸卯詩不滿二十首甲辰一春却得四十餘篇疑詩之多寡遲速似有數也天或壽予予詩之數固不止此然當以貪多務速為戒梅屋許棐題

蘭花

竹底松根慣寂寥肯隨桃李媚兒曹高名壓盡離騷卷不入離騷更自高

郭南湖見訪却適有出一絕為謝

一篷風雨偶歸遲見說君來扣我扉童子困眠梅樹下不曾放得鶴雙飛

枯樹

幾年柴立荒塍下
春雨秋風摠不知
一點陽和到桃李
紅白便盈枝

錢謙齋新居

住破吳松江上屋
杭州城外結新廬
未尋陸羽烹茶具
先借淵明種菊鉏
山入樓中成好句
月來窻下伴殘書
御街車馬無行處
誰肯抽身覓退居

上趙克家太守

說著嘉興太守賢
野梅官柳亦歡然
貧民不識重租苦
老吏難將一事瞞
但有詩書堆几上
更無歌舞到樽前
凡為者皆如此天下
何由不治安

趙宰瓊花圖

祠下靈根無別種，允花誰敢闢榮枯。
被君分種鵝谿上，從此人間有兩株。

寄照鏡潭

鏡潭炯炯秋無底，著一纖雲也是多。
禪外當無些子事，如何猶有作詩魔。

茉莉

荔枝鄉裏玲瓏雪，來助長安一夏涼。
情味於人最濃處，夢回猶覺鬢邊香。

題猗綠堂

蕭蕭萬竿玉，深護讀書堂。
夢起秋聲薄，詩攬夜色涼。
敲茶風遞響，滴硯露涵香。
不雜有花樹，花紅不久長。

趙山臺寄詩集

海鴈將秋色去山臺抄寄好詩未菊花過了梅花未自有
花從筆底開

寄題東津

東津占得江山勝安頓亭臺到處宜夜夜中秋明月影朝
朝寒食好花枝長牋短軸真行字舊軸新編倡和詩只隔
一潮飛不去悵懷惟有白鷗知

寄友

已奏春班名字了不妨閑作幾時遊家僮未要裝詩擔見
說三高索唱酬

紅梅

不堪冷照黃昏月強倚春風作杏粧雖得容顏變時好欠
他肌骨舊來香

迂張宰堯章

倦骨畏寒如畏虎可曾一步出柴扉因迎令尹西郊外折
得梅花滿把歸

謝施雲溪寄詩

折得桂花三數枝雲溪又寄幾篇詩詩香入在花香裏韻
似龍涎火煖時

右己亥至癸卯詩

餞梅

十日九風雪羞見今春寒梅花辦歸計一點心欲酸所秉
太孤潔有此末路難來年復相見一笑賀平安

築城曲

日將西杵聲急一聲聲自死腸出城高不特土累成半是

鋪填怨夫骨儒坑戰地骨更多十二金人隨鬼泣

烏夜啼

丈人屋侵雲烏愛丈人屋涂人亦愛烏烏聲喜相續屋底
問蛾眉環生理絲竹絲竹無新腔寫汝聲為曲夫人一賞
音瓦礫棄珠玉移噪隣翁家聞者皆唾逐

馬塍種花翁

東塍白髮翁勤朴種花戶貧賣有根花價重無人顧西塍
年少即荒嬉度朝暮貧賣無根花價廉爭奪去年少傳語
翁同業勿相妬賣假不賣真何獨是花樹

泥孩兒

牧瀆一塊泥裝塑恣華恣所恨肌體微金珠載不起雙罩
紅紗厨嬌立瓶花底少婦初嘗酸一玩一心喜潛乞大士

靈生子願如爾豈知貧家兒呱呱瘦如鬼弃卧橋巷間誰
或顧生死人賤不如泥三嘆而已矣

染絲上春機

染絲上春機春濃絲色淺妾心隨梭飛郎心如軸轉
染絲上春機錦成貴無價不忍裁成衣怕剪鴛鴦破

長門怨

妾身如蓮根沉埋淤泥底雖有白玉姿無人為拈洗
妾身如亂絲卷藏箱篋底願如雙鴛鴦無人為分理

秋風辭

颯颯秋風來一葉兩葉墜燕子動歸心薄情知也未
颯颯秋風來衣衾愁未整莫作閨中寒且作天涯冷

三臺春曲

昨夜微風細雨今朝薄霽輕寒簷外一聲啼鳥報知春柳
平安

春是人間過客花隨春不多時人比花尤易老那堪終日
相思

胡蝶飛

蝴蝶飛蝴蝶飛紅邊迷了紫邊迷粉老香乾何處歸不學
蜜蜂做家計勤苦之中有甘味

破琴

幸迤煮鶴煙枯羸卧烏丸向來千萬音今在何人耳舊譜
傳不真零落幾張紙瓦缶空雷鳴牙夔喚不起

破硯

碌碌礧礧間得此一雋石磨我三十年貌鰲雙鬢白渠亦

苦我磨眼穿流淚墨老蟾在傍笑兩窮自相厄

對鏡詞

烟護杏腮寒日觀桃腮暖惟有鏡中花東風都不管

織錦詞

絲絲愁緒雜春機唧唧聲中日又西織到花枝連理處玉
驄門外一嬌嘶

毋忌

一別音容歲幾更紙灰飛盡淚猶傾最憐春雨相將足
上有田誰共耕

春思

朝來一陣無情雨敲得庭花已半殘燕子不知人冷落飛
來簾底避春寒

春雨

老來慵把種花鋤
片紫纖紅一任無
不忍今春孤負雨
自取簷水浸菖蒲

燕

處處亭臺燕好春
唱花歌柳調爭新
梁間不用多言語
回耳聽君有幾人

石菖蒲

一碧生涯水石濱
縷風絲雨瘦精神
前身恐是巢由輩
怕著人間半點塵

草

生長冷階閒砌畔
一春知見幾花飛
雖霑雨露無多子
却到秋來綠轉肥

不是東風有愛憎為憐微細頗加情
胚紅孕紫寧交晚且放青青寸草生

池魚

深淺生涯足浮沉世念輕莫貪鉤上餌
去作鼎中羹

柳

青青得意春三月撩弄東風舞腰活
莫道長條舞得多長條先被行人折

小盆花

小小盆中花春風隨分足花肥無賸紅
葉瘦無欠綠心傾幾點香也飽遊蜂腹
太盛必易衰荒烟鎖金谷

花願

未到無生無滅地聊為春風露紅紫
不願隨風起蝶飛願

就枝頭抱香死

諭柳

不須嬌逞舞腰枝
不須巧畫宮粧眉
只把千絲萬絲結結
住行人無別離

選官圖

排衙累職甚分明
除罷皆由彩色行
縱有黃金無好采也
難平白到公卿

猗綠惠燭

剪剪春生萬卷堂
一花知勝幾螢光
癡兒不識半行字只
解高燒照海棠

落花

落花傳雨五更風
能旁亭臺幾日紅
把似匆匆又飛去不

銷裁染費春工

落梅

紅杏枝枝嬌似染
綠楊處處密成圍
若無顏色相追逐
自趁東風作雪飛

贈壽醫師寓雷峯

軒窻開處摠湖光
誦罷難經納晚涼
雨濺荷香沾古袖
月移松影罩禪床
燃燈就取炆丹火
煮藥先留瀹茗湯
二豎三彭都見佛
人間無病亦無方

陳宗之疊寄書籍小詩為謝

江海歸來二十春
閉門為學轉辛勤
自憐兩鬢空成白
猶喜雙眸未肯昏
君有新刊須寄我
我逢佳處必思君
城南昨夜聞秋雨
又拜新涼到骨恩

簡齋詩一
涼思到骨

送趙竹潭

已彊詩仙一夜番任教侵早放船休恨身不似梅花片飛
入寒篷伴遠遊

贈僧虛中

僧起雪到前梅花猶恨遲略譚殘歲夢使和早春詩僵鴈
依船宿寒猿捧硯隨吟單未須捲重見是何時

右甲辰一春詩詩共四五十篇錄求芸居吟友印
可樂皇恐

江湖小集卷七十八

戴復古石屏續集

宋 陳起 編

客行河水東

客行河水東客行河水西客行河水南客行河水北行行
無已時朱顏變老色至人棲一方庭戶羅八極保心如止
水不受萬物役有道肥其軀故能適所息

鳳鳴有吉凶

鵲噪令人喜鴉噪令人憎人心自分別吉凶屬禽聲舜時
有鳳鳴文王時亦鳴漢時鳳亦鳴六朝時亦鳴鳳鳴有吉
凶人不仔細聽

江南新體

卽船江下泊
妾家樓上住
朝朝暮暮間
上下兩相顧
相顧不相親
風波愁殺人

感寓四首

采薇人固高
飲露蟬遂清
謀茲一粒粟
舉世共營營
營營亦多途
中有虧與盈
陋巷一簞食
朱門九鼎烹
窮達各有命
繫誰主權衡
吾生未可必
秋風白髮生

蛛網罩虛簷
一飽羅群飛
寒螿齧枯桑
一身終繭絲
物物巧生理
我生拙矣為
貂裘日已敝
石田歲長飢
一貧已到骨
一氣僮未衰
舉目送飛鴻
悠悠知我誰

夜雨扶西風
撼撼庭樹浮
生堪幾秋青
鬢忽已素
鈎刀剗九牛
策蹇望長路
所操斧無竒
自好徒自誤
改絃調新聲
履道易故步
收功在桑榆
其敢怨遲暮

紅紫委路塵綠樹有佳色
剗心晚聞道玩物若有得
青春坐銷歇方茲見真實
人生到中年胡不保明德
秋風墮庭枯棲鳳去無迹
矯首碧雲端一語三歎息

頻酌淮河水

有客游濠梁頻酌淮河水
東南水多鹹不如此水美
春風吹綠沙鬱鬱中原氣
莫向北岸汲中有英雄淚

刈麥行

腰鎌上隴刈黃雲東家西家麥滿門
前村寡婦拾滯穢餽粥有餘炊餅餌
我聞淮南麥最多麥田今歲屯干戈
飽飯不知征戰苦生長此方真樂土

元宵雨

窮人不謀歡元夜如常時
晴雨均寂寞蚤與一睡期
朱門

檠燈火歌舞臨酒池酒闌歡不足九街恣遊嬉前呵驚市人
簫鼓逐後隨片雲頭上黑翻得失意歸

鄂渚張唐卿周嘉仲送別

武昌江頭人送別楊柳秋來不堪折漢陽門外望南樓昨
日不知今日愁英雄握手新相識人情正好成南北酒闌
人散最關情一鴈西飛楚天碧

詰燕

去年汝來巢我屋梁間汗泥高一尺啄腥拋穢不汝厭生
長辟離我護惜家貧惠愛不及人自謂於汝獨有力不望
汝如靈蛇銜寶珠雀獻金環來報德春風期汝不相顧對
語茅簷慰岑寂如何今年來於我絕蹤跡一貪簾幙畫堂
間便視吾廬為棄物

寄趙鼎臣

學如劉子政不使校書天祿閣文如李太白不使待詔金
鑾殿倚樓終日看廬山贏得虛名聞九縣才忌太高心忌
太清平平穩穩為公為卿騏驎可羈乃歸帝閑鳳麟莫馴
為瑞人間人間為瑞徒能好騏驎可羈終遠到歲寒心事
幾人知手把梅花供一笑

阿竒晬日

窮居少生涯養子如種穀寸苗方在手想像秋禾熟吾兒
天所憇骨相頗豐碩娟娟懷抱平一歲至周日願汝無災
害長大庶可必十歲聰明開二十早奮發曾蟠三萬卷手
握五色筆策勲文字場致君以儒術不然學孫吳縱橫萬
人敵為國取中原闢地豈滇北他年汝成就料我頭已白

光華照我眼甘脂不可缺為子必純孝為人必正直以我
期望心一日必一祝勿謂癡小兒茫然無所識胎教尚有
聞斯言豈無益

松江舟中

四首荷葉浦時有不測末句故及之

夜聽楓橋鐘曉汲松江水客行信忽忽少住亦可喜且食
鱖魚肥莫問鱸魚美

垂虹五百步太湖三萬頃却除岳陽樓天下無此景范蠡
扶西施功名付烟艇

秋風吹客衣歸興浩難寫寒林噪晚鴉紅日墮平野篙師
解人意棹酒旗下

扁舟乃官差舟子吾語汝汝為我作勞吾亦不負汝好向
上塘行莫過荷葉浦

漁父詞二首

漁父飲不須錢柳枝斜貫錦鱗鮮
換酒却歸船
漁父醉釣竿閒柳下呼兒
牢繫船高眠風月天

觀陸士龍作顧彥先婦答夫二首有感次韻

北風吹歲暮空閨獨棲止
夙興淚盈掬久息夢千里
妾生胡不辰失身從蕩子
嚼蘗苦我心餐冰噤我齒
離異何足愁險澁可勝紀
寄書西飛鴈反復話終始

鼠璞竊美名冠玉假外觀
良人誇意氣下妾愁歲晏
念君始行邁雪嶺梅初粲
春風桃已紅光陰等飛彈
相思果如何金環寬玉腕
昔為連理枝今作搏沙散
惜哉牛與女脉阻河漢
特棲良獨難守堅祇自諧
雙劍幾時合寄聲問
華煥勿聽五羊歌富貴忘貧賤

栗齋覃仲至以元結文集為贈

尋常被酒時歸到急投枕為愛次山文今夜醉忘寢偉哉
浯溪碑千載氣凜凜春陵賊退篇少陵猶歛衽文章自一
家其意則古甚太美遺五味純素薄文錦警牙不同俗斯
人異所稟君君望堯舜人人欲倉廩古道不可行時對窳
尊飲

杜甫祠

嗚呼杜少陵醉卧春江漲文章萬丈光不隨枯骨葬平生
稷契心致君堯舜上時兮弗我與屹然抱微尚干戈奔走
蹤道路飢寒杖草中辨君臣筆端誅將相高喙比輿體力
救風雅喪如史數十篇才氣一何壯到今五百年如公尚
無恙麒麟守高阡貂蟬入畫像一死不幾時聲迹兩塵莽

何如耒陽江頭三尺荒草墳名如日月光天壤

琵琶亭

潯陽江頭秋月明黃蘆葉底秋風聲銀龍行酒送歸客夫
夫不為兒女情隔船琵琶自愁思何與江州司馬事為渠
感激作歌行一寫六百六十字白樂天白樂天平生多為
達者語到此胡為不釋然弗堪謫官使歸去廬山正接柴
門路不尋黃菊伴淵明忍泣青衫對商婦

送耒賓宰

君作耒賓宰聽我說耒賓蠻俗無王化當為王化人有民
無租賦租賦出商旅逐利遭重徵商旅亦良苦能放一分
寬可減十分怨不愛資囊橐但愛了支遣民窮賴撫摩官
貧俸不多但得百姓安俸薄其奈何勿謂朝廷遠官職易

遷轉律已貴廉勤御事要明斷自縣辟為州指日為太守
須知早歸來瘴鄉不可久

題姚雪篷使君所藏蘇野塘畫

高者為山坳者為壑為烟為雲渺渺漠漠人鳥樹林人家
聚落騎者何人舟者未泊三尺紙上萬象交錯天機自然
神驚鬼愕嗚呼此吾之故人野塘蘇元龍之墨迹中有石
屏老淚痕又為野塘添一筆

章泉二老歌

在昔商山傳四皓又聞香山圖九老異鄉異姓適同時爭
如章泉一家兄弟登期頤章泉之上兩山下有地可宮田
可稼伯也蚤休官季也相約歸林泉名動京口耕谷口山
中有詩天下傳一生得閒兼得壽皓首龐眉世稀有竹隱

先生八十三定菴居士七十九客從遠方來亦是六十叟
手把一枝梅來奉西翁酒問翁何以致遐齡請翁細說吾
細聽不燒丹不學仙五行有常數天所稟賦焉人生一氣
統四體衆人斲喪吾能全要知養生無他術日多喫飯夜
獨眠承翁見教謝翁去西翁殷勤留我住是夜醉眠苔竹
軒夢見山靈向我言翁之所說皆不然西翁盛德合乎天
天與遐齡五百年

毗陵呈王君保使君二首

姑蘇道上天酒星醉筆寫出雙龍形墨迹縱橫奪造化蜿
蜒滿壁令人驚一龍翻身出雲表口吞八極滄溟小手弄
寶珠珠欲飛握入雲中拳五爪一龍排山山為開頭角與
石爭崔嵬波濤怒起接雲氣不向九霄行雨來萬物焦枯

天作旱西雄壁隱寧非嬾真龍不用只畫圖猛拍闌干寄
三歎

何人筆端有許力捲來一片瀟湘碧摩挲老眼看
不真怪見層波湧虛壁天慶觀中雙黑龍物色雖殊妙處同能將
此水畜彼龍方知畫手有神通龍分水兮終會遇天下蒼
生待霖雨

南嶽

南雲縹緲連蒼穹七十二峯朝祝融凌空棟宇赤帝宅脩
廊翼翼生寒風朝家遣使嚴祀典御香當殿開宸封願福
四海扶九重干戈永息年屢豐五嶽惟今見南嶽北望乾
坤雙淚落

玉華洞

憶昨游桂林巖洞甲天下奇奇怪怪生妙不可摹寫玉華
東西巖具體而微者神工巧穿鑿石壁生孔罅玲瓏透風
月宜冬復宜夏中有補陀仙坐斷此瀟灑空山茅葦區無
地可稅駕舉目忽此逢心駭見希詫題詩媿不能行人亦
無暇

祝二巖

僕本山野人漁樵共居處小年學父詩用心亦良苦搜索
空虛腹綴緝艱辛語餬口走四方白頭無伴侶前年得巖
祭今年得巖羽我自得二巖牛鐸諧鐘呂祭也若吟身束
之以簪組遍叅百家體終乃師杜甫羽也天姿高不肯事
科舉風雅與騷些歷歷在肺腑持論傷太高與世或齟齬
長歌激古風自立一門戶二巖我所敬二巖亦我與我老

歸故山殘年能幾許平生五百篇無人為之主零落天地
間未必是塵土再拜祝二巖為我收拾取

懷家

白髮出門來三見梅花謝客路有幾年歸心無晝夜
強言不思家對人作意氣唯有布被頭見我思家淚
三年寄百書幾書到我屋昨夜夢中歸及見老妻哭

江湖小集卷七十九

宋 陳起 編

戴復古石屏續集

飲中

布衣不換錦宮袍，刺骨清寒氣自豪。
腹有別腸能貯酒，天生左手慣持螯。
蠅隨驥尾宜千里，鶴在鷄群亦九臯。
賢似屈平因獨醒，不禁憔悴賦離騷。

靜齋張敏則舍人贈詩，因用其韻為酬。

胷次詩書一派清，學如耕稼到秋成。
十年閉戶存吾道，萬事無心逐世情。
葉落花開閑氣數，山長水石是功名。
摩挲老眼看新貴，九鼎鴻毛孰重輕。

客遊

不能鬱鬱窟中藏
大笑出門遊四方
與世周旋持酒盞
觀人勝敗坐碁坊
倒餐甘蔗入佳境
畫着錦衣歸故鄉
此志十年猶未遂
倚樓心事楚天長

新安寒食

不擬今年到歙州
要知行止豈人謀
一百五日客愁惡
三十六峰春雨愁
老矣此身猶道路
淒其歸夢繞松楸
花飄仙子無由見
千里江山負遠遊

烏聊山登覽

抖擻囂塵上翠微
旁溪寺上坐題詩
忽聞啼鳥不知處
細看小山無厭時
風掃雲烟開晚景
人携香火謁荒祠
客來千里登臨意
說與時人未必知

癖習

平生癖習未全除，虛事驚心實事疎。
為惜落花慵掃地，每看修竹欲移居。
逢人共作亡何飲，撥冗時觀未見書。
爭奈一貧隨我在，思量不若把犁鋤。

趙升卿有官不肯為里居，有賢聲訪之於深巷中。

深居陋巷不妨幽，翠竹當門水滿溝。
每遇事來先覺嬾，欲為官去又還休。
田園自樂陶元亮，鄉里多稱馬少游。
除却讀書無所好，有時閒作北巖遊。
即化成巖也

括蒼石門瀑布

少泊石門觀瀑布，明知是水却疑非。
亂拋雪玉從天下，散作雲烟到地飛。
夜聽蕭蕭灑塵夢，風吹細細濕人衣。
謝公屐履經行處，聞有留題在翠微。

杜門自適

世事茫茫心事灰衆人爭處我驚回閉門不管花開落避
俗唯通燕往來富貴在天求不得光陰轉地老相催平生
任達陶元亮千載神交共一杯

登快閣黃明府強使君和山谷先生留題之韻

未登快閣心先快紅日半簷秋雨晴宇宙無邊萬山立雲
烟不動八窓明飛來一鶴天相近過盡千帆江自橫借問
金華老仙伯幾人無奈入詩盟

秋日病餘

桂子吹香風露深老夫吟了聽蟬吟秋來賸有行山興病
後全無涉世心詩苦積成雙白鬢酒豪輕用萬黃金平生
意氣今如許獨抱傳家一破琴

都中懷竹隱徐淵子直院

少年行脚白頭歸不負平生汗漫期望斷海山雲漠漠愁
生江路草離離一篇王粲登樓賦幾首巴陵送別詩獨倚
蓬窻無意緒瓦盃傾酒憶金卮

趙用甫提舉夢中得片雲不隔梅花月之句時被命
入朝雪中送別用其一句補以成章

一時議論動諸公有詔西來玉節東又見清明更大化好
趨丹陛奏孤忠片雲不隔梅花月一雪翻成柳絮風把酒
莫辭今夕醉明朝車馬去匆匆

國家圖書館 NATIONAL CENTRAL LIBRARY, TAIWAN, R.O.C.

江湖小集卷八十

戴復古石屏續集

宋 陳起 編

九日

今日知何日他鄉憶故鄉
黃花一杯酒白髮幾重陽
日晚鴉爭宿天寒鴈叫霜
客中無此醉何以敵淒涼

郭外翁

郭外生涯少城中糴米歸
種花無處賞挑菜入籃希
風撼傾歌屋寒生藍縷衣
此翁何所樂談笑傲名微

山村

野老幽居處成吾一首詩
桑枝礙行路瓜蔓網踈籬
牧去牛將犢人來犬護兒
生涯雖撲畧氣象自熙熙

吳門訪舊

孟良夫侍郎
有藏春園

去此十三秋重來雪滿頭
鏡顏如老醜詩骨帶窮愁
鳥語新晴樹人尋舊倚樓
藏春門下客一半落山邱

登祝融

秋風吹拄杖直到祝融巔
目擊三千界肩摩尺五天
扶桑暘谷畔青草洞庭邊
雲氣無遮障分明在眼前

山中少憇

地僻人稀到山寒水欲冰
聞鐘知有寺見犬不逢僧
斷隴森橋木顏簷挂古藤
斜陽照孤影詩骨瘦峻嶒

鄂州戎治靜憇亭

幽亭何處尋巖樹碧森森
獨坐生雲石少安經世心
伴人雙鶴立多事一蟬吟
提劍翻然起中原秋草深

趙端行杜子野遊虎丘有詩僕因舊與子野同宿唱

和留題

出城十里許有此一山門丘在虎無迹池清劍有痕孤松
冠巖頂萬竹繞雲根借問東軒壁舊題存不存

杜仲高高九萬相會

杜癖詩無敵高髯畫絕倫笑談能不朽富貴或成塵今日
多奇事乾坤幾怪民相逢不容易一醉楚江濱

懷趙德行

學慈湖從
趙元道楚

所學源流遠澹交滋味長着來渾易與別去自難忘獨客
夢千里佳人天一方細觀賓退錄亦足慰淒涼

鄭南夫雲林隱居

一未陪勝踐再到惜蹉跎記得山中景行尋竹外坡天寒

梅信早海近鴈聲多煙渚浦州外時聞款乃歌

白鶴觀

荒徑行如錯蟠松看轉竒鳥聲人靜處山色雨晴時賒得
溪翁酒閑尋道士碁箇中有佳趣莫怪下山遲

三山宗院趙用父問近詩因舉今古一憑欄夕陽山
外山兩句未得對用父以利名雙轉穀對上句劉叔
安以浮世夢中夢對下句遂足成篇和者頗多僕終
未愜意都下會李好謙王深道范鳴道相與談詩僕
舉此話鳴道以春水渡旁渡為對當時未覺此語為
竒江東夏潦無行路逐處打渡而行深山界上一渡
復一渡時夕陽在山分明寫出此一聯詩景恨不得
與鳴道共賞之

世事真如夢人生不肯闕利名雙轉轂古今一憑欄春水
渡旁渡夕陽山外山吟邊思小范共把此詩看

夢與趙用父王子文陳叔仿相會甚歡

鼎足當州縣別來音相稀故人俱顯達吾道亦光輝三鳳
夢中見孤鴻天外飛應憐江海客白首未成歸

焦山

江接海冥冥山連島樹青似非人境界宜有佛宮庭藏壓
蟠龍宅潮滄瘞鶴銘西巖更清絕心與酒俱醒

金山

水湧孤峯出波聲日夜聞重巖成鐵屋雙塔礙行雲天地
八窻迥江淮兩岸分登臨多感慨北鴈又成群

訪古田劉無競

潛夫宰建陽有聲人言
自有建陽無此宰也

前說建陽宰古田今似之難兄與難弟能政更能詩文字
定交久江湖識面遲人言花萼集俱受水心知

濠州春日呈趙教授體國

柳似眠初起梅雖老可觀冰開水自活風暖雪泥乾得酒
忘為客談詩不論官無人知此意一笑對黃冠

自漳州回泉南主僕俱病遣懷

雅興難忘酒羈懷不耐秋坐窮思賣劍扶病強登樓適有
坐中客從來邊上洲所談驚老耳身世併成憂


舟中九日

水澁勞牽纜天寒早雨霜沙頭沽濁酒船上作重陽籬菊
一枝瘦溪魚三寸長客中成小醉亦可慰淒涼

哭澗泉韓仲止二首

雅志不同俗休官二十年
隱居溪上宅清酌澗中泉
慷慨傷時事淒涼絕筆編
三篇遺稿在當並史書傳
忍貧長傲世風節似君稀
死後女方嫁峽中兒未歸
門人集詩稿故卒服麻衣
澗上梅花發吟魂何處飛

國家圖書館 NATIONAL CENTRAL LIBRARY, TAIWAN, R.O.C.



湖小集

國家圖書館 NATIONAL CENTRAL LIBRARY, TAIWAN, R.O.C.

卷八十一
之九十五



江湖小集卷八十一

戴復古石屏續集

樓上觀山

九陌黃塵沒馬頭
人來人去幾時休
誰家有酒身無事
長對青山不下樓

林下得月以木陰蔽遮為恨

夏日思栽千樹林
月明恨不掃繁陰
眼前物物皆如此
世事何能兩遂心

越上青店候別楊休文

千載江湖共此心
老來相見怕分襟
手搔白髮望君至
車馬不來溪水深



宋 陳起



衡陽舟中

蕭蕭風雨送行舟
小泊垂楊古渡頭
不忍經行江上路
落梅片片是詩愁

村景

簫鼓迎神賽社筵
藤枝搖曳打鞦韆
坐中翁媪鬢如雪
也把山花插滿顛

溪上

山腰有路穿脩竹
溪面無橋涉淺沙
夾岸人家成小圃
秋風吹老木棉花

周子益年八十赴殿

七尺漁竿八十翁
釣絲輕袅荻花風
功名未遂英雄老
人道磻溪即箇中

拋却漁村老釣竿手遮西日上長安青衫著了尋歸路莫
過羊裘七里灘

觀捕黃雀

披綿爭啄晚禾秋決起森然網扼喉一飽等閒輸性命知
機萬不及沙鷗

九日

醉來風帽半欹斜幾度他鄉對菊花最苦酒徒星散後見
人兒女倍思家

贛州上清道院呈姚雪蓬

短牆不碍遠山青無事燒香讀道經時把一杯非好飲客
懷宜醉不宜醒

無題

憶聞春燕語雕梁又聽秋鴻叫斷腸一縷沉烟飛不過兩
棲相對立斜陽

到南昌呈宋愿父伯仲黃子魯諸夫

一秋無便寄平安新雁聲聲報早寒昨夜檢衣開破篋去
年家信把來看

李敷文酌別席上口占

客子明朝早問程尊前今夜苦為情使君亦恐傷離別不
使佳人唱渭城

題梅嶺雲封

東海邊來南海邊長亭三百路三千飄零到此成何事結
得梅花一笑緣

綠陰亭自唐時有之到今五百年盧肇二三公題詩

之後吟聲寂寂久矣亭前古木不存綠陰之名殆成
虛設今詩人李賈友作山尉於此寔居此亭公事之
暇與江山風景相應接境因人勝見於吟筆多矣友
人石屏戴復古訪之相與周旋於亭上題四絕句以
記曾來

五百年前作此亭亭前古木綠陰清而今古木無存者賴
有新亭擊舊名

惓惓秋聲吹客襟唐人遺迹宋人吟浮雲世事多遭變不
獨此亭無綠陰

遠山橫碧一溪清白鳥飛邊落照明吏散庭堦一無事綠
陰亭上又詩成

政是國家多事秋渝川縣尉亦風流吟詩不廢公家事坐

使孟郊輸一籌

既別諸故舊獨黃希聲往曲江稟議未回不及語離
別盡諸君不見君客愁多似海南雲一聲何處離群雁那
向江村靜處聞

老年懷抱晚秋天欲去思君重黯然聞道歸來有消息江
頭錯認幾人船

寶覺僧房

溪近泉聲在井邊月移梅影到窓前水沉烟冷燈花落半
夜酒醒人不眠

題尹惟曉芙蓉翠羽圖

何人妙筆起秋風吹破枝頭爛漫紅翠羽飛來又飛去一
心祇在蓼花叢

廬山馬上

青松路徑白雲關有客未尋半日閑
十載灞橋驢子上爭如騎馬看廬山

中子山翠微閣

雙峯直上與天參僧共白雲栖一菴
今古詩文吟不盡好山無數滿江南

贈饒叔虎

談易論命
多寄中

中年多病早衰翁詩不能工枉受窮
郊島五行君識否要知我立與渠同

湖南漕李草夫被召乃丐歸

浪說歸朝歸豫章新君萬柳百花旁
何如表奏光明殿乞取東湖作醉鄉

軒冕難遮兩鬢華官居雖好不如家一心嬾上朝天馬要
起春風歸種花

招山乃詩人劉叔儼故居朱清之得其地清之赴南

京中道而返就招山下築不久亦去世

二首

半路袖回攀桂手一生才遂買山心要知此老風流處未
向劉郎吟處吟
有錢可買滄浪景無術能還夢幻身一段江山寄愁絕百
年不見兩詩人

清明傷感


客中今日最寒心憶著家山松樹林白石岡頭杜宇對他
人墓亦沾襟

寄劉潛夫

時在建康作制幹唐朝人詩芳譽香名滿數車

八斗文章用有餘
數車聲譽滿江湖
今年好獻南郊賦
幕府文書有暇無

國家圖書館 NATIONAL CENTRAL LIBRARY, TAIWAN, R.O.C.



江湖小集卷八十二

釋利登歌稿

宋 陳起 編

青陽洞天呈青陽主人曾少裕

兩岸蒼蒼峭天柱停策崖邊喚舟渡青巾羽客打舟來驚
起靈蛇絕溪去千年神漿不自惜萬里晴安得雨但見飛
流落半空空空中此水來何處巖下猶涵太古泉安知上不
通銀浦蒼藤半濕苔蘚昏石罅無根迸孤樹洞門一隙僅
通人可惜鑿空開洞府乾坤明晦自有時突然棟宇那非
數開闢豈無人到來巖崖尚絕猿孫路先生朝昏息丹巖
萬壑歸心心不語瑤石一聲天壁寒白雲紫霧驚相顧

雜興

渺渺江河流蛟龍所為沼高山苟無松不如伍平阜潔身
服休美榮辱非所囿孤航何翩翩獨往不我覲眷言友仙
喬寤寐耿長抱安得翔風鸞棲神此蓬島我昔遊蓬萊道
過崑崙山青壁峭千仞中分兩徑前上逕險且難行可求
神仙下逕極夷易蛇虺交蜿蜒毫厘一殊軌安危異千年
棄之從上征高步追飛鸞勿謂下途易下途前更艱
滯凍釋陽淵嫩和改陰囿草色誰與媒青青一何驟美人
振長袖竚立傷年少芳紅不少留况乃飄殘照颼零可奈
何四氣如環珂白雲雖有反不反亦已多曲流傷直水遠
蔭無近柯誰令天有漢杳杳隔秋娥桂林有秋色洞庭有
秋波濯衣千仞溪滌垢非悅眼消辰萬里遊寧以霖雨緩
丈夫秉道心摧挫志逾勉豈如甘與橙南北隨所變大鵬

擊道遙鷓粒有餘羨嗜好非固殊夫亦各所限
朝吾出東門回首瞻長坂淒然數根松枯華困凌踐時春
百卉肥綠苔亦青婉如何虬鳳姿獨爾失蘄岸伐明根下
摧樵炊枝上剪忍此棘荆蕃寧比棟梁雙棟梁君自遺文
水固不賤

西登巫陽峯悵望高唐女靈顧不須臾而自虧澄素竚嘆
為君懷惜此蘭臺賦不惜蘭臺賦惜此天下雲茫茫八紘
中是非誰得論

松柏托茂林高不尋夫至寸喬附太山未長已千里置身
患不高餘事安足擬遊必蓬萊遊棲必崑崙棲仙遊必祥
雲仙茹必靈芝鳳凰雖自飢妄食固不曰癡鳶赫腐鼠可
笑空自疑

我昔此園遊寒梅吐孤艷重來幾何間叢青倏以遍誰云
花與葉同枝不相見

昨宵狂風起折我桑樹枝徘徊桑園賤妾當何依豈無
薜蘿生亦有柔苧肥素情在君子綺帛良重斯無桑蚕安
食無蚕我安衣長嘆反初路渺渺天四垂

北溪蒼山謀避寇念青陽蒼山徘徊不忍作古調開
之

憶我昨選勝瓶錫來蒼山上巖豁萬里下峽窮重玄謂此
已勝絕可以無梅川後同北溪遊青陽稅塵鞍險流貫地
軸危瀑垂天關雲氣夜結構如有飛來仙迥然幽且深直
可無塵寰乃知天壤寬淺日非所沿亦豈無勝此天不巧
我閑豺虎白日行停掠無崖巔此境莫保惜此時運艱二

君皆駿人銓時洞遐觀考槃擇澗谷取數良已慳天尚不
子與而遣纏世患十月崆峒路霜風吹羈單回首舊遊處
野狐嗥暮烟天地豈不寬我身靡所安思古英達士豈昏
薄龍盤求隱有不可勲名乃窮年困衡心慮間庸非大任
緣勉哉慎所從致主或不難逃死復誦此自笑還自憐念
我昔時語夢驚老雲間茲事今已晚誰能復長嘆

梅川莫令君拉蒼山諸詩友用予松風首句為韻招
予遊金精至而盜作不果遊走佛巖有感

此行為山未至此事已非雲火四地動御風誰與期剝床
漸及膚欲去迷所之蒼黃走澗谷勝遊讎在斯石梯盤七
折頓豁萬里奇擁巖千脩篁中著寒泉飛天壤有此景惜
我前不知逃難乃邂逅自愧還自悲山風送萬古開闢知

誰為亦有如我徒慷慨來登茲羅難本因此不悔乃攀窺
天亦無如還更供黠愛日暉平生江海眼此意良未癡忽
憶家山遠寒馬鳴相依母子各一方而皆窘賊圍欲歸莽
無從痛毒沾我衣

盜犯金川境扶侍母妹復走興安有懷

歎歲古多盜于今起豐年村村遞遷偏旗鼓莽相連賊以

脅一村受旗鼓村蚍蜉信有力復此走興安淋漓萬壑駭

浪驚前山携持母妹孤寄此一葉寒猶勝去年冬我身落

梅川母子各一方而中隔妖躔呼酒相勞苦茲猶幸團團

百年幾星霜十九落憂患人生亦何樂四顧愁我顏平生

百事負所得惟林泉亦復不過取溢量常恐顛天公尚不

與謂我取傷廉前登馬崗雲回首東南天惻惻不得語蕭

然淚潺湲

予與子寔避盜同走崆峒予以其年十一月歸侍金
川踰月而子寔走豫章閱三載子寔携畹姝歸梅川
道經盱予自金川侍親歸會之酒酣作是詩以餞別
壬辰十一月二十七日

聞君歸梅水經我鳳凰山走馬來相會匆匆具杯盤君行
今已反我歸夢尚寒回首舊遊處白骨猶荒煙昔年崆峒
別心已死生看今日寒林霜收悲暫欣懽善還已不期惡
別似不難世事未可極臨分更盤桓

田家即事

小雨初晴歲事新一犁江上起初春豆畦種罷無人守縛
得黃茅更似人

癸巳十一月二十五辭家雪甚愴然有懷

歲暮遊子歸予始為行客朔風萬里長吹雪犯巾幘臨行
不言苦不忍毋心惻乾坤迫短景寒日傾仄冰池綠骨凜
凍車瓊網流一寒忍已熟浪出還自責撫劔晚前岡雲重
楚天黑

董叔宏為予道溪莊勝趣賦古調

一澗潺潺瀉煙樹流到溪莊平不度竹風淒瑟夏猶寒石
氣蕭森朝自霧時平古寨尚留名世否誰人此逃教乾坤
一轉地有靈日月無邊江又暮幽潭聞說尚龍宮石屋安
知非洞府願君半天更高樓送此到海長溪去

野燒

初如螢燈一點明須臾教點如疎星忽然連亘勢不斷儼

如金蛇破夜驚縱橫又如長虹百尺渴奔飲江罷蜿蜒天
矯勢欲凌青冥竒光異色不可以正視倒影茅屋但覺燁
奕光熒熒我聞昔者王家有寶鏡鏡橫八寸名紫珮塗以
金膏傅珠粉碧光絳氣連屬日月含天庭又聞西方聖者
釋迦子祇林演法導群生祥光自頂湧不盡三千世界合
作一色白月明今之竒光異色無乃是不然安得有此瑞
彩突兀來崢嶸天公有妙手變化誰能名忽從青青現有
象還復槁滅歸無形遺燼尚足澤萬物生意行又盈乾坤
乃知元氣本不死不逐火化常存存君看餘澤滋萌達豈
彼死灰能神靈秋風浩蕩吹萬寶拭目千室倉箱盈

贈南豐宰趙虛齋二章

芳鮮桃李花燁奕春風道春風不可名桃李花自笑人閑

雙睫淨玉立軍峯峭

有口寧食薇有身寧衣褐居然觀八荒獨立招皓月清風亦知人蕭蕭動幽樾

友人自臨川來携庾臺趙生與曾夫諸葛帳幹夫聯和康樂三谷詩句奇格老追遺韻千年間因難見巧玉疊瓊重殆非窈才者所宜逐響矣不鑿燕庸欲藉手以竊風斲之誨輒依韻為四章因承教二夫

謝遊半天下晚歲來茲山平生未識見驚此紅玉泉散珠流芳詞策瓊想遺賢上探霞生巖下歷雲度阡名存有瑤

刻事往如金煙

南康遺事有理金宮中者忽畫發之失金

世有好竒士剪茨闡

絕筌

魏都賦闡絕之筌緒均

希此紅泉名欲作疑信傳勝境會即是

何必戶牖前洗耳天河邊聽之流潺湲語發謗已兆况復

然不然

先生學者師文筆峭如山有詩騁竒怪倒引天上泉達觀
古有作竒探今孰賢我亦頗自好種芝東南阡笑倚巖間
月冷歌松下烟陸耘秀新插水捕排舊筌聞師有紫書願
啓黃笈傳三月下汝江支離拜師前歸來鳳岡上藉蘭漱
潺湲服師雙麟芝至今腹果然

吾聞烟霞外粵有天桂山其中多仙子傲睨遊乳泉三仇
久已絕七試嗟獨賢願持瑯琊樹種芝瓊瑤阡從此仙子
遊上下陵祥烟羽玄師華存靈變通道筌湧龍出寶臺

云法七層煙浪中化大龍寶臺三汲江按躍

紹彼真一傳肯如幽求癡仙景愕

不前亦不盡肉芝平地生潺湲所求聖胎凝視世蟬脫然
家住姑山下朝暮遊姑山澄潭貫地脉飛流接天泉永棲

無昔老暫遊謾時賢古藤蔓直木蒼檜隨曲阡猶存萬古

月尚照千年烟誰其錄青華哩然語玄筌紫鋒變窻塵丹金

九液二七變紫重此鑪簡傳九障儻不存五靈森在前昨

者携友朋攀蘿掬潺湲神交善奕徒宇宙空茫然死為善奕鬼仙

也傳

沽酒

有錢但沽酒莫買南山田勾引催租人驚散青松烟

春日

幽偏無一事終日自長哦課僕鋤荒圃邀人補斷蓑為貧

沽酒少因病着衣多昨夜岡頭雨春風生綠波

寄黃希聲

相會不幾日相別又經時居然感我懷何以寫所思舉目

皆我友我心知者誰知心而久離此情悲不悲八月寒氣
高芳連謝幽池時運迅不留俛仰黃華暉少年不再得而
不從以嬉蕭條旅館秋滿耳寒蟬啼

晚步

住在山塘深更深門前落葉與堦平高人聽鶴來相過野
老因樵熟識名一水欲流山影去斷雲時伴燒痕生儵然
獨步蓮峯夕十里松風秋月明

觀雪溪傍

平昔起常晚茲晨獨不眠乍驚花逸院頓覺樹連天竹壓
溪頭路冰垂巖下泉四時長似此未必有人憐
愛雪不能寐凌晨步水濱斷梢驚宿鳥倒竹礙行人疊疊
禽堪教層層屋頓勻梅花無處認唯覺暗香春

山齋坐不穩復此出衡門溜溢冰還結風高竹自飜凍流
看欲濁餓鳥啄仍喧好是金風景令人憶故園
密雪飛零亂開窻坐小軒鳥寒飛不去鴉啄俛仍翻稚子
爭團塔山翁半掩門那堪長皓色終古照乾坤

郊外

春色到江斷野香涵日嬌鳥穿芳樹語人隔遠山樵

春日

雨過苔猶濕風來戶半開閑花忽落盡啼鳥自飛來

仙塘茅舍

住在山深處門前數曲灘近村煙勢濶傍水樹陰寒釣客
嗔棊僻高人借鶴看只愁山水恠嫌我着儒冠

門對平蕪濶荒田帶水聲牧童兼鴨養野老叱牛耕山暖

松花重園春菜子生杖藜斜日裏籬外白雲橫
莫言賓客少幽僻長莓苔也有樵人到唯無詩士來山風
花落盡溪雨燕飛回又覺年光暮庭陰滿綠槐

仙塘

一椽自著此山幽蘆葦蕭蕭繞屋頭野老屢來詢姓字社
人相約賽春秋寒山此去無飛燕白水初傳有遠鷗病起
偶然成獨往冷烟斜照使人愁

稚子

雙雙稚子戲柴闌搏土為人半印錢更過十年那有此短
蓑蓬笠種荒田

後坑茅舍

松風颯颯繞回谿遙帶居人竹一籬想自不知雲水好却

令行客立多時

用趙南塘贈黃希聲韻呈南塘

長天漠漠升虬龍
龍光鱗鱗涵紫空
黑雲忽起瀛海上
白日不照寒郊蓬
九野茫茫路如織
我自路絕無途窮
緩商同宮琴再撫
四顧欲駕班麟風

鳳凰一翥千里論
營營燕蝠爭朝昏
黃河波清縱可待
失計已落千秋渾
蹇予生居百代後
上窈笙典窮珠墳
綠圖丹書竟杳寞
嗷嗷宋玉徒招菟

抱朴子五典為笙簧三墳為珠

江亭

江亭凭望久野色暝
蒼蒼古木浮寒霧
空山入夕陽水流
前夜月風作來早
霜却笑垂綸者因漁
亦自忙

走佛巖道中

避亂走佛巖依依絕溪水有客六弟昆遮予訪行事一云
分路亡庶或不死一云相為命生死同所值遠逝宿無
春近逃寇能至垂涕贈之言此身苦難避山剽無崖巔兵
驕有城市共守固已非分逃豈云是風聞宜邑郭聚落復
烟燬沸鼎無清寧四瞻誰善地不辰自至斯乾坤古無際

梅川行

我來蒼山未一日平固

屬石城

弄兵剽寧邑此時烏合猶懼

官風鶴入耳心早寒來無與角去無捕堂堂墟邑自來去
墮軍長寇那可言初時數百俄數千受旗翕忽亘千里聚
落一燼如捲水就中閨女尤可愁肩緡背篋步牽牛重重
闕地搜伏害謂無白日再天曉我時避盜逃佛巖親眼見
盜循山南紅葛蒙頭履躔項榮身錦被翻紅浪招賢三尺

刃如霜夾以巨盾張朱鎗皇皇我寨神呵護山上澄明山

下霧

招賢人能製刀賊用之又習張朱二家鎗法時諸山反寨上皆澄瑩見盜來往而寨下一連連賊營露迷

四路迷躑躅不敢前依依遂犯連湖去六盜飛紅登其嶺

寨賊犯我寨以霧不環山叫呼聲連天紛紛毳雪半空落赤

果遂犯連湖入之環山叫呼聲連天紛紛毳雪半空落赤

子甘心自投磔紉如自擲巖下而死州忘縣邑縣忘鄉我實

自弱非賊強捐金買靜恐不受尸祝鼠輩拖朱黃何人此

日不為已矣獨嘆吾生忙已矣獨嗟吾生忙乾坤回首空

斜陽

秋步述所見

越晴收斷薪破曉循幽浦山寒樹欲風雲重天將雨兔奔

初種畦鷄拾獲殘畝葉深樵無蹤水落魚可數幽草不須

生千林秋已素

梅花吟

落日孤燈寒不度梅花忽見橋西樹
疎影猶含澗外雲暗香欲薄山前霧
寒死不作女兒面幽絕却懷廊廟具
但知殿後壓年芳誰識攬先啟春路
初開寧無仙子來已落尚恐神明護
後來紅紫競春風此已成功鼎鼐去

早起見雪

折竹聲高曉夢驚寒鴉一陣噪
冬青起來簷外無行處昨夜三更猶有星

次琬妹月夕思親之什 追錄

緩作行程早作歸倚門親語相思白頭親
老今多病不似當初別汝時

田父怨

黃雲百畝割還空垂老禾堂泣晚春償却公私能幾許販
山燒炭過殘冬

野農謠

去年陽春二月中守令出郊親勸農紅雲一道擁歸騎村
村鏤榜粘春風行行蛇蚓字相續野農不識何由讀唯聞
是年秋粒顆民不收上堂對妻子炊多糶少饑號啾下堂
見官吏稅多輸少喧征求官視田吏視釜官去掉頭吏不
顧內煎外迫兩無計更以饑軀受笞箠古來坵壠幾多人
此日孱生豈難棄今年二月春重見勸農文我勤自鍾情
自釜何用官司勸我氓農亦不必勸文亦不必述但願官
民通有無莫令租吏打門叫呼疾或言州家一年三百六
十日念及我農惟此日

兩過黃伯厚皆不遇留詩別之

兩過安禪寺皆言尚未歸情知相見近猶欲復來辭灘淺
舟行澆風輕兩下微白雲回首地天空濶柳絲絲

冬日

藤果纍纍熟山晴自遠簷斷薪經雨濕野菜著霜甜詩少
客相笑家貧鶴不嫌誰能更惆悵廢坐卷疎簾

玉臺體

兩彎弓月眉端照一朶鬆雲鬢畔歸欲默不能言不可嬌
心無著凭青衣

六曲鴛屏紫玉環寢衣紅地繡雙鸞相思未必君如我一
夜芙蓉翠露寒

行雲一夢去無蹤鳳尾羅衾翠謾重人壽幾何禁此別海

棠花下悔相逢

朱楊冉冉四垂春
綠霧低迷慘去程
斜日半山烟半嶺
人生不合遇傾城

貴谿有石相背而生俗名之背夫石
余謂妻安背夫抑夫棄之耳
易之曰夫弃石

雙石巒屹倚雲瘦
背立蒼蒼兩成醜
不知底事忤夫君
千載春風不回首
妾身雖棄妾不冤
混沌初開已相守
君與蟠天雲妾亦助
君去終當為霖九
地回白日昭昭此情慄
臨平春日有懷

少年賤生理嗜書彊
解事長懷希南風
趨數慙北鄙乾坤
雙鬢改日月寸心死
誓從鹿豕遊乃復叨
一第兩年三作別
雲霧生馬耳臨平
二月春花事歸桃李
獨尋處士梅三

蕭湖邊水一官未得仕畏首復畏尾旁觀光未知羞自愧
已無地懸知簪紱禽擾擾事萬起終當綠霧中友彼乘龜
子南柯不世勲僅足雄衆蟻

史記舜歌南
風紂歌北鄙

觀溪流

西山連夕雨漲此百尺渾怒濤響半空氣可飄崑崙一朝
勢力盡枯葦有不能洋洋溟渤寬終古無虧盈

感興

聖域久蕪漫功利時競趨管晏苟有實安必世唐虞開明
周孔心賴有伊洛儒古來正其心平治信有餘彼哉典午
時相師談清虛未知千載人視今又何如

又

寂寂卧空晝憂懷忽無端攬衣亂西澗復此凌西山春事

已無多半消霜霰間狂風更甚雨時蔽江南天寒草昔衰
靡及茲秀平阡日晚幽陽生餘光草中妍徘徊桃李花瑟
瑟飄寒烟

別遊天台雲雲卧住

半月陪杖屨此別情詎忘平生兩知心蹤跡長相望茲遊
天相之簷雨對夜床旅行得心朋在客如家鄉如何遽此
去泛彼天台航知君愛竒觀赤城有霞光僅逢五百尊問
我今行藏詩骨瘦未改雙鬢塵已蒼

至家

明時射策難為合塵世求名本是浮整頓書籤還夜課增
添酒甕與寒謀羞逢山友長低面悔把漁竿不到頭盡日
小樓凝遠望白雲黃菊十分秋

永新道中

冉冉螺川路茲行本不期地平風到疾山僻雪消遲漸遠
鄉人少初行岐路疑斷雲無意緒直欲上梅枝

月

哀哀半規月前日猶盈輪冉冉幾何間光彩倏以淪至精
孰如斯猶不逃虧盈天地亦無根萬化無長存矧茲寄一
形隨天運渾冥若無重素規誰信天地精

金川早行

著野霜方新照天日未出蒼茫霧氣昏慘淡一片白吾疑
九天外與此同一色

和希聲蓮華樵人遇仙行

蘆溪之山高插天蓮峰更壓蘆溪山峰頭青壁絕千年誰

知玉闕藏神仙平明採樵陳氏子五雲深處樓臺起中有
七仙白玉冠方瞳射人秋自寒臺前一道白蓮泉七始花
開一成蓮固知此無仙骨祇以崆峒入仙室低頭乞命却
走回尚復褰裳取蓮實歸來疑信互相傳朴哉此子非妄
言安知瓊樓玉室峭千尺即非面前崔嵬一片石安知世
人俗氣厚如山翻把瓊樓玉室作石看亦非仙人幻作石
世人俗眼自不識安得鴻都道士白玉簪持我此詩扣青
壁

仙塘即事

山齋臨薄霧徙倚杏花枝獵客驚熊館行人指鶴池爲貧
鋤藥賣因懶上陂遲林外孤烟起遙知日午時

衡陽贈定父韻常

半世擇交友，深心僅教人情親。無語忌歲久，轉心真世亂。
身難定，話長天。易辰相逢元不料。一笑鴈峯春。

次蒼山晚出聞汀寇之什

山齋無一事，步到白蘋洲。灘近溪聲夜雲寒，石氣秋烟塵。深
冉冉天地入，悠悠回首東南路。干戈半白頭。

寶陀清賞風幕展遊願不從心因成小韻詠

寶陀十里路，此日想同遊。萬古不收雨，四時長是秋。樹寒
煙半擁，山濕霧長流。獨我思歸苦，無因到上頭。

國家圖書館藏 NATIONAL CENTRAL LIBRARY, TAIWAN, R.O.C.

江湖小集卷八十三

李濤蒙泉詩稿

宋 陳起 編

南山

南山思美人也彼美人兮在南山之陽豈不爾思道阻且長彼美人兮在南山之側我不見兮寤寐思服彼美人兮悠悠我思何以予之瓊瑰玉珮

南山三章章四句

登高丘而望遠海

登高丘望遠海萬里長城今何在坐使神州竟陸沉夷甫諸人合道醢望遠海登高丘知我者謂我心憂不知我者謂我何求歸枕蓬萊漱弱水大觀宇宙真蜉蝣

讀阮籍詠懷十七首

人生天地間如花開春時遇晴即欣榮遇雨還離披晴雨由
上蒼汝花何悲為顯允阮嗣宗放達世所推憂思獨傷心
作為十七詩感慨懷辛酸似未達天理既好王子喬又惡
輕薄子善善又惡惡好生而惡死如何得微稱口不挂感
否

處事

處事無心萬象春任梁逆境自橫陳籠中無療家貧藥門
外有催詩債人酒盞闌踈瓶久卧文書散亂按多塵生前
富貴非吾願肯學癡人問大鈞

詩社中有赴補者

有詩千首可成名萬戶侯封亦可輕自是高標凌富貴肯

隨餘子逐恩榮君遊璧水甘芳餽僕為銓衡上玉京水鏡
蘭坡各求第詩盟似未十分清

新年開義館教族屬子姪作詩勉之

日與聖賢居其中樂有餘但存三寸舌讀盡五車書學問
勝金壁功名特土苴先當分義利毋作小人儒

蘭坡過省

俯隨韉鎖就科名可笑蘭坡未若清不管北山怨猿鶴竟
從南海掣鰲鯨賞延于世愧在我思濟斯民同此情軒冕
儻來來則受未來來猶可以詩鳴

詩友作涉江采芙蓉觸撥鄙思亦成一首

涉江采芙蓉江水濕我衣屬揭不憚行將以遺所思所思
不我見持此將安歸野花逞姿媚衆好紛莫違此物何足

歎但傷愛者稀

春晝回文一首

茶餅嚼時香透齒水沉幽處碧凝烟紗窓閉著猶慵起極
困新晴乍雨天

贈染花徐仲湘

頃刻花開奕葉光花間奇字兆災祥神仙幻術從來有昔
日韓湘今仲湘

雜詩十首今取其四

滔滔東流水赴海無歸期亭亭右轉日今茲復來茲人生
寄天地百年七十稀思慮復營營恐為達者嗤

燕雀賀厦屋虫蟻慕腥羶野花引飛蝶古木來嘶蟬秋天
百虫吟春天百禽喧程公真閤事喜愠見色言

明主不棄士我亦志山林爵服豈無華才疎力難任烏向
深山棲魚由深淵沉吾亦愛吾廬高歌復微吟
深巖有老翁厖眉鬚鬢雪夜半呼我名授我微妙訣字畫
古籀樣體勢訛復缺雙眸忽炯炯須臾竟披閱至今得其
傳心會口難說

琴書

琴書隨分足生涯只灌園畦亦自佳行狀是劉斯立記門
風似杜少陵家添詩人瘦因中酒解睡魔園只上茶無事
出門覓詩料巡簷指點數梅花

寄范稅院倚衡

在興西堂舍尋

清敏當年宰寶唐至今遺愛在甘棠稅苗有例分三等吏
卒無因下六鄉時異事殊民尚憶人亡政息事堪傷如今

白納重催吏也坐先生對越堂

次韻平楚王子厚登相山不及相過

兒童傳好語王子去求仙我住亦還只君胡不惠然相望
百里外一別五年前會聚渾閑事鷺鷥盟要堅

題袁恭父神心精舍

山川城郭同一形市鴉巢鵲同一聲吾身本自備萬物萬
物何有非吾身此心虛徹公則明事至能應物能名君不
神心精舍袁主人叱咤風雷呵鬼神

僧本均乞蒙泉稿

均號然

近聞甘子說僧裏有儵然詩學貫休體心參馬祖禪箇中
真有得名下豈虛傳索我蒙泉稿因風寄此篇

題行江王章甫梅境

山伯當年亭植梅當今天子題品來梅花是我丈人行見
梅不賦梅應吟王君結廬在梅境日與梅兄相追陪吟詩
些起逋仙蕊索笑醉銜工部盃吾聞梅乃萬木母桃為奴
婢李輿臺一陽生兮萬物始梅花獨先群卉開一陰生兮
萬物成梅實獨先群葩胎華實先天天不違梅之時義大
矣哉紛紛餘論不知本祇說百花頭上魁此語聞之梅亭
翁錄以贈君君勿推

為廣壽長老文傑說嵩溪偈

隔江招手見高亭來謁嵩溪聽水聲縱是遠公今不出也
須強起送淵明

為能仁長老本端說無學偈

十二時中六不收了然無一事為頭禪河既寂無由浪此

岸已離那用舟塵世榮枯真幻夢涅槃生死是浮漚要知
無學用工處十二時中六不收

三月十六日西湖聞杜鵑

纔上蘇堤聞杜鵑杜鵑恠我在天邊平生不作功名想今
日胡為富貴牽辟穀未能那廢食買山所欲尚無錢但須
兩事略如意便占白雲深處眠

訪林龍發

車馬喧闐桃李村誰人復識老梅尊時中只有梅亭姪來
訪西湖處士孫

江湖小集卷八十四

宋 陳起 編

樂雷發雪磯叢稿

僕非能詩者而亦好作詩蚤遊諸老之門或謂可與言詩比歲渝江羅季海西湖雪江間亦採而刊之然傳錄失真甚則雜以他人之作以魚目而混驪珠僕得盜名之譏矣其可乎前歲歸自京師繼懼憂患蓋不復言詩也書得李抑杪書必欲為之刻梓即嘗謝之繼而友人朱嗣賢何堯卿捐錢市梓又有請焉辭之再四而請益堅余詩本無可傳而諸賢之軫念者如此僕不得辭矣切念蚤歲雕鏤纂組溺志詞章既而悔之方將鞭僻近裏以進聖賢之學其敢以詩傳哉古今言詩莫尚於老

杜嘗有詩曰文章一小技於道為末尊僕果能詩猶犯老
杜之戒况不能詩乎知道者當亮僕之心而有以教之可
也時寶祐丁巳翔樂雷發書

九疑紫霞洞歌

猗歟竒哉紫霞之洞真天開千變萬狀不可述恍疑幻出
壺中之蓬萊湘濱兩姝不敢到悵望蒼梧雲縹緲爾來三
千三百年斑龍空卧金光草我採姹女江華濱是為三十
六帝之外臣石持綠杖左携紫金經長歌天上謠一呼開
仙扃列炬照深窈懸身事幽討羣仙喜我來驚笑欲絕倒
何侯撫我頂偉遠拍我肩綠華贈我金條脫明期分我紅
景丹借問此何地指言太虛天翠霞紫雲張寶幄懸黎結
綠盤瓔珞萬疊蒼苔荒石田誰呼青龍耕紫烟席嶽銅墻

未遍識擬開寶藏絢雲笈蹉峨水際披蓑翁應是錢鏐釣
神龍仙人仙人何多事驚世駭俗變靈異或跣距足垂天
雲或印短趾流沙濤或現姑射處子身粉霞紅綬鶉絲裙
或示普陀大士形或持簪柳垂寶瓔或挿鏤象管或結火
齊珍或琢玄圃玉或布祗園金洞中之深不知幾百里但
見縈紆屈折一里一澗水人言有路通桂林乘興欲尋日
華君吾聞洞中大小洞天三十六帝遣列真分治局上界
官府應更多定知此洞今誰屬猗歟竒哉紫霞之洞真天
開我上會稽探禹穴復浮蒼海登天台巖谷豈無竒跡此
何塵埃摩杪崖右題惡句記我杖履馱雲來黃涪翁元漫
叟目力一生空宇宙澹巖陽華有何竒枉費篇章刻石竇

烏鳥歌

莫讀書莫讀書惠施五車今何如請君為我焚却離騷賦
我亦為君擘碎太極圖急來相就飲斗酒聽我仰天呼烏
烏深衣大帶講唐虞不如長纓繫單于吮豪擗管賦子虛
不如快鞭躍的盧君不見前年賊兵破巴渝今年賊兵屠
成都風塵瀕洞兮豺虎塞途殺人如麻兮血流成湖眉山
書院嘶哨馬浣花草堂巢妖狐何人笞中行何人縛可汗
何人丸泥封函谷何人三箭定天山大冠苦箕兮高劔柱
頤朝談回軻兮夕講漁伊綬若若定印纍纍九州博太兮
君今何之有金湏碎作僕姑有鐵湏鉅作疾藜我當贈君
以湛盧青萍之劍君當報我以太乙白鵲之旗好殺賊奴
取金印何用區區章句為死諸葛兮能走仲達非孔子兮
孰却羨夷噫歌烏烏兮使我心不怡莫讀書成書癡

寄雪蓬姚使君

贈君昆吾湛盧之寶劍青雀黃龍之巨航懸黎垂棘之美
玉都梁篤耨之名香佳人在何處濯足洞庭望八荒
藕車翻翻辟芷綠欲往從之道阻長倚寶劍兮翼軫膠巨
航兮沅湘玉以彰君子潔身之德香以表騷人流世之芳
我所思兮隔秋水天吳翕忽蛟螭翔佳人在人塞誰與愛
而不見心盡傷

胡料院出示車攻圖仍索俚句作

九壤卧龍呼不起乳奩談兵空滿耳書生未識玉帳經且
抱此圖終始姬家出車詠羸家小戎詩衛家武剗扞突騎
馬家偏廂是羌夷只今車陣無人識天狗橫空曬軀血胡
人以鞍馬為家誰遇奔衝展奇策豫章先生今孔明胷中

森羅萬甲兵天衡地軸妙絕識內陣外陣何縱橫千枝綠
沉列虓虎萬臂黃聞張白羽人言險野難用車公獨規模
掩千古車攻圖車攻說八采眉前曾進徹世人苦謗陳濤
斜却向齊門空鼓瑟今朝朱轡富川頭絕江以北瞻神州
李劉政要講車戰南渡勲業應可收涇水黃鐵山碎雙輪
快展出燕地朗誦先生復古篇他時此筆猶能繼

壺中天歌贈候明父

蓋頭即可居容膝即可安連雲大廈千萬間何如壺中字
宙寬壺中何所有筆淋茶竈葫蘆酒壺中何所為目送飛
鴻揮園絲牕前祝融老僧竹壁上九疑狂客詩壺中主人
知為誰談棗仙白雪鶴姿左攬玄微袂笑移砥柱弄河水
右拍長房肩飽餐麟脯傾玉觥蓬萊山在何處勸君且占

壺中佳不會上到金馬門也應不識崖州路探禹穴浮沅
湘脚下塵土鬢上霜我到壺中如故鄉

謝楊孟溪縣丞惠以章墨

白首侯芭蜀江邊曾向家傳太玄射熊草賦留殘墨相應
當日還渠得飄零蕭洒幾世孫解得膠法春玄雲物理往
來元莫測後世子雲還舊壁君家所有更贈君君還贈我
何慙勤感君慙勤復三歡努力西牕磨鐵硯太玄難深吾
不為願寫誠齋易傳探玄機

佳人兩章寄許東溪

衡之山鬱蒼蒼我有佳人在山之陽木難為佩分雲錦為
裳愛而不見兮我心憂傷安得為鷗鷺凌風置君傍衡之
山鬱蒼蒼

衡之江清且漪我有佳人在江之湄朝飡落蔕兮夕饌江
籩籩欲往從之兮我為虺隤安得為琴高江波與君隨衡
之江清且漪

古體

登濂溪太極樓

岑樓跨層崖灌木翳顏沼曠哉宇宙心况茲展遐眺前哲
日以遠川麓被文藻芳甸馥荃蘅枉渚雜鳧鳥亭亭沼中
連冉冉庭下草扣寂參太極換化領衆妙俗薄神理垂力
柔聖途杳英英考亭翁反心會天奧萬理粲良言一誠貫
元造最哉登樓人畢景盡此道深根復深根篤行以為寶

江湖小集卷八十五

宋 陳起 編

樂雷發雪磯叢稿

寄雪蓬姚史君

湘鱗六六寄相思
踈柳新蟬想別時
今夜各聽三楚鴈
秋風又老一年詩
梅花且補離騷闕
薏苡應為史筆知
剪竹疑峰新製笛
待衝霜月訪桓伊

史君時
寓衡陽

謁山齋先生易尚書

淳熙人物到嘉熙
聽說山齋亦白髭
文字盡傳融水後
精神如戰辟雍時
靈椿終不爭朝菌
著草惟堪養壽龜
細嚼梅花看總義
只應姪老是相知

送桂帥鍾尚書赴台

老依牙蠹樵吟髭又折梅花話別思五嶺不遮鸞鳳詔四方俱誦鱗魴詩人才真魏凋零後國事江淮倥偬時賴有老臣經濟在快呼桂醕餞蒿師

題鍾尚書北征詩稿

野雉江鷗滿故都秋風禾黍撫金鬚六千里外驅旃旆五十篇中見版圖金鉉尚期扶日御玉衡終合正天衢書生亦有中原志即得君王丈二戈

呈廣西張提刑

陸續城邊按部歸梅花隨處撲征騑溪山有助吟題遍獄市無冤訟牒稀竹屋聽猿眠碎月莎庭引鶴步斜暉莫嫌瘴霧侵湘客滿路風霜冷系衣

罪言

愁殺瀟濱蟻虱臣亂山斜照獨含情
人才不似深衣古國勢如何楮幣輕
石燕未蘇湘國旱木牛那濟蜀州兵
幸無杜老流離苦切莫吟詩到北征

閒居自遣

兩積桑樞長昔邪誰能載酒訪楊家
漢庭用少臣今老魯俗皆冠我獨髻
憂國苦無蠲忽草看書喜對決明花
衰顏懶作江湖夢擬斲三椽養鬢華

又

許由溪上小屠蘇紅樹蒼山對一矐
白髮功名惟劍在青燈活計併錐無
誰言荆楚多奇士却笑乾坤一腐儒
桐帽貂冠俱有分寄言兒輩莫椰榆

寄棲居朱漕

住近江心古寺邊幅中應伴浙僧閒官銜自管金陵觀冠
業多依鴈蕩山出處要留青史看功名且逐白雲還殷勤
為祝樓居月好照橫舟漱碧灣

呈姚雪蓬使君

祝融應自勝崆峒且讀通書辨聖功事可語人甘受謗詩
能名世不嫌窮春邊採藥收湘芷月下調弦送楚鴻賴有
行人碑尚在棠陰依舊戀東風

雪蓬見示送趙東巖巡部詩

皇華歌徹酒杯忙濟畔騷翁送范滂琴帶衡雲弦索潤馬
飡湘蒨轡絲香山中貍豹隨吟旆部內豺狼入按章却笑
詩寒吟骨聳愁看訓唱狹風霜

書蕭千岳集

向來陽陸共崢嶸吟到停雲趣轉精古似洞庭張雅樂嚴
如即墨歛殘兵茵陳終不肥方朔菜苕何堪病冉耕細讀
殘編搔白首未應造物忘詩名

滕王閣下賦

越柳蜀艇亂相偎風飽千颿帶雨開閣上鳴鷺今已往江
頭飛鷺只堪哀柳汀絮滿河豚賤桃塢花殘石首來應接
溪山吾不暇自憐白髮欠詩材

宿金灘

瀧吏崖翁是賞音江流泝泝對秋吟天蝦撲火帆檣晚水
狗梢魚島嶼深千里庭闈雲滿眼十年湖海鴈驚心今宵
客枕清如水稱讀西山夜氣箴

寄許分之

惹得詩名編九州酒徒棊伴半公侯
離騷甘隱魚鱗屋樂府多傳鸚鵡棲
醉葉幾窠藏菊徑蠹荷三畝護漁舟
中原應有棲蘭恨空鎖吳鉤到白頭

聞邊報寄姚雪蓬

淮烽蜀燧照邊隅白髮憂時我腐儒
楚客汀州蹇杜若齊王沮澤索茈葫
耽吟自愛南游好久謫魯謀百事無
擬對祝融捫蝨話何時重將使君鬚

寄戴石屏

曾到元郎吟處吟雪蓬烟艇欠相尋
鳳鳴道國空詩日鴈到衡峰只信音
拾椽祠邊寒聽雨紉蘭院裏夜分衾
蹇驢倘遂黃花約鴉嘴敲烟共掘參

時石屏訪雪蓬于衡陽

戊戌冬僕客桂林雪中趙叔愚司理書張思業逢賈

島絕句為寄今終對雪感而有作

朔風於水浸瓊沙曾共騷翁理釣槎對酒又吟端木葉論
詩還憶款冬花飢能驅我瓶儲罄老不饒人鏡影華擬喚
扁舟尋剡叟崖梅瀟菊各天涯

寄仙桌先生鍾尚書

吹香亭上送飛鴻且把行藏寄蜀桐老境只須尋遠志世
途還要避沙虫公於天地初何憾道在兵園固未窮曾是
轅門投卷客應憐聽雪卧隆窮

寄蕭太山兄弟

梅花好處共心期曾擷天葩寄夢思兄弟自為千古計江
湖方誦二蕭詩貪泉定喜逢廉吏倭國何應拜老師蕭穎士事

賸擬尋君攀桂樹路遙誰肯借驢騎

蕭君見子有梅花且補雜騷闕之句為之

擊節雖未相識蒙書二
十首為寄故首句反之

送丁少卿自桂帥移鎮西蜀

瓊海收兵玉帳閑又移齋艦泝涪灣
三邊形勢全憑蜀四路封疆半是山
魏將舊聞侵劔閣漢兵今欲卷函關
時會京之細傾瑞露論西事想在元戎指畫間
有三

訾家洲

竹塢松灣遍履痕斷碑無首野苔昏
江山應識前賢事裴柳今存幾世孫
島霧海霞留古意春猿秋鶴冷騷魂
何人會得登臨意閒嚼梅花伴酒樽

慈氏閣

崢嶸梵閣礙銀潢且對畦衣問馬王
落日斷霞連楚粵缺鍾壞像雜梁唐
英豪已往雄圖歇棟宇猶存古意荒
惆悵

石湖題柱在倚欄無句獨淒涼

雉山寺宋永初中有僧名西顯誦法華經于此白雉
聽之而化至唐黃梅五祖弟子喜登告祖乞巡禮五
祖應以遇雉即止後至此開山本朝王初寮有留題
蘇碑蘿石擁岳扁獨倚筇枝問大乘白雉若干歲種青山
空識六朝僧詩傳北岳刊新帖禪接西淮冷舊燈擬鑿冰
泓澆凍硯楔亭閒借法華騰

擬游長沙至零陵忽動歸興

擬尋禹栢過長沙且洎愚溪問酒家歲早何能飛石燕秋
高還看落天蝦乾坤納納催霜鬢歧路悠悠又菊花惆悵
草黃騏驎病歸心依舊遶烟霞

袁家渴泊舟

往事誰能問水濱停橈仍是薄西曛樵漁空自存表姓鳧
鴈何應識柳文鉤艇分燈歸客艇嶺雲拖雨接溪雲梗楠
蘭芷今何在空使行人誤舊聞

小樣表家窰竹居買酒

江遠衡門接旅津鯉魚風歇水粼粼湘醅三盞澆吟思瀟
碧千竿對老身題壁未能行客醉典琴不用主人貧隔江
誰掉高名麗滿載鷓鴣捉錦鱗

餞雲壑唐使君赴邕州

蕙笏竹畔擁雙旌回首江籬隔楚汀曾向前賢參學問且
教遠俗識儀刑安南兵息塞烽冷羅殿馬來蠻草青悵望
鈴齋何處是遙瞻朱雀認詩星

歸侍

石田茅屋野苔春，喜對庭闈話苦辛。
客路本無如意事，瘴鄉難有却回身。
且尋農末耕湘雨，待看天戈洗蕞塵。
門外黃旗邊餉急，可堪杯酒各傷神。

寄吳茂遠

蘇公堤畔繫吟驢，知在垂楊第幾株。
學校文章如畫餅，朝廷官爵似呼盧。
春吟應欠梅花在，時事曾言楮幣無。
惆悵湘湄分袂處，今看細雨長蘼蕪。

送史主簿之鄂就辟

囊中秋卷逼唐賢，門外侯芭問太玄。
才大豈堪栖枳棘，官清應只有蘭荃。
湘行又泛君山月，淮績曾衝赤壁煙。
擬借從君新句看，試尋黃帽寄網舩。

又

官途捷徑在三邊且駐吟舫贈馬鞭壯士苦無橫草志將
軍還用撒花錢韃兵猶未回燕鴨蜀耗何應問杜鵑今日
送君無別話看隨卻穀洗狼烟

送邵瓜坡試湖南漕舉

槐花夾路促湘行閩賦唐詩舊擅聲有志尚曾言國事論
心何止在科名畢方夜煽杭都火北角秋纏蜀道兵莫作
腐儒場屋話琅玕滿腹正須呈

送李公浴遊臨武

嶺梅瀟菊兩闕情歲晚江湖載酒行客路欲依嚴挺子瘴
鄉已老少游兄瓦盆且話田家事肉食誰通鈍漢名惆悵
韓張亭畔路雪鞭風帽又東征

贈江華熊伯巖

堂萱營柳伴吟哦黃綬仙翁鬢未皤對客不矜名第貴論
心惟在簡編多江頭魴鯉香晨膳境內鷓臯冷夜窠湘國
詩盟今寂寞衰顏猶喜識陳何謂陳何遊也

江華送熊清父遊廣州時予有衡陽之役

邂逅陽華且酒壺海鵬鴈各征途閑身俱被飢寒役老境
還看離別無鄉夢定應思款段客吟何用說媿隅曾從仙
叟參玄訣好訪安期採澗蒲

喜李景魏就熊巖伯縣尉招

長歌白在草廬深今抱園絲就賞音溫飽不為兒輩計行
藏端見古人心鱸魚堂上春開帳鸚鵡灘前夜對衾擬掛
奚囊梅下聽謫仙應共隱仙吟

送友人之辰州覲省

路鷲巢畔瘴雲低山徑如梯去馬遲正則自吟皇樹頌廣
微誰誦白華詩春風採藥桃花國落日尋碑薏苡祠覓得
丹砂能寄否溪亭送客鬢毛衰

江湖小集卷八十六

宋 陳起 編

樂雷發雪磯叢稿

謁李梅亭

力拔鯨牙氣貫虹
玉堂歸只守文窮
世無真魏扶吾道
人以乾淳望此翁
大地精神投筆下
國家命脉寄山中
緼袍羸駟崇仁路
正擬登門聽擊蒙

代送徐侍郎赴召

大廈誰堪任棟梁
試留齋艦問行藏
朝廷議論如春雨
吳蜀人材似夕陽
三漸何曾投砭劑
吾寒今望起膏肓
擬看相業磨崖在
却到浯溪話別觴

聽友談蜀道事

石棧天梯蕩戰塵誰驅哨馬滿峨岷書看烏犬為君子元次
山世誰問沙蟲化小人韃智豈應強兀术蜀材正自欠吳
化篇

璘細吟猛虎長蛇句空對西風泪滿巾

送廣州劉叔治倅欽州兼守事

天涯亭畔擁提屏丹荔黃蕉滿去程皂蓋却迎新別駕碧
幢應憶老先生象蹄印雨歸蠻國鯨鬣掀潮撼海城曾是

鄉賢分守處試尋醉石共題名

余靖韶州人曾守欽

逢熊季可

暮雲春樹飽相思今共秋風捋白髭北闕未知鸚鵡賦南
洲空誦鷓鴣詩旗亭尚喜髡能飲客路誰知朔獨飢賴有
湘翁生計在且吟九辨擷江籬

送李煥云赴茶城主簿

恭城山水接三湘，應覺他鄉似故鄉。
官况不妨棲枳棘，客程還見食檳榔。
寒暄未定宜加愛，事業無窮要自強。
千古忠魂如可問，試吟雞井漱吟腸。

寄李伯輝

石樓峰下寄吟身，靜掩桑樞琢楚珍。
蘋草青莎招隱士，暮雲^春樹憶詩人。
門無車馬多嫌僻，家有圖書不似貧。
擬借大鵬指老眼，何時樽酒得相親。

舜祠送桂林友人

堯山分首舜山逢，呼酒旗亭兩鬢蓬。
客思且須論契濶，詩交應不計窮通。
兒曹富貴秋煙外，前輩風流落葉中。
明日吟舡又何處，渡江衣冷荻秋風。

送董炎震歸攸縣

千菊溪頭話別情君行我住兩伶俜
山中有酒招元亮石上無禾養百齡
狼尾屋低苔漠漠龍鬚菜長水冷冷
有依藤 巖故鄉語燕應堪聽莫放扁舟過洞庭

贈衡山候霖

家住衡山茗塢深軒轅道士是知音
家尊好酒聊同醉石燕詩雅美
今向 外心 讀寒 良路花邊格磔故鄉心却懷

石燕字原本無

未和是否

知君無地種江籬看了衡山看九疑
客路不堪還話別侯門何處可題詩
吟青羅帶行離岸唱白銅鑊過習池
呼酒試澆征馬足繡臺油幕有相知

題豫章宋德父游湘詩卷

千菊溪頭話別情君行我住兩伶俜
山中有酒招元亮石上無禾養百齡
狼尾屋低苔漠漠龍鬚菜長水冷冷
有龍故鄉語燕應堪聽莫放扁舟過洞庭

贈衡山候霖

家住衡山茗塢深軒轅道士是知音
竈尊好酒聊同醉石燕詩難莫浪吟
雨外虺隤寒食路花邊格磔故鄉心
却懷世上楊雄少腸斷候芭何處尋

送駱起謁襄帥廣西憲

知君無地種江籬看了衡山看九疑
客路不堪還話別侯門何處可題詩
吟青羅帶行離岸唱白銅鍍過習池
呼酒試澆征馬足繡臺油幕有相知

題豫章宗德父游湘詩卷

醉呼仙叟共浮湘，稠載風烟滿錦囊。
名是浦雲山雨起，詩連沅芷澧蘭香。
好吟秋月招元結，莫賦朝雲惱楚襄。
英巨老仙今寂寞，行人還解識珩璜。

德父到春陵即有詩弟曾景建

常寧道中懷許分之

雨過池堂路未乾，人家桑柘帶春寒。
野平豎石為神像，稚子搓泥作藥丸。
柳下兩姝爭餉路，花邊一犬吠征鞍。
行吟不得東奚惠，肯見平臚自寫看。

題許分之譽文堂

若平江申桂林作尚書鍾公遺逸薦東溪先生許侯

于朝越明年得旨補初品，官衡州戶掾其誥詞於始。
則有夙有譽處且嫻文辭之褒於終，則有其以行義。
教于鄉里之勉州里人士莫不榮之，又明年許侯乃
于東溪濱翊堂五間以為講道著書之地，仍摘天語。

譽文二字以張其名敬上賜也堂成山齋先生為之
記者詳矣當世之名卿才大夫又為之賦詠者眾矣
顧晚生小子何足言詩辱徵俚作不敢固以陋辭敬
書二首以記盛事併叙聖天子始終褒勉之意庶得
附姓名於不朽云

魯佐元戎洗綠林兄翁何止擅詩聲久辭驃騎尋瓢飲誰
引鳴騶賂耦耕厚禮正羅溫處士浮名還汙阻生生衡茅
那識絲綸美尚擬升堂結社盟

又

姜夔劉過竟何為空向江湖老布衣造物忌名從古有詩
人得位似君稀聖朝自要求參朮吾道何應賤蕨薇晚節
黃花須愛護且教湘士挹芳菲

濂溪書院弔曾景建

太極樓頭霽月寒
斷絃絲綺不堪彈
窻前自長濂溪草澤
畔還枯正則蘭蒼野
騷魂惟我弔烏臺
詩案倩誰刊傷心
空有金陵集留得
江湖洒淚看

許分之以丞相周益公所為書古府四篇見寄敬題
其後

紙上珊瑚間木難
曾敲黃閣却吟鞍
賞音今有平園否
得句堪尋岫嶠刊
鸚鵡夜棲金屋冷
的盧秋戰玉關寒
春風歸鴈那知己
寄與深宮絕塞看

讀繫年錄紹興八年以後事

婁敬金繒滿去輒
便看雷雨潤遐陬
諸賢自抗排雲議
宰相方深偃月謀
湘國乍聞悲鵬鳥
秣陵遠唱聽符鳩
九原

晏老今知否搔首青編恨未休

櫟攔吳大帝廟

赤壁縑須事已虛且依櫟攔酌芳壺九原尚擬吞銅雀千載今惟記赤烏湘浦有人修舊事祀荊州無地展雄圖定知斫案英靈在閑對祠前洗湛廬

昭陵渡馬伏波廟

功名要結後人知馬草何妨死裹屍漢帝可能疑薏苡湘民却解薦江蘼紙錢撩亂_分昨粉壁闌班客寫詩墮水跡鳶無處問灘頭斜照曬鸕鷀

訪蕭太山父子

仙桂靈椿各典刑飄飄姿韻激天鯨家傳八葉益梅種詩接三蘇父子名四海盡將看縣譜一堂那許與文盟塵埃

不敢相親炙且汲渝溪濯客纓

謁張兵部時守臨江新除湖南倉

東皇太一待新詩共喜新槎泝楚涯
父老盡將看鶯鷺使臣應不問狐狸
江頭芳杜催行色境內甘棠有去思
細讀詔書搔短髮辨香那識帝王師

蘇瑩中先往新淦過新喻訪之不遇賦詩為寄

玉笥山前水拍空知君何處繫吟篷
敢輕竒士題凡鳥謾有憂心詠阜螽
沅芷澧蕭猶可寄江雲渭樹苦難同
門前草木皆詩卷獨倚簷簷嘯曉風

送蕭太山赴新興令

翡翠芙蓉去路荒許渾詩裏認封疆
昔聞古佛傳宗印今得吟仙縮縣章
魚婢蟹奴供俎豆馬人龍戶雜耕桑
澹翁

應解知心事試汲寒泉薦瓣香

訪菊花山人沈莊可

網盡珊瑚採盡珠只餐秋菊養時臞永嘉同社聲名在乾道遺民行輩孤我恨朱門無食客君言青史有窮儒飢寒正用昌吾道且對鈴岡共撫鬚

懷二蕭

未曾相見已相知楚粵江山棣萼詩每恨乾坤催我老却于湖海識君遲機雲才藻今無幾管鮑襟期說向誰靡靡亂山嘶瘦馬碧雲日暮正相思

踈拙

越冠齊瑟事皆非踈拙唯甘與世違客路鶯花愁裏看故山煙雨夢中歸采薇有備淮南靜移粟無謀浙右飢納納

乾坤須後傑湘翁祇合製荷衣

陳東甫酒間舉作歸心只有杜鵑知之句猶未成篇
因為續之

歸心只有杜鵑知且倚裴亭共撫髭客路秋風吹杜若故

園春雨老辛夷

陳君樵
州人

家貧未辨閒居賦世濁空吟感寓

詩邂逅江湖還別去岸花橋燕雨堪悲

贈別陳東甫呈尚書鍾公

洞庭濯足共題詩今聽驪駒話別離泣玉可能悲卞子買
金只合鑄鍾期荷盤剪綠須棲鷺鷺項分絲補接羅斗酒
疑肩聊自壯古來騷客例寒飢

登潭州懷雪蓬姚史君

賈井裴亭遍短筇紅塵歸騎又匆匆我尋桂樹吟招隱君

對蓮花誦易通今日江山勞別夢他年燈火課新功
瀛溪最念初平老恨聰連床話未終

下攝市

吟到湘潭一葉黃買胡踪跡正悲涼抱瑟沽酒異鄉客
打鼓發舡何郡郎楚女越商相離省淮蘆浙楮自低昂
塵埃市井無人識濯足江頭望八荒

雲峰寺

擬尋峻嶮看蟠螭且解青鞋濯禹溪弔古猶疑九枝栢
談禪且問一莖蘂虎孤崖樹供僧爨猿摸廊碑認客題
應接溪山無好句滿床空羨亂蟬嘶

到衡岳呈弟山長

閒依禹栢繫征驄猿鳥應猶怪賤蹤正擬開雲訪韓愈可

能避雨識茅容朱陵洞裏秋呼鶴紫蓋峯前曉聽鍾欲踏
青霞尋勝趣倦游應許借吟筇

許分之館僕于東溪發贈別

洗耳泉頭漱晚涼西風衣袂水花香酒邊豪氣橫荆楚燈
下清談雜晉唐天地每窮真後傑山林偏有好文章試拈
茹草同君舞待夜聞鷄月滿床

下第歸後李伯輝李景魏索近詩

吟遍吳頭楚尾春多慙才客問征塵振衣天目尋黃獨濯
足湘江韻白蘋宋五已慚稱進士陳三何用作詩人錦囊
元屬君家有今買魚經理釣綸

題李湛漢詩集後

楚砧岷葛飽清遊金節銀菟照幾州詩句多如姚少監行

程還似杜叅謀黃陵夜誦虞妃泣白帝春吟杜宇愁擬問
港溪何處是夢隨閩國美漁舟

贈李伯輝家譜詩

盪寇將軍後唐朝李卻家綠華雙薦者况復古今誇

江湖小集卷八十七

宋 陳起 編

樂雷發雪磯叢稿

詠史六首

高祖

逝駢走鹿各消磨
鈇外功臣剩幾多
四皓兩生元不聽
故鄉枉費大風歌

陳勝吳廣

假號偷名只可憐
枉拋錢鑄美戈鋌
隴頭燕雀應相笑
鴻元來是項燕

韓信

愁看鍾室劈良弓
何不當時殺蒯通
今日真王成底事
只

應娥姁是英雄

東方朔

蜥蜴盆邊解滑稽且分社肉飽蛾眉劉郎最怕東秋風冷
那聽君言後殿帷

司馬相如

狗監無端薦薄情鸛裘犢鼻帝鄉塵當時最有文君恨不
識長門買賦人

班固

請室冤魂叫不聞神丘隆碣謾遺文平生詞藻誰知己腐
鼠孤雛却誤君

汴堤柳

萬縷春風宰汴堤錦帆何處柳空垂流鶯應有兒孫在問

著隋朝總不知

讀李群玉集

光順門前繫馬吟弘文館裏翠雲春
却憐白首河西尉枉作蓬萊獻賦人

損玦江頭美釣舟蘭花杜若滿芳州
如何才子無騷思只韻薔薇與石榴

與復古叔讀橫渠正蒙書

惆悵枯株無畔盤雲橫太白夢魂寒
半生驕吝如蝸縮也自把西銘反復看

誰掘驪山起老師竹林燈火共心期
年來後學輕前輩看徹臯比罷講時

題楊從行湘詩卷楊即誠齋

仙雲寒鎖碧瑤天
突兀吟壇北斗邊
試問鳳凰誰得髓
竹林聽雪對床眠

叫雲吹玉舜祠邊
醉嚼瓊糜漱石泉
舊讀離騷今忘却
快披秋卷嗅蘭荃

次韵熊雲瀑秋夜見寄

吟落秋牕燭地紅
想彈九辯入絲桐
荃蘅豈不如葵藿
誰繼幽風補楚風

無題

大裘褒衣走浙生
可人
不識鶴山來
只今心印誰傳得
自

城字恐不是

撫州偶題

金柅亭邊柳拂城
春風繫馬酒家吟
塵埃滿面無人識
却

仙雲寒鎖碧瑤天
突兀吟壇北斗邊
試問鳳凰誰得髓
竹林聽雪對床眠

叫雲吹玉舜祠邊
醉嚼瓊糜漱石泉
舊讀離騷今忘却
快披秋卷嗅蘭荃

次韵熊雲瀑秋夜見寄

吟落秋牕燭炮紅
想彈九辯入絲桐
荃蘅豈不如葵菽
誰繼幽風補楚風

無題

大裘廢衣走浙淮
何人不識鶴山來
只今心印誰傳得
自摺通書撥篆灰

撫州偶題

金柅亭邊柳拂城
春風繫馬酒家吟
塵埃滿面無人識
却

得黃鸝作賞音

洋鄉病渴

犬子無從典驢驢荒邨忍渴望瀟湘楚王萍實甜如蜜不
許詩人取次嘗

甲午社日客桂林

危酒豚蹄客裏歡石尤風緊棄衣單東陽病骨如鸚鵡最
怯南州社日寒

桂林歲晚憶鍾尚書

塵滿湘翁薜荔衣江湖歲鬢晚成絲桂州楊五今何處雪
片梅花枉費詩

醉中偶成

醉敲茶臼嘯秋煙若欠高陽買酒錢擬入亂山餐柏葉石

床閒對麝香眠

送友人游昭州呈陳謙之僉判

閨仙去補荔枝譜梅苦歸呈飛鷺秋惟有瓜瓞共君在馬
歸何苦又昭州

道鄉牽損袞龍衣謫墮天涯詠楚籬莫收蹇驢游別處拾
青閣下有殘碑

鵬運堂前話別愁治齋三度楚江秋近懷莫向元龍道問
舍求田是韓頭

夏日偶書

螺贏啣虫入破牕枕書一朵竹方床家童偶見草頭字誤
認離騷是藥方

秋日行邛路

兒童籬落帶斜陽
豆莢薑芽社內香
一路稻花誰是主
紅蜻蜓伴綠螳螂

新塗偶成

飛飛綠鳳掛梅梢
猶記來時雪擁袍
今且歸舟新塗路
渡頭稚子賣櫻桃

贈吳季詩

燕子樓頭一曲春
魯駢驕馬擲黃金
如今世事漫頭雪
破屋孤燈忍凍吟

演教寺弔樓居朱漕

羅帶江頭蛻繡衣
人歸香草謝家池
祇今玉樹埋何處
惆悵僧房認得詩

又

穿塚難耐地下知逢人多說項斯詩今朝痛洒西川淚萬里梅花欲放時

延真道院

滄流翠竹接仙扃靈葉丹虬拱上真擬就玄翁分半榻閑聽秋雨守庚申

訪趙愚齋不遇謁者云入幕抵晚方歸因成一絕寄奉

雪片梅花滿硯池芙蓉幕裏客歸遲今朝解了公家事儘聽轅門報酉時

愚齋稱有詩云無曹度日真堪愧又聽轅門報酉時

史主簿以授菴習稿見示敬題其後併寄張宗瑞

姜夔荒塚白蘋深鷺鷥無聲結綠沉擬向鄱陽尋後杜只招張宥聽君吟

吟了南樓到庫樓塞雲邊月困雕鏤只在南北無詩禁曾
有新編過鞋不

術士醴陵丁夢營將之春陵有贈

看盡槐花買卜人竈尊且認舊碑文只今世上無清惠却
恐元郎解贈君

淶水池邊舊釣磯何時歸去濯征衣千年城廓應無恙祇
怕風塵老令威

送歐陽平仲起鬱林教官

快把詩書洗瘴茆雕題墨齒盡同胞天涯那得隨衿佩試
借叔堂講義抄

古來節婦比忠臣怡悵明珠一窖塵千古綱常君記取題
詩煩問墜樓人

鄉和王克章韻

征納無人補舊綿
蕭條客枕楚萍邊
撥殘石炭西窻冷
知憶山家楫柂烟

道書二句

和遍陶翁飲酒詩
醉籠天地入鷓夷
細看官爵成何物
肯帶溪囊過九疑

浣花騷伯杳難書
世上寧無元隱居
讀罷君詩三嘆息
斷

絃綠綺定何如

趙司法詩集自題近道蓋取
工部所貽元隱居詩中語也

聽廬山胡道士彈離騷

廬山道士菊潭仙
前世滄浪握楚荃
莫道離騷遺響絕
孤鈎寡珥尚能傳

弔湘誰解薦江籬
忠憤冷冷寫七絲
愁絕九疑山下聽
重

華應許就陳詞

題王堯章竹香亭

滿池蜀錦照深衣
晝日憑欄課楚詞
要識此花香絕處
露涼風細雨晴時
對花味道興何長
好學顏家到坐忘
莫與紅塵兒輩道
心清正自得清香
故園荷屋傍瀟溪
若愛蓮花入夢思
今日題詩還自笑
江湖塵土鬢成絲

題昭州田廷亮書櫩後

檳榔口裏吐參苓
折檻無門九虎深
家在道鄉亭畔住
定應千古有知音

少海無波鶴禁虛
滿朝閉口養曹蜍
白袍烏帽和寧外
却

有山人請建儲

次韻熊雲瀑秋夜見寄

叫徹蒼梧望八荒
暮雲秋客各淒涼
此情未許傍人會
愁絕中庭月一方

江湖小集卷八十八

樂雷發雪磯叢稿

宋 陳起 編

訪伯父幽居

對坐如禪舍閑燒石乳香
書看新講義藥問未傳方
僕語梅花裏僧經竹案傍
題詩吾豈敢牕戶半吟章

桂林懷李景魏

陽華萬疊雲無計得相尋
所學昏時好何人知爾心
莎城百粵遠雪嶠一翁吟
已是懷人極天寒奈水深

桂林送人之瓊州招捕海寇

嘗家洲畔路別爾苦匆匆
說戰令人喜耽吟與我同
旌旗楓鬼雨舟楫鯨鯨風
想到瓊峯頂題詩更記功

與李盤翁知縣登七星山弔石道士

疊嶂矗空青，孰卉共一尋。
苔荒碑意古，茗苦道情深。
有興梯蒼壁，無才詠玉簪。
吟仙何處去，我輩復登臨。

次韻史主簿雨夜見寄

水長許由溪，春寒入竹扉。
幾人聽夜雨，惟我怯單衣。
樹罅青燈耿，籬根白菌肥。
明朝有忙事，推枕問漁磯。

道中逢老儒由蜀出

丙穴魚應好，曾經問釣磯。
干戈今未定，城廓是耶非。
詩社尊黃髮，侯門薄布衣。
乾坤豺虎滿，見爾一欽歔。

時事

時事如頽屋，誰任棟梁國。
貧僧牒賤邊，病檄書忙有分憂。
宗社無才出舉場，未應王謝輩揮淚送斜陽。

逃戶

租帖名猶在何人納稅錢
燒侵無主墓地占沒官田
邊國干戈滿蠻州瘴偏不知
携老稚何處就豐年

登江華寒亭

到此脚張酸千峯迥不看
年深碑字淺日薄樹陰寒
石罅巢蜂乳籬根墮鳥殘
愛吟還畏嶮不敢倚欄干

訪表叔李竹齋

門庭接豆根吟避市塵喧
每愛詩無敵應知學有源
雲山供俎豆筆硯長兒孫
愧我相遇數秋風酒一樽

擬長沙訪姚雪蓬至永返賦此為寄

今傍南軒住應知理趣精
通書多似易論語不言誠
擬欲聽徵論猶能慰別情
江湖風浪隔腸斷楚鴻聲

雨夜讀陸放翁集

卷八十八

爐冷童吹火山房夜黯然濕薪添爇熱苦茗帶芎煎燈暗
瀟江雨詩吟笠澤煙老仙何處去搔首弔塵編

送黃天河

天河那可到山頂翠參差邨屋前黃蠟官爐照荔枝地蠻
遊宦少縣小迂賓遲鼻祖曾吟處荒苔想滿碑

呈趙叔愚司理

問戶垂楊向江湖半世看不應求五嶺却自建孤壇浙社
朋遊盡唐詩氣詠寒今朝流水譜何只子期彈

夢訪劉漫塘魯雪巢二先生

前輩風流歇江湖欠賞音向期行古道誰解識余心月浸
金壇冷雲歸玉筍深瀟湘風雨夜空得夢相尋

青相逢廷對人歸因問時事

南客帝鄉歸青袍照綠髭問知當世事解誦聖君詩淮濁
軍書急湘深邨報遲空傳廷試策韋布說邊陲

南林寺

律院僧應俗庭芳草木刪無碑堪攷古有客自看山竹好
惟嫌密雲多不自閒小溪知最近童浴夜方還

國家圖書館 NATIONAL CENTRAL LIBRARY, TAIWAN, R.O.C.

江湖小集卷八十九

張蘊斗野稿

宋 陳起 編

雲間

勸倚柁樓聞鶴唳半生此地一經過
機雲故月荒涼宅
湖海新秋浩蕩波
曉艇紅蓮商客市
夜窓白苧女兒歌
吟邊冷被沙漚笑
衣化京塵鬢亦皤

江湖偉觀

隄柳朝朝送酒船
一闌山色越帆煙
蓬萊雲氣東溟外
閭闔星辰北斗前
突兀向來無此屋
登臨當日有諸賢
夕陽過鴈慵回首
吟入關河萬里天

鳳鶴鵲三題與江社同賦

一去朝陽寂不聞
西康臺北起寒雲
梧花竹實年年事
奈此喧啾百鳥羣

立雪精神兩瘦蘆
天風入羽思江湖
逋仙梅下曾相識
千載歸來一語無

月樹爭枝影共寒
楂楂飛過屋頭山
五陵年少多春悶
一彈千金落等閑

顧逕

海水還清淺
停杯問二豪
雨來江色暝
沙長岸容高
吏鞅何能脫
王程敢憚勞
秋風柁樓底
短髮不禁搔

錢氏東臯

百年鐘鼓園林在
人物蕭疎更海鄉
藤絡湖嵌山解長
莫道官忙行樂少
也分物色松陰淡
扇影間秋水氣長

莫道官忙行樂少也分物色到奚囊

上海

夢斷三更鶴蘆邊繫短篷聽潮看海月坐石受天風物
至秋而化年來我亦翁長歌相勞事猶喜此樽同

新晴

林影熹微曉老於世故獨闌情連烽未撤邊撤邊頭戍
積潦猶妨隴上畊幾為餉蚕憂濕葉重因漂麥用饑萌
龍公多事多勞耳萬理由來要得平

錄錄

錄錄竟何為衣塵日以緇故人間入夢久雨頗妨脾燕
履登巢息蜂程載蜜虧獨斟蓮子酒愁絕杏花詩

除夕

京國逢除夕，栖遲鬢欲霜。
春聲生竹爆，歲色動椒香。
戒睡聽鷄早，占詩探蠶忙。
燭花頻送喜，兒女笑烘堂。

禱雪天竺由靈鷲過冷泉

降香天竺去，淪茗冷泉來。
新徑石間過，危亭木杪開。
煙山晴若畫，霜葉濕如灰。
點檢經行處，今年未見梅。

祀事

誤被雞催起，逾聽漏鼓稀。
書檠風展卷，香笠火生衣。
困嗅茶猶病，吟飧菊可肥。
月明天路靚，親到帝旁歸。

西湖清明

芳天新霽，惠風和軟，綠平隄凝。
不波桃李，無言看客慣。
樓臺如畫，占山多游，裾匝路填車馬。
翠榜開筵，闌綺羅寂寂，寒煙生水面。
白漚奈此月明何。

酥

魚味醍醐外分身乳酪中江南鳴犢犢塞上寄飛鴻乾
雨看如幻生鹽訝漸融臍殘猶有待煎取牡丹紅

倉囑次韻芸隱

相黏成什伯峯聳若山王

史南人呼明駝為山王

攻處須犀鐵持

來出蟹湯梅花霜後味竹色酒邊香坐憶游閩樂今年
始得嘗

次韻月中聞鶴

月明華表語霜清萬籟沉沉靜有聲一自別來瑤樹長
幾回飛夢到曾城

孤影徘徊夜月中不離滿貯酒如空東皇太一應來下
笑指梅花一信通

齋宮偶題

衆綠扶疎雨氣清
柳花吹作小池萍
文牕晝寂齋房邃
三漱華池誦玉經

同寮約將香林分韻得林字

約我當休沐
同過支道林
棋邊翻覆手
酒外太平心
石漱晴湍細
猿吟夏木深
歸帆帶疎雨
涼意滿幽襟

春朝偶題

忙裏偷閒荅物華
一官隨分是生涯
春風酒棹湖隄柳
曉月吟羈輦路花
報喜忽聞枝上鶻
忘機時下屋頭鴉
殘年鈍悶今朝盡
重對菱花拂帽紗

重游大滌洞天

澗水泠泠石髮新
松花香靚翠嵯深
雲生不沒仙人跡

丹化猶啼搗藥禽洗眼人多求聖水醒心吾獨愛清音
杖藜更欲過新洞無柰春空又作零

東庵與道者語有感

瘦策松間日又斜更過南崦喫僧茶丹青領樹明寒葉
水墨江天噪亂鴉付酒一杯真樂事讀書萬卷是生涯
更嘗世故知閒味河水依然鬢白華

朱柿

慈恩分種遠駢寔渥如丹垂野華星大然雲火樹寒蟹
螯微有忌狂血訝難搏七絕雖堪賞無勞把核鑽

喜李鶴田至次阮雲心韻兼寄

月樹秋來碧幾尋古藪熏徹紫芝吟無因得去陪清賞
祇寄山君一寸心

澆酒通梅又幾回
愁吟舊雨獨登臺
星星鶴語山牕曉
割得雲心古錦來

九日

細看黃花把一枝
東籬猶是昔人非
題糕酒外豪情在
吹帽風前素髮稀
鴈叫霜天悲故國
鴉翻溪樹背寒暉
百年獨有閒居樂
可怪東山事竟違

道場山

訪碑無古跡
丹碧覆嵯峨
塔向城中共
山從寺右多
踈松小溪路
遠淒太湖
波何錯
書堂在猶
嫌隔翠蘿

何山

山因人得姓
人去佛來居
隣有天章
墓碑無玉
局書幽
溪通古郭
荒澗入春
舍客子吟
鬚冷高峯
夕照餘

月泉紀游

小春霜寓曉間訪古招提何歲齋魚廢初弦顧兔迷先
民堂上像寓客柱間題僧戶蜂分小山形虎欠低松青
江廟北竹老野橋西親汲聊煎茗深登信杖藜琴師年
九十相見手重携

不寐

空牀展轉對孤檠寒漏年長更雨聲如此乾坤閒歲月
明朝華髮滿頭生

寄鶴田

鶴向孤山去未歸片雲行鴈與心期新詩不着工夫得
雪外看花獨立時

至後

陽生七日驗飛葭
袞袞天機歲載華
江草未圓青帝夢
香雲滿洩與梅花

雪川次韻鶴田

苔雪雙流合觥檣
萬里通連山黃獨
雪一鴈白蘋風酒
戶春醕淺魚村晚
市同舊游蕉鹿外
未老已成翁

歲晏用趙詛父訪雲心韻以寄

看春知幾度玄髮
故應非世事真猶
夢人生瘦勝肥竹
邊隨意入梅下得
詩歸緬想羊何友
湖山樂所依

正月二日雪

雨送冬雷了如篔
墮曉晴縈盈溪樹
色騷殺紙窗聲着
瓦消還易因風凍
不成紛紛門外履
猶自賀元正

送晏桂山赴高沙郡

青衫赴闕已三遷紅旆臨州不五年舊吏僉榮從事府
新民迎擁使君羈牡丹池館春融日莖葉汀洲水漲天
自是邊籌談笑辦歸來仍侍玉皇前
接武容臺彼一時溪鄉重幸得追隨漚前心事滄浪影
梅下吟情汗漫期感慨中年無近別衰回明月有相思
殷勤勸醉陽關曉受盡耶歛只自知

秋思

暑退涼生體氣佳卷簾聽雨感年華西風葉葉梧桐吟
開盡庭前白鶴花

溪上

今夕知何夕吾意亦良適明月滿船蓬清風動帷席過
雨前溪渾雲半空白衰荷無嬌紅老梧有枯碧頻更

燭對棋仍把酒澆石歲行變暄涼明情慨離索相思日以長孤吟夜方寂露下客衣單草際螢光奕年年修玩心一醉不得惜

鶴田還江右

欲留雲共住雲去楚天長此日吾猶惜中年別易傷瘦吟梅下影賭奕橘中香謹勿移山諾春風入帝鄉

歸鴈亭

青雲影裏自由身幾倚闌干看不真又是江湖春雪盡年年腸斷玉關人

午日次韻池襲父

小泊蘋香柳下磯重逢佳節感年時束蒿偶作人形想采藥須供國手醫江鏡願為明主監楚菰愁賦逐臣詞

酒邊聽盡敲蓬雨
數日淮南去未遲

垂虹

四岸俱無只有天
煙檣如雨落漚前
不知笠澤翁何許
波上清風一萬年

憶着前游十四年
三高祠下夕陽舡
無錢買得鱸魚膾
吟就橘花香裏眠

姑蘇臺

故址畊殘草樹秋
無人曾見鹿來遊
甬東亦是當時月
不照笙歌只照愁

虎丘

曼陀石上無根樹
歷歷生公說法餘
劔水一泓清徹底
至今人說有龍居

惠山

石苔滑汰屋連斜第二泉邊古佛家一壑松風聽不了
卻留僧坐自煎茶

棟花

綠樹菲菲紫白香猶堪纏黍弔沉湘江南四月無風訊
青草前頭蝶思狂

毗陵天慶觀龍

殿陰壁老懷仁筆頭角嶢嶢春起蟄有時麾斥惠山雲
行雨歸來半身濕

丹陽道中不寓人

累土編茅古制痺官田種秫得沽私自言身健無徭役
猶勝平生江北時

京口運河上

荒荒永岸水如濤
翁仲無言立上頭
日日餽舟銜尾去
東南民力尚支不

多景樓

假日此登臨
淒涼北望心
戍烽孤障杳
塔影一江深
點虜投鞭想
將軍誓檄吟
所嗟人事異
天險古猶今

金山

江身臺殿均空雲
夜月魚龍影不分
八十老僧相引說
潮痕不上郭公坟

瓜州

如此江濤更有人
佛狸竟死不能兵
幅巾短櫂漚前夢
未省當時有此城

維揚即事

牛斗星邊禹貢州東南屏蔽大江流
向來明月珠簾夢不信秋風拆愁

皂角林前野地寬新塘路口草泥乾
天乎如此功名事成散觀人自昔難

茅屋蘆門半市坊居民無事亦軍裝
愁來莫上城頭望西北浮雲接太陽

月明城上韻邊笳一枕三更夢到家
不耐楚氛真僻性賦詩酌酒與瓊花

土霧如蒸暴暑天燭龍偏駐柳邊船
三清觀裏風痕午滿意題詩借榻眠

平山堂弔古

隔江山色畫圖中故址荒來與廟通畫地雄含淮海水
占星高直斗牛宮試評蜀味長泉變欲唱歐時古柳空
往事茫茫增感慨聊憑成卒指西東

平山和韻鶴田

瓊花應自笑南翁白髮栖栖逐斷蓬兵後百年城郭是
塵間多事古今同孤烟遠堠如常長五月窮邊尚冷風
可待花鱸歸興盡長吟且復付杯中

道中觀岸水戲書

秧馬泥深繭犢閒燭龍顧影桔槔間尋常六月江南雨
不比君王帑藏慳

NATIONAL CENTRAL LIBRARY, TAIWAN, R.O.C.

東

Faint vertical text columns, likely bleed-through from the reverse side of the page. The text is mostly illegible due to fading and the watermark.

江湖小集卷九十

劉翰小山集

桂殿秋

壽于湖先生

青帝子碧蓮宮不駕雲車騎白龍
瑤池路遠羽衣濕玉佩冷冷明月中

雙玉節到神京碧杯水露冷如冰
一聲金磬千花發洞口天風吹酒醒

翠屏曲

小亭簾幕垂陰陰梅香入枕春生屏
西牕月落翠被冷鳥聲殘夢東風醒
三年不喚清溪渡夢裏滾西春水路
江頭女兒雙翠眉能唱劉郎芳草句

宋 陳起 編

小宴

一曲歌雲勸玉觴歸來斜月恰侵床小牕細嚼梅花蕊
吐出新詩字字香

余久客都城秋風思歸作楚語和吳郎採菱扣舷
之音

秋風兮淒淒山中兮桂枝彈余冠兮塵墮芳草綠兮未
歸家遥遥兮辭楚荆傷去國兮重登臨撫長劍兮增慨
復鳴缺兮成音採中州兮蘭芷望美人兮千里我所思
兮天一方共明月兮隔秋水

種梅

淒涼池館欲栖鴉采筆無心賦落霞惆悵後庭風味薄
自鋤明月種梅花

紅窓怨

啼鶯喚起紗窓夢紅日滿簾花影弄翠屏香字冷薰爐
羅衣疊損金泥鳳去年君去燕歸時今日燕來君未歸
欲把相思挑錦字夜寒懶上鴛鴦機起來翠袖香羅薄
東風滿地桃花落

漁父

輕舟一葉一輕篷上有蕭蕭鶴髮翁昨夜不知何處宿
月明都在笛聲中

春晚呈范石湖

風日蕭蕭兩鬢華倦尋銀筆賦餘霞五更枕上無情雨
三月風前薄命花春困有時因病酒客懷何日不思家
年來事事心情懶惟有歸耕策最嘉

上元小亭

靖康詔令文章種桐邑公侯國老家種得人間桃李滿
春風無地不開花

石頭城

離離芳草滿吳宮綠到臺城舊苑東一夜空江烟水冷
石頭明月鴈聲中

天上月

春冰一片淨無瑕萬里清光遍海涯欲與嫦娥移桂樹
月中先合種梅花

春日

沉沉芳酌動金波笑引踈梅泛玉荷幾度天寒歸鴈少
一番風雨落花多功名有在知心懶富貴重來奈老何

烏鵲數聲傳喜語
梁間燕子亦能歌

江南曲

我家江南同野老
自紉落毛采蘋藻
清風滿袖讀離騷
半畝幽畦種香草
門前流水聽濺濺
日暮歸來自刺船
遙山數疊作媚嫵
落日斷霞明晚川
雨餘汀草漲新綠
紅衣溫盡鴛鴦浴
採蓮女兒何處來
唱我春風湖上曲
瓮頭酒熟方新篛
白魚如銀初上鉤
呼兒洗杓醉明月
酒酣更作商謳

鴻門宴

江東遙遙八千騎
大戰小戰七十二
劉郎曉鞭天馬來
蹙踏長安開帝里
子嬰已降隆準公
君王置酒鴻門東
張良已去玉斗碎
三月火照咸陽紅
繡衣歸來日將夜

可惜雄心天不借當時已失范增謀尚引長戈到垓下
刁斗乍急營壘驚夜深旗尾秋風橫玉帳佳人不成夢
月明四面聞歌聲拔劍相看淚如雨我作楚歌君楚舞
明朝寶馬一聲嘶江北江東皆漢土

玉斗歌

漢漢高帝真英主也其入關則約三章封府庫子
女玉帛略無所有秦人歸心焉不待白蛇赤帝
老嫗夜笑然後知為天命彼姁姁項羽欲扼其
喉而困之難哉鴻門之戰沛公亦幾危矣項莊
舞劍項伯翼蔽沛公得從問道以歸獨使張良
謝羽羽受其璧此亞夫知其為勇所以慨然碎
其玉斗也感之作歌

漢兵咸陽未休舍楚王長歌到戲下項伯夜入張良營
沛公倉皇出城謝自言戮力共攻秦不意入關成此勲
閉關藉民備他盜盡封府庫待將軍項莊拔劍項伯起
漢楚興亡在今兩鴻門壯士斬關來慷慨一卮誰懼死
君不見秦亡鹿走驪山傾四方盡起諸侯兵龍顏隆準
泗上長天之所受誰能爭英雄肯落他人手獨造謀臣
談辯口君王問道却歸來滿地秋聲鳴玉斗

吳門行

吳歌婉婉清如水西風曉自闔門起雙橈艇兮採菱來
翠苻綠濱香十里芙蓉影落已知秋濺濕羅衣眉黛愁
回聲蕩槳入門去明月家家秋水沅

客去

送客歸來月滿簷梅花微笑隔疎簾酒醒今夜銀屏冷
沉水薰爐旋旋添

哀友人

案成歌罷小春嬌何事君隨草木彫從此巴江江上月
有人和淚獨吹簫

聞笛

誰將玉笛按涼州吹徹春風不下樓若道聲：都是恨
不知消得幾多愁

小亭

芳草萋：怨未歸西池殘夢要題詩綠窗昨夜東風小
開遍梅花第幾枝

題飛雲閣

一笑歸來春尚寒
小梅飄盡雪初殘
遲日更待梨花月
醉倚飛雲十二欄

立秋日

亂鴉啼散玉屏空
一枕新涼一扇風
睡起秋聲無覓處
滿階梧葉月明中

國家圖書館 NATIONAL CENTRAL LIBRARY, TAIWAN, R.O.C.

江湖小集卷九十一

張良臣雪窻小集

宋 陳起 編

晚步南城下

冷雲堆屋晚仍春，惆悵人行陌上昏。
飛去飛來沙上鴈，去年洲渚舊蘆根。

春詞

野蘭無限楚詞春，菴岸風平綠自熏。
睡起畫簷雙語燕，梨花留得夜來雲。

又

後主寒香復倚春，潘嬙梳洗最輕盈。
南朝破後無詞客，燕子桃花古石城。

芳草復芳草

芳草復芳草有人孤倚樓
明月復明月何處照離州
相見渺無期此恨誰相知
日暮天寒吹屬玉蠻江豆蔻重
重綠

玉臺體

一寸春霏拂綺寮
蕙花江上雪初銷
傷心燕子重來地
無復人吹紫玉簫
主人流落委荒坟
燕子還來壞戟門
惟有桃花古時月
端端正正照啼痕

曉行

千山萬山星斗落
一教兩教鍾磬清
路入小橋和夢過
豆花深處草虫鳴

賦字下疑脫字

陪天童覺禪師如城

風勒江雲雪未勻
夢寒不到碧梅春
破帆又指蕪城近
漢：平沙落鴈頻

賦

柳暗星旗不忍看
臨江愁殺晉衣冠
傷心明月揚州路
十里珠簾蕙草寒

示長蘆仁禪師

叢：竹雀閑人家
農事春來漸有涯
品字柴頭煨政暖
不知風雪到梅花

別持上人

茂竹永和字浣花
天寶詩清江入舟
檝忍淚別僧持

梅市道中

連雨疏蓬不耐閑
修眉如失更情慳
越王故國無人問
艇子穿花自往還

有懷山房

每憶山房話夜深
機前無主亦無賓
老兵未領西來意
斜倚屏風一欠伸

西湖晚歸

帖：平湖印晚天
踏歌遊女錦相牽
鳳城半掩人爭路
猶有胡琴落後船

書情奉寄蔣弋陽公

五都一何綺
歌管政繁會
賸我友明月
援琴寫秋瀨
何言吳離後
一飽困蒸穉
風雨墨如醫
欲往徒自碍
顏年去堂堂
白髮新種種
崎嶇造化久
敗履常決踵
從來萬

里意不料乘嶮恐鳴鶴略九皋未羨乘軒寵

留題吳興投老庵

白鷺悠悠去不還渚雲汀草一生閒暮年不入西州路
空倚梅花說住山

送人遊姑蘓

兒時吾亦寄君州細細聽君說舊遊處處綠波通酒巷
女郎多在採菱舟

雪後

雪花竹屋未全消寒雀梢頭眼擘椒紙閣不煙梅自放
底能踏濕渡溪橋

九日書呂季慈室

上池入寺見承平影落南州迹易陳手把黃花看新鴈

風煙愁殺舊京人

感舊

三十六陂春水綠
四十九年人事非
楊子江頭永嘉後
吳儂蕩漿北人稀

山房惠猫

從來憐汝丈人烏
端正銜蟬雪不如
江海歸來教繞膝
定知分訴食無魚

過臨平

兒時曾憶此登臨
細說窮途有述征
四十九年蘧伯玉
月明人靜過臨平

過西溪

晝盡層波蕙草荒
冷雲客鴈兩回皇
梅花到得吹成雪

盡是清愁不是香

贈英上人

之秦賸肯迎張錄踏月何曾用計然元鼎事看砧勝負
大槐人與蟻相連

酒熟

濁膠初熟薦霜螯不擬寒山不廣騷清曉豆花籬下立
竹梢獨與月爭高

遣家書

家住鄱城小洞天經年烹鯉尚茫然幾回鵲喜無消息
吹殺燈花獨自眠

祝猫

江上孤蓬雪壓天每懷寒夜暖相依從今休慣穿籬落

取次懷春屢不歸

偶題

誰家池館靜蕭蕭斜倚朱花不敢敲
一段好春藏不盡粉牆斜露杏花梢

萱草

雪色侵凌綠剪芽枝抽寒玉帶金葩
北堂回首傷心處却復令人恨此花

小破

小破燕支鈿早梅雪雲平淺越江遲
青山歲夜行人少鴨鴨群飛淺草時

謝汪尚書見訪

黃葉散中接錦韉添丁籬落怪相牽
歸來賸欲從僧話

正掩楞伽曝背眠

夏夜

恰則黃昏雨便晴
青塘迤邐盡蛙鳴
月明已在芭蕉上
猶有殘簷點滴聲

平旦

平旦梅花破冷紅
越香何限水流東
陳年翠袖新年恨
盡在吹香笑語中

國家圖書館 NATIONAL CENTRAL LIBRARY, TAIWAN, R.O.C.

江湖小集卷九十二

葛起耕耨庭吟稿

春懷

過了花朝日漸遲相將又是禁煙時
寒留柳葉淒迷處春在梨花寂寞枝
牛角橫書孤壯志鹿門採藥誤幽期
自憐白髮成何事說與鶯未必知

姑蘓懷古

闔廬城下水連天故國淒涼思惘然
堤柳數行垂舞帶砌苔幾疊暈歌鈿
了無麋鹿遊臺下祇有鳧鷖虧水邊
往事如今銷歇盡斷霞殘照鎖寒煙

記夢

綺寮縹緲敞虛明
鵲峙鸞停護碧城
珠葉一枝春共瘦
玉環雙佩月同明
曾題洛賦緘新意
却拊湘絃寄遠情
十二闌干風細細
覺來依約記棋聲

湖天霜曉

十里平湖侵曉光
玉鸞飛舞鏡中央
也知青女催梳掠
淡拂鉛華試靚妝

暮春雜興

畫闌目斷楚雲西
芳草連天客思迷
家在江_南烟雨裏
裏落花時節杜鵑啼

紫椹纍纍綴碧桑
林塘雨過綠生香
荆扉晝掩蒼苔寂
留得芸籤伴日長

閉門花落又春深
白紵歌殘對晚斟
惆悵年來心緒惡

一庭煙草綠沉沉

蘭杜初芳湘水春鷓鴣啼處草如茵
雙魚不寄衡臯信
空有燈花入夢頻

燕子數中日正長
讀殘書卷亂堆床
夢回却愛西窓寂
閑看松花帶夕陽

雨中夢故山

冥冥細雨濕江城
掩映書窓翳復明
倦客一杯愁頓減
故鄉千里夢初成
金華洞起羊驚起
石佛山頭鹿伴行

石佛山名

何日東歸溪上路
一犁春綠帶雲耕

踈檣

寒意沁踈檣
閑堦草尚書
市朝人自醉
泉石我常醒
桂寫月標格
蘭傳秋典型
何妨為老伴
相與兩忘形

初春感舊

又是春生杜若洲，憑欄回首揔閑愁。
雲橫楚峽縈新夢，月泛吳波憶舊遊。
立馬醉題花外駟，聞鶯笑倚柳邊樓。
如今萬事經心懶，祇合長歌擬四休。

檄雪

銀闕書飛急羽忙，料應滕六奏虛皇。
要將閨苑蓬壺水，幻作瓊林玉樹芳。
風約雲邊停鶴馭，冰清月際舞霓裳。
鳳簫莫品淒涼調，催花梅花枉斷腸。

和蘆州劉子泉秋懷

雨送秋歸鴈來霜，凝情無處寄詩狂。
一庭莎草蛩吟老，萬里梅花鶴夢長。
德誼可踰鍾鼎貴，聖賢不死簡編香。
迺來世道添悲梗，不但催車是太行。

贈燕

鎮日雙棲向畫梁
有時飛去為誰忙
得芹起暖添芹壘
掠水因風貼柳塘
語重喚回芳草夢
舞經時冒落花香
五陵年少傷春恨
書繫紅絲擬寄將

次子泉韻

一撥鷓鴣又春休
風簸榆錢滿地流
燕子不知花落盡
等閑飛過柳邊樓

月轉庭花玉一闌
寶釵不卸待郎看
丁香擬結相思夢
無奈東風作社寒

東歸

游倦歸來似長鄉
敝廬事事費經營
掃除塵土虛堂潔
拂拭窓檣舊紙明
徑菊已荒唯草長
井花少汲覺苔生

寒衣未辦西風急不奈鄰家機杼鳴

除夕

爆竹傳聲又歲除
流年不駐隙中駒
屠蘇未用斟春酒
餽餽先教促曉厨
彩綉戶庭更鬱律
歡傳院落競樗蒲
老來樂事關心懶
吟對梅花撚斷鬚

秋寓都城次趙君瑞韻

催破橙香薦蠙黃
快斟新酒潤詩腸
鴈拖暝色橫秋水
鴉帶寒聲噪夕陽
萬事莫如花下醉
百年渾似夢中狂
登高休負湖山約
約買扁舟載豔妝

次劉野泉韻

自咲生隨鴈影浮
幾經楚尾與吳頭
塞樓角送關山月
湘驛砧敲嶽麓秋
歲月森輪如走坂
功名求劍記行舟

即今安得如澠酒與汝同澆萬古愁

安分

淒煙澹靄鎖林扉又是秋光欲莫時
蘋葉江湖風剪剪桂花庭院雨絲絲
世情冷暖杯中酒人事輸贏局上棋
安分得閑閑最好不須身外強尋思

覽鏡

覽鏡羞看鬢點霜若云勲業更堪傷
已甘身向山中老安得名留海內香
雅志擬聯高士傳倦游慵入少年場
長吟酒醒憑闌處更聽秋砧答暮螿

贈烏龍山圓上人

笑把儒冠換墨衣深思富貴有危機
參他龍象知今是還了鴛鴦悟作非
開鉢展單隨所寓打包持錫去如飛

有人若問西來意正要高談為發揮

支頤

氣數推移有盛衰老觀此理獨支頤
閱人雲木能千載過眼風花只片時
名利場中棋變幻是非窠裏浪傾危
到頭輸與山中叟樂在耕鋤別不知

淚

誰奏琵琶妬客歡啼珠泣玉使心酸
感時多向英雄灑怨別還從粉黛彈
每聽巴猿愁滴袂莫燒漢蠟恐堆盤
陽關一曲君休唱唱罷人間行路難

小隱

小隱山林習已成市朝聲利讓渠爭
是非每向靜中見悔吝多從動處生
且約蒼官陪竹友共邀權伯訪梅兄

歲寒心事期相守一瞬枯榮任變更

秋夜

城笳吹下暮雲邊螢照書帷夜未眠遊子不堪征袖薄
西風嬾誦擣衣篇

樓上

樓上何人奏玉簫數聲和月伴春宵斷腸喚起江南夢
愁絕寒梅酒半銷

官詞

銀漏疎風透玉屏碧梧枝上兩三更依稀似寫華清恨
雲冷香銷夢不成

國家圖書館 NATIONAL CENTRAL LIBRARY TAIWAN R.O.C.

江湖小集卷九十三

宗 陳起 編

武行適安藏拙餘稿

平生

平生最愛讀洪文敏所編唐絕句手之輒不忍直今閱
此卷何翅千里對似人也龍泉張貫甫充聖東坡見齊
安朱廣文小詩云官閑廳事冷蝴蝶上堦飛謂其可入
圖畫適安此卷絕句模寫景物吟詠情致多有可筆於
再青者借不過坡之品題端平丙申夏五蕙巖方萬里

秋夕

昔徐孝穆以魏收之文沈于江曰吾與魏公藏拙行學
詩三十年投質於宗工名勝者甚多藏拙之餘僅存

此應接前序寫

此序款式似錯

此叢故云溥祐改元立冬日行書

秋夕過松陵

月冷江空夜氣濃
桂香飛下廣庭風
不知何處神僊過
鶴唳數聲煙靄中

鶯

柳外飛來恰弄聲
瞥然流去一梭輕
分明啼斷春愁處
風不驚花午院晴

宮詞補遺

梨花風動玉闌香
春色沈沈銷建章
唯有落花官不禁
儘數飛舞出宮牆

牡丹春禦正穠華
有旨今年不賞花
剪落金盤三百朵
內批分賜近臣家

采桑曲第二首

采桑曲

粉光薄薄鬢雲垂，葉滿湘籠獨步時。
女伴未來歸未

道，是蠶忙未是忙。日長猶得是梳粧。
羅敷有語何曾解

倚樹偷窺馬上郎

夜深和鶴落瑤壇

官思

當時十五正嬌妍，選入宮中二十年。
誰料秖今三十五，舞鞋未踏玉階前。

書畫扇

雙成午夜約飛瓊，齊駕紅鸞看月明。
縹緲碧雲歸去晚

采桑曲

粉光薄薄髻雲垂，葉滿湘籠獨步時。
女伴未來歸未得，水邊閒照插花枝。
解倚樹偷窺馬上郎。

虛星壇月下聞笙

何人吹動玉笙攢，天濶風高桂殿寒。
聲軋五雲飛不去，夜深和鶴落瑤壇。

宮思

當時十五正嬌妍，選入宮中二十年。
誰料祇今三十五，舞韉未蹋玉階前。

書畫扇

雙成午夜約飛瓊，齊駕紅鸞者月明。
縹緲碧雲歸去晚。

洞天霜冷玉簫清

贈茗上隱者

夾鷄槐柳綠雲堆
轍蹟何嘗到碧苔
不種桃花緣底事
恐因流水悞人來

開元廣寒詞

桂華珠殿水精樓
柘袖籠香乙夜遊
飛下銀橋人不覺
月明三十六宮秋

客去

晉人冠子羽人衣
客去移床傍小池
扇影不搖蘄竹淨
藕花風裡看唐詩

遊吳門同樂園
齊池光亭壁呈使君張都承

一城和氣萬花春
金碧樓臺處處新
太守不孤同樂

意木蘭堂上看遊人

春日舟中書所見

翠峯斜倚側金翹羅帶紫紅眉碧苑應是春愁禁不得
東風深院粉墻高
花外風來夾膩香片雲誰遣下巫陽不須回首頻相顧
彼此傷春易斷腸

明妃曲

中國無人虜肆輕六宮揮淚別傾城當時誰議誅延壽
益重君王好色名
馬上風沙亂鬢蟬羶鄉同地不同天琵琶何用深彈怨
出降烏隊更可憐

聞角呈宗諭方蕙巖

曉角吹愁客夢寒一聲：落曲屏間
吳兒可殺無風味
老却梅花祇當閒

韓照夜白

八尺駟龍雪到蹄阿瞞騎罷阿環騎
絕憐千古房星魄
不見明時見乳時
振金斝王出天閑幾向驪宮驟
月還脫使幹生天寶後
畫圖那得到人間

柳枝詞

靈和殿裏最風流三月飛花雪
御樓換得玉人眉樣巧
一春渾不下簾鉤

秋夕清汎

弄月吹簫過石湖冷香搖蕩碧芙蓉
貪尋舊日鷗邊宿

露濕船頭數軸書

老将

幾回夢裏到邊陲
馬上猶能磨戰旗
彈淚對人偏愛說
建炎隨駕渡江時

春日湖上

苑外垂楊閱四朝
東風依舊綠條條
當年盛事人猶說
二殿龍舟泊畫橋

拆桐花上雨初乾
寒食遊人盡出闕
一片湖邊春富貴
斷橋船簇夕陽間

飛鷁鳴鑼鼓吹喧
繁華應勝渡江前
吟梅處士今還在
肯住孤山爾許年

船裏歌聲去復還
遊人樂在酒杯間
爭如策蹇長隄上

細看南山與北山

宜永觀雨

池上冷。過雨聲。綠荷風起。萬珠明。天公未欲從羣望。作了晚涼。俄便晴。

長橋月夕

春來滄海黃銀浪。飛出層雲白。玉團千古垂虹。竒絕處。獨凭三百赤闌干。

雙鷺

誰驚雙鷺起蘋汀。雙裂玻璃瑤。細有鵞飛入白雲。渾不辨。碧山橫。處忽分明。

重訪西湖舊游

西風吹曉。鳳城開。桂子香中。信馬來。十載不行湖上路。

知它添了幾樓臺

榴花

蹙蹙生紅露滴珠
薰風涼幌曉粧初
折來戴朶頻拈看
應訝羅裙色不如

燕子

燕子攪風入畫楹
不知人傍綠窻行
香泥驚落忽飛去
却向桐華頂上鳴

老宮人

寶髻無光玉貌昏
悲歌空感舊承恩
君王喜問先朝事
時許車兒到殿門

侍輦觀花上苑春
太皇宣索鳳笙頻
如今猶記當時曲
對譜閒教小內人

湖亭席上贈商素

一曲春風已擅場
淺顰低轉更傳觴
令人憶殺香山老
舊日玲瓏也姓商

貴遊

鈿車轆轤輾芳塵
步幃香移一片春
花下玉盤行禁鬢
御前宣勸到湖濱

次平小景

一拂殘烟暝不收
作佐成谿上十分秋
空林落日西風急
紅葉無詩水自流

尋昔遊

碧水青山舊路迷
劉郎惆悵阮郎悲
仙桃一別人間去
洞裏春風自四時

七夕

金鍼插鬢玉搔頭月落河傾尚倚樓
細認雙星還自感別離同是一般愁

鴈奴

斷沙殘汐對田枯寂歷寒烟卧鴈奴
飛起不知何處落教聲鷦忽隔黃蘆

阮客

粉靨嬌春掌上輕玉琴聲裏見深情
花邊臨別重回首猶恐絲絃說未明

書吳江塔院水月

疊疊滄波隔亂山白鷗飛去復飛還
嗟邊好思無多子祇在孤舟落照間

九日

倒盡鴟夷酒更沽四風吹興滿江湖客中賸喜身強健歲歲
秋香看紫萸

寄社友

秉燭西園事已非更堪中酒落花時隔簾燕子偏饒舌不管
春愁倦作詩

立春

暮滴辛盤色鬪鮮已將春到酒尊前金幡不用吳娃祝自
唱新詞插鬢邊

孤山訪梅不遇簡知已

結客尋春過舊堤雪香雲冷鎖雙扉隔牆應是梅花笑撇
却貂裘尚未歸

雪中登垂虹亭

投簦江邊雪滿頭
玉虹千尺要詩酬
詩成上馬誰同說
說似亭前兩白鷗

國立中央圖書館藏

NATIONAL CENTRAL LIBRARY, TAIWAN, R.O.C.

江湖小集卷九十四

武衍藏拙餘稿

宋 陳起 編

霜梧

棲鳳枝頭數葉輕
井邊籬落正關情
晚來縱有西風過
一片秋聲作不成

一作
做

湖邊

日日湖邊上小車
要尋紅紫醉年華
東風合與春料理
忍把輕寒瘦杏花

示舩師

不拘早晚過長橋
要泊橋邊踏巨鼈
無月色時方得睡
有梅花時處必停篙
不逢水活魚休買
纔見溪清米便到
得

旗亭須報我落帆相與醉村醪

立秋夕

水花香弄晚風清
閒立梧桐看月生
夜漏向深秋始覺
一天星濕露華明

新鴈

寒月程程遠星河
字字疎不眠沙外水
恐濕足間書倦翻
支風去悲聲落枕
初秋清人易感政
自不關渠

春晚山行馬上口占

山深竹暗曉風輕
幾樣幽禽錯雜鳴
駐馬細聽渾不識
就中惟識秭歸聲

路轉前山復後山
宿煙收盡薄生寒
唵鞭忽指松梢月
絕勝城中樓上看

陽復

一變陽爻七日初
窻間測影弄徐徐
不知曾未添宮線
但覺多翻教葉書

劉八臆見訪一夕即別

五年茗上別別後
愧相踈今夕知何夕
憶渠俄見渠同持
一杯酒勝寄百封書
未及論心事
曉風回塞驢

悼戴式之

四海詩人說石屏
一時知己盡公卿
家傳依鉢生無愧
氣挾江湖老更清
重感慨時多此興
最瑰竒處是歌行
九原不作空遺藁
三些吟竟泪為傾

嘗葡萄

壓架駢枝露顆圓
冰精落落照晴軒
微酸自是江南種
尚

忍因渠說太原

睡覺

睡覺東風忽惘然起翻雲母續爐香烟半醒不醉宿醒思
欲雨又晴寒食天春草池塘詩夢裏梨花庭院酒尊前誰
憐倦客長安市節物驚心憶舊年

晴絲

何處飛來繚碧空敲吟終日費形容樽桑老蠶抽纖緯星
殿殘機剪素茸幕忽帶歸簾外燕等閑惹住柳邊風蜂風
柔日薄樓臺晚一縷任垂力正慵

謝曹東圃跋嗒卷

十年湖海仰師儒八斗衣傳子建餘袖裏有詩須印證句
中無眼定赳赳吹香玉唾清如許刮膜金篦病已除媪扇

何曾求貴重等閑中得會稽書

楓橋道中

路接官河柳徑斜騫驢衝暑憇田家
雨餘天迴雲生葉日午風輕稻放花
襪已懸黃犢睡枯棹不動綠陰遮
老翁相見如相識命坐藜床自斫瓜

郊居紀實

既安能適復何疑小築重營即舊規
狡兔反為三窟累鷓鷯終遂一枝期
種成水際芙蓉徑鑿得亭前菡萏池
客有可人尊有酒四時風月揔相宜

送外家通倅方澹庵

風節傳清素名多為宦游
花封纔解綬芝檢趣監州
等上持麾節歸來覲冕旒
江南與江北底用說離愁

松陵晚泊

泔泔風濤外天隨底處尋碧雲千嶂暝紅樹九秋深故國
荒城夢空江倦客心行藏那復計蓬月闌孤斟

小遊仙詞

天風吹上碧嶙峋鸞鶴聲清草木董金闕玉數樓行欲遍
却携明月出紅雲

寄湯伯起

徙家城市去不為故人留種菊應無地觀山合起樓別來
通訊少春至作詩不池上雙檉綠孤吟我正愁

次韻答菊莊湯伯起

數弓蔬地一方池吾愛吾廬祇自知蘆碧補交楊柳缺檉
紅攬上藕花遲翠陰圍合疑無日涼意蕭曠有詩君欲重

未須更待嫩烟浮動晚晴時

別燕

寶墨煙雲邈金風庭戶秋有雛堪作伴無計若為留謹勿
沾鯨浪應須避屋棲裁詩聊寄遠煩慰玉人愁

西陵觀梅

障霜篝日奪天機九月梅花賞玉甦到了不如春意勝水
邊風韻兩三枝

小院

小院清聲動碧梧颯然涼思滿蘧篔年來懶結青燈伴却
課兒曾讀夜書

夏日書事

緩將琴軫卷將書誰信閑中事有餘約客論茶和水試課

童移菊帶泥鉏竹槩日午猶關鶴水檻朝來自餒魚山蕪
已苗瓜已蔓適安生計未全踈

訪隱者居

蘚墜披蘿入茅堂着竹遮綠看流去水紅惜落殘花蜀鳥
啼春靜山童獻客譁細題壁者一一是詩家

宮中詞

睡餘羅袖印眉山行傍妝臺理墜鬟聖主憂勤排當少屏
帷魚撥總成閒

邊烽既息穡事告登歌以五十六字用和擊壤

見說邊頭事已寧捷書復得壽春城從來方面多豪傑均
與朝廷擊重輕棗實雖紅休北顧稻花垂白近西成民無
飢色添歡色氣象方纔似太平

京口策應戍將歸營

老矣猶征調新從淮上歸
盡知邊境事曾解壽春圍
腥血封刀匣黃沙漬鐵衣
奏功均得賞沽酒醉斜暉

枕邊

枕邊清坐散餘醒
慘澹西窻月半明
燕子夢回簾未卷
棟花風信曉寒輕

癖

賸欲收神省費心
三生癡癖本來深
典衣尋訪晉朝畫
折簡借觀雷氏琴
帖字逼真嘗細搨
詩聯敲穩每長吟
鏡中一笑成何事
鬢影秋絲日見侵

清明湖上

榆火初傳禁漏殘
蒲城和氣在湖山
接天楊柳風烟裏
照

水桃花圖畫間舊路人穿新路去長橋船出斷橋還吾皇
應喜民胥樂歲許西門入夜闌

宿呂城舟中

古堞遺踪何處尋斷烟殘日意沉沉飛湍過聞風雷怒峭
岸如山草木深燈火隣船喧客枕江天漂梗碎鄉心明朝
沽酒新豐市悵悵無人伴苦吟

送客之潤赴時貴約

折柳亭邊來問津江山先入夢來頻漕渠水足新逢雨客
路風光恰是春莫論孫劉悲既往願言賓主樂相親曾苗
短句題多景君到應須為拂塵

送徐雲友歸行都

落落奇男子長年走客塵白身無寸祿青眼欠高人病為

思詩苦貧綠立行真片雲留不住歸醉洛陽春

伯氏自吳門來輦下再宿即別

把酒論新事移床問故山桑麻云已長親戚喜相安斷鴈
江湖外馳心夢寐間兩年三度別此別覺尤難

劉後村被召

銜上官雖顯吟邊興不衰細評南嶽藁遠過後山詩才大
人多忌名高上素知辨香吾敢後幸見召還時

送友人赴長沙酒官

老楓殘月曉江濱送客歸來又送君愁滴離聲三疊淚眼
穿行色萬重雲過湘應取離騷續到邑終期課最聞莫為
西班羞薄宦要思先世立殊勲

杏花

柳店春風酒旆斜紫綃團萼數枝花香肌元自多豐賦錯
把梅花看作他

寓京口四首荅湯菊莊兼簡分司鄭料院北固亭口

占

三生結得潤人緣卮酒時來煖客羶北固兒童雖不識也
緣中履逆山前

鷓鴣山

屹然孤立蘚痕青千古湍洗不平蒼鷓飛來復飛去不知
身為此山名

甘露寺狠石

二雄曾向此般還鼎立功名各未安留得坐時頑石在至
今人尚說曹瞞

月觀遠眺

朝宗亭下浪冥冥何日尋觀瘞鶴銘更欲畧茶邀客去短
篷敲火淪中冷

歲在丁亥郊禋禮成皇帝登門肆赦護睹盛典恭成
口號

閭闔煌煌闕曉雲千官鵠立望嚴宸鶴書飛下珠簾峻雉
扇分開玉座新山壽聲中團喜氣鈞天奏處隔香塵明王
盛事民何幸三載恩寬四海春

正元二日與菊莊湯伯起歸隱陳鴻甫泛舟湖上二
首

春雲漠漠雨踈踈小艇衝煙入畫圖除却澹妝濃抹句更
將何語說西湖

擢轉逋山艤落暉春風深鎖恨依依松間一鶴俄飛起疑
是生先出未歸

送蕙坡趙富陽赴高郵元幕見次

相逢客裏便相歡握手真能出肺肝買得酒尊曾共酌帶
來詩卷每容看舊聞遊宦多知己今喜公朝與好官一片
淮雲千里月觀圭何日入長安

蘆筍

春風荻渚暗潮平紫綠尖新嫩茁生帶水搯來隨手脆擢
舡歸去滿篝輕竹根稚子難專美澗底香芹可配羹風味
祇應漁舍占玉般空歡五侯鯖

湖亭席上

寒食梨花月新晴楊柳風愁融山色裏興極酒杯中綠髮

此兩首寫連

日夜變青春今古同忍教行樂處容易夕陽紅

哀魏方泉

每見中吳士多稱太守賢一毫無暴政千里樂豐年心醉
西樓月身飛北闕關天那知人事異夢絕柳橋邊詔下催
歸覲人傳便尹京班纔聯從橐庭忽舞銘旌玉樹悲中折
金丹恨莫生澤多唯乳子天道若無情

寄吳德章簽判

莫轉朱絃軫知音世不愜吟情清似水壯志屹於山自入
鄉關去相思雲樹間春風吹五葉早起集英班

書所懷

閑拂塵中鏡猶憐壁上核生平多坎壈知己半銷磨對酒
成孤酌橫琴寓九歌相思江水濶歲晚客如何

國家圖書館 NATIONAL CENTRAL LIBRARY, TAIWAN, R.O.C.

江湖小集卷九十五

宋 陳起 編

林同孝詩

寒齋力辭聘召死於隱約子同合以表其所旌其間為未足也行其書焉嗣其學焉同又撫載籍以來孝於父母者事為一詩詩具一意各二韻二十字積至三百首起遠古迄叔季兼取明天理未嘗泯也至聖賢至夷狄異類並錄見天性未嘗異也事陳而意新辭約而義溥賢於烟雲月霧之作遠矣始寒齋之事寶章也視調膈裼襲之節以康其體躬場圃井臼之勞以裕其力人知寶章之勇於退而不知其退之有以自樂也同合之事寒齋也亦然昔曾元養參已不如參之養哲石奮諸子恬侯稍不逮建至孫而

孝謹遂衰今石塘之林奕世家法嗣守不墜有古人所難能者惜其弟兄俱未脫白修於家浮沉於閭里而已余嘗恨世儒率華過其實惟同華實相符其操行蓋漢孝廉之盛舉也詞藝亦唐進士之高選也頃良齋謝公嘗彙孝史五十卷上之阜陵同此詩他日必與謝公孝史並行淳祐庚戌白露節前史官劉克莊序

堯

道之大原出於天堯以是道傳之舜堯舜之道孝悌而已

道原自天出堯以是相傳曰孝悌而已人人具此天

舜

大孝終身慕父母子於大舜見之矣

孩提知所愛妻子具而哀大孝終身慕予於舜見之

禹

禹傷先人之功不成勞身焦思八年於外啓呱呱而泣予弗予惟荒度土功

傷心九載績焦思八年中啓亦呱呱泣惟思度土功

湯葛伯不祀湯使亳衆往為之耕奉先思考

奉先思考也不祀豈其情以至使亳衆而甘為葛耕

文王朝於王季日三雞初鳴至寢門外問安否何如

問安寢門外旦旦俟雞鳴以至日中是居常盡此誠

武王文王有疾不說冠帶而養文王再飯亦再飯疾

經言事父孝所以事天明疾間加再飯夢中與九齡

周公我之弗辟我無以告我先王辟馬鄭音避謂避

我避故云辟東行是謂征先王猶可告豈為伐而刑

孔子子曰所求乎子以事父未能也

事親良不易戰戰復兢兢學得如夫子猶言丘未能

顏子謂子路曰去國則哭於墓而後行返其國不哭

返必展墓入去當哭墓行誰知顏氏子事死乃如生

孟子幼被慈母三遷之教長師孔子之孫子思

如何年稍長汲汲子思師如是為兒日三遷感母慈

右聖人之孝十首

契契為司徒教以人倫父子有親

天性生雖具人倫教可無往哉親父子汝契作司徒

元凱

左傳季文子曰考敬忠信為吉高陽高辛氏有

當知元與凱不出孝而忠能舉十六相斯為舜大功

孝已

武丁之子莊子云人莫不欲其子之孝孝已憂

子則欲其孝人皆有是心如何武丁聖却使子憂深

微子

微子之命曰爾惟恪慎克孝微子去之子曰殷

豈計身封宋祇愁祀絕殷不惟稱克孝亦自首三仁

泰伯

季歷有聖子知太王欲立之逃奔于貢曰太伯

為憐季有子逆探父傳賢斷髮文身事誣哉司馬遷

康叔

元惡大憝刑惟不考不友于弗祇服厥父事大傷厥考心乃其刑茲無赦

勿云服父事不敬亦無傷元惡與大憝邦刑自有常

君陳

惟爾令德孝恭惟孝友於兄弟克施有政命汝尹茲東

為爾有令德存心孝且恭推之施有政往矣尹茲東

伯竒

尹吉甫子履霜操云無衣兮兒寒無食兮兒飢兒罪兮當答遂兒兮奚為

無食又無衣逐兒安所之不辭履霜苦猶謂罪當答

晉文侯

平王錫文侯桓堂王璜曰汝克昭乃顯祖追孝於前文人若汝予嘉

嘉汝故錫汝非將玉展親克昭乃顯祖追孝爾文人

衛武公

年九十猶日警于國曰必朝夕以文戒我

孝子終身者非終父母身武公年九十戒我尚諄諄

齊孝公

伐魯展喜犒師曰豈其嗣世而棄命若先君何君必不然齊侯乃還

豈其伐與國獨不念先君想得還師去難堪此語聞

君

申生

君泣曰賊由太子人謂太子于辭姬必有罪曰

姬泣賊由子子辭必罪姬為憂君不樂寧死莫君知

晉文公

也詩人披伐蒲公曰君父之命不校校者吾讎

伐蒲君父命校者是吾讎披直寺人耳鉏麇信有謀

秦康公

晉文公甥渭陽詩云我見舅氏如母存焉又

懷哉送舅氏曰至渭之陽念母如存意悠悠寄二章

既醉君子

季子不置承錫爾類其類維何室家之壺

若為錫爾類不獨善其身既念化家室還思遺子孫

四牡使臣

有功見知則說矣四牡駢駢豈不懷歸王

懷歸將父母四牡苦駢駢是我心中事君從何處知

齊侯無野

晉人欲質其母也又漢太公事

對曰若以匹敵則亦晉君

我母亦君母吾翁即若翁分羹何太忍請質可堪從

申生

姬泣曰賊由太子不樂乃結死

太子于辭姬必有罪曰

姬泣賊由子子辭必罪姬為憂君不樂寧死莫君知

晉文公

寺人披伐蒲公曰君父之命不校校者吾讎

也踰垣而走披斬其祛

伐蒲君父命校者是吾讎披直寺人耳鉏麇信有謀

秦康公

晉文公甥渭陽詩云我見舅氏如母存焉又

曰我送舅氏悠悠我思

懷哉送舅氏曰至渭之陽念母如存意悠悠寄二章

既醉君子

季子不置永錫爾類其類維何室家之壺

釐爾女士從以豫子

若為錫爾類不獨善其身既念化家室還思遺子孫

四牡使臣

有功見知則說矣四牡駢駢豈不懷歸王

事靡盬不遑將父母

懷歸將父母四牡苦駢駢是我心中事君從何處知

南陔孝子

南陔孝子相戒以養也
晉東晉補亡

為孝還相戒南陔昔有詩都盧這箇意焉用補亡為

白華孝子 白華孝子之潔白也

庶恥有微缺湏知孝未純白華何所似所似皎然身

北山大夫

役使不均已勞於王事不得養
其父母馬王事靡盬憂我父母

非止不得養如憂父母何忍能不我念使我獨賢勞

蓼莪孝子

民人勞苦不得終養哀哀父母
生我劬勞欲報之德昊天罔極

莫遂終養志難耐罔極恩哀哀父母向腸斷不堪聞

妹土小子

其藝黍稷奔走事厥考厥長
牽車牛遠服費用孝養厥父母

勤耕藝黍稷遠賈服車牛奔走何為者心乎孝養憂

老萊子

年已七十父母猶存著斑斕
之衣為嬰兒戲於親前

七十已中壽人生似此稀絕憐老萊子猶自作兒嬉

柳下惠

三為魯士師曰何必去父母之邦何

恣於父母國去此欲何之所以柳下季三為魯士師

子思

孔子曰喟然而嘆請曰意子孫將泰祖乎及每以不克負荷為大恣子忻然

如何方喟嘆乃爾復忻然念汝祖無忝知予道可傳

閔子

子曰考哉閔子為人不問於其父母昆弟之言又曾子閔子行事

參寧殺人者三至母踰垣嘆息子閔子孝哉無間言

有子

其為人也孝弟而好作亂者未之有也涼州易龍課人誦孝經蓋勲謂取怨

其為人也孝好亂未之聞曾以是取怨無人語蓋勲

曾子

有疾召門弟子曰啓予足啓予手而今而後吾知免夫小子

全歸有明訓珍重恐傷膚小子啓手足吾今知免夫

子路

見孔子曰令由也累茵而坐列鼎而食願缺食菘藿為親負米不可得矣

食藜殊列鼎負米異重茵不待今朝養傷哉昔日貧

子游

問孝于曰今之孝者是謂能養至於犬馬皆能有養不敬何以別乎

犬馬何以別斯言似太深深言為養者可以敬於心

子夏

既除喪而見孔子與之琴彈之而不成聲作而曰哀未忘也

為有心中事琴音自不知禮雖弗敢過哀若未忘何

子貢

曰賜也願息於事親又曰大哉死乎君子息焉又曰大塊息我而死

未須論大塊以死息乎人所願學也賜姑惟息事親

林放

問禮之本子曰禮與其奢也寧儉喪與易其易也寧戚

故寧戚與儉罔或易而奢致得千載下人稱問禮家

樊遲

問辨惑子曰一朝之忿忘其身以及其親非惑之歟

當知一朝忿必不忍於人豈知身忘却還應及乃親

闕黨子弟

闕黨之子弟罔不分均有親者取多孝悌以化之也

既慚夫子教罔有不分均何復問多取齋言彼有親

樂正子春

侍親疾復加一飯則脫然愈復損一飯則脫然愈

向非親在念念每精專未必飯加損能令疾脫然

公明宣

學於曾子曰宣見夫子之親在叱不至犬馬宣說之學而未能也

子於親在日叱咤不聞聲既曰見而說應無學未能

孔子黨人

孔子曰吾黨之直者子為父隱直在其中矣

忍以證羊故而云我直躬那知為父隱直故在其中

孟莊子

孟莊子之孝其不能改父之政是難能也

無改父之道真堪以孝稱若論莊子孝此直是難能

孟懿子

問孝子曰無違樊遲御子告曰生事之以禮死葬之以禮祭之以禮

不復問無違祇應懿子知尚愁人不省以禮告樊遲

孟武伯

問孝子曰父母惟其疾之憂

父母之愛于心乎惟疾憂可能不自愛而忍使親愁

管仲

我曰吾嘗三戰三走鮑叔不以我為怯知我有老母也

戰敗不差走誰為知我深叔知我有母亮我走時心

晏子

使吾母之黨無不足衣食者

母家令足食父族使安生睦黨可謂孝能之惟晏嬰

晉君子

下從征役不得養其父母父母何怙父母何嘗怨怨蒼天曷其有常

何怙復何嘗啣悲問彼蒼蒼蒼不可問重使我心傷

穎考叔

晉羹感鄭莊公母子如初見左傳茅焦諫始皇即虛左迎母見史記

茅焦甘伏質考叔請留羹大隧如初樂咸陽虛左迎

魏孝子

後於大國陟彼此兮瞻望母兮秋仁傑登山望雲曰吾親舍其下

念母嗟陟此思親徒望雲可憐魏孝子不比狄參軍

衛七子

凱風美七子能盡孝道以慰母心小弁小人之詩也何以言之曰怨

幾諫勞不怨明明載魯論未應小弁作得並凱風言

石初子

石駘仲辛卜所以為後者曰沐浴佩玉則兆不沐浴佩玉石初之兆

執親之喪者可沐浴其身不待石初兆知非佩玉人

文氏子

既除喪而越人吊待廟垂泣洩子者曰其庶幾乎云於禮者之禮也

服除有弔者待廟至垂洩亡於禮之禮斯人其庶幾

公叔茂

請文謚於君君曰夫子不亦貞惠文乎故謂夫子貞惠文子

若犯夫子論無慚負惠文不應其子茂至自請於君

靈輒

靈桑餓者趙宣子食之捨其半云欲遺母宣子使盡之而別具食與其母

翳桑一餓者念念母之存賴有趙宣子能為別具殮

葉公諸梁

后戚從其母於吳不待而歸葉氏終不正視

隨母適異國先歸汝忍能致人不正視應是得人憎

伍尚

楚將殺其父奢慮二子為惠曰盍以死其父名之彼仁必來尚歸死員奔吳

此以父免名彼如仁必來員乎竟何益尚也最堪哀

賈獲

陳大夫鄭師入陳獲載其母妻奔逐陳侯下而授公車與妻扶母奔亦免

扶母猶可免棄君安所之可能共母載恐不授君綏

周紹

趙王謂曰人有言子者曰父之孝子君之忠臣故寡人欲子傳王子

欲得忠臣者求之孝子問如何傳王子尚復待人言

王孫賈

母曰汝朝出晚來則吾倚門望汝今王走汝尚何歸賈募人殺淳齒

為齊臣子者此日若無聞獨有王孫賈能知悞倚門

扶蘇

趙高詐為書賜扶蘇死蒙恬疑之欲復請扶蘇曰父而賜子死尚安復請

父賜子以死君侯安所疑恐哉指鹿相無復祖龍知

丁蘭

至孝刻木為母像事之如生蘭婦誤燒木母面應時髮落如割

一靈長皎皎如月不離天要以純誠感非因刻像然

韓伯瑜

母杖不痛哀母力弱對母悲泣梁孝先使焦通觀其像通感悟盡孝

母力今衰矣悲啼得杖輕流風存繪畫猶足感焦生

酈寄

與呂祿善周勃劫其父商使使寄紹祿出游勃乃得入北軍

直以劫父故蒙他賣友名聞將誅呂論非勃亦非平

賈誼

治安策曰借父耜慮有德色毋取箕箒立而評語

評言取箕箒德色借耜鋤不是賈年少還能痛哭無

馮唐

以考著為郎中署長文帝筆過問唐曰父老何自為郎

知以孝行著還應不問唐可憐止輦問何自得為郎

韋孟

楚元王傳及王成淫亂孟去位徙鄒作詩諷諫又曰既去禍祖惟懷惟願

去王猶諷諫懷祖重傷情誰識有韋孟人惟說穆生

田叔

景帝令紫梁事還曰有之無以梁事為問也太后食不甘味此憂在陛下

勿以梁事問將遺太后憂若非叔長者誰為帝忠謀

石建

建為郎中令已老白首每歸洗沐即竊取父奩中帚視自浣滌不令父知

服勞曾孝道那更委諸人建已老白首中帚滌必親

董仲舒

之合州郡舉孝廉自仲舒後為江都相

漢有孝廉舉誰知發自舒可憐三策罷却去相江都

司馬遷

父諫執手泣三歲遷為太史曰毋忘吾所論著平

悲哉執手泣論著謹毋忘豈識遷它日能細石室藏

嚴君平

賣卜成都市與人子言必依於孝

賣卜有深意何心避市喧若逢人子問依孝與之言

霍去病

平陽人驃騎擊匈奴

不早知此體元來托大人低頭拜縣吏誰擬霍將軍

雋不疑

為京兆尹每錄囚母聞多有平反即為善笑故不疑嚴而不殘

不疑固嚴吏如不順親何圖得毋喜笑平反敢不多

杜延年

父周為御史大夫延年居官府不敢當舊位坐卧皆易其處

怪來御史府坐榻不如初曾是父坐處而為子敢居

疏受

廣之兄子廣謂受曰知足不辱豈如父子歸老故鄉乎受曰從大夫議

豈知吾父子歸老故鄉身一聽知足誨欣然從大人

王陽

為益州刺史行部至九折阪嘆曰奉先人遺體奈何數乘此險遂以病去

禮經稱孝子不服闇登危所以九折阪回車不敢馳

貢禹

上疏曰詩逆者貴於官故俗皆曰何孝弟為今宜貴孝弟則天下自治

安用考與弟令人諄得官一聞陽在位自是合彈冠

王式

曰臣以詩朝夕投王至于忠臣孝子之篇未嘗不流涕反覆為王陳誦也

三百五篇內凡言忠孝人未嘗不流涕反覆為王陳

韋元成

兄弘前坐罪元成當廢封知非父賢意即陽狂後還為淮陽憲王傳

淮陽誰可傳無以易元成即汝陽狂意為王言事兄

楚孝王

詔曰王孝順仁慈之國以來二十餘年織芥之過未嘗朕甚嘉之

一自王之國于今二十年了無織芥過都是孝慈然

原涉

廬墓三年大治冢舍表曰南陽阡人謂之原氏阡

所當約於已豈忍儉其先道立南陽表人呼原氏阡

薛修

為臨菑令兄宣為丞相迎母倚母不違

邑令直微爾爭如相國榮可憐留母養不忍聽兄迎

陰子方

至孝臘日晨炊而室神形見于方再拜受慶因祀以黃羊自是暴富

祀灶令人富相傳陰子方安知由至孝非在薦黃羊

楊子

不可得而久者父之母之謂也是故孝子愛日

不可得而久其惟父母乎諄諄愛日語楊氏豈欺予

東海王疆

母郭后廢疆戚戚不自安願俗藩國替曰避而知庶為吳太伯

史以太伯比斯評恐未真我知東海意不忍母他人

鄧禹

事母至孝雲臺功臣之次禹為第一

功臣三十二劔佩藹雲臺第一人知否曾聞孝母來

實融

少孤事母孝與隗囂書云為忠甚易
實書賜融謂欲三分鼎足宜以時定

璽書來萬里鼎足定三分解道為忠易誰知以孝聞

馬援

戒子曰欲汝曹聞人過失如聞父母
之名耳可得聞口不可得而言也

惡言出於口必至反其聲小子聞人過當知聞父名

樊宏

父重遺令所假貸民間數百萬悉焚
削文契債家聞而慚爭償之宏不受

能捐數百萬不聽債家償要自父一語銘心不敢忘

耿國

國當嗣父封上疏以父
况愛少子霸國自陳讓

封侯誰不願頌我獨何心為憶父所愛偏於少子深

張湛

望縣門步進曰父母之國所且盡禮
或議其詐疑曰人皆詐惡我獨詐善

下車父母國自重豈其輕謂我詐為善何憂被此名

馮豹

後母屢行毒害敬事益謹疾之愈深
每奏事伏省闕帝使黃門持被覆之

中人持被覆尚得帝恩深子職竟何是終求慰母心

孔奮

為時人極求珍膳躬率妻子同甘菜茹

甘同妻菜茹極奉母珍羞一任時人笑脂膏不自謀

伏湛

父理為當世名儒別自名學湛性孝友少傳父業教數百人

向來父學顯別自以家名不是能傳業如何著孝聲

鄭敬

印憚謂曰子將為伊品乎巢許乎敬曰幸得奉墳墓雖不從政是亦為政

幾曾慕巢許非是薄伊周何忍的的去先人有墓丘

古初

郵憚為長沙太守長沙有孝子古初憚即以為首舉

長沙有孝子姓字死猶香料得郡首舉他無人敢當

江卓

負母逃難數為盜劫去輒求哀得免後歸鄉里每自為母挽車時稱巨孝

挽車極勞苦逃賊最間闕太息江巨孝能為人所難

蔡順

拾蕙黑者奉母母思順心動棄薪還伏母棺火越它舍母畏雷震輒圍墓

賊疑拾蕙異母怪棄薪還雷震輒圍冢火飛因伏棺

姜詩

妻汲供母後時遺去遺母珍羞復還
兒溺谷母游學息泉湧躍鯉供母膳

日常供鯉膾且輒汲江流兒溺言游學妻還感遺羞

郭巨

恐母減食與子欲埋之掘坑得金一
金上六天賜郭巨孝于官不得取

為養寧埋子那知地有金如何有天賜且復怕官侵

班固

著述通賦曰懿前烈之純淑兮
賸之眇眇兮又作叙傳述班氏之先

前烈知純淑孤蹤愧眇矇果能筆叙傳不枉賦幽通

劉平

自母逃難恐絕弟類抱弟女素已子
卸伯道負弟子避賊縛其子於樹上

弟類那容絕吾雛聽自生劉平端為母伯道特沽名

郭基

為京兆督郵班固薦於東平王
蒼為謂基孝行著於州里蒼納之

豈伊東閣裏無似督郵賢直把孝行薦令人少孟堅

廉范

年十五與客自蜀步負父喪歸京兆
後為蜀守民歌曰平生無襦今五袴

親喪徒步負萬里歷岷峨何事令人說惟知襦袴歌

鄧彪

少修孝行讓國於異母弟荆鳳顯高宗其節下詔許焉又曹子建詩

讓國異母弟如彪正自竒令人有同產煮豆且燃其

張歆

歆守阜長有報父仇賊歆破城殺之遂棄官亡命范曄謂其報仇逃也

去官因脫因為感戴天讎史氏乃失實却云逃報仇

清河王慶

上書曰乞以臣骸骨下從貴人於樊濯庶母子靈有所依倚

乞以臣骸骨下從樊濯原生雖闕親養沒擬報私恩

魯恭

性至孝與母及弟丕俱居太學習魯詩為諸儒所稱學士爭歸之

可能來太學即得譽諸儒豈以習詩苦應云與母俱

黃香

事父竭力致養暑則扇枕寒則以身煖席京師號曰天下無雙江夏黃童

冬月常溫席炎天每扇床如何漢天下只有一黃香

樂恢

父親為令所收恢年十五俯伏縣門晝夜泣令矜之為出其父

父令為縣繫號泣不停聲彼令亦人耳而寧不我矜

仲長統

著論曰倘養親有兼珍之膳豈羨夫入帝王之門以傷名立身哉

羨入帝臣門揚名與立身何如養親膳每日得兼珍

薛包

父娶後妻憎包分出之包涕泣廬於舍外旦入洒掃歲餘父母慚而還之

所懼子不孝何愁父失慈涕流分出日天定感還時

張霸

年數歲知孝讓舉動自然合禮人討其小能如此曰我饒為之故字伯饒

幼也知孝讓居然合禮儀休疑汝尚小須信我饒為

竇章

達戶蔬食躬動孝養講論不輟時稱來親為達菜山鮮康薦章為校書郎

蔬食可堪貧勤哉孝養親蓬萊知不遠應是着斯人

蘓不韋

父謙為孝高操死不韋撫焉父冢時澁其辭枯骨郭太謂復出伍員

要使生者毒休譏枯骨雖着他郭太論比似五員優

郭林宗

性至孝范滂稱之曰隱不違親貞不絕俗天子不得臣諸侯不得友

不願諸侯友那容天子臣貞乎寧絕俗隱也不違親

蔡邕

性篤孝母嘗滯病三年邕自非寒暑節變未嘗解襟帶

自非易寒暑未始解衣襟不謂母疾久三年惟一心

楊震

種蓋卷母諸生有助其種者輒拔去鄉里稱孝又不受金以畏四知

尚自畏四知於親豈忍欺種蓋有助者拔去不妨奇

姜肱

肱與弟俱為賊所劫將烹之肱曰季江復願代兄

鼎鑊皆知避何心願代兄恐傷父母意不獨弟兄情

陳元方

事親至孝豫州刺史以開天子為之圖像百城以厲風俗

如何百城內一一畫元方勸孝賢刺史觀風職所當

茅容

字季偉郭林宗見其殺雞意謂為已設既乃獨奉母自以飯蔬與林宗食

雞乃為母設蔬惟與客同賢哉茅季偉誤矣郭林宗

范滂

遭黨禍恐母流離不忍赴曰滂從父黃泉顧子曰欲汝為善則我不為惡

寧將身塞禍不忍母流離我自不為惡黃泉今有辭

鮑永

事後母至孝妻嘗母前叱

禮經條七出叱狗不言焉一旦鮑妻去那知在母前

仇覽

為蒲亭長化陳元為孝子民歌曰父母何在在我孝庭化我鵠巢哺所生

蒲亭一長耳何許得歌聲化我鵠巢類而令哺所生

趙咨

有孝行盜嘗夜劫之咨恐母驚乃先至門迎謝盜慙奔

賊來那可通而敢以身迎身豈不知愛心乎恐母驚

鄭康成

家貧假田播殖以為親養時稱為純儒齊魯間宗之

播殖為親養家貧至假田焉知後學者盡喚作儒先

李曇

養親無道終身不仕名與徐孺子等海內列名五處士焉

養親遂樂道不仕至終身海內稱高士非專鄉里人

徐季登

南州高士徐孺子之子篤行孝悌服闋隱居不仕

南州徐高士姓字滿東都有子篤孝行終喪竟不仕

隱居

周燮

有先人草廬結于東岡燮守之曰吾不能追綺季處巢穴屢徵不起

未能追綺季且復守東岡為有先廬在宛山忍道藏

王修

七歲母以社日亡未歲鄰里社修感念母哀甚鄉里為之罷社

去年今社日撫字倍酸辛罷社為兒泣鄉鄰定可人

徐庶

辭先主曰老母先復方寸亂矣王陵曰母為語陵母以老妻故持二心

不勝方寸亂豈暇二心持忍矣王陵將賢哉徐庶辭

孟宗

母冬月思笋宗入竹林哀泣笋為之生

萬象死灰色千林號怒聲何人苦哀泣凍竹強抽萌

顧悌

仕吳為偏將軍每得父書拜跪讀之每句應諾又孝子聽于無聲

地遠隔親面惟憑一紙書句終輒應諾直是聽于無

陸績

六歲見袁術懷橘望地術曰陸郎作賓客而懷橘乎曰欲歸道母術奇之

陸郎作賓客懷橘欲何為遺母當然事袁公乃爾奇

李密

祖言為人子者願為人兄事親之日短人

事親苦日短為子願為兄懇懇報劉語令人涕泗橫

和嶠

王戎居喪飲酒哀毀持甚嶠禮法自持不能踰戎劉毅謂嶠生孝戎死孝

要以禮法論休言哀毀同但觀生和嶠定勝死王戎

王裒

讀詩至蓼莪為輒流涕門人為廢此篇廬墓悲號淚着柏樹樹為之枯

悲哉生我句奈此念親何墓側有枯樹詩中無蓼莪

荀何

晉何曾荀顗俱有孝行傳元稱之曰古稱曾閔今見荀何

古稱有曾閔今復見荀何為孝一而已能行無甚高

王祥

母冬月欲生魚祥解衣將剖冰雙鯉躍出母命守母素每風雨輒抱樹泣

風柰應難守冬魚未易求剖冰不辭凍抱樹可勝愁

祖納

性至孝少孤常自炊爨以養母

視膳子之職何須自執爨閑將心比合並是手成持

丁儀子

陳壽有千斛米為儀作傳子不與壽米文畧大遺親收金請為父傳

尚自不與米何堪大遺金丁儀為有子文略是誣親

范宣

十歲嘗以刀傷手捧手改容人問痛耶口受全之體而致毀傷不可處耳

手直微傷爾如何忽改容不能全所受此痛政無窮

戴逵子

戴顓與兄勸並受琴于父逵父卒不忍琴與兄各造新弄並行于世

戴琴妙一世二子得其聲不忍遺音奏各將新弄行

趙至

兒時從師受業聞父叱牛聲投書泣曰我小未能榮養使老父不免勤苦

莫致兒榮養翻令父苦耕可憐廢書泣不忍叱牛聲

陶侃

每飲酒常歡有餘而恨已竭佐文等勸少進依曰亡親曾見約故不敢踰

陶公宴參佐限極每歡餘憶與亡親約凄然不敢踰

柏冲

小字買德即母病頃羊以解以身質後為江州刺史

不辭身作質只為母須羊此日江州收當年買德即

盛彥

母失明婢伺彥出以蟻螬灸之母即日愈

既知為異物號泣絕遂生米有蟻螬灸翻令母日明

王延

後母令今月永魚出不得杖之流血延

酷矣杖流血奇哉魚躍水能令母心悟不異已親生

楮德逸

度家字叔褒鄰人楮德逸善事其親

至老能無倦真為喜事親叔褒非佞者何事拜鄰人

王悅

導之子有高名事親色養諸子莫及

色養傾餘子高名重有時足為丞相喜豈計外人知

許攸

有孝行鷹隼相搏攸其梁鹿虎援其庭交

能感猛鷲類都無搏噬心同遊至鹿虎共宿有鳩鷹

亦壺子

壺拒蘇峻戰死二子於時相隨赴

父雖得死所兒豈望生存忠孝古難並于今萃一門

皇甫謐

道令平生之物皆無自隨惟資孝經一卷馮亮遺戒手執孝經

盡棄平生物惟齋一孝經死猶不忘孝臨沒苦丁寧

郭原平

以耕者于父母墓前裸袒為嫂乃貴買此田來帶垂泣躬自耕墾

忍向父母墓前頭裸袒耕農時每束帶猶自泣原平

二王

王銓學業不及弟錫而孝行齊焉時人為錫稱金昆玉友

要以孝行取寧將學業論錫無慙玉友銓可謂金昆

樂頤之

嘗病與母隔壁思痛不為呻吟之聲齒被至碎思母疾已也

痛殊未易忍絕不一呻吟豈復知身疾惟愁戚母心

何子平

以俸米易粟支曰尊老在東何心獨享白粟珍肴不可寄母則不受

干祿本為養資身豈所安珍肴與白糝雖美不為餐

解叔謙

母病有老父遺了公藤夫所在有重子侍醫蛇澹授頰含忽不見

膽醫顏母疾藤療解親風忽不見童子俄然失老公

王考之

遺令世人不能純以僕妾直靈助哭當由長至不能純以多聲相亂耳

一事真堪笑令人妾直靈都緣無至性徒欲亂多聲

謝嬀

年數歲而生母微賤得疾畏誓一家早感時至性成爲納履行屏氣語

一家感兒孝不欲使親驚盡作屏氣語咸爲納履行

謝肱

肱莊之子趨宗鳳之子明帝嘗救二人自風莊門入趨宗趨往肱不肯入

直以父名戲其爲君命同肱能禮自處似是勝趨宗

古成詵

以風教自任時年高慕阮籍爲人唐長敏食詵泣曰吾當手及之

禮豈爲我設如傷風教何不堪希阮籍直欲及韋高

華寶

父歲晉末父成長安謂曰須我還爲汝冠後長安陷寶年至七十不婚冠

憶父去時語爾來七十秋終焉不忍冠洒淚望秦州

宗元卿

祖母病元卿在遠輒心痛大病則文痛小病則小痛

異哉宗子孝親疾遠關心每驗痛大小因知疾淺深

劉苞

事嫡母朱氏及所生母陳氏並扇席溫枕

扇席更溫枕古人誰語同一心奉二母自是勝黃童

劉靈哲

母病夢人與藥驚覺得于枕間變母季秋思瓜瓊夢求之遂獲

誰言夢想裏所見惚空花靈哲枕間藥宋瓊秋季瓜

劉瓛

號正簡先生齊高帝召問政道谷曰政在孝經

先生天下士偶迫詔書行勿謂無奇對惟言在孝經

王曾儒

五歲初讀孝經謂授者曰願常讀之

孝經惟始教何但習于初欲得知兒願常常誦此書

江泌

痛不連親養以菜心有生意不忍食所食惟老菜

菜心且不食親念一何深為爾有生意存吾不忍心

庾道愍

少失所生母尋求至文州入一村見一姬負薪心動訪之乃其母也

交州一村裏有姬負薪行萬里瘦道愍心知為所生

張冲

又遺命祭我必以鄉上所出後收青
英帝還吳國取果菜流涕薦焉

未嘗無果菜何至取吳中祭我必土產遺言敢不共

顧歡

有孝行人有病者歡令取孝經看病
枕邊果愈

枕邊何所有一卷仲尼居無處覓盧扁應當寶此書

江淹

採薪養母于樵薪得貂蟬將鬻以供
母養曰此女休徵留之後果為侍中

賣薪圖養母何許得貂蟬知在採薪處庸非吉兆然

庾黔妻

父在家病黔妻忽心驚即棄官歸醫云
寄糞可知差劇每取糞嘗之

驚心已云異嘗糞不妨難庾令何為者憑君着眼看

庾域

母好齷唳域學求不得忽雙鶴來下
戴良自據地作鵲鳴以娛母

惜矣戴良誕賢哉庾域誠真能感鶴淚何至學驅鳴

任昉

又遜性重槲柳終身不嘗母
曾嘗羊棗而曾子不忍食

暫常嗜羊棗遙亦重槲柳參至不忍食昉寧能獨嘗

陸襄

釋年又楊猶若居爰終身蔬食布衣五十

爰居五十戴陸子最堪悲憫獨非人子而云有既時

楮翔

有至行母病祈禱中夜聞空中

謹母昧方寸是處有神明夜半為親禱空中彈指聲

徐孝克

每侍宴無所食敬帝察知得其欲

自今所賜饌特救許將還為爾心餉母君前無所餐

阮孝緒

母病須生人鹿隨之至鹿滅處得參

覓參不可得忽感鹿前行行到鹿滅處元來此地生

袁君正

數歲父昂疾晝夜侍奉家人勸令

家人勸我睡共說不眠難官既未得羗眠時自不安

皇侃

性至孝日限誦孝經二十篇以

儒釋本同途遺經非爾殊未應普門品勝似仲尼居

吉玘

丹揚尹以其未代父命欲舉純孝玘曰何待玘之詩曰父負名一何其辱

父身如可待子死乃其情尹代我何詩而將此買名

吳明徹

父未葬勤力耕種天旱苗枯明徹曰中仰天說新苗更注秋天熟

苗枯親未葬號泣日子田誰謂竟不雨而能獨有年

徐盼

父病疾馬盼焚香涕泣跪誦孝經晝夜不息如是三日父疾居然而愈

父疾亦云篤如何豁爾平孝經惟泣誦晝夜不停聲

雷紹

少習騎射後辭母志叩從學嘗讀書至人行莫大于孝感嘆還鄉里侍養

行莫大于孝其如違養何只消一句子安用讀書多

楊悟

幼喪母其弟源子恭與飲問誦詩曰誦至渭陽悟便說

渭陽曾讀未對酒偶言詩舅作如此語况那能不悲

趙琰

以國菜積四十餘年不得越閭葵二親于舊地自痛恨惟食麥至絕滋味

禮稱親未葬喪服不除為食麥斷鹽味悲哉四十年

寇祖訓

父母平生曹孟德銅雀臺遺令

必如寇祖訓始不死其親孟德空遺令不乎真罪人

王崇

以孝感風電至崇田風電如初便止未麥並無

風電忽止處未麥獨依然料得天公得知為孝子田

房景伯

為清河太守名不孝者觀已事母其

親見房太守殷勤奉旨甘那能不心愧豈止是顏慚

元子華

母衣欲還大母吐人謂中毒子華

未必食有毒人言疑似間不辭噉母吐圖得母心寬

劉獻之

海學者曰百行殊途要以孝為首倘不能然雖下惟繡橋竟何益乎

百行孝為首諸人倘未能下惟空自苦躡屩竟何裨

崔道固

母賤諸元道其母持灸致賓前道固篤接謂客曰老親自執劬勞

是誰迫我母持灸致諸賓驚起自接取云賓此老親

于仲文

九歲周太祖問曰開兒好讀書否有何事對曰貧父事君忠孝而已

讀書無見處與不讀書同勿謂兒年小能知孝與忠

李贇

送師學或議其深不進答曰豈能領徒授業至于志孝之道實銘于心

誰知學進處不在好為師好把銘心底分明說與伊

李崇

封侯富報主恩恐不得終于孝養

封侯何爾泣兒幼乃無勤恐莫終親養應將報主恩

李士謙

少孤未嘗飲酒食肉絕口殺害之言陸襄親沒終身不敢言殺害之

殺生非孝也人未必云然絕口殺害語君看自少年

文中子

汾水之陽有先人之敝廬在焉可以具饘粥彈琴著書不領仕也

先人舊所理汾曲有田廬何意求聞達彈琴自著書

房元齡

以孝稱父彥謙曰人皆因祿富我獨以宦貧而適子孫惟清白耳

人皆因祿富我獨以宦貧佩父清白訓為唐第一人

陳叔達

御前賜蒲萄不食曰臣母病渴願歸以遺母帝唱然曰卿有母遺乎

蒲萄歸遺母所嗜固應思卿乃有母遺誰知此語悲

韋陸

韋承慶被後母管第嗣立辭承代陸景融見元象先被杖輒自楚怡母

不惜以身諫惟愁失母慈景融常自楚嗣立每求管

狄仁傑

求代鄭崇質使絕域以鄭母老疾宗元領以柳易播曰夢得親在堂

狄請使絕域柳甘易播州為憐劉母在深恐鄭親憂

崔元暉

至孝母或以從官有人未云貧乏是好消息若聞富足是惡消息

從為從官好不異在家貧忍以惡消息而令戚我親

李迥秀

母氏庶賤妻在氏嘗詈媵婢母聞不樂包秀即出其妻

生我者為母無緣貴賤分不思罵婢語何可使親聞

韋虛心

父維為郎時薛柳于庭及虛心居郎省對之輒斂容

父居郎省日蒔柳向中庭對柳如對父那能不斂容

歐陽通

居喪詔奪哀每入朝徒跣及門衣直藉藁以寢還家輒親泣

夜直藉藁寢入朝徒跣行雖知坦明詔可惜欠陳情

劉禕之

相王府司馬帝謂曰卿家忠孝朕子賴以師範冀蓬在麻不扶自直

卿家著忠孝朕子賴師模蓬在麻中直多應不待扶

韋景駿

有母子相訟者景駿曰余少不天常自痛極爾幸有親而忘孝耶

長抱閔極痛嗟余少不天汝今幸有母不省汝胡然

張九齡

至孝居父喪哀毀庭中木連理居母喪尤不勝哀有紫芝生坐側

連理庭中木叢生坐側芝朱嘗聞孝感一一有茲奇

顏真卿

以孝稱祿山及獨真卿城守帝曰朕不識真卿何如人所為乃若此

祇是見忠節何曾省孝誠唐宗休嘆息猶未識真卿

韓思復

封長山縣伯明皇親題其墓曰有唐忠孝韓長山墓

向來曹孟德曾擬表西征那得忠孝字金書作墓提

崔縱

以母事其父變長妾同酷雖縱顯官而教習話能率妻子水色不辨

直以母事妾祇云父所安可憐遭楚毒加意共承顏

崔沔

母前受吊廬前賓客不至極室曰平生非至親不入沔豈以存亡廢禮

憶昨升堂拜何曾有雜賓事亡忍廢禮不後問疎親

李人

兄弟考謹至甚又親以文章自名兄弟同為一集華等集

俱以文章顯無慚孝謹稱弟兄同一集華等著嘉名

裴子餘

謚曰孝張說曰此謚可無愧矣

直以孝為謚真無愧此心可憐張說嘆知得子餘深

李勉

江西觀察使郟人有為父病廬盡者書勉姓名埋之勉曰是孝也不誅

不誅人厭已而恕子祈親賢矣李觀察今無後此人

陽城

諸諸生曰學者所以學為志孝諸生有不歸者于明日請歸者二十人

學者學為孝諸生務講明謁歸二十輩母乃為陽城

段秀實

薛孝童朱泚為逆以秀實失兵必恨憤遣騎迎秀實奪笈孳泚以死

意其失兵久怏怏必吾從奪笈直前擊那知是孝童

李晟

少孤事母孝後平朱泚後京師贊曰身佩安佩

箇是一孤兒曾聞事母時身能幾許大却佩國安危

元德秀

字紫芝家貧舉進士不忍去母左右自負母入京師

進士能舉母偏親不忍離紫芝亦良苦負母入京師

穆寧

或子曰孝子事親養志為大吾志直道而已苟枉道三往五出非吾樂也

倘非親所樂至枉道而行難以三牲養難辭不孝名

侯程

廬墓哭泣無節侯知道七年程供羅三年不止李華作二孝贊

三年天下共胡爾獨終身無處看深痛何心求過人

李唐

見肅宗抱幼女謂唐曰我念之鄉勿怪也唐曰上皇恩先陛下計亦如此

我念卿母怪難拚膝上兒好將南內意說與肅宗知

韓滉

當列戰以不欲壞父時第門而止不許增堂廡日先君容為吾奉之而已

謹勿第門壞那容堂廡增父猶足乎此我碩莫之承

賈直言

父道冲坐事賜鵠直言給取鵠代飲迷而路明日毒漬之出父乃獲

幾曾聞飲鵠有不隕其身那得獨全活天應知代親

李景讓

蔣仲酌酒曰有孝于家忠于國者飲此景讓起卒爵仲曰無且于公

既爾家能孝還于國盡忠誰宜舉斯爵知是莫如公

韓愈

谷元稹書甄逢能顯其父侯當得書董生行云刺史不能薦天子不聞名

未有子之孝而公不用情大書甄濟傳更作董生行

柳宗元

善先友于父碑陰皆當世聞人中說黃隋唐名臣或云福時可集

乃翁定竒士先友盡斯人福時知己故儀曹意轉新

甄逢

以父濟名不在國史欲請京師自言元稹為移書韓愈又奏滋表贈濟言

史書良為稹褒詔却因袁足使濟不朽何堪逢自言

董召南

讀書躬耕以養父母韓愈董生行云爵祿不及門惟有吏未徵租錢

躬稼復樵漁養親遂讀書不聞官賜帛惟見吏催租

李興

有至行柳子厚為作孝門銘曰引及自白殘敗肌形羸本進受勞考誠

割股如為孝還應載聖經莫明柳子意因甚取殘形

何蕃

事父母孝學太學歲一歸父母不許二歲亦不許凡五歲慨然揖諸生去

五載莫歸省雙親誰問安固云親有命不謂我何顏

鄭潛曜

母疾亟為書獨不化翌日乃愈神許二字獨不化翌日乃愈

願以身代母書焚上徹天若非神許我未必字依然

裴敬奕

母病醫許仁則覺不能來敬奕自為與往迎

親命懸醫手敢將親命輕為輿不辭往重母故身迎

張志寬

為里正忽詣縣補母疾求歸曰母有疾志寬輒病令馳驗如言

何忽省母病每因親疾故可憐張里正尚得令君疑

趙隱為相退朝侍養如布衣嘗侍母觀御宴隱率百官拜恩于庭回班候起居

至今說花縣當日奉潘與未必若趙母回班候起居

路隋父泌限隋尚嬰稱及長日夜號泣母告以其親酷類父終身不引鏡

兒貌酷類父父知兒不知可堪引鏡照正復益兒悲

李納宰相楊收欲市納兄舍以廣第納叱曰先人舊廬為權貴後笑地耶

先人敝廬在觸目百悲辛忍作優笑地圖娛權貴人

許孝謹甫三歲母病不飲乳有愛乞或以餅悅之不食遂以進母

既不忍飲乳還能知進親何曾自人教端是出天真

柳玼戒子曰名門子孫精有纖瑕十子爭指生雖苟祿死何面目見祖先也下

名子難為父纖瑕即辱身直須留面目他日見先人

韋溫疾病召親屬賦父緩詩在室愧屋漏因泣曰今知汝身不負斯滅矣

常恐愧屋漏追懷在室詩可憐忍死誦不負乃今知

林橫

為福唐尉去官侍母疾廬墓降甘露
詔立雙闕又表其廬時辨闕下林家

七閩獨蒲郡雙闕鬱相望豈識林孝子曾未尉福唐

右賢者之孝二百四十首

釋迦

欲入涅槃遣弟子昇天報母至從
棺湧出為說母子恩情今日離別

八般涅槃際拳拳報母知從棺更湧出為母說分離

老子

送孔子曰為人子者無以有已

子之于父母無以有其身老子玄虛祖諄諄此語人

孝悌王

有真人下降宛州孝子蘭公之家
曰吾居斗中為孝悌王

七星明歷歷萬古仰煌煌誰識斗宮內中居孝悌王

目連

拔母生天故世人以七月十五
日蘭孟會

能將身入地拔取母生天歲歲蘭孟會今猶說目連

許真君

鄉舉孝廉後得仙蘭公云傳孝
道之宗為眾仙之長

鄉以孝廉舉仙為孝道宗謂予言不信君請問蘭公

吳真君

年七歲及月犬身父母床下
不驅蚊曰經去已而望親也

何事不驅蚊癘然床下身傷膚非所懼所懼去傷親

六祖

新州人常賣薪養母後侍五祖衣鉢

新州在何處有箇養親人一旦成佛去那知昔賣薪

睦州

祥家呼為橋板漢每自閉門自
織蒲鞋以養母

捨俗還將母禪闕海迹深共呼橋板漢誰識織蒲心

蘓仙公

得仙道白日上升留一空櫃與
母曰若有所得敲櫃即得

世傳蘇氏子白日去登仙念母留空櫃敲時即得錢

寒山子

見人家烹羊豕即曰
煮你爺煮你娘

錫裡爺娘語寒山太猛生不妨時着眼直是得人驚

右仙佛之孝十首

辟司徒妻

齊師敗曰君免乎銳司徒免乎曰首吾君與吾父免矣可若何

君父今安在諄諄免矣乎可憐齊女子不問辟司徒

雍姬

謂其母曰父與夫孰親其母曰父一而已胡可比也

可憐姬告母父孰與夫親能置此一問未為愚婦人

衛女

父母終思歸寧而不得筵彼泉水亦流于淇

歸寧不可得何以寫吾愛不似肥泉水悠悠淇上流

北宮女

至老不嫁以養父母母趙后問齊使曰此女不朝何以王齊國子萬氏

妾身期不嫁至老養雙親何意趙威后殷勤問使人

秋胡子妻

薄其大與道旁桑婦全不以奉母曰妾不忍見不孝不義之人

妾面羞君而君心異妾心那能不念母却遺別人金

趙津吏女

簡子欲殺其父女乞以身代簡子噴之破以為大人辭以親在

倘得代父死誠以愛妾身不圖君聘妾向道有嚴親

如姬公于無忌為姬報父仇如姬之

底事能令妾為君死不辭不思君遣客報妾父仇時

緹縈

父淳于公有罪當刑縈上書乞洩為官婢贖父罪文帝憐之詔除肉刑

仁矣文皇詔悲哉少女書至今民受賜非但活淳于

陳孝婦

其夫遠戍屬日吾若不歸汝善養吾母夫死戍所竟不嫁為于事姑

妾昔與夫別夫曾共妾言忍能幸夫死不復顧姑存

東海孝婦

事姑甚孝為姑女証告殺姑獄具竟論赦郡中枯旱三年

如何殺一婦能致旱三年孝婦無知者知之惟老天

曹娥

父時為巫溺死不得屍娥亦自沉縣為立碑蔡邕題八字謂純妙好詞

上虞一巫女名乃至今垂端的申純孝非專在好辭

梁夫人

媿詔父誅免詔改項恭懷后追封誅褒親慈侯仍徵遂媿母

能返母萬里遂榮父九原可憐帝有母亦自待人言

孔融女

七歲父先為曹操所殺女臨刑曰若死者有知得見父母豈非至願

不憂身即死惟恐死無知倘得從父母寧非我所期

宣文君

宋氏後傳授諸生張曰汝可受之

難把父書讀祇因手澤存遺言汝可受忍使世無聞

宛陵女子

母夜為猛獸所取女攀母持獸行數十里獸毛盡落置其母去

異哉一女子獨抱母啼號非但脫虎口還能落獸毛

盧元禮妻

事姑以孝聞詔拜曰貞女宗

貞孝謚已美何堪復女宗一朝下明詔千載被流風

木蘭

古樂府云阿爺無大兒木蘭無長兄願馳千里馬從此替爺征

謹勿悲生女均之有至情紫能贖父罪蘭亦替爺征

鄭義宗妻

盜衣劫其家冒及五姑側為賊持搖幾死竟不去

抵死侍姑側寧知有妾身若懷白及碩尚得謂之人

李孝女

安祿山亂被劫徙它州聞父亡從
間道奔表既知父已葬廬墓終身

奔表脫賊手廬墓至終身此大丈夫事誰云一婦人

崔氏婦

唐氏事姑孝姑病召長幼言吾無
以報婦但願歸子孫皆若婦孝

姑今病且死頗愧婦思深但願婦有子皆若婦用心

右婦女之孝二十首

東夷大連少連

孔子曰大連少連善居喪
東夷之子也

大連少連者夫子筆之書誰識東夷子而於喪善居

若鞮單于

匈奴謂孝曰若鞮稱若鞮單于
王莽改匈奴單于為恭奴善子

漢語雜胡語堪唾莽太愚安知若鞮字已是孝單于

休屠王子金日磾

降漢收馬甘泉宮見母
像泣拜後受遺詔輔政

收馬一胡兒如何却受遺多因漢宮裏泣拜盡閼氏

西羌東吾

以父漢吾降漢乃入居塞內
謹愿自守

循循祇自守何獨此羌然直以父在漢忍將身犯

號吾

章和二年將其母及種人八百戶自塞外來降

如何降塞下不復戀羌中既是能將母還應知向風

百濟王扶餘義慈

高麗孝與兄弟友時號海東曾子

夷方雖爾異天性本然同自昔聞曾子如今在海東

扶桑國

親長七日不食設座為神像朝夕拜奠

不食至七日能將禮自居既然嚴像設亦復奠朝晡

吐谷渾葉延

父為羌所刺葉延縛草為人射之母曰賊已屠膾矣何益

父仇已屠膾射草復何為豈不念無益其如罔極悲

回紇

郭子儀平野見虜傳呼曰令公來回紇驚拜曰果吾父也

督爾驚吾父同然拜令公遙知恩義重恰似與真同

沙陀阿趺光進

有至性居母喪三年不歸寢

三年不歸寢至性切于親不信沙陀種還生如此人

右夷狄之孝十首

鳥鳥整整林鳥反哺其母

靈鳥噪何許反哺向中林人可不如鳥而無愛母心

鶴鳴鶴在陰共子和之

好是鶴鳴陰居然子和聲休云氣所感自是物之情

燕雀子母共處于一屋之下相哺相哺也

共母一屋下寧知屋欲然不須譏寡知相哺政堪憐

虎狼虎狼于仁也父子相親何謂不仁

虎狼不仁也何乃謂之仁仁之于父子父子亦相親

猿蜀躡見猿抱子樹上引弩射中其

不忍身逃箭知為母塞瘡人心有如此獸面奉何德

犬

唐齊瓊家犬隱由喉間出病母于親垣收養之瓊死犬亦不食而斃

食肉隱兩頰飼母向親垣終感主養母能將死報恩

羊羔

唐屠者王甲將到一母羊忽失其刃尋覓以起一羊羔見所失刀藏腹下

已分機上肉誰藏腹下刀安知羊不死乃復自羊羔

豺獺

下至禽獸豺獺有祭人而不祭豺獺乎

曾聞豺祭獸還見獺陳魚人苟不知祭能如豺獺乎

蛇

漢竇武母產武并產一蛇後母葬有大蛇出榛莽以頭擊柩流血有哀泣之容

似有人傳訃來從榛莽中叩頭至流血垂泣有哀容

青蚨

水出于母不相離

子母不相離何心辨搗蚨忍能利銅臭不枉

喚青蚨

右禽獸昆蟲之孝十首

